

ՎԱՂԻՆԱԿ ՎՐԴ. ՄԵԼՈՅԵԱՆ

ԱՄԵՆՈՐԵԱՅ ԱՃՈՒՄ ԱՍՏՈՒԾՈՅ ԽՕՍՔՈՎ

«Երբ Քրիստոս՝ ձեր կեանքը՝ յայտնուի, այն ատեն
դուք ալ փառքով պիտի յայտնուիք անոր հետ» (Կղ 3.4)

ՊԵՅՐՈՒԹՅ, 2006

Յունուար 1

Իսկական նոր տարին

Դարձեալ նոր Տարուան մը սեմին ենք: Եւ հարց կու տամ, թէ՝ ի՞նչն է որ տարին կ'ընէ «նո՞ր»: Իսկական նո՞ր Տարին կը սկսի միայն այն ատեն՝ երբ Աստուած շնորհէ մեզի «նո՞ր սիրտ» ու «նո՞ր հոգի» (Եզ 36.26): Զկա՞յ նոր Տարի առանց սրտի ու հոգիի նորոգութեան: Զկա՞յ նոր Տարի առանց Քրիստոսով նո՞ր մարդ դառնալու որոշումին: «Եղէ՛ նո՞ր մարդ» կը յանձնարարէ Աստուծոյ մարդը՝ Պօղոս (Եփ 4.24): Նոր Տարին կը դառնայ նո՞ր, երբ թոյլ տանք որ Աստուծոյ Հոգին «նոր իւղով» օծէ մեզ (Աղ 92.10): Իւղով մը՝ որ իրեն հետ պիտի բերէ աստուածային օրինութիւններ: Սիրելի՝ եղբայր եւ քոյր, քեզ կը հրաւիրեմ որ նոր Տարին դիմաւորես նո՞ր որոշումով մը: Այդ որոշումը Քրիստոսի դառնալու եւ Քրիստոսի վատահելու որոշումն է:

Յունուար 2

Փնտոել զՔրիստոս զայն երկրպագելու նպատակով

«Մեմք... եկամք երկրպագելու իրեն» (Մտ 2.2): Մոգերը նորածին Փրկիչը տեսնելու հետաքրքրութենէ մղուած չէ որ կը փնտոէին զինք: Անոնց նպատակը իրեն երկրպագելն էր: Տարբեր նպատակով պէտք չէ փնտուենք Քրիստոսը: Այսօր որքա՞ն մարդիկ կան որոնք եկեղեցի կ'երթան ո՞չ թէ հանդիպելու Քրիստոսի եւ երկրպագելու իրեն, այլ հանդիպելու իրենց բարեկամներուն: Եկեղեցի կ'երթան ո՞չ թէ լսելու Քրիստոսի ձայնը, այլ լսելու քարոզիչին կամ իրարու ձայնը: Ինչպէս մոգերը երբ տուն մտան իրենց ուշադրութիւնը կեղրոնացուցին Յիսուսի վրայ եւ ո՞չ թէ ուրիշ բանի մը վրայ, այնպէս ալ մենք, երբ եկեղեցի երթանք՝ պէտք է մեր հայեացքը կեղրոնացնենք Յիսուսի վրայ:

Յունուար 3

Պարապ ձեռքերով չգանք Քրիստոսի

«Ապա բացին իրենց արկղերը եւ Յիսուսի ընծայեցին իրենց նուէրները՝ ուկի, կնդրուկ եւ զմուռս» (Մտ 2.11): Թողունք առայժմ թերուած նուէրներուն իմաստը յայտնաբերելու աշխատանքը: Մոգերը սորվեցուցին մեզի թէ նշմարիտ երկրպագութեան պէտք է ընկերանայ նաեւ նուէրներ: Աստուծոյ երկրպագութեան եկող մարդը իր գրպանեն տալէ առաջ իր սիրտէն պէտք է տայ: Իրական երկրպագութիւնը մեր

սիրտերը Աստուծոյ ընծայելն է, մեր փափառերն ու երազները անոր ոտքին առջեւ դնելն է: Մեր սիրտերու ընծայումին պէտք է յաջորդէ մեր պատրաստակամութեան եւ կամքին ընծայումը, մեր կարողութեանց ու տկարութեանց ընծայումը, մեր փափառներուն ու փառքին ընծայումը:

Յունուար 4

Յիսուս գիտէ մեր նեղութիւններուն մասին

«Կը խղճամ՝ այս բազմութեան, որովհետեւ ահա երեք օր է որ մօտս են եւ ա՛ ոչինչ ունին ուտելիք» (Մտ 15.32): Երեք օրէ ի վեր կիզիչ արեւին տակ հոծ բազմութիւն մը կը հետեւէր մարդոց Հովհիւն՝ Քրիստոսի: Սա ցոյց կու տար անոնց կամքին զօրութիւնն ու նախանձախնդրութեան կրակը, ցոյց կու տար անոնց կապուածութիւնը Քրիստոսի ու անոր խօսքին: Քրիստոս գիտէր որ անոնք երեք օրէ ի վեր իրեն հետ էին, գիտէր անոնց յոգնածութեան ու սպառած վիճակին մասին: Հոսկէ կը սորվինք այն՝ որ Քրիստոս գիտէ իր հետեւորդներուն կրած նեղութեան մասին: «Գիտեմ քու գործերդ, վաստակդ եւ համրերութիւնդ» (Յշ 2.2): Ան մեր թափած արցունիները իր տիկին մէջ պահած է (Սղ 56.8):

Յունուար 5

Փնտուենք Քրիստոսը մոգերու եռանդով

«Ո՞ւր է Հրեաներու նորածին թագաւորը» (Մտ 2.2): Մոգերը նախանձախնդրութեամբ կը փնտոէին մանուկ Յիսուսը եւ վճռած էին գտնել զայն: Աստուած գնահատելով իրենց նախանձախնդրութիւնը, աստղի մը միջոցաւ առաջնորդեց զիրենք նորածին Յիսուսի: Այսօր ալ Աստուած կ'առաջնորդէ մարդիկը գտնելու իր Որդին, բայց ո՛չ աստղի միջոցաւ, այլ իր կենդանի խօսքին, իր Սուրբ Հովհին եւ մեր կեանքին մէջ կատարած իր գործերուն միջոցաւ: Ան որ փափաք ունի Յիսուսը տեսնելու՝ անպայման պիտի վայելէ Աստուծոյ առաջնորդութիւնը: Մոգերու եռանդով Քրիստոսը փնտող մարդը՝ անկասկած որ պիտի հանդիպի Քրիստոսի, որովհետեւ «փնտողը պիտի գտնէ» (Մտ 7.8):

Յունուար 6

Մեր սիրտերը՝ ծննդավայր Յիսուսի

Երբ Յիսուս ծնաւ, Մարիամ զայն «Փաքքեց խանձարուրի մէջ եւ դրաւ մսուրի մը մէջ, որովհետեւ պանդոկին մէջ իրենց համար տեղ չկար» (Ղկ 2.7): Աշխարհ տուն ու տեղ չտուաւ իր Ստեղծիչին: Այսօր, իր

ծնունդէն շուրջ երկու հազար տարի ետք, Յիսուս դարձեալ տեղ կը փնտուէ ծնելու համար, տեղ կը փնտուէ իր գլուխը դնելու համար. «Մարդու Որդին գլուխը հանգչեցնելիք տեղ մը չունի» (Մտ 8.20): Սիրելի՛ ընթերցող, ամէնէն թանկագին նույրը որ կրնաս Յիսուսի տալ իր ծննդեան տարեդարձին առիթով, սիրտդ է: Ան կ'ուզէ սրտիդ մէջ ծնիլ, որպէսզի նոր ծնունդ պարգևել քեզի: Թող որ Յիսուսի մարմնաւոր ծննդեան տարեդարձը քեզի համար ըլլայ հոգեւոր ծննդեան առիթ, Սուրբ Հոգիին շնորհենվ:

Յունուար 7

Քրիստոսի եկողը ունայն պիտի չդառնայ

«Զեմ՝ ուզեր զիրեմք ամօթի տում դրկել, որպէսզի չըլլայ թէ ճամրու ընթացքին մարին» (Մտ 15.32): Քրիստոս մարդուն միայն հոգեւոր անօթութեամբ չէ որ մտահոգ է, այլ նաեւ Ֆիզիքական անօթութեամբ: Ուշագրաւ որ ան երրորդ օրուայ աւարտին հասնելէ ետք միայն է որոշեց կերակրել եւ արձակել զիրենք: Կարծէք ի՞նքն էր որ անօթեցուց եւ կերակրեց զիրենք (Բ.Օր 8.3): Սա կը պարզէ որ Քրիստոս կրնայ իրեն դիմողին եւ իրմէ բան մը խնդրողին իսկոյն պատասխան չտալ, այլ միայն այն ատեն՝ երբ կարենայ անոնց ներսիդին հոգեւոր ծարաւ մը գրգոել: Յիսուս իրեն եկողին դատարկ չի վերադարձներ: Ուստի, լայն բաց բերանդ եւ ան պիտի լեցնէ (Սղ 81.10):

Յունուար 8

Փորձութեան անապատ չերթանք յօժարակամ

«Յիսուս Սուրբ Հոգիին կողմէ տարուեցաւ անապատ...»: Երկրորդ բան մըն ալ կը սորվինք այս համարէն: Կը սորվինք այն՝ որ եթէ Աստուած ըլլայ մեր առաջնորդը փորձութեան ընթացքին՝ յաղթական դուրս պիտի գանք փորձութենէն: Առանց Աստուծոյ արտօնութեան Սատանան չի կրնար մեզ փորձել: Սուրբ Հոգիին կողմէ տարուիլը ինքնին ցոյց կու տայ Աստուծոյ արտօնութիւնը: Մենք զգոյշ պէտք է ըլլանք ինքնակամօրէն չերթալու փորձութեան անապատը, եւ ո'չ ալ ապաւինած մեր սեփական զօրութեան՝ յանդգնինք մարտահրաւէր կարդալ Սատանային: Եթէ նման բան ընենք՝ Աստուած կրնայ մեզ առանձին թողուլ մեր «նակատագիրին»:

Յունուար 9

Աստուած մեր կողքին է լերան մը նման

«Ինչպէս Երուսաղէմ լեռներով շրջապատուած է, Առյօնակու Տէրը իր ժողովուրդին չորս կողմն է, ասկէ յետոյ մինչեւ յաւիտեան» (Սղ 125.2): Ինչո՞ւ Աստուած ինքզինք լերան կը նմանցնէ: Հոս լեռը խորհրդանիշ է ապահովութեան, անսասանութեան եւ պաշտպանութեան: Այս իմաստով, Աստուած կը խոստանայ անսասան լերան մը նման իր զաւակներուն կողդին ըլլալ, եւ ապահովութեան ու վստահութեան զգացումներով լեցնել զիրենք: Աստուած ո՞չ միայն կը պահպանէ իր զաւակները, այլեւ կը պաշտպանէ: Աստուծոյ յուսացողները իրենց կարգին լե՛ն են (Սղ 125.1): Անհայելի լեռ մը՝ ուր մահն ու դժոխքը չեն կրնար բարձրանալ:

Յունուար 10

Մեր հայեացքները դէպի երկինք սեւեռենք

«Քեզի՛ կը բարձրացնեմ իմ աչքերս, ո՞վ երկինքի մէջ Բնակող» (Սղ 123.1): Բազմաթիւ նեղութիւններու մէջ ինկած եւ սակայն հայեացքը Աստուծոյ սեւեռած մարդու մը խօսքն է այս խօսքը: Քրիստոնեայ մարդը պէտք չէ մոռնայ որ ինք ունի երկնաւոր Փրկիչ մը որ իբրեւ «քոյոր երկրի Դատաւորը» (Ծն 19.25), կը նստի բոլոր երկինքներէն վեր եւ նկատի կ'առնէ այն բոլոր նեղութիւնները որոնց կը հանդիպին իր զաւակները: Նեղութեանց մէջ ըլլանց թէ ոչ, պէտք է սորվինք մեր հայեացքները ուղղել դէպի երկինք: Երկիր երկինքին հովանաւորութիւնն ու առաջնորդութիւնն է որ կը վայելէ, ուստի ո՞վ երկիր ու ո՞վ երկրաւորներ, երկինքն նայեցէք:

Յունուար 11

Սուրբ Գիրքը կը փոխէ մեր կեանքը

Կը Պատմուի թէ հիւսիսային Ափրիկէի մէջ մարդակեր մը դարձի կու գայ եւ ինքզինք կը նուիրէ աղօթքի եւ Սուրբ Գիրքի ընթերցանութեան: Օր մը հանրային պարտեզի մը մէջ նստած երբ Սուրբ Գիրք կը կարդար, Ամերիկացի մը կը տեսնէ զինք եւ ծաղրելով կ'ըսէ. «Դում, ո՞վ Ափրիկեցի, դո՞ւմ ալ սկսար Սուրբ Գիրք կարդալ»: Նորադարձ Ափրիկեցին կը պատասխանէ ըսելով. «Եթէ ես Սուրբ Գիրք չկարդայի, դում հիմա իմ ճաշս եղած պիտի ըլլայիր»: Այս պատմութիւնը մեզի կը սորվեցնէ, թէ ինչպէս Սուրբ Գիրքը կրնայ փոխել մարդուն կեանքն ու նկարագիրը: Ատիկա մարդակեր մարդու կը վերածէ մարդասէր մարդու:

Յունուար 12

«Տէ՛ր, յիշէ՛ զիս...»

«Տէ՛ր, յիշէ՛ զիս, երբ ժու թագաւորութեամբդ գաս» (Ղկ 23.42): Քրիստոսի խաչակից աւագակը աշխարհի մէջ եղաւ առաջին անձը որ այս բառերը արտասանեց: Իրմէ ետք միլիոնաւոր հաւատացեալներ կրկնեցին նոյն իր խօսքը, յայտնեցին նոյն փափաքը՝ տեղ ունենալ թագաւորութեան մէջ: «Տէ՛ր, յիշէ՛ մեզ, երբ ժու թագաւորութեամբդ գաս»: Յիշէ՛ մեզ երկնաւոր Հօր դիմաց եւ բարեխօսէ մեզի համար: Յիշէ՛ մեզ երբ գաս աշխարհը դատելու եւ գթա՛ մեր վրայ: Յիշէ՛ մեզ երբ կենաց գրքին մէջ արձանագրուած անունները աչքէ անցնելու սկսիս: Յիշէ՛ մեզ երբ սկսիս յաւիտենական ու անդառնալի վճիռ արձակելու: Յիշէ՛ մեզ մեր մահուան պահուն եւ բարի հրեշտակներդ դրկէ մեր դիմաւորութեան: Յիշէ՛ մեզ:

Յունուար 13

Ի՞՞նչ կը նշանակէ «մեր կեանքը յանձնել Քրիստոսի»

Քրիստոս գերիներ չի փնտոեր, ընդհակառակը, մեղքի ու մահուան գերութենէն ազատի ուզող հոգիներ կը փնտոէ: Ուստի, «մեր կեանքը յանձնել Քրիստոսի», երբեք չի նշանակեր բռնակալ Սատանայէն ազատի, իյնալու համար ուրիշ «բռնակալի» մը՝ Քրիստոսի ձեռքը: Քրիստոս բռնակալ չէ: Քրիստոս ազատարարն է մարդկութեան: Բռնակալը Սատանան ու աշխարհն է՝ որոնք կը ստիպեն մեզի ընելու իրենց կամքն ու փափաքները, իսկ Քրիստոս, երբեք չ'ստիպեր մեզի ընելու իր կամքը եւ կամ որեւէ բան: Ան կը յարգէ մեր «ազատ կամքով» ստեղծուած ըլլալու հանգամանքը: Սատանան մեր կեանքը խլող ու թունաւորող մըն է, իսկ Քրիստոս՝ մեր կեանքը խնդրող ու բաղցրացնող մըն է:

Յունուար 14

Ի՞նչո՞ւ «մեր կեանքը յանձնել Քրիստոսի»

Պէտք է «մեր կեանքը յանձնել Քրիստոսի», նախ որովհետեւ Քրիստոս ի՞նքն է Տէրն ու տուիչը մեր կեանքերուն: Քրիստոս Տէրն է մեր կեանքերուն, որովհետեւ իր արիւնով զանոնիք գնեց: Ինչ որ գնեց, կը նշանակէ իր սեփականութիւնը եղաւ, եւ հետեւաբար, իրեն պէտք է յանձնուի: Երկրորդ, մեր կեանքը պէտք է յանձնել իրեն, որպէսզի ամեն տեսակի վտանգէ հեռու ըլլայ մեր յաւիտենականութիւնը: Եթէ մեր կեանքը յանձնենք Քրիստոսի, ան կը դառնայ պատասխանատուն եւ հետապնդիչը մեր փրկութեան: Քրիստոսի յանձնուիլ, կը նշանակէ զինք պատասխանատու նշանակել մեր փրկութեան, մեր հոգեւոր ու մարմնաւոր ազատագրութեան, մեր յաւիտենական հանգիստին ու երջանկութեան:

Յունուար 15

Ինչպէ՞ս «մեր կեանքը յանձնել Քրիստոսի»

Յանձնելու համար մեր կեանքը Քրիստոսի, նախ պէտք է անդրադառնալ որ կորսուած վիճակի մէջ կը գտնուինք եւ կարիքը ունինք փրկութեան: Անդրադառնալուն պէտք է ընկերանայ փափաքը՝ անկեղծ ու սրտաբուղիս փափաքը: Երբեմն Յիսուսի դառնալու մեր փափաքը յանկարծ կրնայ զօրանալ. ասիկա Սուրբ Հոգիին մեր սրտերէն ներս տարած աշխատանքին արդիւնքն է: Երբ նման փափաք արթննայ մեր մէջ, իսկոյն ծնրադրենք եւ ըսենք. «Տէ՛ր Յիսուս, ես քեզի պէտք ունիմ, որպէսզի կարենամ իմ այս վիճակէս դուրս գալ: Կը յոստովանիմ մեղքերս եւ անձս իր ամրող տկարութիւններով ու մեղքերով ոտքերուդ առջեւ կը դնեմ: Եկո՛ւր եւ քագաւորէ կեանքիս մէջ: Ասկէ ետք դում եղիր իմ առաջնորդս, կ'աղաչեմ քեզի»:

Յունուար 16

Եկեղեցիին տրուածը՝ Աստուծոյ է որ կը տրուի

Անգամ մը եկեղեցւոյ հովիւ մը կոչ ըրաւ իր ժողովուրդին նուէրներ բերելու եկեղեցիին: Հովիւին ուշադրութիւնը գրաւեց որ նուիրատուներուն մէջ անթացուակերով ֆալոդ կաղ աղջիկ մը կար, որ խորանին մօտենալով իր մատէն հանեց մատանին եւ դրաւ խորանին վրայ: Հովիւին սիրտը գութով լեցուեցաւ անոր հանդէպ: Պաշտամունքի աւարտին, ան մօտեցաւ կաղ աղջկան եւ մատանին անոր վերադարձնելով ըսաւ. «Աղջիկս, եկեղեցին պէտք եղած նուէրը հաւաքեց, ուստի կրնաս վերստին մատանիդ առնել»: Աղջիկը տրտմած բայց յանդիմանական շեշտով մը պատասխանեց. «Պատուելի, այս մատանին ես ձեզի չտուի այլ Տիրոջ»:

Յունուար 17

«Տէ՛ր, եթէ ուզես՝ կրնաս զիս մաքրել»

Լերան ֆարոզի աւարտին երբ Յիսուս լեռնէն վար կ'իջնէր, բորոտ մը մօտեցաւ իրեն եւ ըսաւ. «Տէ՛ր, եթէ ուզես՝ կրնաս զիս մաքրել» (Մտ 8.2): Մատթէոս աւետարանիչ կ'արձանագրէ թէ Յիսուս «ձեռքը երկարեց, դպաւ անոր» եւ «անմիջապէս անոր բորոտութիւնը մաքրուեցաւ» (8.3): Բորոտութիւնը միայն մարմինի հիւանդութիւնը չէ: Բորոտութիւն է ստախօսութիւնն ու զրպարտութիւնը: Բորոտութիւն է նախանձն ու

մարդատեացութիւնը: Բորոտութիւն է ամէն բան որ մեղք կը սեպուի: Սիրելի՞ս, ունի՞ս կեանքիդ մէջ որեւէ տեսակի մեղքի բորոտութիւն մը որմէ ձերբազատուիլ կ'ուզես: Եթէ ունիս, մօտեցի՛ր Յիսուսի եւ խնդրէ անկէ որ քեզ մաքրէ եւ ան պիտի մաքրէ:

Յունուար 18

Իրական սէրը զոհուող սէրն է

Որքա՛ն մարդիկ կան մեր շուրջ որոնք կը ձեւացնեն թէ մեզ կը սիրեն եւ թէ հետաքրքրուած են մեր որպիսութեամբ ու յաջողութեամբ: Սակայն այդպիսիներուն կեանքը երբ կը դիտենք, կը նշմարենք որ անոնք երբեք ալ չեն ուրախանար երբ մեզ յաջող ընթացքի մէջ կը տեսնեն: Յիսուս կ'ըսէ. «Մեծագոյն սէրը այն սէրն է, որով մարդ իմքզիմք կը զոհէ իր բարեկամներուն համար» (Յհ 15.13): Կան մարդիկ որոնք իսկապէս կը զոհուին իրենց բարեկամներուն համար, բայց միւս կողմէն նաեւ, կան մարդիկ որոնք կը զոհեն իրենց բարեկամները իրենց շահու համար: Դո՛ւն, զոհուո՞ղ բարեկամ մըն ես, թէ՝ բարեկամ զոհող մը: Եթէ կ'ուզես դադրիլ զոհող մը ըլլակ ու դառնալ զոհուող մը՝ միակ կերպը, Աստուծոյ Զոհը՝ Քրիստոս ընդունիլն է սրտիդ մէջ:

Յունուար 19

Քալե՛նք Աստուծոյ հետ

Աստուածաշունչը կը հաստատէ թէ «Նոյ Աստուծոյ հետ քալեց» (Ծն 6.9): Աստուծոյ հետ քալել, կը նշանակէ Աստուծոյ հետ ապրիլ եւ անոր ընկեր դառնալ: «Աստուծոյ հետ քալեց» բացատրութիւնը ակնարկութիւն է այն մտերմութեան եւ մօտիկութեան որ նոյ ունէր Աստուծոյ հետ: Աստուծոյ հետ քալելը՝ Աստուծոյ հանդէալ կատարեալ հնազանդութիւն ցուցաբերել է: Դիւրին չէր նոյին համար քալել Աստուծոյ հետ եւ վկայել անոր համար, երբ իր շրջապատի բոլոր մարդիկը կը քալէին ընդդէմ Աստուծոյ: Մեզմէ քանինե՞ր կրնան վկայել Քրիստոսի համար երբ շրջապատուած են զՔրիստոս ծաղրող մարդոցմով: Ծաղրածու այս աշխարհին մէջ, Քրիստոնեայ մարդը պէտք է համարձակութիւնը ունենայ ոտքի՝ կանգնելու Յիսուսի փառքին համար:

Յունուար 20

Լո՛ւն կենանք որպէսզի Աստուած գործէ

Իսրայէլացիները ազատագրուելէ ետք Եգիպտոսի գերութենէն, եկան եւ կանգ առին Կարմիր Ծովի ափին: Անոնք պէտք էր անցնէին Կարմիր Ծովին որպէսզի ճամբայ ելլէին դէպի խոստացեալ Քանանու երկիրը: Տակաւին ծովափն էին երբ յանկարծ տեսան Եգիպտացիները որ իրենց կողմը կը սուրային կատաղօրէն: Ժողովուրդը սարսափահար եղած Մովսէսին դիմեց: Մովսէս անոնց ըսաւ. «Տէրը ձեզի համար պիտի պատերազմի: Դուք յո՛ւն կեցէ՞» (Ծն 14.14): Լուս կենալ, կը նշանակէ վստահիլ ու ապաւինիլ Աստուծոյ: Սիրելինե՛ր, թող աշխարհ վազէ մեր վրայ, իսկ մենք սորվինք լոռութեամբ վստահիլ Աստուծոյ: Վստահինք Աստուծոյ նոյնիսկ եթէ ամբողջ ծով մը ունինք մեր դիմաց մեր ճամբան փակող, ինչպէս էր պարագան Եբրայեցիներուն:

Յունուար 21

Օգտագործէ քեզի տրուած իշխանութիւնը

Եգիպտացիները վրայ չհասած, Աստուած Մովսէսին ըսաւ. «Գաւազանդ վերցուր ու ձեռքդ ծովում վրայ երկնցուր ու նեղքէ զայց որպէսզի Իսրայէլի որդիները ցամացով անցնին» (Ծն 14.16): Մովսէս կատարեց Աստուծոյ ըսածը (Ծն 14.21-22): Աստուծոյ հանդէպ Մովսէսի ունեցած հաւատքն էր որ նեղքեց ծովը: Մե՛ր ալ առջեւ նեղքուելու կարօս ծովեր կան: Զվախնանք անոնցմէ, որովհետեւ մե՛նիք ալ մեր ձեռքերուն մէջ ունինք Մովսիսեան գաւազանը: Այդ գաւազանը իշխանութեան գաւազան է: Օգտագործենք մեզի տրուած իշխանութեան գաւազանը եւ ամո՛ւր զարնենք մեղքի պատնէշներուն, որպէսզի փուլ բերենք զանոնք եւ յաղթականօրէն քալենք դէպի խոստացեալ ճշմարիտ Քանանու երկիրը:

Յունուար 22

Աստուծոյ ուզածը մեղքով լեցուն սիրտդ է

Սթէնպէրկ անունով գերմանացի նկարիչ մը Յիսուսի խաչելութեան նկարը գծեց եւ զանիկա կախեց սրահի մը մէջ: Նկարին տակ ան գրած էր հետեւեալը. «Անհուն շնորհի բերի քեզի, դում ի՞նչ կու տաս ինձի»: Օր մը երբ մեծահարուստ երիտասարդ մը Սթէնպէրկի գծած խաչելութեան պատկերին նայեցաւ եւ կարդաց անոր տակի գրութիւնը. «Անհուն շնորհի բերի քեզի, դում ի՞նչ կու տաս ինձի», պատասխանեց եւ ըսաւ. «Իմ աղտոտ սիրտս կու տամ քեզի»: Սիրելի՝ ընթերցող, քեզմէ պահանջուածը ուսկին ու դրամը չէ, ինքզինքդ զոհելը կամ այրելը չէ: Քեզմէ պահանջուածը մեղքով լեցուն սիրտդ է: Տո՛ւր զանիկա Աստուծոյ, որպէսզի իր Որդիին արիւնով մաքրէ զայն եւ իրեն բնակարան դարձնէ:

Յունուար 23

Կեղծաւորը աստուածասպան է

Հերովդես թագաւորը բովը կանչել տուաւ մոգերը եւ անոնց ըսաւ. «Թացէ՞ եւ ստոյգ տեղեկութիւններ քաղելով գտէ՞ երեխան, եւ երբ գտնէ՞ ինձի իմացուցէ՞, որպէսզի ե՞ս ալ գամ եւ երկրպագեմ իրեն» (Մտ 2.8): Հերովդես Յիսուս մանուկը կը փնտոէր սպաննելու համար զայն եւ ո՛չ թէ երկրպագելու իրեն: Մեր կեանքին մէջ շատ է թիւր Հերովդէսներուն: Հերովդէսներ, որոնք աստուածպաշտութիւն անունին տակ ամէն օր Աստուծոյ սիրտը կը խոցուտեն: Կան մարդիկ որոնք Հերովդէսի նման կը վախնան Յիսուսէն եւ անոր մէջտեղէն վերցուիլը կ'ուզեն: Հերովդէս իր գահին համար կ'ուզէր սպաննել Յիսուսը, իսկ մենք, ունի՞նք մեր կեանքին մէջ բան մը որուն համար կը խոցուտենք զինք:

Յունուար 24

Դրամի սիրոյն մի՛ ծածկեր նշմարտութիւնը

Յիսուսի յարութենէն ետք անոր գերեզմանին պահապաններէն ոմանք Երուսաղէմ գացին «Եւ ինչ որ պատահած էր պատմեցին աւագ Քահանաներուն»: Աւագ Քահանաներն ու երեցները խորհրդակցելէ ետք, դրամ տուին պահապաններուն եւ պատուիրեցին անոնց ըսել թէ «աշակերտները գիշերով եկամ եւ գողցան մարմինը» երբ իրենք քնացած էին (Մտ 28.11-13): Սիրելինե՛ր, մենք ալ երբեմն կաշառք չե՞նք ստանար որպէսզի ստենք: Կաշառքը միայն դրամը չէ. մէկը կրնայ կաշառուիլ խոստումով մը, աթոռով, փառքով, եւայլն: Որքա՞ն մարդիկ կան որոնք շահելու համար բան մը կամ սիրաշահելու համար անձ մը, կը ստեն ու նշմարտութիւնը կը խեղաթիւրեն: Մենք չըլլանք ատոնցմէ:

Յունուար 25

Զնիկ' ամէն բան որ ֆեզ կը հեռացնէ Աստուծմէ

«Հիմա քու սիրած մէկ հատիկ որդիդ Իսահակը առ... եւ զանիկա ողջակէզ ըրէ» (Ծն 22.2): Աստուծոյ խոստումին իրականացումը, Աբրահամի սերունդին պահպանումը, անոր ուրախութիւնն ու միհիթարութիւնը, այս բոլորը կախեալ էին Իսահակին: Եւ ահաւասիկ Աստուծ Աբրահամէն կը պահանջէր զոհել Իսահակը: Իսահակը՝ որ յոյսի աղբիւրն էր Աբրահամին: Եւ Աբրահամ կատարեալ հնազանդութիւն ցուցաբերեց: Սիրելի՛ս, Աստուծ կրնայ ֆեզմէ ալ պահանջել որ զոհես կեանքիդ Իսահակները, այսինքն՝ այն ինչ որ

դարձուցած ես յոյսիդ աղբիւրը, պաշտամունքիդ ու վստահութեանդ առարկան։ Ո՞չ մէկ բան եւ ո՞չ մէկ անձ պէտք է Աստուծոյ տեղը գրաւէ կեանքիդ մէջ։

Յունուար 26

Կը ճանչցուինք երբ փորձութեան մէջ իյնանք

Մեր նշանակութագիրն ու ինքնութիւնը հանդէս կու գայ միայն այն ատեն երբ փորձութիւններու հանդիպինք։ Երբ չկայ անհանդուրժելի մէկը որուն պէտք է հանդուրժենք, մարդիկ ինչպէ՞ս պիտի գիտնան մեր հանդուրժող ըլլալը։ Երբ մեր շրջապատին մէջ չկայ մէկը որ մեզ վշտացուցած է եւ որուն պէտք է ներենք, մարդիկ ինչպէ՞ս պիտի գիտնան մեր ներող ըլլալը։ Նարուգործուսոր ինչպէ՞ս կրնար գիտնալ Դաւիթին աստուածապաշտ ըլլալը եթէ երբեք Դաւիթ անաստուածապաշտ մարդոցմով շրջապատուած չըլլար։ Ուստի, չպահանջենք Աստուծմէ որ հեռացնէ մեզմէ փորձութիւնները, այլ խնդրենք իրմէ հեռու վանել մեզմէ փորձութեանց դիմաց տկարանալու եւ իյնալու կարելիութիւնը։

Յունուար 27

Մի՛ խոստանար, այլ խնդրէ

Մի՛ ուխտեր հաւատարիմ ըլլալ Աստուծոյ, որովհետեւ այդ պիտի նշանակէր որ դուն սեփական զօրութեանդ կը վստահիս։ Խնդրէ Աստուծմէ որ քեզ հաւատարիմ պահէ իր անձին։ Շատե՛ր ներշնչման մէկ պահուն խոստումներ կատարած եւ ուխտեր ըրած են անսասան ու անսայթաք քայլերով հետեւելու Աստուծոյ, բայց ձախողած են։ Իրենց սեփական զօրութեան վստահելով խոստումներ կատարող մարդիկը յանձնապաստան, հպարտ եւ ինքնանանաչումէ ամբողջովին հեռու մարդիկ կ'ըլլան։ Ան որ իսկապէս կը ճանչնայ ինքնիր բնութիւնը, շատ լաւ գիտէ որ ինք տկար ու թշուառական մըն է, եւ առանց Սուրբ Հոգիին երբեք չի կրնար հետեւիլ Աստուծոյ։

Յունուար 28

Ամէն բան մեր ուզածին պէս չ'ըլլար

Եսրերի գիրքին մէջ կը կարդանք թէ Համան անունով մէկը ամէն իմաստով մեծարուեցաւ թագաւորին կողմէ, եւ սակայն, Մուրթիէ անուն հրեայ մը զինք չէր յարգեր. ասոր պատճառով Համան շատ անհանգիստ կ'ըլլար, որուն համար ալ որոշեց Մուրթիէն սպաննել բայց չյաջողեցաւ

(Եսթ 4.11-13, 7.1-10): Համան կ'ուզէր պարտադրել Մուրթքէն որ զինք յարգէր բայց չկրցաւ: Մենք չենք կրնար պարտադրել մարդոց որ մեզ յարգեն եթէ երբեք անյարգալից ենք անոնց նկատմամբ: Մեր առօրեայ կենցաղը դիտելով է որ մարդիկ պիտի որոշեն յարգել մեզ, թէ՛ ոչ: Ամէն ինչ եւ ամէն բան չի կրնար մեր ուզածին պէս ըլլալ: Զենք կրնար մարդիկը ստիպել որ մեզի նմանին եւ մեր կամեցածը կամենան:

Յունուար 29

Աստուած ներող Հայր է եւ արդար Դատաւոր

Շատեր կը հաւատան որ Աստուած սիրող ու ներող ըլլալով՝ պիտի ներէ մեր մեղքերը: Ասիկա մեղքերու բաւութիւն ստանալու սխալ ըմբռնում մըն է, որ ընդհանրապէս կը գտնենք անոնց մօս՝ որոնք կ'ուզեն փրկուիլ իրենց մեղքերէն առանց ընդառաջելու Քրիստոսի արեան յանձնուելու հրաւերին: Աստուած Հայր է այո՛, բայց արդար ու արդարութիւն պահանջող Հայր է: Իր արդարութիւնը իրագործուեցաւ իր Որդիին մահովը խաչին վրայ: Ուստի, ան մեզ կրնայ արդարացնել «Քրիստոս Յիսուսի փրկագործութեամ միջոցաւ» միայն (Հո 3.24): Աստուած իր ներողամտութեան վստահողներուն չէ որ ներում կը շնորհէ, այլ՝ իր Որդիին բաւչարար արեան վստահողներուն:

Յունուար 30

Մի՛ վախնար Յիսուսը նանչնալու իբրեւ թագաւոր

Մինչ «Պիղատոս կերպ մը կը փնտոէր, որ ազատ արձակէ Յիսուսը» Հրեայ դեկավարները կ'աղաղակէին ըսելով. «Եթէ ազատ արձակես՝ կայսրին բարեկամ չես: Ով որ ինքինք թագաւոր կը կոչէ՝ հակառակ է կայսրին» (Յհ 19.12): Պիղատոս այս լսելուն պէս Յիսուսը յանձնեց իրենց (Յհ 19.14): Բան չէ փոխուած պատմութենէն: Այսօր ալ ան որ կ'ընդունի Յիսուսը իբրեւ թագաւոր եւ կ'աշխատի անոր թագաւորութիւնը տարածել՝ կը դառնայ հակառակ կայսրին, այսինքն՝ աշխարհին եւ աշխարհասէր ամէն մարդու: Յակոբոս առաքեալ կը հաստատէ թէ «ով որ կ'ուզէ աշխարհին բարեկամ ըլլալ՝ ինքինք Աստուծոյ թշնամի կը դարձնէ» (Յկ 4.4): Դուն որո՞ւ բարեկամ ես, Աստուծո՞յ, թէ՛ աշխարհին:

Յունուար 31

Կեանքի նամբան դժուարին է

«Դէպի կեանք տանող դուռը նեղ է եւ նամբան դժուարին, եւ ժիշեր միայն կը գտնեն զայն» (Մտ 7.14): Քրիստոս ի՛նքն է դուռը (Յհ 10.7) եւ ի՛նքն է նամբան (Յհ 14.6): Քիչ են հետեւրդները Քրիստոսի, որովհետեւ մարդիկ չեն ուզեր հանդիպիլ նեղ դուներու եւ դժուարին նամբաներու: Մարդ արարածը աւելի հակամէտ է լայն դուներէ եւ դիւրին նամբաներէ երթալ: «Դուռը նեղ է» որովհետեւ ատիկա կը բացուի յարատեւ աղօթքով միայն: «Ճամբան դժուարին է» որովհետեւ ատիկա Քրիստոսի նամբան է, Գեթսեմանիի նամբան է, խաչակրութեան նամբան է: Մարդիկ կ'ուզեն արքայութեան հասնիլ առանց Արքային տուած խաչը կրելու, կ'ուզեն թագաւորել առանց Թագաւորին տուած լուծը ընդունելու (Մտ 11.29):

Փետրուար 1

Յիսուս քալեց մինչեւ վերջ

«Տէր, ի՞նչ լաւ է հոս» (Մտ 17.4): Այսպէս ըսաւ Պետրոս Յիսուսի երբ զայն տեսաւ իր աստուածային փառքով այլակերպուած թաքօր լերան վրայ: Բայց երբ զայն տեսաւ Գեթսեմանիի պարտէզին մէջ այլակերպուած հոգեւոր տրտմութեան պատճառով՝ ո՛չ միայն բան մը չըսաւ, այլ ինքն ալ իր կարգին տրտմեցաւ եւ տրտմութենէն քունի անցաւ: Քրիստոս մինակ մնաց Գողգոթայի նամբուն վրայ: Մինակ՝ իր ցաւին մէջ: Ո՛չ ցաւէն փախաւ եւ ո՛չ ալ անոր տակ ընկնուեցաւ: Լուծը ծանր էր ու նամբան երկար, սակայն ո՛չ լուծին ծանրութիւնը զինք զգետնեց եւ ո՛չ ալ նամբուն երկարութիւնը՝ յուսահատեցուց: Քալեց հաստատ քայլերով մինչեւ վերջ: Քալեց մինչեւ որ «Ամէն ինչ վերջացած է» յայտարարեց:

Փետրուար 2

Ա.Եխոռով մնալ խոռվութեան դիմաց

«Իմ խաղաղութիւնս է որ կու տամ ձեզի, որ այս աշխարհի տուած խաղաղութեմէն տարբեր է: Մի՛ խոռվի՛ ու մի՛ զախմաֆ» (Յհ 14.27): Սա բառերով Քրիստոս չի խոստանար քրիստոնեայ մարդուն թէ ան հեզագնաց եւ վտանգներէ զերծ կեանք մը պիտի ունենայ, բայց կը խոստանայ պարգեւել անոր այնախսի՛ խաղաղութիւն մը, որ զինք անխոռվ կրնայ պահել խոռվութեան դիմաց եւ անվախ՝ վախի դիմաց: Քրիստոնեայ մարդը այն մարդը չէ որ փորձութեան չի հանդիպիր, այլ ան՝ որ փորձութեան դիմաց չի կորսնցներ իր խաղաղութիւնը: Քրիստոսով իր խաղաղութիւնը գտած մարդը՝ զօրաւոր կը մնայ զօրաւոր փորձութեանց առջեւ:

Փետրուար 3

Առաջին Եղանակ Յիսուսի նման

Աստուած մեզ հրաւիրեց սրբութեամբ ապրելու (Ա.Թս 4.7): Մարդ կրնայ սրբութեան կեանի մը ապրիլ միայն այն ատեն երբ հրաւիրէ Քրիստոսը ապրելու իր սրտին մէջ: Երբ Քրիստոս ի՛նի ըլլայ ապրողը մեր կեանին մէջ, գործողը մեր ձեռքով, խօսողը մեր բերնով, բալողը մեր ոտքով՝ այն ատեն կը հասնին կատարեալ սրբութեան: «Ես եմ որբատունկը եւ դուք՝ Քիւղերը» (Յհ 15.5): Եթէ հաստատուին Քրիստոսի վրայ ինչպէս նիւղ մը կը հաստատուի ծառին վրայ, բնականօրէն, այն զօրութիւնը, սրբութիւնն ու սէրը, բաղցրութիւնն ու գքութիւնը որ կայ Քրիստոսի անձին մէջ՝ կը փոխանցուի մեզի, եւ մենի Աստուծոյ շնորհեն կը նմանին Քրիստոսի:

Փետրուար 4

Սիրել՝ կը նշանակէ ազատիլ եւ ազատել

«Աստուած ձեզ կամչեց որ ազատ ըլլաք. միայն ճայեցէք» որ այդ ազատութիւնը մարդկային ցանկութիւններ կատարելու պատրուակ չդառնայ, այլ՝ սիրով ծառայեցէք իրարու» (Գդ 5.13): Հոն ուր սէր կայ՝ հոն ազատութիւն կայ: Սէրը ազատարար զօրութիւն ունի: Աստուած սիրեց մեզ եւ իր Որդիին նամրով ազատեց մեզ դատապարտութենէն: Եթէ մենի ալ սիրենի իրարու՝ պիտի աշխատինի իրարու փրկութեան համար: Երբ չենի սիրեր իրարու՝ չենի կրնար ազատ զգալ: Աններողամիտ մարդը՝ մի՛շտ կապուած ու մի՛շտ կաշկանդուած է: Երբ սորվինի սիրել ու ներել ուրիշը՝ ազատութիւն տուած կ'ըլլանի ո՛չ միայն մեր հոգիներուն, այլեւ անոնց հոգիներուն՝ որոնց սիրեցինի ու ներեցինի:

Փետրուար 5

Սիրելը՝ ամբողջ օրէնիքը գործադրել է

«Օրէնիքը լրիւ գործադրած կ'ըլլաք սա մէկ պատուիրանով. "Սիրէ ընկերոդ քու անձիդ պէս"» (Գդ 5.14): Օրէնիքի ուսուցիչներ եւ Փարիսեցիներ ընկերը սիրելու պատուիրանը թողուցած՝ «անանուիհին, սամիթիմ ու չամամիմ տասամորդը» տալու մասին կը մտածէին (Մտ 23.23): Իրենց համար կարեւորը բարոյական կեանիք չէր, այլ՝ ծիսական արարողութիւններն էին: Անոնի շեշտը կը դնէին Աստուծոյ տրուած տասամորդին վրայ փոխանակ դնելու Աստուծոյ տրուած սրտին վրայ: Անոնի կը մոռնային որ տասամորդ տալը՝ օրէնիք էր, իսկ մարդը սիրելը՝

կոչում: Ոչինչով կ'օգտուինք եթէ եղբայրսիրութեան Աստուածատուր մեր կոչումը թողուցած, օրէնքի գործադրութեան ետեւէն վազենք:

Փետրուար 6

Նայինք Յիսուսով բացուելիք արշալոյսին

Յիսուսի աշակերտները կը հաւատային որ Յիսուսն էր խոստացեալ Մեսիան, որ զիրենք պիտի ազատէր Հռոմայեցիներուն տիրապետութենքն եւ վերականգնէր Դաւիթի թագաւորութիւնը: Բայց հիմա որ ան կը խօսէր իր մահուան մասին, աշակերտները ծայր աստիճան տրտմած ու խոռված են: Յիսուս նկատելով անոնց խոռվութիւնը, ըսաւ. «Թող չխռովին ձեր սիրտերը» (Յհ 14.1): Այս խօսքը անոնց ըսաւ նի՛շդ այն պահուն երբ պէտք ունէին գօտեանդումի: Աշակերտներուն դիմաց մթագնած աշխարհը, երեք օր ետք Քրիստոսի յարութեան լոյսով պիտի շողար: Մեր ուշադրութիւնը չկեդրոնացնենք կեանքի մութ պահերուն վրայ որպէսզի չխռովինք, այլ անոնց յաջորդելիք արշալոյսին վրայ:

Փետրուար 7

Չարիքն հեռու կենալ եւ բարին գործել

Քրիստոս չ'ուսուցաներ ոխ չպահել մեզ վիրաւորողին դէմ, այլ՝ ներել զայն մեր ամբողջ սրտով (Մտ 18.35): Կան մարդիկ որոնք եթէ ֆինախնդիր չըլլան կամ եթէ չհակադարձն մէկու որ զիրենք ցաւցուցած է, կը կարծեն որ բարիք մը ըրած կ'ըլլան անոր: Իսկական բարիքը ցաւցնողին չցաւցնելը չէ, այլ անոր հանդէպ ներողամիտ ու սիրալիր վերաբերմունք ցուցաբերելն է: Մէկը թող չկարծէ որ եթէ չարիք չհասցնէ իր նմանին՝ բարիք մըն է որ ըրած կ'ըլլայ անոր: Մեր նմանին չարիք չհասցնել, անոր բարիք ընել չի նշանակեր: Քրիստոնեայ մարդուն կոչումը չարիք չգործելը չէ, այլ բարիք գործելն է: Հետեւաբար, բարիք չգործելը՝ չարիք գործել է:

Փետրուար 8

Չազդուինք, այլ՝ ազդենք

Քրիստոս երբեք չազդուեցաւ իր միջավայրէն: Ան չփոխեց իր ուսուցման կերպը կամ ապրելանը, ո'չ երբ տեսաւ որ մարդիկ իրմէ կը հեռանան եւ ո'չ ալ երբ նշմարեց իր հետեւորդներուն թիւին բազմանալը: Մովսէս նաեւ իր ընթացքը չփոխեց, ո'չ երբ Եգիպտոսէն ելլող ժողովուրդին բերանը փառաբանութեամբ բացուեցաւ եւ ո'չ ալ երբ

տրտունցքով ու դժգոհութեամբ բացուեցաւ: Աստուած կ'ուզէ աշխարհին վրայ ազդող բայց աշխարհէն չազդուող մարդիկ ըլլանք: Թող ո'չ փառքը շլացնէ մեզ եւ ո'չ ալ անարգանքը զգետնէ: Թող ո'չ դրամը կաշառէ մեզ եւ ո'չ ալ աղբատութիւնը կաշկանդէ: Թող ո'չ ֆննադատութիւնը յուսալքէ մեզ եւ ո'չ ալ գնահատանքը ինքնահաւանութեան առաջնորդէ:

Փետրուար 9

Զիեղաթիւրենք նշմարտութիւնը

Աշխարհի մարդիկ իրենց գործը բալեցնելու համար նշմարտութիւնը իբրեւ սուտ կը ներկայացնեն ու կեղծը իբրեւ իրական: Անոնք զիրար սիրաշահելու համար իրարու գովեստը կը հիւսեն: Աշխարհի մարդը ախորժալուր բաներու մասին կը խօսի իր նմանին: Նոյնը պէտք չէ ըլլայ կամ ընէ Աստուծոյ մարդը: Հաւատացեալներ կոչուած են նշմարտութեան վկաները ըլլալ: «Ճշմարտութեան վկան սուտ չի խօսիր» (Ա.ո 14.5): Եթէ իսկապէս կը սիրենի մեր նմանները եւ մտահոգ ենք անոնց փրկութեամբ, սուտ պէտք չէ խօսինք անոնց, այլ նշմարտութեան մասին պէտք է խօսինք, որովհետեւ Քրիստոս ըսաւ. «Ճշմարտութիւնը պիտի նաև նաև նշմարտութիւնը ձեզ պիտի ազատէ» (Յհ 8.32):

Փետրուար 10

Քարոզիչներ իրականութիւնը թող ըսեն

Վերեւ հաւատացեալներուն համար ըսուածը, իրականութիւն է նաև բարոզիչներուն համար: Քարոզիչներ պէտք է բացութիւնը ունենան մեղքը մեղք կոչելու եւ ո'չ թէ այլ որակում տալու անոր: Անոնք պէտք է Քրիստոսի նամբան ներկայացնեն իր իսկութեան մէջ, եւ ո'չ թէ այնպիսի ձեւով մը որ հանեցնեն ունկնդիրները: Քրիստոսի նամբան դիւրին է ըսելը սուտ է: Քրիստոսի նամբան դժուարին է ըսելն ալ բաւարար չէ: Հաւատացեալներուն պէտք է յիշեցնել որ այդ դժուարին նամբուն վրայ Քրիստոս մեր կողքին է: Քրիստոս յայտարարեց թէ ի'նքն է նամբան (Յհ 14.6): Մէկը որ ձամբան ու ձանապարհորդակիցն է իր հետեւորդներուն, չի կրնար բացակայ ըլլալ անոնց կեանքի նամբային:

Փետրուար 11

Կը նաև նա՞ս զՔրիստոս իբրեւ Փրկիչդ

Աստուած մարդոց կարգին կամ կարողութեան վրայ հիմնուելով չէ որ կ'որոշէ զանոնք փրկել, այլ անոնց հաւատքին վրայ հիմնուելով:

Երբեք կարեւոր չէ թէ ո՞վ ես, ի՞նչ կարողութեան եւ ի՞նչ դիրքի տէր մարդ ես, կարեւորը այն է որ ընտրա՞ծ ես այն բաժինը որ բնաւ ետ պիտի չառնուի քեզմէ (Ղկ 10.42): Եթէ բարձրաստիճան մէկն ես՝ մի՛ պարծենար բարձրաստիճանութեամբդ, եթէ իմաստուն ես՝ մի՛ պարծենար քու իմաստութեամբդ, եթէ զօրաւոր ես՝ մի՛ պարծենար քու զօրութեամբդ, եթէ հարուստ ես՝ մի՛ պարծենար քու հարստութեամբդ, բայց եթէ կը նանչնաս Փրկիչ Աստուածդ՝ Քրիստոս, այն ատեն պարծի՛ր, պարծի՛ր անհունօրէն (Եր 9.23-24):

Փետրուար 12

Ատենի կեղծաւորութիւնը

Անկեղծն Աստուած կեղծ սիրով սիրելը՝ մահացու մեղք է: Աստուծոյ Ակատմամբ կեղծ սէր ցուցաբերողներ էին Փարիսեցիներն ու Օրէնքի ուսուցիչները, որոնց վերաբերեալ Յիսուս եօթը անգամ «կեղծաւոր» բառը կը գործածէ Մտ 23-ի մէջ: Կե՛ղծ էր անոնց աղօթքը (Մտ 23.14): Կե՛ղծ էր անոնց անձերուն եւ իրերուն արտաֆին մաքրութիւնը (Մտ 23.25): Կե՛ղծ էր անոնց արդարութիւնը (Մտ 23.28): Կե՛ղծ էր անոնց սէրը նորահաւատին հանդէպ (Մտ 23.15): Աստուած անկեղծութեան Աստուած է, ուստի ան կ'ատէ կեղծաւորն ու կեղծը: Ինչ որ ընենի՝ անկեղծօրէն ընենի: Եթէ սիրենի՝ անկեղծօրէն սիրենի: Եթէ աղօթենի՝ անկեղծօրէն աղօթենի: Եթէ ներենի՝ անկեղծօրէն ներենի:

Փետրուար 13

Վերստին ծնունդը՝ պայման փրկութեան

Զենի կրնար Աստուծոյ արքայութիւնը ժառանգել որոշումներ առնելով, խոստումներ տալով, այսինչ կամ այնինչ եկեղեցիին անդամ դառնալով, Աստուածաշունչ կարդալով, մկրտուելով, Ս. Հաղորդութիւն ստանալով, եւայլն: Որքա՛ն մարդիկ կան որոնի այս կամ այն պաշտամունքին ընթացքին ձեռք ու ձայն բարձրացուցած են եւ իրենց կեանիք Քրիստոսի «յանձնած»: Ի՞նչ ցաւալի է այսպէս ընողներուն մօտ տեսնել փրկուած ըլլալու կատարեալ համոգումը: Անենի կը մոռնան որ Աստուծոյ արքայութիւնը ժառանգելու համար վերստին ծնունդը պայման է (Յհ 3.3): Ծնունդ մը՝ որ մեզի նո՛ր կեանիք ու նո՛ր բնութիւն կու տայ: Ունի՞նի այդ նոր կեանիքը: Ունի՞նի այդ նոր բնութիւնը:

Փետրուար 14

Նշաններ չինդրենի Քրիստոսէ

Վերեւ խօսեցանք վերստին ծնունդով ձեռք ճգուած նոր կեանքին մասին: Նոր կեանքը ունի եւ պէտք է ունենայ իր պտուղները (Գդ 5.22-23): Պտուղ ըսելով չեմ հասկնար անպայման երկինքն կրակ վար բերելը, կամ նշաններ ու հրաշքներ կատարելը: Եթի Փարիսեցիները Յիսուսն նշան ու հրաշք պահանջեցին՝ Յիսուս չբաշալերեց անոնց կեցուածքը (Մտ 12.38-39): Զարմանալի նշաններ կատարելը ապացոյց մը չէ որ Աստուծոյ զաւակներն ենք: Սատանան ի՛նքն ալ կրնայ զարմանալի բաներ ընել, բայց ան չի կրնար Քրիստոսի գալ եւ նոր կեանք ունենալ: Քրիստոս հրաշքներ մի՛շտ գործած է ու կը գործէ, բայց մենք մեր յոյսը Քրիստոսի' վրայ դնենք եւ ո՛չ թէ Քրիստոսի անունով կատարուած հրաշքներուն վրայ:

Փետրուար 15

Վստահինք որպէսզի չվախնանք

Յիսուս կը սպասէ որ մի՛շտ բացարձակ վստահութիւն ունենանք իր նկատմամբ: Հաւատացեալները երկու խումբի կը բաժնուին: Ոմանք մի՛շտ Աստուծոյ կը վստահին, իսկ ուրիշներ փորձութիւններու հանդիպելէ ետք կը սկսին Աստուծոյ վստահիլ եւ յուսալ: Պէտք է Աստուծոյ վստահի՞լ որպէսզի չվախնանք, թէ պէտք է վախնանք որպէսզի Աստուծոյ վստահինք: Եթի աշակերտները փորորիկի հանդիպեցան ծովուն վրայ՝ Յիսուս անոնց մօտ չտեսաւ իր ակնկալած վստահութիւնը իր նկատմամբ: Անոնք հրաշքը տեսնելէ ետք միայն վստահեցան իրեն: Ան յանդիմանեց զիրենք իրենց վստահութեան պակասին համար: Փորձութիւններ պէտք չէ պատճառ ըլլան որ խախտի մեր վստահութիւնը Աստուծոյ հանդէպ:

Փետրուար 16

Աստուած ամէն ինչ ատենին կ'ընէ

Հաւատացեալ մարդը միշտ պէտք է յիշէ որ Աստուած ոչինչ կ'ընէ կանուխ եւ ոչինչ կ'ընէ ուշ: Աստուած ամէն ինչ նիշդ ատենին կ'ընէ: Աստուած ծովը չցամֆեցուց երբ իսրայէլացիները տակաւին հեռու էին ծովափէն, ո՛չ ալ ցամֆեցուց Եգիպտացիներուն անոնց հասնելէն ետք: Քրիստոս ծովը չսաստեց նաւին ընկղմելէն յետոյ, ո՛չ ալ սաստեց անոր փորորկումէն առաջ: Ան չօրինեց հացերն ու ձուկերը երբ տակաւին ժաղովուրդին քով ուտելիք կար, ո՛չ ալ օրինեց անոնց ամբողջական սպառումէն յետոյ: Թէեւ գիտենք որ Աստուած ամէն ինչ ատենին կ'ընէ, հակառակ ասոր, նորէն ալ կը խնդրենք ու կը պնդենք որ սկիզբէն մեր դիմաց նամբան յստակ դարձնէ: Պէտք է սորվինք Աստուծոյ վստահիլ:

Փետրուար 17

Օգտագործէ սիրտդ

Եթէ «Աստուծոյ խօսքը կենդամի է» (Երբ 4.12) հապա ինչո՞ւ չի կրնար կենդանացնել իրենց հաւատքին մէջ մեռած մարդիկը: Եթէ Աստուծոյ խօսքը կրնայ մեր հոգիները փրկել (Յկ 1.21) հապա ինչո՞ւ կորսուած մարդիկ չեն փրկուիր երբ կը լսեն զայն: Զշարունակենք եթէ-ներուն շարքը: Կանգ առնենք եւ մտածենք պատասխանին մասին: Աստուծոյ խօսքը լսողներուն մէջ ոմանք կ'օգտագործեն իրենց ականջները եւ ոմանք ալ իրենց սիրտերը: Դուն սիրելի՛ բարեկամ, ի՞նչ կ'օգտագործես երբ Աստուծոյ խօսքը կը քարոզուի. աչք ու ակա՞նջ, թէ՛ սիրտ ու հոգի: Եթէ Աստուծոյ խօսքը հասնի ականջիդ՝ դուն չես փոխուիր, իսկ եթէ հասնի սրտիդ՝ կը փոխուիս:

Փետրուար 18

Սիրտ ունեցողը քող բանայ իր սիրտը

Երբ Աստուծոյ խօսքը քարոզուի կամ կարդացուի, Սուրբ Հոգին կը սկսի փնտոել սիրտ ունեցող մարդիկը եւ ո՛չ թէ ականջ ունեցող մարդիկը: Քրիստոսի բերնին մէջ մենք յանախ կը հանդիպինք «Ականջ ունեցողը քող լսէ» (Մտ 13.9) բացատրութեան: Յիսուս գիտէր որ զինք ունենդրելու եկած բոլոր մարդիկը ականջ ունէին, բայց ան կ'ուզէր որ ականջ ունեցողները փաստէին թէ սիրտ ալ ունէին: Սիրտ ունեցող մարդը կը բանայ իր սիրտը շնորհեֆին գործող գօրութեան դիմաց: Աստուծոյ խօսքը անգամ մը որ տեղ գտնէ մարդուն սրտին մէջ, կրնայ սերմի նման անիլ, արեւի նման շողալ եւ ծառի նման պտղաբերիլ: Մեր ընդառաջումովը Աստուծոյ հրաւերին, փաստենք որ ականջի կողքին սի՛րտ ալ ունինք:

Փետրուար 19

Հաւատքով միանանք Քրիստոսի

«Ոչ որ ինձի միացած է եւ ես անոր՝ անիկա առատ պտուղ պիտի տայ» (Յհ 15.5): Որքա՞ն քրիստոնեաներ կան որոնք կը յայտարարեն թէ միացած են Քրիստոսի, եւ սակայն, պտուղ չեն բերեր: Միացած ըլլալը ուրիշ բան է, եւ միացած ըլլալ ձեւացնելը՝ ուրիշ բան: Ան որ երեւութապէս միացած է Քրիստոսի եւ ո՛չ իրողապէս՝ ան պիտի կտրուի ու նետուի: Քրիստոսի միանալը խօսքով չըլլար: Պէտք է հաւատքով, յոյսով, սիրով ու ամբողջ վատահութեամբ միացած ըլլալ Քրիստոսի: Այս ձեւով Քրիստոսի միացողը՝ անպայման պտուղ պիտի բերէ, սիրոյ պտուղ,

համբերութեան պտուղ, ներողամտութեան պտուղ: Պտղաբերութիւնը միակ ապացոյցն է որ մենք հաւատենք միացած ենք Քրիստոսի:

Փետրուար 20

**Զնային մեր մեղֆերուն,
այլ՝ մեր մեղֆերը Քաւողին**

Տարօրինակ չե՞ք գտներ որ երբեմն մարդիկ կը մերժեն դարձի գալ եւ հրաժարի իրենց մեղֆերէն, այն ներքին համոզումով, որ իրենք այնքան միշտուած են մեղֆի ցեխին մէջ՝ որ անկէ դուրս գալը իրենց համար կը թուի անկարելի: Այդպէս ընողները մարտահրաւէր է որ կը կարդան Քրիստոսի արիւնին: Կա՞յ մեղֆ մը այնքան սեւ որ չներմկցուի Քրիստոսի արիւնով (Ես 1.18): Մենք պէտք է սորվինք մեր հայեացքը կեդրոնացնել յարուցեալ Փրկիչին վրայ եւ ո՛չ թէ գերեզմանող մեր մեղֆերուն վրայ: Լաւ է տեսնել մեր մեռած հոգեւոր կեանքը, բայց այդ մեզ յուսահատութեան պէտք չէ առաջնորդէ, ընդհակառակը, առաւել եւս պէտք է կառչեցնէ Քրիստոսի:

Փետրուար 21

Աստուած կրնայ մեզ փորձել

Երեք անձեր կան որոնք կրնան մեզ փորձի ենթարկել: Աստուած, Սատանան եւ մարդը: Մենք ընդհանրապէս կ'ըսենք թէ Աստուած մեզ չի փորձեր, այլ թոյլ կու տայ որ փորձուինք: Սա նիշդ չէ: Աստուած կրնայ անձնապէս մեզ փորձել, ինչպէս փորձեց Արքահամը, եւ կրնայ թոյլ տալ որ փորձուինք, ինչպէս թոյլ տուաւ որ փորձուի Յոբը: Մէկ բան սակայն վստահօրէն գիտենք, թէ Աստուծոյ կողմէ եկած կամ թոյլ տրուած փորձութիւններուն նպատակը մեզ սրբելն ու մաքրելն է եւ ո՛չ թէ կործանելը: Զարիքի առաջնորդող փորձութիւնները Աստուծոյ կողմէ չեն գար (Յկ 1.13): Ոչինչ կ'ընէ Աստուած ատելութենէ մղուած: Եւ ոչինչ կ'ընէ ան, առանց նպատակ ունենալու բարին ու կատարեալը:

Փետրուար 22

Սատանան կրնայ մեզ փորձել

Նախկին բաժինին մէջ ըսինք, թէ Աստուած կրնայ մեզ փորձել կամ թոյլ տալ որ փորձուինք նպատակ ունենալով մեզ կանգնել, սրբել, մաքրել եւ իր Որդիին նման դարձնել: Սատանան սակայն ամբողջովին տարբեր նպատակով մեզ կը փորձէ: Անոր նպատակը մեր խորտակումն է, մեր

փրկութեան վտանգումն է, մեզ Աստուծմէ հեռացնելն է: Յորի գիրքին մէջ կը կարդանիք թէ Սատանան փորձի ենթարկեց Յորը նպատակ ունենալով՝ զայն հեռացնել աստուածպաշտութենէն (Յոր 1.9) եւ անոր բերանը հայինյեանքով բանալ Աստուծոյ նկատմամբ (Յոր 1.11): Աստուծմէ եկած փորձութիւնները մեզ Աստուծոյ զաւակներ կը դարձնեն, իսկ Սատանայէն եկած փորձութիւնները մեզ սատանայի կը վերածնեն:

Փետրուար 23

Մարդը կրնայ մեզ փորձել

Մարդոց կողմէ եկած կամ նիւթուած փորձութիւնները առ հասարակ նախանձի եւ ատելութեան արդիւնիք են: Անոնիք որոնիք կը յայտարարեն թէ իրենիք կը փորձեն իրենց նմանները գիտնալու համար անոնց հաւատարմութեան աստիճանաչափը՝ անոնիք գիտակից ստախօսներ են: Հաւատաք մի՛ ընծայէք անոնց: Անոնց մարդասիրութեան դիմակին տակ մարդատեցութիւնն է որ կը սնուցուի: Աստուած երբեք կոչում կամ պարտականութիւն չէ տուած մարդուն փորձելու իր նմանին հաւատարմութիւնը: Ասիկա ընելը Աստուծոյ իրաւասութեան սահմաններէն ներս կ'իյնայ: Մարդոց կոչումը իրարու գօրավիկ կանգնիլն է փորձութիւններու ընթացքին եւ ո՛չ թէ իրար փորձելը:

Փետրուար 24

Մարդը մարդուն համար

Մենիք այնքանով մարդ ենիք որքանով կը գործենիք մարդոց բարիքին համար: Մարդոց բարիքը չկամեցող մարդը հեռո՞ւ է մարդ ըլլալէ: Իրարու նկատմամբ մեր ցուցաբերած փոխադարձ ներողամտութեամբ ու սիրով՝ կը մեծնանիք: Ո՛չ ո՞ւ եղած է մե՛ծ մարդ՝ առանց մարդոց: Աշխարհի վրայ ապրող բոլոր մարդիկը ունին հասարակաց գիծ մը որ նոյնինին մարդկայնութիւնն է: Այս հասարակաց գիծն է որ բոլոր մարդիկը իրարու կը կապէ եւ իրարու հետ յարաբերութեան մէջ կը դնէ: Աստուծոյ հետ լաւ յարաբերութիւն ունենալը կախեալ է ուրիշներուն հետ մեր ունեցած լաւ յարաբերութենէն: Իր նմանին հետ վատ յարաբերութեան մէջ եղողը չի կրնար Աստուծոյ հետ լաւ յարաբերութեան մէջ ըլլալ:

Փետրուար 25

Սատանան ոխակալ է

Յիսուս աշակերտներուն հարցուց. «*Ո՞վ կը կարծէ՞ք զիս*»: Պետրոս պատասխանեց. «*Դում Քրիստոսն ես, կենդանի Աստուծոյ Որդին*» (Մտ 16.15–16): Սատանան չմարսեց Պետրոսի այս յայտարարութիւնը Յիսուսի մասին: Ան ժամեր ետք փորձեց Պետրոսի նամբով խափանել փրկագործութեան խորհուրդը, շանալ Յիսուսը համոզելով, որ ետ կենայ մարդոց համար մեռնելու իր գաղափարէն (Մտ 16.21–23): Ան նոյնիսկ փորձեց Պետրոսը ցորենի պէս մաղէ անցնել (Ղկ 22.31): Այս ցոյց կու տայ որ հաւատացեալ մարդը ամէն անգամ երբ վկայութիւն տայ Յիսուսի մասին՝ կրնայ ենթակայ ըլլալ փորձանեներու, բայց Յիսուս կ'աղօթէ իրեն համար վկայողներուն, ինչպէս աղօթեց Պետրոսի համար (Ղկ 22.32):

Փետրուար 26

Չըլլայ որ տրուածը Տուողէն աւելի սիրենի

Աղօթի պահուն Աստուծմէ զԱստուած է որ պէտք է խնդրենի: Պէտք է վարժեցնենի մեր անձերուն Աստուծոյ երեսին նայիլ եւ ո՛չ թէ անոր ձեռքերուն: Յանախ աղօթի ընթացքին Աստուծոյ ողորմութիւններն ու պարգևները կը փառաբանենի փոխանակ զԱստուած փառաբանելու: Քրիստոնեայ մարդը իր սիրտը պէտք է կապէ ողորմածն Աստուծոյ եւ ո՛չ թէ Աստուծոյ ողորմութիւններուն: Աղօթի ժամանակ Աստուած կը սպասէ մեր սպասելիքը դառնալ: Աղօթի պահը ինքնընծայումի պահ է, մեր կողմէ՝ Աստուծոյ, եւ Աստուծոյ կողմէ՝ մեզի: Ուստի, աղօթի ընթացքին Ընծայողին փարինի եւ ո՛չ թէ ընծային, Բաշխողը մեր յոյսը դարձնենի եւ ո՛չ թէ բաշխուածը, Տուողը պատուենի եւ ո՛չ թէ տրուածը:

Փետրուար 27

Ի՞նչ կը հասկնանի «Հնորհենվ փրկութիւն» ըսելով

«*Հնորհենվ փրկութիւն*» ըսելով կը հասկնանի այն՝ որ Քրիստոս փրկութիւն շնորհեց մեզի առանց որեւէ պայմանի: Աշխարհ միշտ պայմաններով կը շարժի: Բանտարկեալներ պայմաններով ազատ կ'արձակուին: Մահապատիժներ պայմաններով կը վերցուին: Երբ մահապատիժի դատապարտուած մէկը ազատ արձակուի առանց որեւէ պայմանի՝ ասիկա ձրի շնորհք չի^o նկատուիր իրեն համար: Անշունշտ: Երբ մեր գործած զազրելի մեղքերուն համար մահուան դատապարտուած էինի, Քրիստոս եկաւ եւ իր արիւնով շնորհեց մեզի յաւիտենական ազատութիւն առնաց որեւէ պայմանի: Ան չըսաւ. «*Կը ներեմ ճեղի եթէ..., կը ներեմ ճեղի բայց...*»: Ան «եթէ»ով ու «բայց»ով չի խօսիր մեր հետ:

Փետրուար 28

ՄԵԱՅ ԱՍՏՈՒԾՈՅ ՏԱԲԱՐ ԵԱՅ

«ԶԵ՞Ք գիտեր թէ Աստուծոյ տաճար է՞՛ դուք, եւ Աստուծոյ Հոգին կը բնակի ձեր մէջ» (Ա.Կր 3.16): Որքա՛ն կը տրտմի Աստուած երբ իր Հոգինն բնակութեան համար ստեղծուած մարդուն սիրտը՝ աշխարհի հոգինվ ու հոգերով բնակուած կը տեսնէ: Որքան տարբերութիւն կայ գարշահոտ ցեխով լեցուած բաժակին եւ բուրեան միւռնով լեցուած բաժակին միջեւ, նոյնքան եւ աւելի տարբերութիւն կայ, Աստուծայ Հոգինվ եւ աշխարհի հոգինվ բնակուած մարդոց միջեւ: Սիրելի՛ բարեկամ, դուն ինչո՞վ լեցուցած ես սիրտ, Յիսուսի սիրո՞վ, թէ՛ աշխարհի սիրով, եղեմական վարդերո՞վ, թէ՛ աշխարհի փուշերով: Ո՞վ ես դուն, տաճա՞ր մըն ես ուր Աստուած կը պաշտուի, թէ՛ բագին մը ուր չար ոգիներ կը ծափահարուին:

Մարտ 1

Քրիստոսը հրաւիրել մեր կեանքերուն մէջ

Որպէսզի կարենանք փրկուիլ, անհրաժեշտ է Քրիստոսը հրաւիրել մեր կեանքերուն մէջ ո՛չ միայն իբրեւ Փրկիչ, այլեւ իբրեւ Տէր: Նատեր զայն կ'ընդունին իբրեւ Փրկիչ բայց անոր հետ չեն վերաբերիր իբրեւ Տիրոջ: Քրիստոս Փրկիչ է այո՛, բայց միաժամանակ Տէր է: Ան Փրկիչ է՝ որովհետեւ մեզ փրկեց յաւիտենական դատապարտութենէն, եւ Տէր է՝ որովհետեւ մեզ ազատեց Սատանային տիրապետութենէն՝ որպէսզի ի՛նք ըլլայ մեր Տէրն ու մեր վրայ տիրապետողը: Երբ մէկ կողմէն կ'ընդունինք իր Փրկիչ ըլլալը, բայց միւս կողմէն, մեր կեանքին վերաբերեալ բոլոր որոշումները մենք է որ կ'առնենք, այդ կը նշանակէ թէ Յիսուսի կամքն ու խօսքը չեն որ կը տիրեն մեր կեանքերուն մէջ, այլ մե՛ր կամքն ու խօսքը:

Մարտ 2

Սիրով լեցուն յաւիտենականութիւն մը

«Քեզ յաւիտենական սիրով սիրեցի» (Եր 31.3): Քանի որ Քրիստոս յաւիտենական է՝ իր կողմէ մեզի տրուածներն ալ յաւիտենական կ'ըլլան: Յաւիտենական է իր սէրը որով մեզ սիրեց: Յաւիտենական է իր ներումը որ մեզի շնորհեց: Յաւիտենական է մեզի տուած իր փրկութիւնը: Յաւիտենական են իր պարգեւած յաղթանակն ու զօրութիւնը, փառքն ու մեծութիւնը, ուրախութիւնն ու խաղաղութիւնը: Երբ Աստուած մեզի կ'ըսէ. «Քեզ յաւիտենական սիրով սիրեցի», ըսել կ'ուզէ, թէ տուաւ մեզի յաւիտենականութիւն մը որ ամբողջութեամբ սիրով լեցուն է: Մենք չենք

կրնար ժառանգել սիրով լի յաւիտենականութիւն մը եթէ Յիսուսի սէրը տեղ գտած չըլլայ մեր սիրտերուն մէջ՝ մեր երկրաւոր կեանքի ընթացքին:

Մարտ 3

Այսօր աշխատանք մը կատարէ

«Տղա՛ս, այսօր այգի գնա աշխատելու» (Մտ 21.28): Այս խօսքը ուղղուած է իւրաքանչիւր մարդու որ կ'ապրի այս աշխարհի այգիին մէջ: Աստուած չ'ըսեր. «Վաղը այգի գնա աշխատելու», այլ՝ «Այսօր այգի գնա աշխատելու»: Սիրելի՝ բարեկամ, դուն այսօր ի՞նչ ըրիր Աստուծոյ փառքին համար: Աշխատեցա՞ր Աստուծոյ այգիին մէջ: Մեղքի կեանքը սիրող մարդու մը խօսեցա՞ր Յիսուսի սիրոյն մասին: Կրցա՞ր գոտեպնդել յուսալքուած մը կամ միսիթարել վշտացած մը: Փորձեցի՞ր այսօր ճշմարտութեան ճայնը հանդիսանալ: Յաջողեցա՞ր իրարու հետ քէն եղող երկու մարդիկ իրարու հետ հաշտեցնել: Այսօր այգի գնա աշխատելու: Անհամար թիւով խոպան սիրտեր եւ կամակոր հոգիներ կան հոն:

Մարտ 4

Պզտիկ գործերը մեծ սիրով կատարել

Մեծ մարդիկը անոնք չեն որոնք աչքառու եւ մեծամեծ գործեր կը կատարեն, այլ անոնք են՝ որոնք փոքր, աննշան եւ անբաղալի գործերը, կը կատարեն մե՛ծ սիրով եւ մե՛ծ ժամանուած: Ան որ Յիսուսի խոնարի սիրտը եւ հեզ հոգին չունի, ան որ մարդոց ոտքերը լուացող Յիսուսի ճեռքերը չունի՝ երբեք չ'ուզեր ճեռնարկել փոքր ծառայութիւններու, որովհետեւ ինքոյնք վիրաւորուած կը զգայ: Ընդհանրապէս մարդիկ զիրենք մեծարանքի եւ փառաբանութեան առարկայ դարձնող աշխատանքներ կը փափաքին յանան առնել: Ճշմարիտ քրիստոնեայ մարդը սակայն անհանելի գործերը հանոյնով կ'ընէ: Ան փոքր գործերու մէջ մե՛ծ սէր ու սիրտ կը դնէ: Այդպիսիներուն կեանքին մէջ է որ Աստուած կը մեծարուի:

Մարտ 5

Ինչպէս անիլ հոգեւորապէս

Քրիստոսը իր կեանքին մէջ ընդունող մարդը իր հոգեւոր կեանքին մէջ տեղքայլ պէտք չէ ընէ: Եթէ տեղքայլ ընէ, այլ խօսքով, եթէ չանի իր հաւատքին մէջ, եթէ չհասուննայ Աստուծոյ հետ իր սիրալիր ու սուրբ յարաբերութեան մէջ, այդ կը նշանակէ թէ իր հոգեւոր կեանքը սխալ ընթացքի մէջ է, նման պարագայի, պէտք է դիմէ իրմէ աւելի հոգեւոր

փորձառութիւն ունեցող անάի մը խորհրդատութեան: Միայն եկեղեցի երթալով, Սուրբ Հաղորդութիւն առնելով եւ պատարագի մասնակցելով չենք անիր: Աճելու համար խիստ անհրաժեշտ են երեք բաներ (1) Աղօթքով ամէն օր մենիկ պահ մը անցնել Աստուծոյ հետ: (2) Սուրբ Հոգիին առաջնորդութեամբ Ս. Գիրքի ընթերցում կատարել: Եւ (3) հետեւիլ հոգեւորապէս անած ու փորձառու անձի մը թելադրութիւններուն:

Մարտ 6

Ունի՞ս ծննդեան երկու տարեդարձներ

Սուրբ Օգոստինոս կ'ըսէ. «Յիսուս Քրիստոս ունի ծննդեան երկու տարեդարձներ.- Հօրմէն ծնունդ առանց մօր, ի յաւիտեմից..., եւ մօրմէն (Մարիամէն) ծնունդ առանց հօր, ժամանակներու լրումին»: Սիրելի՝ ընթերցող, դուն ալ ունի՞ս ծննդեան երկու տարեդարձներ: Յիսուս յստակօրէն կը խօսի երկու ծնունդներու մասին. «Մարմինէն ծնածը մարմին է, իսկ հոգիէն ծնածը՝ հոգի» (Յհ 3.6): Յայտնի է որ դուն ծնած ես մարմնապէս քանի որ այս գիրքը ունիս ձեռքիդ մէջ եւ զայն կը կարդաս, բայց երկրորդ ծնունդը որուն մասին Յիսուս կը խօսի, Աստուծոյ Հոգիէն ծնիլն է: Ծնա՞ծ ես Աստուծոյ Հոգիէն եւ դարձա՞ծ ես շնորհքի զաւակ: Ի՞նչ կը սպասես ինքզինֆդ Յիսուսի յանձնելու համար:

Մարտ 7

Ինչպէ՞ս գիտնալ որ նշմարտութիւնը կը սիրենի

Երբեմն մարդիկ կը յայտարարեն թէ իրենի նշմարտութիւնը սիրող եւ նշմարտութիւնը խօսող անձեր են: Ինչպէ՞ս կարելի է գիտնալ որ անոնի իսկապէս նշմարտութիւնը անկեղծութեամբ սիրող մարդիկ են: Գիտնալու կերպը հետեւեալն է: Յայտնե՞նի անոնց ժխտական բան մը իրենց անձերուն մասին, եթէ ընդզգին կամ վիրաւորուին՝ անկէ կը գիտնանի որ անոնի նշմարտութիւնը սիրող մարդիկ չեն: Ճշմարտասէր եւ անկեղծ եղող մարդը, հանոյքով կը լսէ ուրիշին նշմարիտ եւ անկեղծ խօսքը: Պէտովէն կ'ըսէ. «Ճշմարտութիւնը որքան անկեղծութեամբ կ'ըսեմ, նոյնին հանոյքով ալ կը լսեմ»: Երբ մէկը կ'ուրախանայ նշմարտութիւնը խօսած ատեն բայց չ'ուրախանար լսած ատեն՝ ատիկա կեղծաւոր մըն է:

Մարտ 8

Ունի՞ս Յիսուսի խաղաղութիւնը մէջդ

Տեր Յիսուսի շնորհենվ պարգեւուած խաղաղութիւնը իր սրտին մէջ չընդունած մէկը, չի' կրնար խաղաղութիւն ունենալ ո՛չ Աստուծոյ հետ, ո՛չ իր նմանին հետ եւ ո՛չ ալ ինքնիր անձին հետ։ Քրիստոսվ ինքնիր խաղաղութիւնը չգտած մէկը, որքան ալ ձեւացնէ որ ինք խաղաղարար ու խաղաղ մէկն է, անմիջապէս կը կորսնցնէ իր խաղաղութիւնը եւ իրար կ'անցնի երբ ժիշ մը ծանր նեղութեան հանդիպի։ Մէկը չի կրնար դժուարին պահերը խաղաղութեամբ դիմակալել եթէ չէ հանգչած Քրիստոսի մէջ եւ Քրիստոս իր մէջ։ Դո՛ւն, սիրելի՝ ընկեր, հաշտուած ես երկնաւոր Հօրդ հետ Քրիստոսվ։ Այս հաշտութիւնն է որ անբացատրելի ներքին խաղաղութիւն մը կը պարգեւէ ֆեզի։

Մարտ 9

Ապաշխարենք այլոց փրկութեան ի խնդիր

Ան որ չէ ապաշխարած եւ իր չար ընթացքն չէ հրաժարած՝ այդ մարդը պատասխանատու է Աստուծոյ առջեւ ո՛չ միայն ինքնիր անձին համար, այլ նաև ուրիշներուն համար։ Իր անձին կողքին, այլոց համար ալ պատասխանատու է, որովհետեւ իր անապաշխար կեանքի ապրելառնով անոնց գլորման պատճառ կ'ըլլայ։ Իր անապաշխարութեան զոհը ինք եւ ուրիշներ կ'երթան։ Մէկը ըսած է. «Ոչ ոք առանձին դժոխք կ'երթայ»։ Այս՝ մէկը առանձին դժոխք չ'երթար, այլ հետը կը տանի բոլոր անոնք՝ որոնք իր չար ժայլերուն հետեւեցան։ Հետեւաբար, եթէ չենք ուզեր ապաշխարել մեր անձերու փրկութեան համար, գոնէ ապաշխարենք մեր սիրելիներուն փրկութեան ի խնդիր։

Մարտ 10

Քրիստոս զերծ մնաց ամէն մեղքէ

Քրիստոս մեր փրկութեան համար «մարդկային բոլոր կիրքերը կրեց, բացի մեղքէն։ Այսիմքն, ամօթեցաւ՝ Ան որ բոլոր ապրողմերուն կերակուր կու տայ. ծարաւցաւ՝ Ան որ իրեն հաւատացողմերուն կեանքի ջուրը կը պարգեւէ. յոգնեցաւ՝ Ան որ յոգնածմերուն հանգիստն է. բնացաւ՝ Ան որ արթնութեամբ կը հսկէր իսրայէլի վրայ. լացաւ՝ Ան որ բոլոր դէմքերէն ամէն արցունիք սրբց. աշխարհի վրայ շրջեցաւ երեսուն տարիներ, իր աստուածութեան փառքը առանց յայտնելու, մինչեւ կատարեալ հասակին լրումը» (Սուրբ Գրիգոր Նարեկացի)։ Սիրելի՛ս, Քրիստոս մարդկային կեանքի բոլոր հանգրուաններէն յաղթական անցաւ, որպէսզի ֆեզ յաղթող դարձնէ «մարդկային» սեպուած բոլոր տեսակի մեղքերուն դէմ։

Մարտ 11

Հալածողը ի՞նքն է որ կը հալածուի

Որքան ալ թուի մեզի որ աշխարհի մարդը կը հալածէ Աստուծոյ մարդուն, խորքին մէջ սակայն ի՞նքն է որ կը հալածուի անկէ: Հալածուած զգալն է որ զինք կ'առաջնորդէ հալածելու ուրիշները: Սաւուղ պիտի չհալածէր Դաւիթը, ո'չ ալ Յովսէփին եղբայրները՝ Յովսէփը, կամ Փարիսեցիները՝ Յիսուսը, եթէ երբեք իրենիք զիրենիք հալածուած չզգային անոնց կողմէ: Ճշմարիտ հաւատացեալ մարդոց դիմաց անհաւատներ խոռվութեամբ կը լեցուին: Աստուծոյ մարդուն ներկայութիւնը տանջանք է աշխարհասէր մարդոց համար: Քրիստոսի ներկայութիւնը տանջանք մը չէ՞ր Փարիսեցիներուն եւ հրեայ բոլոր դեկավարներուն համար: Իսկ դուն սիրելի՝ ընթերցող, տանջո՞ղ ներկայութիւն ես, թէ՝ տանջուող:

Մարտ 12

Պատգամ փոխանցելէ առաջ, մե՛նք ըլլանի պատգամ

Քրիստոս լոկ Աստուծոյ խօսքը բերող մը չեղաւ, այլ՝ Աստուծոյ խօսքն իսկ: Քրիստոս Աստուծոյ սիրոյն մասին նառեր խօսելով չէր որ գրաւեց մարդկութիւնը: Մարդիկ հետեւցան իրեն, որովհետեւ անոր կեանին մէջ տեսան Աստուծոյ սէրը: Ան պատգամ փոխանցելէ առաջ, նախ ի՞նք եղաւ պատգամ: Ահա՝ քրիստոնեայ մարդուն կոչումը. ան երկինքին պատգամաւորը ըլլակ առաջ, նախ պարտի ըլլալ պատգամը երկինքին՝ երկրաւորներուն: Քրիստոս չպատուիրեց մեզի լոյսի նման շողշողուն քարոզներ խօսիլ, այլ՝ լոյս ըլլալ ու լոյսի պէս շողալ. «Զեր լոյսը քող այնպէս շողայ մարդոց առջեւ, որ անոնք ձեր բարի գործերը տեսնեն եւ փառաւորեն ձեր Հայրը, որ երկինքի մէջ է» (Մտ 5.16):

Մարտ 13

Աստուծոյ սէրը բոլոր ինչո՞ւ-ներուն պատասխանն է

Աստուծոյ սէրը պատասխանն է մարդոց բոլոր «ինչո՞ւ»ներուն: Եթէ հարցնեք թէ Աստուած ինչո՞ւ ստեղծեց աշխարհը, ինչո՞ւ ստեղծեց մարդը, ինչո՞ւ մարդեղացաւ, ինչո՞ւ խաչուեցաւ, ինչո՞ւ փրկեց մարդկութիւնը, ինչո՞ւ իր լոյսը կը ծագեցնէ խաւարասէրին վրայ, ինչո՞ւ իր անձրեւը կը տեղացնէ ժլատին վրայ, ինչո՞ւ շուտով չ'ազատեր բարին, ինչո՞ւ չի պատժեր չարագործները, ինչո՞ւ իմ հարազատիս կեանիք առաւ, ինչո՞ւ, ինչո՞ւ, ինչո՞ւ...: Թէպէտ չենք գիտեր պատմութեան բոլոր ինչու-ներուն պատասխանը, բայց գիտենք որ անոնց պատասխանը

ամփոփուած է Աստուծոյ սիրոյն մէջ: Ա. Օգոստինոս կ'ըսէ. «Ամբողջ Սուրբ Գիրքը Աստուծոյ սիրոյն մասին պատմելէ զատ ուիրշ բան չ'ըներ»:

Մարտ 14

Ապահով ենք եթէ կ'ապրինք Աստուծոյ սիրոյն մէջ

Ես չեմ կրնար հանգիստ զգալ եթէ գիտնամ որ Աստուծ գոյութիւն ունի. չեմ կրնար ապահով ըլլալ եթէ իմանամ որ Յիսուս իր արիւնը թափեց ինձի համար. չեմ կրնար խաղաղ մնալ եթէ ինձի ըսուի որ Սատանան պարտութեան մատնուած է խաչով. չեմ կրնար անհոգ երեւիլ եթէ ինձի յայտնուի որ Աստուծ մեր հոգերը իր վրայ կրնայ առնել. չեմ կրնար ուրախանալ եթէ ինձի յայտարարուի թէ Աստուծ անպատմելի ուրախութիւն մը վերապահած է իր զաւակներուն համար: Այս բոլորը գիտնալով հանդերձ մենք կրնանք ապահով չզգալ եւ չըլլալ: Իսկ եթէ գիտնանք որ Աստուծ մեզ կը սիրէ եւ մենք՝ զինք, եւ եթէ կ'ապրինք ու կ'անինք իր սիրոյն մէջ, միայն ա'յն ատեն կրնանք ապահով ու խաղաղ զգալ:

Մարտ 15

Թող մարդիկ տեսնեն մեր ինչպէ՞ս ապրիլը

Լ. Տրուսուս անունով Հռոմայեցի կառավարական պաշտօնեայ մը այնպիսի տան մը մէջ կը բնակէր որ ժողովուրդը ամէն կողմէ կրնար ներս նայիլ եւ զինք տեսնել: Օր մը երկրաչափ մը անոր քով եկաւ եւ ըսաւ. «Եթէ ինձի հազար ոսկի տաք' ձեր տունը այնպիսի ձեւով մը կը կառուցեմ որ մէկը չկարենայ ներսը տեսնել»: Տրուսուս կը պատասխանէ. «Ես ձեզի երկու հազար ոսկի կու տամ եթէ տունս կրնաք այնպէս թափանցիկ ընել որ ամէն մարդ ինչպէս ապրիլս կարենայ տեսնել»: Ընթերցող բարեկամ, եթէ դուն Աստուծոյ զաւակն ես, պէտք չունիս վախնալու թէ մարդիկ կը տեսնեն ինչպէս ապրիլդ: Ամբողջ կեանքդ բաց աւետարան մը թող ըլլայ, որ կը պատմէ Յիսուսի սիրոյն մասին:

Մարտ 16

Դուն ալ Յիսուսի ետեւ պահուըտո՞ղ մըն ես

Կը պատմուի որ գիւղի մը մէջ Ժանէթ անունով հաւատացեալ կին մը կ'ապրէր, որ օր մը ծանրապէս հիւանդանալով անկողին կ'իյնայ: Գիւղի բահանան կ'այցելէ իրեն եւ հարց կու տայ ըսելով. «Ժանէթ, հիմա որ մեռնիս եւ երթաս Հայր Աստուծոյ առջեւ կանգնելու, ի՞նչ պիտի ըսես

իրեն մեղքերուդ մասին»: Ժանէթ պատասխանեց. «Հայրն Աստուած երբ նայի ինձի՝ պիտի չկրնայ զիս տեսնել, որովհետեւ Յիսուսի ետեւ պահութած պիտի ըլլամ։ Ան ինձի նայելով միայն իր Որդին պիտի տեսնէ»։ Պատասխանը շիտակ էր։ Յիսուս հաւատացեալ մարդուն պաշտպանն ու միջնորդն է երկնաւոր Հօր ներկայութեան։ Ընթերցո՞ղ բարեկամ, դուն ալ Յիսուսը դարձուցա՞ծ ես պաշտպանդ։

Մարտ 17

Եկեղեցի երթալ ակնկալութեամբ

Եկեղեցին ամէն բանէ առաջ Աստուծոյ հանդիպման վայր մը պէտք է ըլլայ մեզի համար։ Եկեղեցի գացող մարդը, Աստուծոյ հանդիպելու վառ ակնկալութեամբ պէտք է երթայ։ Ցաւալի է տեսնել հոծ բազմութիւններ, որոնք եկեղեցի կը յանախեն առանց փոխակերպուելու եւ փոխուելու յոյս ունենալու, առանց Քրիստոսի եւ իր մարմինին՝ եկեղեցիին հետ միութիւն եւ մէկութիւն կազմելու նպատակի մը։ Եկեղեցի գացող մը պէտք է նպատակով մը, յոյսով մը եւ ակնկալութեամբ մը երթայ։ Մէկը ըսած է. «Ոմանք եկեղեցի կ'երթան աչքերնին գոցելու, իսկ ուրիշներ եկեղեցի կ'երթան՝ աչքերնին գոց»։ Սիրելինե՛ր, չերթանք եկեղեցի կուրօրէն, այլ երթանք յոյսը մեր սրտին, եւ յուսախար պիտի չըլլանք։

Մարտ 18

Աստուած կ'իշխէ մեր կեանքի տառապանքին վրայ

Տառապանքը մարդուն կեանքին մաս կը կազմէ։ Եթէ հրաւիրած ըլլանք Քրիստոսը որ իշխէ մեր կեանքին վրայ, ան ինքնաբերաբար իշխած կ'ըլլայ նաեւ մեր կեանքը լեցնող տառապանքներուն վրայ։ Եւ եթէ Քրիստոս ի՛նքն է իշխողը մեր կեանքը լեցնող տառապանքներուն վրայ, ան կրնայ զանոնք օգտագործել մեր հոգեւոր անման եւ բիւրեղացումին համար։ Կեանքի տառապանքները փոփոխական են, իսկ Աստուած՝ անփոփոխ։ Աստուծոյ անփոփոխելիութիւնը մեր փրկութեան երաշխիքն է։ Աստուած գիտէ որ աշխարհ ամէն օր կը փոխուի, ուստի ան յատուկ ուշադրութիւն կը դարձնէ որ իրեն յուսացողները չփոխուին եւ ըլլան աշխարհին պէս, այլ փոխուին եւ ըլլան իր Որդիին նման։

Մարտ 19

Աստուած մարդուն փառքն է

Աստուած մարդը ստեղծեց իր փառքով ու իր փառքին համար (Ես 43.7): Ինչպէս Աստուած իր փառքը յայտնեց Մովսէսին դէմքին վրայ, այնպէս ալ կ'ուզէ յայտնել մեր դէմքին վրայ: Երբ աղօթի կանգնինք նպատակ ունենալով զԱստուած փառաւորել ու փառաբանել, Աստուած ալ իր կարգին մեզ պիտի փառաւորէ: Ասիկա իր խոստումն է մեզի. «Զիս փառաւորողները պիտի փառաւորեմ» (Ա.Թգ 2.30): Ինչպէս արեւը լուսինին փառքն է, այնպէս ալ Աստուած մարդուն փառքն է: Լուսինը խաւար է առանց արեւին, իսկ մարդը խաւար է առանց Աստուծոյ: Թոյլ չտանք որ մեղքի ամպը պատճէշ մը դառնայ մեր եւ Աստուծոյ միջեւ, եւ չկարենանք Աստուծոյ փառաւորիչ լոյսը ըմբոշինել:

Մարտ 20

Ինչո՞ւ չարասէրներ չեն վախնար Աստուծմէ

«Թէեւ Աստուծմէ չեմ վախնար...» (Ղկ 18.4): Յիսուս կ'ըսէ թէ այս խօսքը անիրաւ դատաւորի մը խօսքն է: Ոեւէ մարդ որ կ'ապրի անիրաւութեան կեանք մը՝ կը նշանակէ թէ չի վախնար Աստուծմէ: Պատճառը թէ ինչո՞ւ չարագործ մարդիկ չեն վախնար Աստուծմէ եւ իրենց ընթացքը չեն փոխեր, այն է՝ որ Աստուած չի պատժեր զիրենք: Աստուած Եսայի մարգարեին նամբով կ'ըսէ. «Զէ՞ որ երկար ատեն լուս կենալուս համար է, որ ինձմէ չես վախնար» (Ես 57.11): Զարասէր մարդիկ պէտք է գիտնան որ Աստուած որեւէ վայրկեանին կրնայ խզել իր լոռութիւնը եւ կրնայ հարուածել զիրենք: Երբ տակաւին այդպիսի բայլ մը չէ առած Աստուած, ամէն մէկս իր չարութենէն թող հրաժարի:

Մարտ 21

Յիսուսի մեզի ճգած ժպիտը

Յիսուս իր սեփական ժպիտը թողուց մեզի, որպէսզի այդ ժպիտով դիմագրաւենք կեանքի բոլոր տեսակի դժուարութիւնները: Հաւատքէն նառագայթող ժպիտին դիմաց Սատանան կը զարհուրի, իսկ սատանայութիւն ընողը՝ կ'ամշնայ: Եթէ մենք հաւատքի աչքերով չենք տեսած Յիսուսի ժպիտը՝ մարդիկ բնա՛ւ պիտի չկրնան մեր դէմքին վրայ տեսնել յաղթանակի ժպիտը: Ա՛ն միայն կրնայ ժպտիլ իր նմանին՝ որ տեսած է ժպիտը Յիսուսի: Ա՛ն միայն կրնայ ուրախացնել տրտմածը՝ որ իր սրտին մէջ կը կրէ Յիսուսի ուրախութիւնը: Ա՛ն միայն կրնայ զօրացնել տկարը՝ որ զօրացած է Սուրբ Հոգիով: Ա՛ն միայն կրնայ սրբանալ՝ որ կ'աղօթէ իր նմանին սրբութեան համար:

Մարտ 22

Աստուած կրնայ օգտագործել ոեւէ մէկը

Աստուած իր գործի յառաջացման համար դրամ՝ ու կարողութիւն ունեցող մարդիկ չի փնտոեր, այլ՝ հաւատք՝ ու պատրաստակամութիւն ունեցող մարդիկ։ Աստուծոյ համար պատրաստակամ՝ ըլլալը աւելի՝ կարեւոր է քան պատրաստաբան ըլլալը։ Ան շատ աւելի՞ն կրնայ ընել իր սրտին մէջ գութ՝ ու գորով ունեցող մարդուն նամբով, քան իր գրպանին մէջ առատ դրամ՝ ունեցող մարդուն միջոցաւ։ Աստուծոյ համար աւելի գերազանց արժէք կը ներկայացնէ այն մարդը որ տաճար կը դառնայ՝ Սուրբ Հոգիով լեցուն տաճար, քան այն մարդը, որ դրամ կու տայ եւ տաճար կը կառուցէ։ Ուստի, չանտեսենք ոեւէ մէկը։ Մեր անտեսած մարդիկը, Աստուծոյ ձեռքին մէջ կրնան սքանչելի գործիք դառնալ։

Մարտ 23

«Ո՞ւր է ձեր հաւատքը»

«Ո՞ւր է ձեր հաւատքը» (Ղկ 8.25): Յիսուս այս հարցումը ուղղեց իր աշակերտներուն երբ անոնք ծովուն վրայ փոթորիկ մը դիմագրաւելով՝ խոռվեցան ու վախցան։ Դիւրին է հաւատալ երբ փորձութիւնները բացակայ են մեր կեանքէն։ Դիւրին է հաւատալ երբ ամէն ինչ հեզասահ ու խաղաղ կ'ընթանայ մեր կեանքին մէջ։ Բայց ո՞ւր է մեր հաւատքը երբ փորձութիւնները մեզ կը շրջապատեն։ Ո՞ւր է մեր հաւատքն ու համոզումը թէ մենք Քրիստոսի մէջ է որ կը հանգչինք, եւ թէ Քրիստոս ի՞նքն է դեկավարը եւ առաջնորդը մեր կեանքի նաւերուն։ Նեղութեան ընթացքին իրար անցնիլն ու մտահոգուիլը, Քրիստոսի դեկավարութեան եւ առաջնորդութեան կարողութիւնը կասկածի տակ առնել կը նշանակէ։

Մարտ 24

«Վարդապե՞տ, Վարդապե՞տ, ահա կը կորսուինք»

«Վարդապե՞տ, Վարդապե՞տ, ահա կը կորսուիմք» (Ղկ 8.24): Մահուան եզրին գտնուող մարդոց աղաղակն է ասիկա։ Թէեւ վա՛խ կայ այս բառերուն մէջ, բայց միաժամանակ կա՛յ հաւատք ու վստահութիւն Յիսուսի նկատմամբ։ Հաւատք՝ որ ան կրնայ մեզ մահուան անդունդէն ետ դարձնել։ Հաւատք՝ որ ան մեզ պիտի չլիք եթէ երբեք աղաղակենք իրեն։ Աշակերտներէն սորվինք, որ ամէն անգամ երբ վախ ու մտահոգութիւն արթնեայ մեր սրտին մէջ, անմիջապէս դիմենք Քրիստոսի եւ զանոնին դնենք իր ոտքերուն տակ։ Սիրելի՛ ընթերցող, եթէ մեղքի ստրուկ մըն ես,

դարձիր Տիրոջ ու ըսէ. «Կարդապե՛տ, ահա կը կորսուիմ»: Եւ հաւատայ որ ան առիւծի նման ազատութեանդ համար պիտի վագէ:

Մարտ 25

Դպնալ Յիսուսի

«Ետեւէն մօտեցաւ եւ դպաւ Յիսուսի հագուստիմ քղանցքին» (Ղկ 8.44): Տասներկու տարիէ ի վեր արիւնահոսութենէ տառապող կին մը վնենեց դպնալ Յիսուսի քղանցքին, այն քաջ համոզումով, որ եթէ դպնար՝ պիտի բուժուեր: Դպաւ եւ բուժուեցաւ: Քրիստոս բժիշկն է մարդկային ցեղին: Բժիշկ մը՝ որմէ զօրութիւն դուրս կ'ելլէ ու բուժում կը տարածէ (Ղկ 8.46): Հետեւաբար, դպնա՛նք անոր եւ բուժում պիտի գտնենք մեր խոցոտուած հոգիներուն համար: Դպնա՛նք անոր եւ ահա կանգ պիտի առնէ մեղքի արիւնահոսութիւնը մեր կեանքին մէջ: Դպնա՛նք անոր եւ պիտի մաքրուինք ու սրբուինք: Դպնա՛նք անոր եւ պիտի զօրանանք ու փոխուինք: Դպնա՛նք անոր հաւատենով: Դպնա՛նք անոր վստահութեամբ:

Մարտ 26

Պատմէ Աստուծոյ ըրածին մասին

«Տունդ դարձիր եւ պատմէ ինչ որ Աստուած քեզի ըրաւ» (Ղկ 8.39): Յիսուս բժշկեց չար ոգիներով բնակուած Գերգեսացի մարդ մը եւ ապա անոր պատուիրեց տուն երթալ եւ պատմել Աստուծոյ ըրածին մասին: Չար ոգիներով բնակուած մարդիկ իրենց տան անդամներուն համար նախատինք էին, ահա թէ ինչո՞ւ, առաջին հերթին Գերգեսացին իր ընտանիքի անդամներուն պէտք է երթար, որպէսզի ինչպէս անոնց համար նախատինք դարձած էր, այս անգամ դառնար օրինութիւն: «Պատմէ ինչ որ Աստուած քեզի ըրաւ»: Մեր կոչումն է պատմել ու վկայել Աստուծոյ գործին ու սիրոյն մասին: Քրիստոնեայ մարդը իրաւունք չունի լուռ ու մունց կենալու Աստուծոյ ձայնին կարօտով տոչորող այս աշխարհին մէջ:

Մարտ 27

Աստուծոյ ըրածը նախ ընտանիքիդ պատմէ

«Տունդ դարձիր եւ պատմէ...» (Ղկ 8.39): Քրիստոսը անձնապէս ընդունելէ ետք, իսկոյն հրապարակ չիցնենք եւ սկսինք խօսիլ իր մասին անձանօթին: Փրկութեան աւետիսը մեր չնանչցածներուն փոխանցելէ առաջ, նախ պէտք է փոխանցել մեր նանչցածներուն, մեր ընտանիքի անդամներուն, մեր հարազատներուն: Քրիստոնէութիւնը նախ պէտք է

ապրիլ ընտանիքի մէջ: Երբ Յիսուս իր աշակերտները պիտի դրկեր առաքելութեան, անոնց պատուիրեց չերթալ հեթանոսներուն շրջանները, այլ նախ երթալ Իսրայէլի կորսուած ոչխարներուն (Մտ 10.5-6): Հաւատացեալ մարդը նախ վկայ մը պէտք է ըլլայ իր ընտանիքի անդամներուն, ապա մօտիկ պարագաներուն եւ ամբողջ գերդաստանին:

Մարտ 28

Յիսուսի նման թողուլ մեր փառքը

Կորսուած ոչխարին առակին մէջ ներկայացող հովիւր որ կը թողու իննսունինը ոչխարները եւ կ'երթայ մէկ հատիկ կորսուած ոչխարին ետեւէն՝ Յիսուս ինքն է: Ան թողուց իննսունինը ոչխարները, այսինքն՝ իրեշտակներու անհամար բանակները, թողուց իր փառքն ու իրեշտակներուն կողմէ իրեն ընծայուած փառաբանութիւնները, եւ եկաւ մեղքով վիրաւորուած մարդոցս փոխարէն վերք ստանալու եւ իր վերքերով մեզ բուժելու (Ես 53.5): Սիրելի՝ ընթերցող, այս իրողութիւնը մարտահրաւէր մը կ'ուղղէ մեզի: Մենք պատրա⁹ստ ենք ձգելու մեր հանգիստն ու փառքը, եւ ի գին ամէն տառապանիքի, երթալու մեղքի մէջ կորսուած մեր եղբայրը փնտոելու, գտնելու եւ տուն դարձնելու:

Մարտ 29

Աստուծոյ գաւակները թող չմտահոգուին

Մտահոգութիւնը եթէ մեղք չըլլար Յիսուս պիտի չըսէր. «Մի՛ մտահոգուիք աեր կեանքին համար...» (Մտ 6.25): Մտահոգութիւնը մոոցնել կու տայ մեզի որ մենք ամենակարող Աստուծոյ մը գաւակներն ենք: Մտահոգութիւնը յառաջ կու գայ երբ չենք նանչնար զԱստուած: Մտահոգութիւնը վախ կը յառաջացնէ, իսկ վախը՝ անհանգստութիւն: Մտահոգութիւնը թոյլ չի տար որ տեսնենք նշմարտութիւնը մեր շրջապատին մէջ: Մտահոգութիւնը մեզ հեռո՛ւ կը պահէ երկինքի բարիքներէն ու օրինութիւններէն: Մենք երկինքի ու երկրի Թագաւորին գաւակներն ենք: Կը վայելէ⁹ մեզի մտահոգուի երբ ամենահաս, ամենախնամ եւ ամենառողմած Թագաւորի մը գաւակներն ենք:

Մարտ 30

Ամէն օր քիչ մը աւելի մտերմանանք Աստուծոյ հետ

Աստուծոյ գաւակները տեղբայլ պէտք չէ ընեն իրենց հաւատքի կեանքին մէջ: Անոնք ծառի նման ամէն օր պէտք է անին հասնելու համար

կատարելութեան։ Սաղմոսագիրը կ'ըսէ. «Անոնք զօրութենէ զօրութիւն պիտի երթան, մինչեւ որ Սիոնի մէջ Աստուծոյ առջեւ երեւնան» (Սղ 84.7): Քրիստոնեայ մարդը զօրութենէ զօրութիւն, յաղթանակէ յաղթանակ եւ օրհնութենէ օրհնութիւն պէտք է երթայ, մինչեւ դառնայ հարազատ նմանութիւնը Աստուծոյ Որդիին։ Իւրաքանչիւր օր մեզ քայլ մը աւելի պէտք է մօտեցնէ ու մտերմացնէ Աստուծոյ։ Այդ մտերմութիւնը կը ստեղծուի աղօթքի պահուն, երբ Աստուած ինքնինքին եւ մեր մասին յայտնութիւններ կը կատարէ։

Մարտ 31

Աստուած կ'օրինէ որպէսզի օրհնութիւն դառնանք

Աստուած կը գործէ սիրտերուն եւ հոգիներուն մէջ անոնց՝ որոնք կը գործեն սիրտ ու հոգի տալու իրենց նմաններուն։ Աստուած իր սէրը կը յայտնէ մեզի հանդէպ, եթէ մենք պատրաստ ըլլանք իր սէրը յայտնելու կաթիլ մը սիրոյ կարօտներուն։ Աստուած ինքնինք չի յայտներ մեզի, եթէ երբեք մենք զինք պիտի չյայտնենք ուրիշին։ Աստուած ինքնինք չի նանչցներ մեզի, եթէ երբեք մեր կեանքերը զԱստուած նանչցնող կեանքեր պիտի չըլլան։ Մեր կեանքերը չեն կրնար նանչցնել զԱստուած եթէ անոնք չեն յաղթած աշխարհի կեանքին։ Երբ Աստուած իր օրհնութիւնը կամ պարգևւը կու տայ մեզի, մի՛շտ նկատի կ'ունենայ ուրիշը։ Աստուծոյ զաւակը օրհնարեր ներկայութիւն պէտք է դառնայ այլոց կեանքին մէջ։

Ապրիլ 1

Աստուծոյ համար ապրուած օրը՝ լեցո՛ւն օր է

Կենդանի են միայն այն օրերը որոնց ընթացքին կենդանի ու կենդանարար հաւատքով ապրած ու գործած ենք։ Մեռա՛ծ կը սեպուի այն օրը որուն ընթացքին Աստուծոյ փրկութեան եւ թագաւորութեան համար աշխատանք չենք տարած։ Իւրաքանչիւր օր Աստուծոյ պարգևւն է զոր Աստուծոյ պէտք է պարգևել։ Աստուծմով եւ Աստուծոյ համար ապրուած օր մը յաւիտենական օր է, լեցուն օր է, վարձատրութեան արժանի օր է։ Ինչ որ կրնանք ընել այսօր, վաղուան չյետաճգենք։ Վաղուան համար Աստուած ուրիշ ընելիքներ պատրաստած է մեզի։ Եթէ ա՛յս օրը հաւատքի եւ սիրոյ գործերով չլեցնենք, Աստուած կրնայ վաղուան օրը չվստահիլ մեզի։ Արդարացնենք ա՛յս օրը, որպէսզի վաղուան օրը վստահուի մեզի։

Ապրիլ 2

Մի՛ յետաճգեր Յիսուսի յանձնուիլը

«Այսօր երբ կը լսէ՞ Աստուծոյ ձայնը, ձեր սիրտերը մի՛ փակէ՞» (Եքր 4.7): Այս տողերը որ կարդացիր, գիտցիր որ Աստուած կանգնած է առջեւդ եւ կը սպասէ արտօնութեանդ որպէսզի մուտք գործէ սրտէդ ներս: Ճի՛շդ այս պահուն ան կը թակէ սրտիդ դուռը: Ականչդ մի՛ փակեր Յիսուսի սիրոյ կոչին դիմաց, որպէսզի փակած չըլլաս արքայութեան դուռը դուն քու առջեւդ: Օրինակ առ Դաւիթ մարգարէն, Մատթէոս աւետարանիչէն, Զակիէոսէն, Պողոսն ու Շիղան կապած բանտապետէն եւ շատ մը ուրիշներէն, որոնք երբ լսեցին Քրիստոսի փրկութեան հրաւերը, անմիջապէս ընդառաջեցին: Եթէ կեանքդ Յիսուսի յանձնելու աշխատանքը յետաձգող մըն ես՝ գիտցի՛ր, որ Սատանան է քեզ մղողը որ այդպէս ընես:

Ապրիլ 3

Ինչե՞ր կ'ընէ մեղքը

Մեղքը յորձանուտ մըն է աշխարհը խոռվեցնող: Մեղքը կ'ոտնակոխէ պատիւր մարդուն: Մեղքը կը պղծէ հոգին մարդուն: Մեղքը Աստուծոյ փառքին համար ստեղծուած մարդուն Սատանային կնիքը կրել կու տայ: Մեղքը Սուրբ Հոգիին բնակութեան համար պատրաստուած մարդուն սիրտը չար ոգիներու բնակարան կը դարձնէ: Մեղքը կը թառամեցնէ մարդուն հոգիին առաքինութիւնները եւ կ'անդամալուծէ անոր կարողութիւնները: Մեղքը երկինքը կը գողնայ մեր ձեռքէն: Մեղքը հրեշտակը հրէշի կը վերածէ: Ուստի, հեռանանք մեղքէն եւ յարինք Յիսուսին: Կա՛մ մեղքը մեզ պիտի հեռացնէ Յիսուսէն եւ կամ Յիսուս՝ մեղքէն: Որքան մօտենանք Յիսուսին՝ ա՛յնքան կը հեռանանք մեղքէն:

Ապրիլ 4

Յիսուս բժիշկն է մարդկային ցեղին

Իրական հիւանդութիւնը հոգիի հիւանդութիւնն է եւ ո՛չ թէ մարմինի հիւանդութիւնը: Քրիստոս ամէն անգամ երբ մէկը պիտի բժշկէր, նախ ուզեց անոր մէջ հաւա՛տք տեսնել կամ արծարծել: Սա ցոյց կու տայ թէ ան կը նախադասէ հոգիի բժշկութիւնը բայց բնաւ չ'անտեսեր մարմինի բժշկութիւնը: Քրիստոս ի՛նքն է իրական բժիշկը, որովհետեւ աշխարհի մէջ գոյութիւն ունեցող միլիոնաւոր բժիշկներէն միայն ի՛նք կրնայ կենդանացնել մեր հոգիներն ու սիրտերը: Ան բժիշկն է բոլոր մարդոց: Եղիշէ կ'ըսէ. «Տէրը ոչ թէ աշխարհի միայն մէկ մասին համար եկաւ, այլ՝ աշխարհի բոլոր մասերուն համար: Մէկ մասը բժշկեց, որպէսզի մէկ մասի միջոցաւ, բոլոր մասերը սորվին նոյն բժշկին մօտ երթալ»:

Ապրիլ 5

Կեղծ սէրը

Կեղծ սէր ունեցող մարդոց թիւը շատ է: Մարդիկ մեզի կը մօտենան եւ մեր որպիսութիւնը կը հարցնեն, եւ այնպէս կը ձեւացնեն որ իրենք մտահոգ են մեր որպիսութեամբ: Նոյն այս մարդիկը որոնք մեր որպիսութիւնը կը հարցնեն, երբ լսեն թէ մենք լաւ պայմաններու մէջ կը գտնուինք՝ կը տրտմին ու կ'անհանգստանան: Զարմանալի չէ՞ որ մարդիկ գործերու յաջողութիւն կը ցանկան մեզի, եւ սակայն, երբ լսեն մեր գործերու յաջողութեան մասին՝ չեն ուրախանար, թէպէտ յայտնի չեն ըներ: Կեղծ սէր չցուցաբերենք ուրիշին հանդէպ: Զփորձենք ձեւացնել այն ինչ որ չենք: Զխօսինք այն ինչ որ մեր սրտին հակառակ է: Զհարցնենք մէկու մը որպիսութիւնը եթէ իսկապէս չենք ուզեր անոր լաւ ըլլալը:

Ապրիլ 6

Յակոբի նման գօտեմարտիլ Աստուծոյ հետ

«Աստուծոյ գօտեմարտիլը Յակոբին հետ, Յակոբը զօրացնելու եւ յաղթական դարձնելու համար է մեղի ու կեանքի պայֆարին դէմ: Ինչպէս Յակոբը վախով լեցուն էր, բայց երբ Աստուած իրեն հանդիպեցաւ, Յակոբի սրտեն փարատեցաւ վախը, եւ յետո՛յ միայն կրցաւ իր եղբօրը հանդիպի, նիշտ նոյնապէս մենք, կրնանք կեանքի պայմաններուն դիմաց տկարանալ եւ յուսալքուիլ, կրնանք կեանքի պայֆարէն վախնալ, բայց երբ Աստուծոյ հանդիպինք եւ Աստուած՝ մեզի, եւ յետո՛յ միայն երթանք նետուելու կեանքի դաշտին մէջ եւ պայֆարելու կեանքին դէմ՝ ապրելու համար կեանքը, այն ատեն կեանքը մեզի համար երբեք սարսափելի ու սոսկալի կեանք պիտի չըլլայ» (Զարեհ Արք. Ազնաւորեան):

Ապրիլ 7

Պահանջէ Աստուծմէ իր խոստումներուն կատարումը

Աստուածաշունչը լեցուն է աստուածային խոստումներով: Օրինակ, Աստուած կը խոստանայ ջնջել մեր մեղֆերը (Ես 1.18): Ան կը խոստանայ տալ մեզի նոր սիրտ եւ նոր հոգի (Եզ 36.26): Աստուած կ'ուզէ որ յիշեցնենք իրեն իր կատարած խոստումները եւ պահանջենք իրմէ անոնց կատարումը մեր կեանքերուն մէջ: Ան բնաւ չի նեղանար եթէ խօսինք իրեն իր ըրած խոստումներուն մասին: Մեր մեղֆերը ջնջելը եւ նոր սիրտ ու նոր հոգի տալը Աստուծոյ փափաքն ու կամքն է, ուստի երբ ան կատարէ

ինքնիր կամքը՝ անհանգիստ չ'ըլլար: Աստուծոյ համար չկա'յ աւելի մեծ ուրախութիւն քան տեսնել իր զաւակները իրմէ կը պահանջեն քաւութիւն եւ փրկութիւն: Ուստի, չե՞ս ուզեր այսօր ուրախացնել զԱստուած:

Ապրիլ 8

Յարութեան մասին

Եթէ արմատէն կտրուած ծառը կրնայ վերստին անիլ եւ ծաղկիլ՝ արդեօք մարդը վերստին պիտի չծաղկի՞։ Եթէ սերմանուած սերմերը վերստին անելով եւ հնառուելով կը պատրաստուին կալի, մարդ արարածը ինքն ալ վերստին կալի չի՞ պատրաստուիր։ Եթէ այգիներէն կամ ծառերէն քաղուած կամ կտրուած ճիւղերը ուրիշ տեղ տնկուած ըլլալով վերստին կ'անին, մարդն ալ այս բոլորով հանդերձ, եթէ հող դրուի, միթէ վերստին պիտի չկենդանանա՞յ։ Դուն ինքդ դատէ եւ տես թէ ո՞ր մէկը աւելի դիւրին ու մեծ բան է. նոր ստեղծել ամենեւին չստեղծուածի՞ն, թէ՝ ինկածին եւ կործանուածին վերստին ձուլել եւ ստեղծել անկէ նոր պատկեր (Կիւրեղ Երուսաղէմացի):

Ապրիլ 9

Աստուածասէ՞ր ես, թէ՝ աստուածաբան

Այսօրուան աշխարհը արժէք կու տայ աստուածաբաններուն, բայց Աստուածաշունչը արժէք կու տայ աստուածասէրներուն։ Մէկ աստուածասէր մը հազար հատ աստուածաբան կ'արժէ։ Ի՞նչ օգուտ երբ մեր աստուածաբանութիւնը շիտակ է, բայց մեր յարաբերութիւնը Աստուծոյ հետ շիտակ ու լիրալիր չէ։ Պօղոս առաքեալ կ'ըսէ. «Եթէ... հասմիմ ամբողջական գիտութեան... բայց սէր չունենամ, ոչինչ կ'արժեմ» (Ա.Կր 13.2)։ Աստուծոյ համար կարեւորը մեր ուղեղին մեծ ըլլալը չէ, այլ՝ մեր սրտին մեծ ըլլալը։ Աստուծոյ հետ անցուած աղօթքի ջերմ պահ մը անհունօրէն աւելի կ'արժէ քան մեր ամբողջ կեանքի ընթացքին մեր մատուցած աստուածաբանական դասախոսութիւնները։

Ապրիլ 10

Տէրն է մեր լոյսը եւ փրկութիւնը

«Տէրն է լոյսս եւ փրկութիւնս, որմէ՞ պիտի վախճամ ես» (Աղ 27.1)։ Մութը կը վախցնէ մարդ արարածը, մանաւանդ եթէ այդ մութը մեղֆին պատճառած մութն է։ Մութին մէջ կայ անորոշութիւն, եւ երբեմն ալ գէշ անակնկալներ։ Աստուած իր Որդիին ճամբով մեզ ազատագրեց մեղֆի

խաւարէն: Աստուած ի՞նքն է որ մեղքով խաւարած այս աշխարհին մէջ կը լուսաւորէ նամբան իր զաւակներուն: Զանոնք կը լուսաւորէ ամէն անգամ երբ կասկածամտութիւնը կամ անորոշութիւնը պատէ զիրենք: Լոյսը Աստուծոյ առաջնորդութեան խորհրդանշն է: Ուստի, երբ մարգարէն կ'ըսէ թէ Աստուած մեր լոյսն է, ըսել կ'ուզէ որ Աստուած մեր առաջնորդն է: Առաջնորդ մը՝ որ մեզ կ'առաջնորդէ փրկութեան եւ ազատագրութեան:

Ապրիլ 11

Հաւատացեալը աղն է երկրին

«Դուք էք երկրի աղը» (Մտ 5.13): Հաւատացեալին աղը Աստուծոյ շնորհքն է, Աստուծոյ Սուրբ Հոգին է: Աղը անապականութեան եւ մաքրութեան նշան է: Յիսուս իր հետեւրդները կը նմանցնէ աղի, նախ որպէսզի ցոյց տայ անոնց, թէ անոնք մաքրուած են իր շնորհքով, եւ երկրորդ, որպէսզի յիշեցնէ անոնց, թէ իրենց կոչումն է աշխատիլ աշխարհի անապականութեան եւ մաքրութեան համար: Աղը պահպանող զօրութիւն ունի նաեւ: Ուստի, երբ Յիսուս հաւատացեալները կը կոչէ աղը երկրին, ըսել կ'ուզէ որ անոնք պահպաններն են աշխարհին: Եթէ Սոդոմի մէջ տասը արդար մարդիկ ըլլային Սոդոմ պիտի չկործանէր: Այո՛, հաւատացեալներուն ներկայութիւնն է որ աշխարհը կործանումէ հեռու կը պահէ:

Ապրիլ 12

Այլակերպուիլ Յիսուսի նման

«Յիսուս... լեռ ելաւ աղօթելու: Եւ մինչ կ'աղօթէր, անոր դէմքը այլակերպուեցաւ» (Ղկ 9.28-29): Յիսուս իր կեանքով սորվեցուց մեզի որ աղօթքը մեզ կ'առաջնորդէ այլակերպութեան: Յիսուս եւ Մովսէս աղօթքի պահուն արտաքնապէս փոխուեցան, բայց մեզմէ ակնկալուածը արտաքնապէս փոխուիլը չէ, այլ՝ ներքնապէս փոխուիլը: Մենք կարիքը ունինք սրտի ու հոգիի այլակերպութեան, մտքի ու մտածելակերպի այլակերպութեան: Յանախակիօրէն Աստուծոյ հետ առանձնանալը մեզ կ'առաջնորդէ ստոյգ այլակերպութեան: Այդ այլակերպութեան հասնելու համար պէտք է սորվինք Յիսուսի նման լեռ բարձրանալ, այսինքն՝ վեր բարձրանալ աշխարհայինէն, նիւթականէն, անցողականէն, մեղքէն:

Ապրիլ 13

Աստուած ողորմած ու արդար է

Մարդիկ կը սիրեն խօսիլ Աստուծոյ ողորմած ու սէր ըլլալուն մասին բայց կը զգուշանան խօսելու անոր արդար ու սուրբ ըլլալուն մասին: Աստուած ողորմած է այո՛, բայց միաժամանակ արդար է: Ան երբ ողորմութիւն ընէ՝ արդարութեամբ կ'ընէ, եւ երբ արդարութիւն ընէ՝ ողորմութեամբ կ'ընէ: Անոնք որոնք իրենց յոյսը կը դնեն Աստուծոյ ողորմութեան վրայ եւ կը սկսին Աստուծոյ կամքին հակառակ կեանք մը ապրիլ՝ անոնց դատաստանը պիտի ըլլայ արդար եւ անողորմ, իսկ անոնք որոնք Աստուծոյ արդարութիւնը նկատի առնելով զգաստ եւ զգոյշ կեանք մը կ'ապրիլ՝ անոնց դատաստանը Աստուած ողորմութեամբ պիտի կատարէ: Աստուած պիտի չողորմի մէկու մը որ անողորմ եղած է ինքնիր անձին նկատմամբ:

Ապրիլ 14

Որեւէ օրէնք չի կրնար արգիլել բարին գործել

«Օրէնքը Շաբաթ օրով ի՞՞նչ ընել կը թելադրէ. բարի՞՞ք գործել, թէ չարի՞» (Մթ 3.4): Հրեային համար Շաբաթ օրը սուրբ պահել՝ կը նշանակէր այդ օրը ոչ մէկ գործ կատարել, ո՛չ բարի գործ եւ ո՛չ ալ չար: Հրեային համար Շաբաթ օրով գործ մը գործելը գայթակղեցուցիչ էր, մինչդեռ Քրիստոսի համար գայթակղեցուցիչը բարի գործ մը չգործելն էր: Բարեգործութիւնը Շաբաթ օրը սուրբ պահելու օրէնքին խախտումը չէր կրնար ըլլալ. եւ օրէնքը ինք ուրիշին համար բարիք գործելու արգելք չէր կրնար հանդիսանալ: Քրիստոս երբեք պիտի չուզէր որ Հրեաները աստուածատուր օրէնքին մէջ տեսնէին արգիլումը բարեգործութեան: Սիրելի՝ ընթերցող, օրինապահութիւնդ կ'արգիլէ՞ ֆեզի որ բարիք գործես:

Ապրիլ 15

Աստուած իր Որդիին խաղաղութիւնը տուաւ մեզի

«Մեր խաղաղութեան պատիժը անոր վրայ դրուեցաւ» (Ես 53.5): Աստուած առաւ մեր մեղքերուն պատճառած խոռվութիւնը եւ զայն դրաւ Քրիստոսի վրայ, եւ առաւ Քրիստոսի խաղաղութիւնը եւ զայն դրաւ մեր վրայ: Քրիստոսի կապուած մարդը իր սրտին մէջ կը կրէ այն խաղաղութիւնը որ Քրիստոս ինք ունէր: Քրիստոսապարգեւ խաղաղութիւնը ո՛չ միայն մեզ խաղաղ կը պահէ փորձութեանց դիմաց, այլեւ՝ յաղթող կը դարձնէ անոնց դէմ: Կեանքի ծովերը միշտ կրնան փոթորկիլ եւ սարսափի ու յուսահատութեան մատնել մարդիկը, բայց անոնք որոնք Աստուծոյ զաւակներն են, անոնք անվրդով կերպով կը շարունակեն իրենց հաւատքի գնացքը յաղթականօրէն:

«Գտնել» զԱստուած

Կան մարդիկ որոնի կը կարծեն թէ Աստուած «կորսուած» է իրենց կեանին մէջ եւ անկարելի է զանիկա գտնել. կան ուրիշներ՝ որոնի կը խորհին որ Աստուած անսահմանօրէն հեռու է մարդոցմէ, եւ հետեւաբար, զո՞ւր է զանիկա օգնութեան կանչելու ամէն շանի: Եսայի մարգարէն կու գայ պատասխանելու երկու այս խումբի մարդոց ըսելով. «Տէ՛ր փնտոեցէ՛, ժանի որ անիկա կը գտնուի. զանիկա՛ կանչեցէ՛, ժանի որ անիկա մօտ է» (Ես 55.6): ԶԱստուած փնտոնդ մարդուն համար՝ գտանելի է Աստուած: ԶԱստուած կանչողին համար՝ մօտ է Ան: Եթէ կ'ուզենի «գտնել» զԱստուած, պէտք է զանիկա փնտոենի ինչպէս մայր մը կը փնտոէ իր կորսուած զաւակը, ինչպէս Ս. Կոյսը փնտոեց Յիսուսը:

Գտնուիլ Աստուծոյ կողմէ

Նախորդ բաժինին մէջ խօսեցանի զԱստուած գտնելու մասին: Խորքին մէջ մենի չէ որ կը գտնենի զԱստուած, այլ Աստուած ի՛նին է որ կը փնտոէ եւ կը գտնէ մեզ: Յիսուս ի՛նին էր որ յայտարարեց որ «Մարդու Որդին եկաւ կորսուածը փնտոելու եւ փրկելու» (Ղկ 19.10): Ի՛նին էր որ գտաւ կորսուած ոչխարը: Ի՛նին էր որ զնաց եւ գտաւ Բեթհեզդայի անդամալոյծը (Յհ 5.5-7): Ի՛նին էր որ փնտոեց եւ գտաւ բժշկուած ի ծնէ կոյրը (Յհ 9.35): Ի՛նին էր որ գտաւ ծառ բարձրացած Զակքէոսը (Ղկ 19.5): Որպէսզի Յիսուս գտնէ մեզ՝ պէտք է ունենալ զինի տեսնելու զօրաւոր փափաք, ինչպէս ունէր Զակքէոս: Յիսուս կը յայտնուի ոեւէ մէկուն որ ծարաւ ունի իրեն հանդէա:

Փախչինի Սատանայէն եւ ո՛չ թէ Աստուծմէ

Մարդոց մեծ մասին կեանիը վազք մըն է դէպի Սատանան եւ փախչիլ մըն է Աստուծմէ: Որպէսզի մարդը կարենայ փախչիլ Աստուծմէ՝ պէտք է սպաննէ ինքնիր հոգին որ ստեղծուած է Աստուծոյ պատկերով, Աստուծոյ կողմէ եւ Աստուծոյ համար: Բայց որովհետեւ հոգին անմեռ ու անմահ է, ուրեմն մարդը չի կրնար փախչիլ Աստուծմէ որ կը պահանջէ մարդէն իր տուած հոգին: Եթէ ապրիլ կ'ուզենի՝ ինչպէ՞ս կը փախչինի «Ես եմ կեանիը» յայտարարողէն: Եթէ կորսուելէ կը վախճանի՝ ինչո՞ւ Փրկիչին

չենք դիմեր: Եթէ ապաւեն ու պաշտպան կ'որոնենք՝ ինչո՞ւ Աստուծոյ թեւերուն տակէն դուրս գալու կ'աշխատինք: Եթէ մեր փնտոածը յաղթանակն ու խաղաղութիւնն է՝ զանոնք Յիսուսի մօտ կը գտնենք:

Ապրիլ 19

Անհոգ չըլլանք մեր հոգիներուն նկատմամբ

Երբ մեր ինքնաշարժը որով ֆիչ մը անդին կ'երթանք՝ խանգարուի, շինելու կը տանինք: Իսկ մեր հոգիները որ մեզ դեպի երկինք կրնան առաջնորդել, երբ կը խանգարուին մեղքի պատճառով՝ ինչո՞ւ անոնց հանդէպ անտարբեր կ'ըլլանք: Երբ մեր պարտէզին մէջ խոտ ու փուշ բուսնի՝ կը հերկենք: Իսկ ինչո՞ւ անհոգ ենք մեր սիրտերուն նկատմամբ, մանաւանդ երբ կը տեսնենք այդտեղ բուսած տատասկները: «Երբ մէկու մը ձիմ... հիւանդանայ՝ թժիշկ կը կանչէ եւ կը վարձատրէ, իսկ երբ մենք մեղքերով վիրաւորուինք ո՛չ թժիշկ կը կանչենք, ո՛չ ալ դրամ կը ծախսենք, այլ՝ ինչպէս հիւանդ թշնամիի մը հանդէպ անհոգ կը գտնուինք, նոյնպէս անհոգ կը գտնուինք մեր հոգին նկատմամբ» (Բարսեղ Մաշկեւորցի):

Ապրիլ 20

Աստուծոյ զաւակները թշնամասէր պէտք է ըլլան

«Եթէ միայն ձեզ սիրողները սիրեն, Աստուծմէ ի՞նչ վարձատրութիւն կրնա՞մ սպասել» (Մտ 5.46): Համաձայն այս խօսքին, վարձատրութեան արժանի պիտի դառնան անոնք՝ որոնք սիրել գիտեն զիրողները: Յիսուսի մեզի սորվեցուցածը այն է՝ որ մեզ սիրողներուն սիրելը մեր պարտականութիւնն է, իսկ մեզ չսիրողներուն սիրելը՝ մեր կոչումն ու առաքելութիւնը: Մեզի բարեկամութիւն ընողներուն բարեկամութիւն ընելը՝ մարդկային է, իսկ թշնամութիւն ընողներուն բարեկամութիւն ընելը՝ աստուածային. եւ եթէ մենք Աստուծոյ որդիներն ենք, անսահման սէր ումեցող Աստուծոյ զաւակներն ենք՝ մեր սէրը պէտք է ընդգրկէ բոլոր մարդիկը անխտիր, մեզմէ հեռու եւ մեզի մօտիկ եղողները:

Ապրիլ 21

Քրիստոնեան երկրներանքի դիմաց

Երբ Յիսուս հանդիպեցաւ յաւիտենական կեանքի ժառանգութեամբ հետաքրքրուած երիտասարդի մը, պատուիրեց անոր որ իր ունեցածը ծախէ եւ աղքատներուն տայ եւ ապա խաչը առնելով հետեւի իրեն: «Երիտասարդը երբ ասիկա լսեց՝ տրտում-տիսուր գնաց, որովհետեւ շատ

հարուստ էր» (Մտ 19.22): Հարստութեան սէրը թոյլ չի տար որ երկինքի նամբան բռնենք: Ինչպէս երիտասարդը ինքզինք գտաւ երկընտրանքի մը դիմաց՝ կա'մ յաւիտենական կեանքը ընտրել եւ կա'մ կառչած մնալ ժամանակաւոր հարստութեան, այնպէս ալ մեզմէ իւրաքանչիւրը երկընտրանքի մը դէմ յանդիման կանգնած է՝ ընտրել աշխա՞րհը, թէ՝ աշխարհի Ստեղծիչը: Սիրելի՞ս, պէտք է առնես վերջնական որոշումդ:

Ա.պրիլ 22

Աղօթել անհատապէս եւ հաւաքաբար

Քրիստոս կը խօսի թէ՛ անհատապէս աղօթելու մասին (Մտ 6.6) եւ թէ՛ հաւաքաբար աղօթելու մասին (Մտ 18.19-20): Անհատ մը Քրիստոսի մարմինին մէկ անդամն է, իսկ անդամներու ամբողջութիւնը՝ կը կազմէ Քրիստոսի մարմինը: Ուստի անհատը պէտք է աղօթէ հաւաքականութեան համար եւ հաւաքականութիւնը պէտք է աղօթէ անհատին համար: Կարելի չէ հաւաքական աղօթքները զանց ընել, որովհետեւ հո՞ն է որ Քրիստոսի եկեղեցին կը դառնայ Քրիստոսի մարմինը, եւ ո՛չ ալ կարելի է անհատական աղօթքները զանց ընել, որովհետեւ հո՞ն է որ աղօթող մարդը կը դառնայ անդամ Քրիստոսի մարմինին: Հաւաքականութեան հոգեւոր անման համար հաւաքականութիւնը ի՞նք պէտք է աղօթէ:

Ա.պրիլ 23

Սուրբ պէտք է ըլլանք ամէնի բանի մէջ

Սուրբ մարդը աշխարհէն եկող եւ զինք աշխարհին տանող բոլոր երեւյթներէն մաքրուած մարդն է: Եթէ ամբողջ մեր կեանքը Աստուծոյ յանձնած ենք՝ պարտինք ամբողջ մեր կեանքը սրբութեամբ ապրիլ: Սուրբ պէտք է ըլլանք մեր ժպիտին ու խնդուքին մէջ: Սուրբ պէտք է ըլլանք մեր խօսքերուն ու խորհուրդներուն մէջ: Սուրբ պէտք է ըլլանք մեր գործերուն ու գործելակերպին մէջ, մեր մտածումներուն ու մտածելակերպին մէջ: Սուրբ պէտք է ըլլանք մեր ծրագիրներուն, որոշումներուն, փափաքներուն, ամենօրեայ հետաքրքրութիւններուն եւ նախասիրութիւններուն մէջ: Սուրբ պէտք է ըլլանք Աստուծոյ եւ մեր նմանին հետ մեր ունեցած յարաբերութիւններուն մէջ:

Ա.պրիլ 24

Ի՞նչ բան մեզ կը փրկէ

«Ով որ կը կարծէ թէ կանգում է՝ թող զգոյշ ըլլայ որ չիյնայ» (Ա.Կը 10.12): Կարգ մը նորադարձ Կորնթացիներ մկրտուած ըլլալով Քրիստոսի անունով եւ նաշակած ըլլալով անոր մարմինն ու արիւնը՝ յանգեցան այն եզրակացութեան, թէ՝ իրենք Քրիստոսի հետ մէկ մարմին եղան եւ այլեւս իրենց համար իյնալու ոչ մէկ վախ կայ: Առաքեալը կը զգուշացնէ Կորնթացիները նման ինքնավստահութենն մը, որ կրնար զիրենք յանձնապաստանութեան առաջնորդել: Մկրտուիլը, Սուրբ Հաղորդութիւն ստանալը, եկեղեցի յանախելը, բարին գործելը, այս բոլորը կարեւոր են բայց մեզ չեն փրկեր: Մեզ փրկողը մեր կապուածութիւնն է երկինքին: Մեզ փրկողը մեր բացարձակ հաւատքն ու սէրն է հանդէպ Քրիստոսի, մեր վստահութիւնն է հանդէպ իր փրկարար շնորհին:

Ապրիլ 25

Զիափանենք Աստուծոյ ծրագիրները մեզի համար

Աստուած մեզմէ իւրաքանչիւրին համար գեղեցիկ ու անպատմելի ծրագիրներ ունի, բայց որքան յանախ մենք կամայ թէ ակամայ կը խափանենք զանոնք եւ վշտացնենք զԱստուած: Մեր կեանքը լեցնող ժխտական երեւոյթներն անգամ Աստուծոյ ձեռքին տակ կրնան վերածուիլ օրինութեանց ու փառքի. բայց մարդկօրէն ընդհանրապէս մենք անկարող կ'ըլլանք մեզ շրջապատող փորձութեանց մէջ տեսնելու Աստուծոյ մատը եւ հաւատալու թէ ան փորձութեանց ընդմէջէն մեզ պիտի առաջնորդէ օրինութենէ օրինութիւն, փառքէ փառք եւ զօրութենէ զօրութիւն, եւ ասիկա պատճառ կ'ըլլայ որ Աստուած չկարենայ իր բարօր ծրագիրները իրականացնել մեր կեանքերուն մէջ:

Ապրիլ 26

Ինչո՞ւ կանք մեր շրջապատին մէջ

Աստուած իւրաքանչիւր մարդ կը դնէ յատուկ շրջապատի մը մէջ, յատուկ նպատակով մը: Մեր պարտականութիւնն է գտնել այն նպատակը որուն համար Աստուած մեզ դրած է մեր շրջապատին մէջ: Հարց տանք մենք մեզի, թէ՝ ի՞նչ է մեր միջավայրին մէջ գոյութիւն ունեցող այն պակասութիւնը որ Աստուած կ'ուզէ լրացնել մեր նամբով: Ան ի՞նչ պատգամ ունի փոխանցելիք մեր միջոցաւ՝ մեր դրացիին: Ի՞նչ բան կ'ուզէ մեր նամբով սրբագրել մեր գործընկերներուն կեանքին մէջ: Ո՞վ է այն տկարը որուն պէտք է նեցուկ կանգնիլ: Եթէ մարդիկ սորվին իրարու պակասութիւնները լրացնել, փոխանակ զանոնք մատի փաթթոց ընելու, այն ատեն, խաղաղութիւնը կը տիրէ եւ Յիսուս կը փառաւորուի:

Ապրիլ 27

Աստուծոյ վստահողը՝ իր սիրտը թող Անոր յանձնէ

Աստուծոյ հետաքրքրութեան առարկան մեր գրաբաները չեն, այլ մեր սիրտն ու անոր ամբողջ սէրն է: Ան մեզմէ գործ ու աշխատանք պահանջելէ առաջ, կամեցողութիւն եւ պատրաստակամութիւն կը պահանջէ: Մեր կարողութիւնները իր տրամադրութեան ներքեւ դնելէ առաջ, նախ մեր անձերը դնենք: Մեր ունեցածը Աստուծոյ վստահիլը լաւ բան է, բայց մեր անձերը անոր վստահիլը՝ գերազանցօրէն լաւ է: Աստուծոյ վստահող մարդը չի կրնար ինքզինք չյանձնել Աստուծոյ: Իսկ ինքզինք Աստուծոյ յանձնող մարդը՝ պէտք է յանձնէ նաեւ իր ամբողջ սիրտն ու սրտին կրակը, հոգին ու հոգերը, միտքն ու մտորումները, փափառն ու փառքը, ահա ա'յս ձեւով որ Աստուած կը մեծարուի:

Ապրիլ 28

Հրաժարի՛նք կեղծ խոնարհութենէն

Յիսուս կը պատուիրէ մեզի իր նման խոնարի եւ հեզ ըլլալ (Մտ 11.29): Խ'նչ ամօթ ու ահաւոր բան է հողէ շինուած մարդուն համար հպարտանալ, երբ անդին հրեղէն Աստուածը կը յայտարարէ իր խոնարի ըլլալը եւ կոչ կ'ուղղէ իր հետեւորդներուն նոյնը ըլլալ: Աւելի լաւ է բացայացտօրէն հպարտ ըլլալ քան կեղծ խոնարհութիւն ձեւացնել: Խոնարհութիւն ձեւացնող հպարտ մարդը կը նմանի ինքզինք առողջ ձեւացնող հիւանդ մարդուն: Խնչպէս ինքզինք առողջ ձեւացնող հիւանդ մարդը չի կրնար բուժուիլ, այնպէս ալ ինքզինք խոնարի ձեւացնող հպարտ մարդը՝ չի կրնար ձերբազատիլ իր հպատութեան ախտէն: Զերբազատուելու համար ատկէ՝ մեր եսը դնենք Յիսուսի ոտքին տակ:

Ապրիլ 29

Ժպիտին զօրութիւնը

Ամէն մարդ կը ժպտի երբ զինք ուրախացնող մը կայ, բայց ամէն մարդ չի կրնար ժպտիլ երբ դէմ յանդիման կը գտնուի փորանութեանց: Փորանութիւնները հանդէս կը բերեն մեր ընտիր կամ խոտելի նկարագիր ունենալը: Ժպիտը կը կաշկանդէ մեզ կաշկանդել ուզող Զարը: Ժպիտը կը սասանէ դժոխքը իր հիմերէն: Ժպիտը կը փառաւորէ ու կ'ուրախացնէ զԱստուած: Ժպիտը մեզ կը դարձնէ սեւ ամպերուն մէջ ինկած պսպղուն աստղի նման: Ժպիտը կը գոտեպնդէ անզօրը, կը միմիթարէ սգաւորը, կը կանգնեցնէ ինկածը, կը յուսադրէ յուսալուածը: Ուստի, սիրելիներ, թող

մարդիկ մեր կեանքին մէջ տեսնեն այդ ժպիտը, յաղթանակի ու յարութեան ժպիտը, հզօր ու հաւատարիմ մարդու ժպիտը:

Ա.պրիլ 30

Երկինքի մէջ անակնկալներ կը սպասեն մեզի

«Շատեր որ հիմա վերջին են՝ առաջին պիտի ըլլան, իսկ շատեր որ առաջին են՝ վերջին» (Ղկ 13.30): Որքա՛ն մեծ-մեծ քարոզիչներ կան որոնք պիտի զարմանան արքայութեան մէջ իրենց տրուած համեստ տեղին համար: Որքա՛ն հրաշագործներ կան որոնք մազապուրծ պիտի ազատին դժոխքէն: Շատեր որոնք կը կարծեն թէ հարուստ են «Եւ ո՛չ մէկ բանի կարօս», դատաստանի օրը հանդէս պիտի գայ որ անոնք ողորմելի, խեղճ, աղքատ մերկ ու կոյր են (Յյտ 3.17): Անդին, անհամար պիտի ըլլայ թիւր այն համեստ ու խոնարհ հաւատացեալներուն, որոնք պիտի փառաւորուին ու պատւընին Աստուծոյ կողմէ դատաստանի օրը: Աստուծոյ փառաւորած մարդիկը աշխարհի փառաւորած մարդիկը պիտի չըլլան:

Մայիս 1

Զի բաւեր գիտնալ որ Աստուած գոյութիւն ունի

Ընթերցող բարեկամ, կասկածէ վեր է որ կը հաւատանք Աստուծոյ գոյութեան. բայց հաւատալ որ ան կայ առանց յարաբերութեան մէջ ըլլալու անոր հետ՝ ոչինչ կ'օգտէ մեզի: Ի՞նչ կ'արժէ հաւատալ որ Յիսուս Փրկիչ է, բայց չանդրադանալ որ մենք փրկութեան կարօտ ենք: Ինչո՞վ կ'օգտուինք եթէ կը հաւատանք որ Քրիստոս միջնորդն է մարդկութեան՝ մեր երկնաւոր Հօր դիմաց, բայց չխնդրենք իր միջնորդութիւնը: Մէկը իր ընկերոջ ըսաւ. «Ես գիտեմ որ եթէ վազեմ՝ կը յաղթեմ», ընկերը պատասխանեց. «Այս՝ ես ալ գիտեմ որ եթէ վազես՝ կը յաղթես, բայց այնքան ատեն որ չես վազեր՝ յաղթանակ չկայ քեզի համար»: Աստուծոյ մասին գիտնալը՝ մեզ յաղթանակի չ'առաջնորդեր, այլ պէտք է վազել դէպի անոր, անով յաղթող դառնալու համար:

Մայիս 2

Շնորհենվ լուսաւորուածը՝ յաղթող մարդ է

Քաջ գիտնանք, որ չենք կրնար հասնիլ ըղալի յաւիտենականութեան առանց յաւիտենականութեան աղբիւրը եղող Տէր Յիսուսի արիւնին:

իբրեւ լոյսի որդիներ կրնանք ապրիլ միայն ատեն՝ երբ թոյլ տանք որ Քրիստոսի շնորհին լոյսը ծագի մեր սիրտերուն մէջ: Շնորհին լոյսին ծագումով, խաղաղութեան իշխանը՝ Քրիստոս, ինք պիտի ըլլայ իշխողը մեր կեանքերուն մէջ: Եւ երբ ինք ըլլայ իշխողը, այն ժամանակ միայն կարող պիտի ըլլանք խաղաղութեամբ դիմակալելու կեանքի դժնդակ պահերը: Յաղթանակի պսակն ու յաղթանակով Պատրիարք լիած՝ անկարելի է որ յաղթանակի տիրանանք: Զենք կրնար արդարանալ եթէ արդարութեան առաջնորդը չէ որ մեզ կ'առաջնորդէ:

Մայիս 3

Քրիստոնեայ մարդը կոչուած է սուրբ ըլլալու

«Ի՞նչպէս որ ձեզ կամչողը՝ Աստուած սուրբ է, դուք ալ սուրբ եղեք ձեր ամրողը կեամցով» (Ա.Պտ 1.15): Աստուծոյ զաւակը սուրբ պէտք է ըլլայ, որովհետեւ ան կանչուած է այդպիսին ըլլալու (Հո 1.7): Սուրբ պէտք է ըլլայ, որովհետեւ Քրիստոսի արիւնով սրբուած է (Յշտ 1.5): Սուրբ պէտք է ըլլայ, որովհետեւ իր մարմինը անդամն է Քրիստոսի սուրբ մարմինին՝ եկեղեցիին (Ա.Կր 6.15): Սուրբ պէտք է ըլլայ, որովհետեւ տաճար է Սուրբ Հոգիին եւ բնակարան Աստուծոյ (Ա.Կր 3.16, 6.19): Սուրբ պէտք է ըլլայ, որովհետեւ գործակիցն է Աստուծոյ, անդաստանն ու շինութիւնն է Աստուծոյ (Ա.Կր 3.9): Սուրբ պէտք է ըլլայ, որովհետեւ իր գլուխը Քրիստոս է եւ Քրիստոս սուրբ է (Եփ 5.23, Ա.Կր 11.3):

Մայիս 4

Ունի՞ս կարօտը Յիսուսի

Աստուած «մարդուն մտիին մէջ յաւիտենականութիւնը նաևնալու փափաք դրաւ» (Ժդ 3.11): Ընթերցող բարեկամ, յաւիտենականութիւնը նաևնալու փափաք ունի՞ս: Սիրտդ կը բաղա՞յ երկինքը: Հոգիդ կը ցանկա՞յ Աստուծոյ ներկայութեան: Փափաք ունի՞ս միանալու հաւատացեալ բազմութեան եւ հանդէսով Աստուծոյ տունը մտնելու՝ ուրախութեան եւ օրինութեան ձայներով (Սդ 42.4): Կը զգա՞ս թէ կարիքը ունիս Յիսուսի: Կը գիտակցի՞ս թէ առանց Յիսուսի աղքատ ես ու խեղճ: Երանի՛ քեզի եթէ կ'անդրադանաս որ կարօտը ունիս Յիսուսի: Ասիկա կրնայ պատճառ մը ըլլալ որ դուն օր մը սրբանաս: Աղօթէ որ Աստուած այդ կարօտը բորբոքէ մէջդ, որպէսզի կապուիս Յիսուսին:

Մայիս 5

Երկրին կեանքը երկինքն կախեալ է

Յաւիտենական կեանքը շարունակութիւնն է ներկայ ժամանակաւոր կեանքին: Երկրի վրայ է որ երկինքի բաղաբացիները կը դառնանք: Նայինք վարդին, ծաղիկին ու ծառին: Անոնք երկրի վրայ հաստատուած են, բայց իրենց աւիշը կը սպասեն երկինքէն, անոր ցողէն ու անձեւէն, անոր զովութենէն ու ջերմութենէն: Անոնցմէ սորվինք երկինքին նայիլ, եւ հոնկէ սպասել մեր հոգեւոր սնունդը, Կեանքի Հացն ու Կենսատու Աղբիւրը: Ինչպէս երկիրը առանց երկինքի օրինութեան կը ցամքի, այնպէս ալ մարդկութիւնը առանց մեր երկնաւոր Հօր՝ հոգեւորապէս կը մեննի: Աստուած կեանքն է երկրի վրայ ապրող մարդկութեան: Հաւատացեալ մարդը կոչուած իր կեանքով երկիրը երկինքի վերածելու:

Մայիս 6

Ո՛չ ո՞ք ինքինք ամբողջապէս կրնայ նանչնալ

Մեր մեղաւորութիւնը նանչնալն է որ մեզ կ'առաջնորդէ Յիսուսի բաւչարար արիւնին: Մեր անարժանաւորութիւնը նանչնալն է որ մեզ կրնայ արժանի դարձնել յաւիտենական կեանքին: Բայց զգո՞յշ ըլլանք: Երբեք չկարծենք որ կրնանք ամբողջապէս նանչնալ մեր անձերը: Միայն Աստուած կրնայ մեզ լիովին նանչնալ: Եթէ Աստուած բանայ մեր սրտին ծալքերը, պիտի զարմանանք հոն տեսնելով հպարտութիւն, գոռոզութիւն եւ նախանձ: Աստուծմէ զատ ուրիշ ո՞չ ոք կրնայ մեզ ազատագրել այդ բոլորէն: Եւ այդ ընելու համար՝ երկա՞ր ժամանակ է հարկաւոր: Եթէ ուզենք մեր սեփական նիգով այդ բոլորէն ազատագրուիլ, ամբողջ յաւիտենականութիւնը բաւարար պիտի չըլլայ այդ ընելու համար:

Մայիս 7

Խաղաղութիւն՝ արդիւնքը Սուրբ Հոգիին

Խաղաղութիւնը Սուրբ Հոգիին արդիւնքն է (Թղ 5.22, Հն 14.17): «Ինչպէս նիւթական, երեւելի այս աշխարհին մէջ երբ չկայ խաղաղութիւն՝ չենք կրնար գտնել իննութիւնը, մեր կեանքի ուրախութիւնը, նոյնպէս ալ մեր մտաւոր եւ հոգեւոր աշխարհին մէջ, որքան ատեն որ ալեկոծում եւ փորորիկ կայ, որքան ատեն որ տակաւին խաղաղութեան դրօշը չէ որ կը ծածանի հանդարտ կերպով՝ այնքան ատեն մեր սիրտերն ու միտքերը չեն կրնար բարեացակամութիւն եւ հանութիւն բերել, սէր եւ իննութիւն ծնիլ, կատարեալ ուրախութեամբ եւ երջանկութեամբ անիլ ու յորդիլ» (Զարեհ Արք. Ազնաւորեան):

Մայիս 8

Սպասէ որ Աստուած քեզ դրկէ

Յովհաննէս Մկրտիչ «Աստուծոյ կողմէ դրկուած մարդ մըմ էր, եկաւ Լոյսիմ համար վկայութիւն տալու, որպէսզի ամէմ մարդ անոր միջոցաւ հաւատայ» (Յհ 1.6-7): Սիրելի՝ եղբայր եւ քոյր, առաքելութեան դաշտ մի՛ իշներ եթէ երբեք Աստուծոյ կողմէ դրկուած չես, այլապէս՝ պիտի ձախողիս եւ ուրիշներուն ալ ձախորդութեան պատճառ պիտի դառնաս: Սպասէ մինչեւ որ լսես Աստուծոյ ձայնը. «Ո՞վ դրկեմ եւ մ'զի համար ո՞վ պիտի երթայ» (Ես 6.8): Թոյլ տուր նախ Աստուած քեզ պատրաստէ եւ սորվեցնէ քեզի ընելիքդ: Եթէ առանց Աստուծոյ կողմէ դրկուած ըլլալու եւ առանց Աստուծոյ կողմէ պատգամ ստանալու սկսիս քարոզել ու պատգամել՝ պիտի չկրնաս դառնալ միջոց մը մարդիկը Յիսուսի բերելու:

Մայիս 9

Մենք վկաներն ենք Յիսուսի

«Իմ վկաներս պիտի ըլլամք» (Գրծ 1.8): Ասիկա Յիսուսի խօսքն է ուղղուած իր հետեւորդներուն: Եթէ դուն ալ Յիսուսի հետեւորդներէն ես, այս խօսքը քեզի՝ ալ ուղղուած ուրեմն: Վկան Յիսուսի մասին խօսողը չէ, եւ ո՛չ ալ Յիսուսի Փրկիչ ըլլալը ծանուցողը: Մենք վկայ բառը կը գործածենք մէկու մը համար որ աչքով տեսած ու ականջով լսած է բան մը կամ անձ մը: Յովհաննէս առաքեալ խօսելով Յիսուսի մասին՝ կ'ըսէ. «Մենք տեսամք եւ կը վկայեամք» (Ա.Յհ 1.2): Սիրելի՛ս, դուն տեսածի՞ն մասին է որ կը վկայես, թէ՝ չտեսածիդ: Լսա՞ծ ես իր ձայնը: Եւ եթէ լսած ես, սրտիդ մէջ կրակ մը իջա՞ծ է: Փորձառաբա՞ր կը նանջնաս զինք, թէ՝ գիրքերէն ու քարոզիշներէն: Դարձա՞ծ ես վկան իր սիրոյն, իր գութին եւ ողորմութեան:

Մայիս 10

Նախանձախնդի՞ր ես Աստուծոյ տունին հանդէպ

«Տանդ հանդէպ ունեցած նախանձախնդրութիւնս զիս պիտի այրէ» (Յհ 2.17): Սուրբ Օգոստինոս կ'ըսէ. «Իսկապէս Աստուծոյ տունիմ, այսիմքն՝ եկեղեցիկն նախանձախնդրութիւնը բոցավառեցաւ Յիսուսի սրտին մէջ, որ սիրեց զայն եւ իր կեանքը ընծայաբերեց անոր համար, որպէսզի յաւիտենական կեանքը պարգեւէ անոր, եւ որպէսզի զայն իր փառքին մասնակից դարձանէ»: Այսօր, մենք որքանո՞վ նախանձախնդիր ենք Աստուծոյ եկեղեցիկն հանդէպ: Հոն ոչխարներ չկան, բայց ոչխարի մորթով գայլեր կան: Հոն եկեղեցին պղծող լումայնափոխներ չկան, բայց

կան Աստուծմէ աւելի դրամը սիրող մարդիկ: Աստուծոյ տան մէջ կան ահաւոր մեղքեր. եթէ մարդիկ շարունակեն լուռ մնալ անոնց նկատմամբ, թող քաջ գիտնան որ Աստուած պիտի չշարունակէ լուռ մնալ, այլ նիշդ ժամանակին պիտի միջամտէ:

Մայիս 11

Մողեկ' անցեալը եւ գալիքին նայեցէք

«Կ'աշխատիմ' անցեալը մոռնալ եւ գալիքին նայիլ» (Փլա 3.13): Որքա՞ն մարդիկ կան որոնիք չեն կրնար յառաջանալ իրենց հոգեւոր կեանքին մէջ՝ իրենց անցեալին պատճառով: Եթէ երբեք Պօղոս առաքեալ իր անցեալի կեանքին նայէր եւ մնայուն կերպով իր աչքին դիմաց բերէր Քրիստոնեաներուն հանդէպ իր յարուցած հալածանքները, երբեք' պիտի չկրնար աւետարանչութիւն ընել եւ Քրիստոսի վկան դառնալ: Սիրելինե՛ր, մի՛ թոյլ տաք որ ձեր անցեալը թունաւորէ ձեր ներկան ու ապագան: Եթէ Սատանան յիշեցնէ ձեզի ձեր անցեալին մէջ պատահած տիսուր դէպքեր ու երեւոյթներ, դուք ալ անոր յիշեցուցէք որ Աստուած մոռցած է զանոնիք: Մողեկ' անցեալը եւ Յիսուսի անունով զօրացած առաջ անցէք:

Մայիս 12

Հաւատացեալը երկինքին պատգամն է երկրին

«Մեր լաւագոյն յանարարականը, որ ձեր սիրտերուն մէջ գրուած է՛ դուք էք, ձեր կեանքերով, որ ամէն մարդ կրնայ նանչեալ ու կարդալ, եւ կրնայ յստակօրէն տեսնել՝ թէ Քրիստոսի նամակն էք դուք, պարզապէս մեր ձեռքով գրուած» (Բ.Կր 3.2-3): Հաւատացեալ մարդը երկինքին նամակն է ուղղուած երկրին: Աշխարհասէր մարդիկ այդ նամակին մէջ պէտք է կարդան կամքը Աստուծոյ: Հաւատացեալը պատգամաւորն է Աստուծոյ: Ան ո՛չ միայն պատգամ տուող մըն է, այլեւ՝ տրուած պատգամ մը: Այո՛, հաւատացեալը երկինքին պատգամն է տրուած երկրին, Աստուծոյ պատգամն է տրուած մարդկութեան, ներողամտութեան եւ սիրոյ պատգամ մըն է ատելութեամբ լի մարդոց:

Մայիս 13

Մեր կեանքը Քրիստոս ի՛նքն է

«Ինձի համար կեանքը Քրիստոս է» (Փլա 1.21): Առաքեալին ամէնէն զօրաւոր խօսքն է ասիկա: Ան կեանքը դատարկ ու դառն կը գտնէ առանց Քրիստոսի: Երբեմն մարդիկ կ'ըսեն. «Երաժշտութիւնը կեա՛նքս է», կամ

«մարգանքը կեա՛նքս է» եւայլն, քրիստոնեայ մարդուն կեանքը սակայն, Քրիստոս ի՛նքն է: «Երբ Քրիստոս՝ ձեր կեանքը՝ յայտնուի, այն ատեն դուք փառքով պիտի յայտնուիք անոր հետ» (Կղ 3.4): Քրիստոս միայն կեանք տուող մը չէ, այլ այն կեանքն է որ կը լեցնէ հաւատացեալին սիրտն ու հոգին, միտքն ու համակ էութիւնը: Երբ անդրադառնանք որ մեր կեանքը Քրիստոս է, այն ատեն կրնանք մեր սիրտն ու հոգին կապել երկինքին, նիշտ ինչպէս մէկը իր սիրտը կը կապէ իր սիրած բանին:

Մայիս 14

Ի՞նչն է ամէնէն սիրած բանդ

Մէկը ըսաւ: Հարցուցի աշակերտի մը թէ ի՞նչն է այն բանը որ ամէնէն շատ կը ցանկայ: Ան պատասխանեց. «գիրքնը»: Նոյն հարցումը հարցուցի կծծի մէկու մը, եւ ան պատասխանեց. «Դրամ»: Հարցուցի մուրցկանի մը, եւ ան ըսաւ. «Հաց»: Հարցուցի գինեմոլի մը որ ըսաւ. «գիճի»: Հարցուցի շատ մը ուրիշներու. ոմանիք ըսին՝ հարստութիւն, ուրիշներ՝ փառք, ուրիշներ՝ առողջութիւն: Սիրելի՝ ընթերցող, նոյն հարցումը քեզի կ'ուղղեմ, ի՞նչ կը սիրես ամէնէն շատ: Կը սիրե՞ս ապրիլ Քրիստոսի մէջ: Կը սիրե՞ս նմանիլ Քրիստոսի: Ոմանիք իրենց փորը կը սիրեն, իսկ դուն կենաց Հացը սիրէ: Ոմանիք իրենց տուները կը սիրեն, իսկ դուն երկինքը սիրէ: Ոմանիք հագուստներ կը սիրեն, իսկ դուն «լաւագոյն պատմունանին» ու «ներմակ պարեգօտին» ցանկայ:

Մայիս 15

Սպասել սորվինք

«Երուսաղէմէն մի՛ հեռանաք, սպասեցէք՝ մինչեւ ստանաք Հօրը խոստումը» (Գրծ 1.4): Ինչպէս միշտ, այս անգամ եւս, իր երկրաւոր կեանքի վերջին օրերուն, Յիսուս տակաւին սորվեցնելիք ուներ իր հետեւրդներուն: Ան կ'ուզէ որ մենիք սպասել սորվինք: Առաքելութեան դաշտ չիշնենիք առանց ստանալու Հօրը խոստումը՝ Սուրբ Հոգին: Չանապարենիք ընելու այն ինչ որ նիշտ կը թուի մեզի, եւ ո՛չ ալ ըսելու այն ինչ որ շիտակ կը նկատենիք: Թոյլ տանիք որ Սուրբ Հոգին ըլլայ առաջնորդողը մեր գործերուն եւ խօսքերուն: Սպասել կը նշանակէ յոյսով ու ակնկալութեամբ նայիլ Աստուծոյ: Սպասել գիտցող մարդուն մէջ հաւատքը կը զօրանայ եւ Աստուծոյ հանդէպ վստահութիւնը կատարեալ կը դառնայ:

Մայիս 16

Աստուծոյ խօսքը կ'այլափոխէ մեզ

«Աստուծոյ խօսքը երկրաւոր մեր կեանքը երկնային կեանքի զգլիվիչ բոյրով օծանող անուշահոտ իւղն է, ապականացու մեր բնութիւնը անապականութեան պատրաստող համեմիչ աղը, մահկանացու մեր բնութիւնը անմահութեան գերափոխող անհրաժեշտ մակարդը, որով մեր երկրաւոր կեանքի օրերը կը համեմուին եւ առաժեալին բացատրութեամբ՝ "Մասնակից կը դառնանք Քրիստոսի յաղթական երթին, որ մեր միջոցաւ իր գիտութեան լոյսը կը տարածէ ամենուրեմ... Մեր կեանքերը Քրիստոսի աեռենվ Աստուծոյ ընծայուած անուշահոտ խունկի պէս իրենց բոյրը կը տարածեն"» (Բ.Կր 14:15) (Զարեհ Արք. Ազնաւորեան):

Մայիս 17

Փորձութիւնը կը դիմակազերծէ մարդը

Կասկածէ վեր է որ փորձութիւնն ու դժուարին պահերն են որ մեր իսկական նկարագիրն ու հաւատքը հանդէս կը բերեն: Առհասարակ բոլորը կը ջանան խաղաղասէր ճեւանալ որպէսզի ծածկեն իրենց իրական նկարագիրը: Խոռվիչ պահուան դիմաց աշխարհի մարդը սակայն չի կրնար իր խաղաղութիւնը պահել: Փորձութիւնը կը դիմակազերծէ զայն: Բայց տարբեր է վերածնած քրիստոնեայ մարդուն պարագան, որ իր կեանքին մէջ ընդունած է խաղաղութեան իշխանը՝ Քրիստոս: Ան կեանքի փոթորիկներուն դիմաց կրնայ պահել իր հանդարտութիւնը, իր խաղաղութիւնը, իր գեղեցկութիւնը, նիշդ այնպէս՝ ինչպէս աստղը իր խաղաղութիւնն ու գեղեցկութիւնը կը պահէ ամպրոպներու մէջ:

Մայիս 18

Մեր ես-ը՝ մեր թշնամին

Ընդհանրապէս մարդս ստրկացնողը նոյնինքն մարդուս եսն է: Իր ես-էն չճերբազատող մարդը, երբեք չի կրնար խաղաղ յարաբերութեան մէջ ըլլալ Աստուծոյ, իր նմանին կամ նոյնիսկ ինքնիր հետ: Յաղթելու համար մեր ես-ին, պէտք է յաղթուիլ Յիսուսի ես-ին կողմէ, պէտք է պատրաստ ըլլալ Յովհաննէս Մկրտիչի նման քաշուելու հրապարակէն եւ ճգելու որ Յիսուսի հեղինակութիւնը զօրանայ մեր կեանքերուն մէջ (Յհ 3:30): Ան որ կը յաղթէ իր ես-ին՝ յաղթած կ'ըլլայ ամէն բանի: Եւ ինչո՞ւ: Որովհետեւ եսն է որ մարդուս մէջ ամէն բան ունենալու ցանկութիւնը կը դնէ: Ես-ը մեզ աշխարհին հետ կապի մէջ դնող կամուրջն է: Քանդել այդ կամուրջը՝ կը նշանակէ ազատագրուիլ աշխարհի բոնակալութենէն:

Մայիս 19

Ամէն ինչ դնենք Յիսուսի ոտքերուն առջեւ

Երբ Յիսուս իր յաղթական մուտքը պիտի գործէր Երուսաղէմ, «Ժողովուրդէն շատեր իրենց վերարկութերը կը փոէին նամրուն վրայ, ուրիշներ ծառերէն ոստեր կը կտրէին եւ կը տարածէին նամրուն վրայ» (Մտ 21.8), իսկ մենք, ի՞նչ բան պատրաստ ենք փոելու եւ տարածելու Յիսուսի ոտքերուն առջեւ, որպէսզի յաղթականօրէն մուտք գործէ մեր կեանքերէն ներս: Պատրա՞ստ ենք իր ոտքերուն առջեւ դնելու մեր սիրտն ու հոգին, մեր փափաքներն ու ցանկութիւնները, մեր երազներսն ու տեսիլները, մեր գործերն ու աշխատանքները, մեր ժամանակն ու կարողութիւնները: Եթէ այս բոլորը դնենք Յիսուսի ոտքերուն տակ, այն ատեն Յիսուս կը բարձրանայ մեր կեանքերուն մէջ, եւ իրմով՝ մենք կը բարձրանանք:

Մայիս 20

Տառապանքը չի նուաներ Քրիստոնեայ մարդուն

Տառապանքը չի կրնար յուսահատեցնել մէկը որ կը սիրէ զԱստուած եւ օր ըստ օրէ կ'անի իր աստուածսիրութեան մէջ: Տառապանքը չի կրնար մեր սրտերէն խլել ուրախութիւնը եթէ երբեք Յիսուսի ուրախութիւնը ունինք մեր սիրտերուն մէջ: Տառապանքը Յիսուսի գալը չէ, այլ Յիսուսէն հեռանալն է: Տառապանքը Յիսուսը չնանչնալն է, Յիսուսի հետ չնոյնանալն է, Յիսուսով ներքին երջանկութիւն մը չապրին է, Յիսուսով երկինքի զաւակ չդառնալն է: Ան որ ընդունած է Յիսուսը իր կեանքին մէջ, անիկա կրնայ ուրախութեամբ եւ խաղաղութեամբ տանիլ կեանքի նեղութիւնները, ճիշդ ինչպէս առաքեալները ուրախացան երբ «Երբ Տիրոց անունին համար անարգանքի արժանացան» (Թրծ 5.41):

Մայիս 21

Քրիստոնեայ մարդը եւ հալածանքը

Ճի՛շդ է որ «անոնք որոնք կ'ուզեն աստուածպաշտութեամբ Քրիստոս Յիսուսի միացած ապրիլ, անպայման հալածամբներու պիտի ենթարկուին» (Բ.Տմ 3.12), բայց այդ չի նշանակեր որ Քրիստոնեայ մարդը ինք պէտք է երթայ հալածանքները փնտոելու: Փափաք ունենալ Յիսուսի համար հալածուիլ՝ անխոհեմութիւն է: Յիսուս չ'ուզեր որ փափաք ունենանք հալածուելու, բայց կ'ուզէ որ պատրաստ ըլլանք ամէն հալածանք սիրայօժար կերպով տանելու իր անունին համար: Եթէ սիսալ է

հալածուիլ փափաքիլը, նոյնան սխալ է հալածանքեն փախիլ փորձելը՝ սխալ միջոցներու դիմելով։ Յիսուսի անունով հալածանքը դիմագրաւելը աւելի՝ դիւրին է բան անկէ փախիլը։ Երբեմն հալածանքեն փախիլը աւելի՛ կը տանչէ մեզ բան զայն դիմագրաւելը։

Մայիս 22

Ի՞նչն է բեղի համար լաւ բանը

Օր մը երկինքով չհետաքրքրուած մարդու մը հարց տուի. «*Ի՞նչն է բեղի համար լաւ բանը*»։ Ան պատասխանեց. «*Դիրքն ու դրամը*»։ Ան ինքինք խաբած պիտի ըլլար եթէ տարբեր պատասխան տար։ Իսկ դուն, ընթերցող բարեկամ, ի՞նչն է բեղի համար կարեւոր բանը. դիրքն ու դրա՞մը, թէ՛ Յիսուսի սէրն ու խաչը։ Դիրքն ու դրամը չեն կրնար բեղի խաղաղութիւն տալ եւ հանգիստ շնորհել։ Կրնաս մեծ գումարներ ունենալ բայց նոյնան ալ մեծ մտահոգութիւններ։ Կրնաս բարձր դիրքերու հասնիլ բայց երբեք ալ հանգիստ չգտնել։ Աստուծոյ զաւակներէն շատե՛ր ո՛չ դիրք ունէին եւ ո՛չ ալ դրամ, բայց եւ այնպէս, ունէին ներքին խաղաղութիւն մը որ զիրենի անյաղթահարեի կը դարձնէր։

Մայիս 23

Դժուա՞ր է փոխուիլ

Մեղքի մէջ ինկած եւ աշխարհի կեանքը ապրող մարդիկ երբեմն կը գիտակցին իրենց վիճակին եւ կ'որոշեն փոխուիլ։ Օրինակ, թմբեցուցիչ գործածող մը կրնայ յանկարծ որոշում առնել ալ չգործածել, կամ ստախօս մը՝ սուտը դադրեցնել, բամբասող մը՝ բամբասանքին վերջ դնել, եւայլն։ Անոնց մօտ փոփոխութիւնը ամբողջական չ'ըլլար, այլ՝ մասնակի. արմատական չ'ըլլար, այլ՝ մակերեսային։ Եւ ինչո՞ւ։ Որովհետեւ անոնք կ'որոշեն փոխուիլ բայց չեն որոշեր դարձի գալ։ Մէկը չի կրնար իր սեփական ուժով փոխուիլ։ Կը փոխուի ա՛ն միայն՝ որ դարձի կու գայ Քրիստոսի, կը խոստովանի իր մեղքերը, իր տկարութիւնները, եւ կը յանձնուի Սուրբ Հոգիին առաջնորդութեան։

Մայիս 24

Հոգեւոր բորոտութիւնը

«*Տէ՛ր, եթէ ուզես՝ կրնաս զիս մաքրել*» (Մը 1.40)։ Բորոտի մը անմեղ աղաղակն էր ասիկա մարդկութեան մեծ բժիշկին՝ Քրիստոսի ուղղուած։ Իսկական բորոտութիւնը հոգիի ու սրտի բորոտութիւնն է եւ ո՛չ թէ

մարմինի: Ընթերցող բարեկամ, չունի՞ս բորոտութիւն մը որմէ ձերբազատիլ կ'ուզես: Օրինակ, ստախօսութեան եւ նախանձի բորոտութիւնը, բամբասանքի եւ ուրիշը վարկաբեկելու բորոտութիւնը, անհաւատութեան բորոտութիւնը, եւայլն: Այս եւ նման բորոտութիւններէ մաքրուելու համար, մէկ հասցէ ունիս՝ Յիսուս Քրիստոս: Ինչպէս եթէ դեղը առնես մարմինիդ մէջ կը մաքրուիս բորոտութենէդ, այնպէս ալ, եթէ Յիսուսը առնես սրտիդ մէջ՝ կը սրբուիս հոգեւոր բորոտութենէդ եւ կը դառնաս Ս.ստուծոյ տաճար:

Մայիս 25

Ինչո՞ւ կը սիրես Սուրբ Գիրքը

Որբի մը հարց տուին. «Դում իմշո՞ւ կը սիրես Սուրբ Գիրքը»: Ան պատասխանեց. «Որովհետեւ ես որք եմ եւ ան ինձի կու տայ երկաւոր Հայր մը: Ես մեղաւոր եմ եւ ան ինձի կու տայ Փրկիչ Յիսուսը: Ես օտարական եմ, եւ ան ինձի կու տայ երկինքը իրրեւ հայրենիք»: Գալով մեզի, կը սիրե՞նի Սուրբ Գիրքը, եւ եթէ կը սիրենի, ինչո՞ւ կը սիրենի: Ես Սուրբ Գիրքը կը սիրեմ, որովհետեւ ատիկա ինձի կը խօսի՝ ինձի համար մեռած ու յարութիւն առած Օծեալին մասին: Կը սիրեմ, որովհետեւ ինձի կը պատմէ Փրկիչիս ու փրկութեանս մասին: Կը սիրեմ, որովհետեւ ինձի կը խօսի երջանկութեամբ ու սիրով լեցուն յաւիտենականութեանս մասին: Կը սիրեմ, որովհետեւ զիս կ'առաջնորդէ նորոգութեան եւ սրբութեան:

Մայիս 26

«Մէկը չունիմ...»

Երբ Յիսուս Բեթհեղդայի աւագանին քովէն կ'անցնէր, տեսաւ մէկը որ երեսունութը տարիէ ի վեր անդամալոյծ էր եւ անոր ըսաւ. «Կ'ուզե՞ս առողջանալ»: Հիւանդը պատասխանեց. «Տէ՛ր, մէկը չունիմ որ ջուրերը շարժած ատեմ զիս աւագան իշեցմէ» (Յհ 5.7): «Մէկը չունիմ...»: Ինքինն մինակ, առանձին, անտէր ու անտիրական զգացող մարդու մը խօսին է ասիկա: Յիսուս գտաւ այս մարդուն որ մէկը չունէր, անօգնական էր: Փառք Յիսուսին, ան առանձին եղողները գտնող հովիւ է: Ան անօգնական մարդիկը գտնող Փրկիչ է: Իսկ մենի, իբրեւ իր զաւակները, կ'երթա՞նիք գտնելու այնպիսի մարդիկ որոնիք մէկը չունին, որոնիք մոոցուած են, որոնց այցելող չկայ: Գիտե՞ս մէկը որ մէկը չունի. գնա՛ անոր հետ եղիր:

Մայիս 27

Որեւէ բան տալէ առաջ,

Աախս մեր կեանքը տանք

Զկարծենք որ երկինքի արքայութիւնը ձեռք կը ճգենք այրի կնոց նման երկու դահեկան տալով, կամ Յիսուսի խօսքին համաձայն, գաւաք մը պաղ ջուր տալով ուրիշին: Աստուած տրուածին չի նայիր, այլ տուողին սրտի յօժարութեան: Արքայութիւնը Արքային պարգեւն է, իսկ Արքան այդ պարգեւը չի տար մէկու մը որ իրեն չէ յանձնուած: Երբ կը յանձնուինք Արքային, ա'ն ատեն է որ մեր կատարած բարի գործերը եւ ողորմութիւնները արժէք կը ստանան: Մեր կեանքը անգամ եթէ զոհենք՝ բան մը չենք օգտուիր, որովհետեւ մեր կեանքը ո'չ մէկ արժէք ունի այնքան ատեն որ զայն չենք յանձնած Յիսուսին: Կեանք մը կը դառնայ արժէք միայն այն ատեն՝ երբ յանձնուի Յիսուսին:

Մայիս 28

Յիսուսի սիրոյն զօրութիւնը

Երբ Յիսուս բնակի մեր սիրտերուն մէջ, ո'չ միայն կը դառնայ մեր սիրոյ առարկան, այլեւ կը դառնայ մեր սէրը բոնկեցնողն ու հրահրողը: Յիսուսով բնակուած մարդուն սէրը կը տեղայ թէ՛ բարեկամին եւ թէ՛ չարակամին վրայ, թէ՛ մօտիկին եւ թէ՛ հեռաւորին վրայ: Երբ Յիսուս բնակի մեր մէջ, կ'անինք սիրոյ մէջ եւ սէրն ալ կ'անի մեր մէջ, կ'արմատանանք սիրոյ մէջ եւ սէրն ալ կ'արմատանայ մեր մէջ, եւ կը սկսինք սիրել, սիրել այնքան եւ այնպէս, որ նոյնանանք սիրոյ հետ: Երբ Յիսուս բնակի մեր մէջ, պէտք պիտի չունենանք մտածելու թէ ի'նչպէս պէտք է սիրենք, որո՞ւ պէտք է սիրենք, քանի որ սիրելը մեզի համար պիտի դառնայ բնական, այնքան բնական՝ որքան շունչ առնելը:

Մայիս 29

Մահը փոխադրուիլ մըն է Յիսուսի մօտ

Պողոս առաքեալ Փիլիպպեցիներուն գրած իր նամակին մէջ կը յայտնէ իր զօրաւոր փափաքը այս կեանքէն ելլելու եւ Քրիստոսի հետ ըլլալու (Փլպ 1.23): Կը սիրենք Յիսուսը այնքան՝ որ ուզենք մեռնիլ եւ երթալ անոր մօտ: Եթէ կը վախնանք մահէն, այդ կը նշանակէ որ տակաւին չենք դարձած Աստուծոյ զաւակ: Մեռնիլ ուզելը մեղք չէ եթէ երբեք մեր նպատակը Յիսուսի մօտ երթալն է, իսկ եթէ մեր նպատակը կեանքի տաղտուկին եւ յուսախարութիւններէն փախիլն է՝ մեղք է: Մահուան փափաք կրնան ունենալ թէ՛ անոնք՝ որոնք Յիսուսին կապած են իրենց ամբողջ յոյսը, եւ թէ անոնք՝ որոնք մեծ յուսախարութենէ անցած են: Այս երկրորդը անձնասպանութիւն կը սեպուի եւ որեւէ ձեւով չ'արդարանար:

Մայիս 30

Ընտրա՞ծ ես լաւ բաժինը

«Սակայն մէկ քան պէտք է: Մարիամ՝ լաւ բաժինը ընտրեց, քան մը՝ որ քնար ետ պիտի չառնուի իրմէ» (Ղկ 10.42): Մարթա ընտրեց սեղան քանալ Յիսուսի առջեւ, իսկ Մարիամ ընտրեց իր սիրտը քանալ: Մարթա ընտրեց յագեցնել Յիսուսը, իսկ Մարիամ ընտրեց յագեցնալ Յիսուսով: Մարթա հոգ ուներ (Ղկ 10.41), իսկ Մարիամ հոգ չուներ՝ քանի զՅիսուս ուներ իր կողմին: Մարթային համար Յիսուս ուտելիքի կարօտ էր, իսկ Մարիամին համար Յիսուս հաղորդակցութեան կարօտ էր: Մարթային բաժինը սեղանն ու անոր պատրաստութիւնն էր, իսկ Մարիամին բաժինը՝ Յիսուսն ու անոր սէրն էր. բաժին մը՝ «որ քնար ետ պիտի չառնուի իրմէ»: Դուն ունի՞ս այդ Բաժինը՝ Յիսուսը եւ անոր մտերմութիւնը:

Մայիս 31

Ի՞նչ պիտի ճգես սիրելիներուդ

Եթէ գէշ քան է մեռնիլ առանց նուազագոյն նիւթականը ճգելու մեր գաւակներուն եւ հարազատներուն, որքա՞ն աւելի գէշ է մեռնիլ, առանց ճգելու անոնց աստուածպաշտութեան օրինակը: Ցաւ է մեզի համար տեսնել ծնողներ որոնեմ կ'աշխատին հարստութիւն դիզել որպէսզի իրենց մահէն ետք զանիկա թողուն իրենց զաւակներուն, իսկ անդին, ո'չ մէկ քան կ'ընեն զանոնեմ Փրկիչին բերելու համար: Սարգիս Շնորհալի կ'ըսէ. «Զաւկիդ բարեպաշտութեանդ օրինակը ճգէ եւ ո՛չ թէ հարստութիւնդ...: Սորվեցուր անոր զԱստուած պաշտել եւ ո՛չ թէ դրամը: Սորվեցուր երկնաւոր քաներու ցանկալ եւ ո՛չ թէ երկրաւորներուն»: Մեծագոյն նուերը որ կրնաս տալ զաւկիդ, զայն Յիսուսին ծանօթացնելն է:

Յունիս 1

Յիսուս հեռացուցա՞ծ է քեզմէ մեղքերդ

«Յիսուս Սուրբ Հոգիին կողմէ տարուեցաւ անապատ...» (Մտ 4.1): Յիսուս ինք չէր որ անապատ գնաց, այլ՝ տարուեցաւ: Հին Կտակարանը կը խօսի քաւութեան նոխազին (արու այծ) մասին: Տարին անգամ մը քահանայապետը իր ձեռքերը նոխազին գլխուն կը դնէր եւ ժողովուրդին մեղքերը կը խոստովանէր, ապա նոխազը ուրիշի մը ձեռքով կը տարուէր անապատ (Ղւ 16.22): Զեռքերը նոխազին գլխուն դնելը՝ ժողովուրդին մեղքերը անոր փոխանցել կը նշանակէր, իսկ զայն անապատ տանիլը՝

մեղքերը ժողովուրդէն հեռացնել էր: Քրիստոս որուն նախօրինակն էր բաւութեան նոխազը, մարդոց մեղքերը իր վրայ առնելէ ետք՝ Ս. Հոգիին կողմէ տարուեցաւ անապատ: Սիրելի՛ս, քու ալ մեղքերդ տարուա՞ծ են անապատ, Յիսուս զանոնի հեռացուցա՞ծ է քեզմէ:

Յունիս 2

Սէր ուզեցէք Աստուծմէ, ո'վ մարդիկ

«Հաւատքի վստահութիւնը ուզեցէք Աստուծմէ, ո'վ մարդիկ. թող այդ վստահութիւնը լեցնէ ձեր սրտերը, որովհետեւ ատիկա խաղաղութիւն կը բերէ մտքերուն: Սէր ուզեցէք Աստուծմէ, ո'վ մարդիկ. որովհետեւ սէրն է միայն որ կեանքի մէջ կը զգացնէ որ դուք լեցուն էք, լեցուն այճքան՝ որ չէք կրնար չպարպուիլ, չէք կրնար ձեր զեղուն բաժակէն չհրամցնել եւ չխմցնել նաև ուրիշներուն: Աստուծմէ երջանկութիւն ուզեցէք, ո'վ մարդիկ. այն երջանկութիւնը սակայն, որ բարեգործութեամբ կու գայ: Ուզեցէք որ Աստուած ձեր քայլերը բարեգործութեան նամրուն ուղղէ, եւ այն ատեն ձեր երջանկութիւնը ինքնին կու գայ՝ անք պարզելովը եւ անք բաշխելովը: Եթէ դուք չբաշխէք, չէք կրնար այդ ուրախութիւնը ունենալ» (Զարեհ Արք. Ազնաւորեան):

Յունիս 3

Նորոգութիւնը երկու ձեւով կ'ըլլայ

Մարդուն վերածնունդն ու նորոգութիւնը կրնայ տեղի ունենալ յանկարծ, վայրկեանի մը ընթացքին, եւ կամ երկար ժամանակի վրայ: Ամէն մարդ կը փափաքի որ իր վերածնունդն ու նորոգութիւնը վայրկեանի մը կամ վայրկեաններու ընթացքին պատահի քան երկա՛ր ժամանակի մը վրայ: Աստուած սակայն կը նանչնայ մեզ, կը նանչնայ մեր ներքին անձը՝ սիրտն ու հոգին, եւ գիտէ թէ մեզի համար ո՛ր մէկը աւելի յարմար է, յանկարծական ու վայրկեանական նորոգութիւնը, թէ՛ երկար ժամանակի վրայ իրագործուող նորոգութիւնը: Պետրոս առաքեալին նորոգութիւնը երկա՛ր ժամանակի վրայ տեղի ունեցաւ, իսկ Պողոս առաքեալին նորոգութիւնը՝ վայրկեանական էր:

Յունիս 4

«Տէ՛ր, եկո՛ւր եւ տես»

«Ո՞ւր թաղեցիք զի՞նք:» Անոնի ըստն. «Տէ՛ր, եկո՛ւր եւ տես» (Յհ 11.34): Եւ Տէրը գնաց ու տեսաւ թէ ո՛ւր թաղուած էր Ղազարոսը եւ

յարութիւն տուաւ անոր: Տէ՛ր, ինչպէս Ղազարոսը դուրս բերիր իր ննջման քարայրէն, այնպէս ալ, այս տողերը գրողն ու կարդացողը դո՛ւրս բեր մեղքի քարայրէն: Տէ՛ր, եկուր եւ տես. տե՛ս թէ ո՛ւր թաղուած ենք, տե՛ս թէ ի՛նչ մեղքի մէջ միշրճուած ենք, տե՛ս մեր հոգեւոր աղքատութիւնն ու անկարողութիւնը, տե՛ս մեր ցաւն ու փափաքը: Ինչպէս հրամայեցիր որ քարայրի բերնէն վերցնեն քարը, այնպէս ալ, հրամայէ որ Զարը իր ձեռքը ու մեղքը իր բոնակալութիւնը վերցնեն մեր վրայէն, որպէսզի Ղազարոսի նման վերստին կեանքի գանգ՝ նոր կեանքին:

Յունիս 5

Չտրտմեցնենք մեզ փրկութեան Առաջնորդողը

«Մի՛ տրտմեցմէ՛ք Աստուծոյ Սուրբ Հոգին, որով կմժուեցա՞» փրկութեան օրուան հասնելու համար» (Եփ 4.30): Խօսքը մկրտութեան ընթացքին Սուրբ Հոգիով կատարուած կնքումին մասին չէ, այլ մեր ազատ կամքով Աստուծոյ հետ մեր կատարած հաշտութեան մասին է: Ապաշխարութեամբ Աստուծոյ յանձնուելէ ետք, ապերախտութիւն կ'ըլլայ մեր ըրածը եթէ երբեք ինքնակամ մեղանչումներով տրտմեցնենք Աստուծոյ Սուրբ Հոգին՝ որմէ կախեալ է մեր փրկութիւնը: «Կնքուեցա՞» բառը ցոյց կու տայ այն վստահութիւնն ու ապահովութիւնը, որ կը համակէ հաւատացեալ մարդը, թէ՝ ան պիտի ժառանգէ յաւիտենական փրկութիւնը: Սիրելի՛ եղբայր եւ քոյր, ունի՞ս փրկութեան վստահութիւնն ու ապահովութիւնը:

Յունիս 6

Ազատ կ'ըլլաս երբ Ազատարարին գաս

«Եթէ Որդին ճեզ ազատէ, այն ատեն իրապէս ազատ պիտի ըլլա՞» (Յի 8.36): Անապաշխար մարդը ստրուկ մըն է մեղքին (Յի 8.34): Նման ստրկութենէ մեզ Յիսուսէն զատ ուրիշ մէկը չի կրնար ազատել: Ումանք ստրուկ դարձած են սուտին, նախանձին, գոռոզութեան, բախտախաղին, դրամասիրութեան... եւայլն: Ընթերցո՞ղ բարեկամ, չունի՞ս կեանքիդ մէջ մեղք մը որ քեզ ստրկացուցած է եւ կը փափաքիս ճերբազատիլ անկէ: Եթէ չես ապաշխարած՝ գիտցիր որ բանտի մէջ ես, եւ քու բանտապետդ՝ Սատանան է, իսկ դահիճներդ՝ չար ոգիները: Յիսուս կրնայ բանտը իր հիմերէն խախտել, միայն թէ խնդրէ իրմէ. ինդրէ անկեղծօրէն եւ թախանձագին, եւ դուն երկինքի ազատ որդին պիտի ըլլաս:

Յունիս 7

Խղճա՛ դուն քեզի

Եթէ գիտնայիր որ քու եւ խորունկ անդունդի մը միջեւ միայն մեկ քայլ կայ, ի՞նչ պիտի ընէիր: Պիտի շարունակէի՞ր առջեւ երթալ որպէսզի իյնայիր անդունդին մէջ: Վստահաբար ո՛չ: Գիտե՞ս որ միայն մէկ քայլ կայ քու եւ յաւիտենականութեան միջեւ: Այսօր կամ վաղը կրնաս դուն քեզ անաչառ Աստուծոյ առջեւ գտնել: Եթէ երբեք ապաշխարած չես, ի՞նչ պատասխան պիտի տաս իրեն գործած չարիքներուդ եւ ունեցած չար մտածումներուդ համար: Դուն քեզի չե՞ս խղճար: Ինչո՞ւ դժոխք նետուիս ուր կրակը անմար է եւ տանջանքը՝ յաւիտենական, երբ այդ բոլորէն ազատելու առիթը ունիս: Կարդացած այս տողերդ առիթ մըն է քեզի Աստուծոյ կողմէ տրուած: Օգտագործէ՛ այս առիթը եւ կեանքդ յանձնէ կեանքի Տիտոչ՝ Յիսուսի:

Յունիս 8

Մեղքը կը պղծէ մեզ

«Քերածէ մտածը չէ՛ որ կը պղծէ մարդը, այլ իմշ որ դուրս կ'ելլէ բերածէ՛ այն է որ կը պղծէ մարդը» (Մտ 15.11): Մեզմէ որո՞ւն հոգին սարսուռ մը չ'անցնիր երբ կը լսէ որ մեղքը կը պղծէ մարդը: Այո՛, մեղքը պղծութիւն է. անոր հետ խաղցողը կը պղծուի: Ինչպէս կրակին հետ խաղցողը կ'այրի եւ մուրին հետ խաղցողը՝ կը մրոտի, այնպէս ալ, մեղքին հետ խաղցողը՝ կը պղծուի, կը դառնայ պիղծ մարդ: Դարձեալ, ինչպէս մէկը չի կրնար բարեկամ դառնալ օձին ու կարինին եւ խնդրել անոնցմէ որ վնաս չհասցնեն իրեն, նոյնպէս ալ, ոեւէ մէկը չի կրնար բարեկամանալ մեղքին եւ ակնկալել որ չվնասուի անկէ: Մեղքը կործանարար ու դաւանան «բարեկամ» մըն է: Հեռո՛ւ փախչիր անկէ: Խզէ՛ կապդ հետը:

Յունիս 9

Օրինենք մեզ անիծողները

«Օրինեցէ՛ ճեզ անիծողները...» (Մտ 5.44): Մեզ անիծողները մեր ախորդութիւնը փափառողներն են: Ո՛չ ո՛վ կրնայ օրինել զինք անիծողը եթէ երբեք Աստուծոյ օրինութիւնը չէ վայելած իր կեանքին մէջ: Աստուծմով ինքնիր օրինութիւնը գտած մարդը ո՛չ միայն կ'օրինէ զինք անիծող մարդիկը, այլ ի՞նք կը դառնայ օրինութիւն անոնց կեանքին մէջ: Մարդիկը օրինելն ու զԱստուած օրինելը իրարմէ տարբեր բաներ են: Երբ կ'ըսենք, զԱստուած օրինել, կը նշանակէ գոհանալ իրմէ, մեծարել ու փառաւորել զինք, իսկ մարդիկը օրինել ըսելով, կը հասկնանք անոնց համար բարին մաղթել եւ ի սրտէ փափաքի անոնց յաջողութիւնը:

Յունիս 10

Բարիք ընենի մեզ ատողներուն

«*Բարիք ըրէք ձեզ ատողներուն...*» (Մտ 5.44): Եթք մեզի հանդեպ դառնութեամբ եւ ատելութեամբ լեցուած մարդոց բարիք կ'ընենի, մեր բարիքը անոնց դիմաց կ'ըլլայ նամբայ մը զիրենի Աստուծոյ առաջնորդող եւ զԱստուած իրենց բերող: Մեզ ատողին բարիք ընելը դիւրին բան չէ: Կրնա՞նի փաթթել վերքը մէկու մը որ կը սիրէ մեզ վիրաւորել: Կրնա՞նի ողորմութիւն տալ կամ կերակրել մէկու մը որ մեզ նախապէս կողոպտած է: Ճշմարտապէս քրիստոնեայ եղող մարդը միայն կրնայ նման բան ընել: Բարեգործութիւնը ատող մարդիկը կը վերածէ սիրող մարդոց: Սրտէ բոլիսած բարեգործութեան դիմաց հրէշն անգամ հրեշտակ կ'ըլլայ:

Յունիս 11

Աղօթենի մեզ չարչարողներուն համար

«*Աղօթեցէք անոնց համար, որոնք ձեզ կը չարչարեն ու կը հալածեն»* (Մտ 5.44): Եթք աղօթքի նամբով Աստուծոյ կը յանձնենի մեզ չարչարող ու հալածող մարդիկը, անոնի ենթակայ եղած կ'ըլլան Աստուծոյ դատաստանին: Հարկաւ աղօթքը անոնց դատապարտութեան համար չէ որ պէտք է մատուցուի, այլ զիրենի Աստուծոյ դատապարտութենին ազատելու համար: Ամէն չարչարուող չէ որ արժանի պիտի դառնայ երկինքի արքայութեան, այլ միայն անոնի՝ որոնի երկինքի արքայութեան համար է որ կը չարչարուին: Մարդատեաց մարդն ալ կը չարչարուի, բայց ան իր մարդատեացութեան համար է որ կը չարչարուի եւ ո՛չ թէ իր մարդասիրութեան համար:

Յունիս 12

Սիրենի մեր թշնամիները

Քրիստոս խօսքը ուղղելով իր ունկնդիրներուն կ'ըսէ. «*Լսեր էք արդարեւ որ ըսուած է. "Սիրէ՛ ընկերդ եւ ատէ՛ թշնամիդ": Իսկ ես կ'ըսեմ ձեզի. - "Սիրեցէ՛ ձեր թշնամիները"*» (Մտ 5.43-44): Հրեաներ ընկեր կը նկատէին միայն անոնի՝ որոնի իրենց դրացի ու բարեկամ էին, որոնի իրենց օգտակար կը դառնային, որոնի իրենց նոյն հաւատքն ու աւանդութիւնները ունէին: Յիսուս սա բառերով եկաւ սորվեցնելու իրենց եւ մեզի, որ ո՛չ միայն թշնամի պէտք չէ նկատենի մեզմէ տարբեր եղողները, տարբեր հաւատք ու հաւատալիք ունեցողները, տարբեր

Երկիրներու մէջ ապրողները, այլեւ՝ քայլ մը առջեւ երթալով, պէտք է շանանի սիրել զանոնի:

Յունիս 13

Համբերութեամբ սպասել Տիրոջ գալուստին

«Համբերող եղէք, եղբայրներ, մինչեւ Տիրոջ գալուստը» (Յկ 5.7): Առաքեալներուն օրով, հաւատացեալները կը կարծէին որ շատ շուտով, Քրիստոս վերստին պիտի յայտնուէր եւ իր թագաւորութիւնը հաստատէր: Անոնք իրենց դիմագրաւած նեղութիւններուն պատճառով սկսած էին իրենց համբերութիւնը կորսնցնել, ահա թէ ինչո՞ւ առաքեալը անոնց կը պատուիրէ համբերող ըլլալ մինչեւ Տիրոջ գալուստը: Ինչպէս երկրագործը քրտինքով ցանելէ ետք, յոյսով եւ ուրախութեամբ հնձելու օրուան կը սպասէ, այնպէս ալ հաւատացեալ մարդը պէտք է համբերէ նեղութիւններուն, որպէսզի գալուստին օրը ո՞չ միայն ուրախութեամբ հնձէ, այլեւ՝ ուրախութեան պարգևելիք՝ զՔրիստոս հնձէ:

Յունիս 14

Անհանգստացուելով հանգիստին կը հասնինի

Կեանիքը տառապանիքով լեցուն է, բայց եթէ հաւատանի որ կեանիքն նպատակը մեզ տառապեցնել չէ, տառապանիքը կը դադրի տառապանի ու անէծք ըլլալէ եւ կը դառնայ օրինութիւն: Հաւատացեալ մարդուն նպատակը փորձութիւններէ զերծ մնալը չէ, այլ անոնց կողմէ չկլանուիլն է: Միրով ու համբերութեամբ տարուած տառապանիքն է որ մեզ արժանի կը դարձնէ յաւիտենական կեանիքին ուր չկա'յ տառապանի ու չկա'յ անիրաւութիւն: Ճշմարիտ հաւատացեալը անպայման որ ճշմարտութեան համար պիտի հալածուի: Մեր անիրաւուիլն է որ մեզ իրաւատէր պիտի դարձնէ երկինքի մէջ: Իրաւ հանգիստին կը հասնինի անիրաւորէն մեր անհանգստացուելէն ետք միայն:

Յունիս 15

Աղօթքով վերջ դնենի թշնամութեան

Աղօթողին սիրու Յիսուսի սիրով առլցուն սիրտ մը պէտք է ըլլայ: Աղօթքն է որ կ'առատացնէ եւ կը կրկնապատկէ մեր սէրը Աստուծոյ եւ մեր նմաններուն հանդէպ: Զէք կրնար պատկերացնել թէ որքա՛ն մեծ հանոյի կ'առթեն մեր աղօթքները Աստուծոյ, երբ անոնի կը մատուցուին մեր բարեկամներուն եւ մանաւանդ մեր թշնամիններուն համար: Խունկի նման

բուրող են այն աղօթքները, որոնիք կը մատուցուին մեզի թշնամութիւն ընողներուն եւ մեզ ատողներուն համար: Շատ աղօթենիք մեր թշնամիներուն համար եք է կ'ուզենիք զանոնիք բարեկամներու վերածուած տեսնել: Աղօթքը թշնամի է թշնամութեան: Աղօթքը ատել կու տայ մեզի ատելութիւնը եւ սիրել՝ ատողը:

Յունիս 16

Աղօթող ըլլալ ուրիշին համար

Եթէ Քրիստոսի սէրն է որ մեր սիրտերուն մէջ կ'ապրի, ան իբրեւ արեւ պէտք է նառագայթէ եւ հասնի բոլորին ու զօրացնէ բոլորը: Սուրբ Հոգին անմեղութեան Հոգին է, եւ իբր այդպիսին, աղօթակից կ'ըլլայ հոգեւոր անմեղութեամբ եւ հոգիներու անմեղութեան համար մատուցուած աղօթքներուն միայն: Ուրիշներուն փրկութեան համար աղօթելը, համազօր է մեր փրկութեան համար աղօթելուն: Ինչ որ կը ցանկանիք ուրիշներուն համար՝ Աստուած զայն կը շնորհէ մեզի նաեւ: Եթէ մեր նմաններուն սրբութեան համար կ'աղօթենիք՝ ատիկա մեզ կրնայ սրբութեան առաջնորդել: Քրիստոսի փրկութիւնը նաշակած անձ մը, անխուսափելիօրէն կը դառնայ հետապնդիչը այլոց փրկութեան:

Յունիս 17

Նեցուկ կանգնիլ հոգեւորներուն

Երանի՛ քեզի ընթերցող եղբայր եւ քոյր եթէ երբեք կեանիք դրած ես Յիսուսի ձեռքերուն մէջ: Եթէ առած ես այս քայլը՝ գիտցի՛ր որ դուն յաւիտենապէս ապահով ես: Եթէ հոգեւոր կեանիք ապրող մէկը չես, գտի՛ր շրջապատիդ մէջ Յիսուսի նուիրուած մէկը որ Սուրբ Հոգիով կ'ապրի եւ փորձէ անոր օրինակին հետեւիլ: Իսկ եթէ չես կրնար անոր օրինակին հետեւիլ, կը խնդրեմ քեզմէ որ գոնէ չքննադատես զայն եւ չընդդիմանս անոր, այլ ուրախանաս անով եւ զօրավիգ կանգնիս անոր: Լա՛ւ գիտցիր, որ եթէ Աստուծոյ զաւակներուն կողդին կանգնիս, եթէ ուրախանաս անոնցմով եւ անոնց պատճառով՝ Աստուած անոնց սիրոյն քե՛զ ալ պիտի օրինէ, եւ ո՛վ գիտէ, թերեւս Աստուծոյ գրութիւնը քեզ առաջնորդէ փրկութեան:

Յունիս 18

Թոյլ մի՛ տար

Թոյլ մի՛ տար որ Աստուծոյ Սուրբ Հոգիին տաճարը դառնալու համար ստեղծուած սիրտդ՝ դառնայ բնակարան չար ոգիներու: Մի՛ ձգեր որ Քրիստոսի բարի սերմերուն համար գոյութեան եկած հոգիդ՝ դառնայ փուշերով ու տատասկներով լեցուն պարտէզի: Մի՛ արտօներ որ Յիսուսի բաղցրութեամբ համակուելու համար քեզի տրուած էութիւնդ՝ վերածուի դառնութեամբ առլցուն անդունդի: Մի՛ ընդունիր որ միտքդ խոռվի մեղքով ու չարիքով՝ երբ առիթը ունիս Փրկիչին խաղաղութեամբ արքենալու: Ակսի՛ր սիրել նախապէս ատած մարդիկդ եւ Աստուած քեզ պիտի օրհնէ: Զանա՛ գնահատել նախապէս ստորագնահատածներդ եւ ուրախացնել՝ վշտացուցածներդ, եւ հաւատա՛, որ Աստուած մեծ գործեր պիտի կատարէ կեանքիդ մէջ:

Յունիս 19

Եթէ Աստուծոյ գաւակներն ենք՝ փաստե՞նք

Եթէ գաւակներն ենք Աստուծոյ՝ աշխատի՛նք տիեզերական եղբայրութեան համար: Եթէ տաճարներն ենք Աստուծոյ՝ թող այդ տաճարներէն աղօթքներ ու փառաբանութիւններ լսուին: Եթէ ստացած ենք Սուրբ Հոգին՝ թող սրբութիւնը արտացոլա՛ մեր կեանքերուն մէջ: Եթէ երկնաֆաղաքացիներ եղած ենք՝ մեր հայեցքները սեւենենք դէպի երկինք եւ խոկանք երկնային բաներու մասին: Եթէ մեռած ենք այս աշխարհին համար եւ այս աշխարհը մեզի համար՝ թող Յիսուսի յարութեան զօրութիւնը նառագայթէ՛ մեր կեանքերուն մէջ: Առաքեալը կը հաստատէ. «Քանի որ յարութիւն առիք Քրիստոսի հետ, այսուհետեւ ձեր ուշադրութիւնը երկինք դարձուցէ՛, որովհետեւ հո՛ւ է Քրիստոս, Հօր Աստուծոյ կողմը նստած» (Կղ 3.1):

Յունիս 20

Ինչո՞ւ

Ինչո՞ւ կ'շտապես դէպի նախանա երբ գիտես որ նախանձը պատճառ եղաւ որ Կայէն սպաննէ Աբէլը: Ինչո՞ւ կը պաշտես դրամը երբ գիտես որ դրամասիրութիւնը առաջնորդեց Յուդան մատնելու մեր Տէրն ու Փրկիչը: Ինչո՞ւ ականջ կու տաս Սատանային խօսքերուն երբ գիտես որ ան իր սուտով ծուղակը ձգեց Ադամն ու Եւան: Ինչո՞ւ քու աւելորդէդ եւ ունեցած անպէտ բաժինէդ կը նուիրես Աստուծոյ երբ գիտես որ Կայէն այս ընելուն համար մերժուեցաւ Աստուծոյ կողմէ: Ինչո՞ւ կ'ուրանաս Յիսուսը անգամ մը որ ընդունեցիր զայն եւ կ'ընդունիս Զարը անգամ մը որ հրաժարեցար անկէ: Ինչո՞ւ սիրով Քրիստոսի անունը կը կրես եւ դժգոհութեամբ՝ անոր խաչը:

Յունիս 21

Յաւիտենակա՞ն կեանք

Յաւիտենակա՞ն կեանք: Որքա՞ն քաղցրութիւն կայ այս երկու բառերուն մէջ: Որքա՞ն սփոփանք եւ մխիթարութիւն կայ: Յաւիտենակա՞ն կեանք: Կեանք մը՝ որ չ'աւարտիր: Կեանք մը՝ ուր կեանքը եռո՛ւն է: Կեանք մը՝ ուր Սուրբ Հոգին կը ցօղէ: Կեանք մը՝ որ զերմացած է մեր երկնաւոր Հօր շունչով ու պաշտպանուած անոր շունչով: Կեանք մը՝ ուր ուրախութիւնը անսահման է, երջանկութիւնը՝ անվերջ, խաղաղութիւնն ու սէրը՝ կատարեալ: Կեանք մը՝ ուր հանգչած է Աստուծոյ փառքը: Այդ կեանքը Քրիստոս'վ միայն կրնայ պարգևուիլ: Այդ կեանքը, Քրիստոսի արեան ծնունդը եղող կեանքն է, Քրիստոսատո՛ւր կեանքն է, Քրիստոսակեդրո՞ն կեանքն է, Քրիստոսի' կեանքն է, Քրիստո՞ս:

Յունիս 22

Քրիստոս ի՛նքն է ամէնը ամէնի մէջ

«Յաւիտենական կեանք տուող խօսքերը դո՛ւմ ունիս»: Այն', միայն Յիսուս ունի «յաւիտենական կեանք տուող խօսքերը»: Յիսուս ո՛չ միայն կեանք տուող խօսքեր ունի, այլեւ ի՛նքն է կեանք տուող Խօսքը: Ի՛նքն է Աստուծոյ Խօսքը եւ Աստուծոյ խօսքին մարմնացումը: Ի՛նքն է Աստուծոյ խօսքը փոխանցողը եւ Աստուծոյ փոխանցուած Խօսքը: Ի՛նքն է պատգամողն ու պատգամուածը: Ի՛նքն է Աստուծոյ կամքը կատարողն ու այդ կամքին կատարումը: Ի՛նքն է կեանք տուողն ու տրուած կեանքը: Ի՛նքն է զօրութիւն տուողն ու տրուած զօրութիւնը: Ի՛նքն է խաղաղութեան իշխանը եւ մեր սիրտերուն մէջ իշխող խաղաղութիւնը: Ի՛նքն է ամէնը ամէն բանի մէջ, ուստի, առանց իրեն՝ ոչինչն է որ կը տիրէ ամէն բանի մէջ:

Յունիս 23

Տէր, ինձի ըրածիդ հակառակը ըրի քեզի

Տէր Յիսուս, ես փշեպսակ դրի գլուխիդ, իսկ դուն թագ դրիր գլուխիս: Ես քեզ խաչ բարձրացուցի, իսկ դուն զիս ուսերուդ վրայ բարձրացուցիր: Ես քեզ աւազակներով շրջապատեցի, իսկ դուն զիս հրեշտակներովդ շրջապատեցիր: Ես քու գլուխիդ խաչին վրայ մահուամբ խոնարհեցուցի, իսկ դուն ինձի պատուիրեցիր որ իմ գլուխս բարձրացնեմ (Ղե 21.28): Ես քեզ լքեցի երբ քեզ ձերբակալելու եկան, իսկ

դուն կ'շտապես կողիս կանգնելու երբ Զարը փորձէ զիս ձերբակալել: Ես մեզ մերկացուցի աստուածային փառքէդ, իսկ դուն զիս զարթարեցիր աստուածային փառքովդ: Ես մեզ մերկացուցի քու հագուստէդ, իսկ դուն ինձի շնորհեցիր արիւնովդ մաքրուած լաւագոյն պատմունանը:

Յունիս 24

Գայլերուն ձեռքին մէջ՝ ինձի՛ համար

Ես խաչին վրայ ձեռքերդ տարածեցի կարծելով որ մեզ սպաննեցի, իսկ դուն տարածուած ձեռքերովդ զիս ընդունեցիր գրկիդ մէջ: Ես գաւազանով գլուխիդ զարկի, իսկ դուն՝ պահապանը գլուխիս, օրինութիւններ թափեցիր գլուխիս վրայ: Ինձի համար խաչին տակ կֆեցար, որպէսզի մեղի տակ կֆածս՝ ոտքի կանգնիմ: Ինձի համար խաչին վրայ գլուխդ խոնարհեցուցիր եւ ինձի նայեցար հաշտութի՛ւն խնդրելով, իսկ ես երեսդ ի վեր պոռացի՝ խաչէն վա՛ր իշիր եթէ երբեք Աստուծոյ Որդին ես: Ինձի համար Գայլերուն գայլերուն ձեռքին մէջ ինկար, որպէսզի Զարին ձեռքին մէջ ինկածս՝ փոխադրես երկնաւոր Հօր ձեռքին մէջ: Շնորհակալ եմ, Տէ՛ր Յիսուս, այդ փոխադրութեան համար:

Յունիս 25

Տէ՛ր կանգնիլ մեր Տիրոց ներկայութեան

Քրիստոսի սէրը «կը ստիպէ» զՔրիստոս որ ան մեր մօտ մնայ եւ մեզ իր մօտ պահէ: Երբ Քրիստոս տեսնէ որ մեր սիրոյն ու հաւատարմութեան մէջ հանդէպ իրեն՝ անկեղծ ու յարատեւող ենք, անպայման կը յանձնուի մեզի: Քրիստոս ինքզինք մեզի տալու չի վստահիր եթէ երբեք ապերախտ ենք մենք մեր անձերուն նկատմամբ: Երբ մենք կը չարչարենք մեր հոգիները, Աստուած ինչպէ՞ս կրնայ տալ մեզի իր Սուրբ Հոգին: Ճիշդ է որ Քրիստոս գալով կ'ուզէ մեր կեանքերուն Տէրը դառնալ, բայց միաժամանակ կ'ուզէ որ մենք ալ յանձնառու գտնուինք տէր դառնալու իր ներկայութեան, իր խօսքին, իր Հոգիին, իր պատգամներուն, իր սիրոյն եւ ամէն բանի՝ որ շնորհած է մեզի եւ որով ինքզինք կը յայտնէ մեզի:

Յունիս 26

Աստուծոյ Հոգի՛ն է որ պարապութիւնը կը լեցնէ

Ծննդոց գիրքին մէջ կը կարդանք որ երկիրը պարապ էր (Ծն 1.2-ին): Այդ պարապութիւնը Աստուած ինք լեցուց: Զանիկա լեցուց իր Հոգիով:

Ո՞չ միայն երկիրը պարապ էր, այլեւ մարդը ինք: Մարդը շնչաւոր էակ մըն էր երբ Աստուած զանիկա ստեղծեց, բայց ան դարձաւ հոգեւոր էակ, երբ Աստուած «անոր ոնցունքներէն կենդանութեան շունչ փշեց» (Ծն 2.7): Աստուած ինքն էր որ երկրին դատարկութիւնը լեցուց: Ինքն էր որ շնչաւոր մարդը հոգեւոր մարդու վերածեց: Սիրելի՝ բարեկամ, աշխարհ այսօ’ր ալ դատարկ է: Մարդը այսօ’ր ալ շնչաւոր է: Թռղ աշխարհ խոստովանի իր դատարկութիւնը եւ Աստուած զանիկա պիտի լեցնէ: Թռղ մարդը խոստովանի իր շնչաւորութիւնը եւ Աստուած իր Հոգիով հոգի’ պիտի դարձնէ զայն:

Յունիս 27

Տանջանքը բոլորին համար է

Տանջանքը բոլորին համար է բայց ո՞չ վարձատրութիւնը: Աշխարհը պիտի տանջէ մեզ իրեն պատկանինք թէ ոչ: Եթէ սա է իրողութիւնը, ուրեմն, աւելի լաւ է Քրիստոսի պատկանիլ եւ տանջուիլ ֆան աշխարհին պատկանիլ եւ տանջուիլ, որովհետեւ Քրիստոսի համար տանջուողը՝ գիտենք որ փրկութեան եւ վարձատրութեան արժանի կը դառնայ, իսկ աշխարհի համար տանջուողը՝ ի՞նչ բանի կրնայ արժանի դառնալ կամ ենթարկուիլ եթէ ոչ յաւիտենական պատիժի ու կորստեան: Աշխարհ թշնամութիւն կ’ընէ մեզի, որովհետեւ մենք անոր չենք պատկանիր (Յի 15.19), եւ որովհետեւ անոր հոգին չէ որ առինք, այլ՝ Աստուծմէ դրկուած Հոգին (Ա.Կր 2.12), եւ յատկապէս, որովհետեւ մենք կը պատերազմինք անոր տիրակալներուն դէմ (Գդ 6.12):

Յունիս 28

Սուրբ Հոգիին անթերի գործունեութիւնը

Ճշմարտութեան Հոգիին յանձնուած մէկը, ամէն օր յաջողութենէ յաջողութիւն եւ զօրութենէ զօրութիւն կ’առաջնորդուի: Երբեմն այնպէն կը քուի մեզի որ մենք ենք գործողը, բայց իրականութեան մէջ Սուրբ Հոգին է որ կը գործէ: Սուրբ Հոգին կը գործէ կեանքին մէջ բոլոր անոնց՝ որոնք կը խնդրեն իր գործակցութիւնը: Շնորհաբաշխ Հոգին այնպիսի՛ ձեւերով կը գործէ որ միշտ ալ զարմանք կը պատճառէ իր սիրելիներուն: Մեր խնդրանքին կը պատասխանէ եւ մեր փափառները կը կատարէ մեր շակնեալած ձեւով: Եթէ նոյնիսկ տկարանանք եւ թերանանք կարգ մը գործերու մէջ, Սուրբ Հոգին բնա՛ւ չի թերանար, եւ առանց նայելու մեր շկամութեան եւ երբեմն ալ մեր ծուլութեան, կու գայ զօրութեամբ գործելու մեր տկարութեան մէջ:

Յունիս 29

Սուրբ Հոգին կը փոխէ մեզ

Եթք ամբողջութեամբ յանձնուինք Սուրբ Հոգիին, ան մեր կեանքն ու կամքը պիտի նոյնացնէ Քրիստոսի կեանքին ու կամքին հետ։ Այն ատեն պիտի սկսինք կատարել այնպիսի բաներ՝ որոնք նախապէս անկարելի կը թուէին մեզի։ Պիտի կարենանք սիրել այնպիսի անձեր՝ որոնք նախապէս զգուելի ու անհանդուրժելի էին։ Ի՞նչն է պատճառը նման փոփոխութեան։ Փոփոխութեան պատճառը ուրիշ տեղ պէտք չէ փնտոել եթէ ոչ անփոփոխ եւ սակայն ամէն ինչ փոխող Սուրբ Հոգիին մեր հետ միանալուն եւ մեր՝ Սուրբ Հոգիին հետ միանալուն ու մէկ ըլլալուն մէջ։ Նախապէս կը փորձէինք առանձին ծրագրել եւ գործել, իսկ Սուրբ Հոգին ընդունել ետք, ան եղաւ ծրագրողն ու գործողը մեր նամբով։

Յունիս 30

Յիսուս Քրիստոսի գիւտը ընել

«Քրիստոնեայ կոչուիլ չի Աշանակեր անպայման քրիստոնեայ ըլլալ։ Անրարոյական, անկրօն, անհաւատ, անաստուած քրիստոնեաներու թիւր պզտիկ չէ։ Ու քիչ չէ՛ նաեւ թիւր անուանական ու ձեւական կամ ժառանգական քրիստոնեաներուն, որոնց քրիստոնէութիւնը կիրակնօրեայ զգեստ մըն է միայն, կամ գուցէ բատերական դիմակ մը։ Անհրաժեշտ է, որ գիւտը ընես Յիսուս Քրիստոսի, ո՛չ որպէս մարգարէ, կրօնիկ հիմնադիր, բարոյախոս, բարեկարգիչ, եւ այլն, այլ որպէս Փրկիչ, քու անձնական Փրկիչդ, որ քո՛ւ մեղքերուդ պատճառով՝ քո՛ւ մահավճիոդ, քո՛ւ տեղդ, ի՞նք կրեց ինաչափայտին վրայ, պատարագուեցաւ եւ իր մեղսազերծ արիւնը թափեց իրրեւ բաւութիւն եւ բողութիւն քու մեղքերուդ» (Ժագ Ա. Յակոբեան)։

Յուլիս 1

Աստուած կա՛մ ամբողջապէս Տէ՛ր կ'ըլլայ եւ կամ բնա՛ւ չըլլար

Աստուած չ'ուզեր միայն հոգիիդ ու մարմինիդ Տէրը ըլլալ, այլեւ ամբողջ կեանքիդ՝ ուտելիքիդ, խմելիքիդ, հագուելիքիդ, փափառերուդ եւ ցանկութիւններուդ, երազններուդ եւ տեսիլքններուդ, աշխատանքիդ եւ գործերուդ, ձիրքերուդ եւ կարողութիւններուդ, ունեցուածքիդ եւ երջանկութեանդ։ Ան կ'ուզէ դառնալ Տէրդ՝ բառին ամէնէն վաւերական իմաստով։ Տէրդ դառնալ՝ կը նշանակէ Դառնալ Տէրը ամբողջ ունեցածին։

Աստուած չ'ուզեր որ որոշ բաներ դնենք իր տրամադրութեան ներքեւ եւ որոշ բաներ պահենք մեր մօտ: Ան չ'ուզեր որ կարգ մը բաներ յանձնենք իրեն եւ ուրիշ բաներ զլանանք յանձնել: Աստուած կատարեալ է, եւ ուստի իրեն յանձնուողը՝ կատարելապէս պէտք է յանձնուի: Կիսովին յանձնուողին կեանքին մէջ Աստուած չի կրնար ազատօրէն գործել, իր կամքը կատարել եւ իր ծրագիրը իրականացնել:

Յուլիս 2

Տէ՛ր, օգնէ՛ ինձի

Տէ՛ր, օգնէ՛ ինձի որ ցնցոտիներով չշրջիմ, ես որ «լաւագոյն պատմուհանը» հագնելու կոչ կ'ուղղեմ ուրիշին: Տէ՛ր, օգնէ՛ ինձի որ հոգեւորապէս անօթի ըրլամ, ես որ Կենաց Հացը իմ ձեռքերովս կը շալկեմ: Տէ՛ր, օգնէ՛ ինձի որ երկրաւորին չկառչիմ, ես որ երկինքը ցանկալ կը պատուիրեմ: Տէ՛ր, օգնէ՛ ինձի որ թոյլ չգտնուիմ իմ անձիս փրկութեան նկատմամբ, ես որ այլոց կոչ կ'ուղղեմ աշխատիլ իրենց անձերուն փրկութեան համար: Տէ՛ր, օգնէ՛ ինձի որ չարութիւն չընեմ ու չխորհիմ, ես որ Զարին դէ՛մ դնելու մարտահրաւեր կը կարդամ: Տէ՛ր, օգնէ՛ ինձի որ սիրտս ու հոգիս ծարաւեն չնուաղին, ես որ կոչուած եմ ըլլալու բարողիչը Կենսատու Աղբիւրին:

Յուլիս 3

Իսկական մեծը

Ճշմարիտ մեծ մարդը ա'ն է որ կ'ապրի աստուածահանոյ կեանք մը առանց սակայն հաւակնութիւնը ունենալու ինքզինք մեծ նկատելու: Քրիստոնեայ մարդը իր մեծութիւնը պէտք չէ տեսնէ իր ունեցած դիրքին, աքոնին կամ դրամին մէջ, այլ իր ապրած հաւատքի կեանքին եւ իր նմաններուն մատուցած իր ծառայութիւններուն մէջ: Մարդ արարածը ա'նքանով մեծ է որքանով աստուածաւեր եւ մարդասէր է: Երբե՛ք մեծ պէտք չէ կոչել այն մարդը որ չ'ապրիր հաւատքի կեանք մը: Բնա՛ւ մեծ պէտք չէ նկատել այն մարդը որ ոչնչութիւն կը սեպէ իր նմանները եւ անոնց վրայ իշխել կը փորակ: Մե՛ծ կոչուիլ ուզող իր աշակերտներուն Քրիստոս փոքրիկի մը օրինակը տուաւ որպէսզի սորվեցնէ անոնց եւ մեզի, որ մեծնալու նամբան փոքրանալ ընդունիլն է: Դուն կ'ընդունի՞ս փոքրանալ:

Յուլիս 4

Դուն ա'յն ես՝ ինչ որ ես առանձնութեան մէջ

«Ինչ որ կ'ընեն, մարդոց երեւելու համար կ'ընեն» (Մտ 23.5): Մարդոց մեծ մասը կը սիրեն ու կը փորձեն երեւիլ ուրիշներուն դիմաց տարբեր ձեւով մը քան այն ինչ որ են խսկութեան մէջ, յատկապէս երբ առանձին են: Առանձնութեան մէջ ինչպիսին ես՝ ա՛յդ ես դուն: Եթէ երբեք կ'ուզես դուն քեզ եւ նկարագիրդ նանչնալ՝ դիտէ դուն քեզ երբ առանձին ես: Եթէ կ'ուզես սիրտդ նանչնալ՝ յիշէ՛ այն մտածումներն ու խորհուրդները զորս ունեցած ես երբ առանձին եղած ես: Եթէ կ'ուզես հոգիդ գիտնալ եւ անոր խորքը թափանցել՝ մտարերէ այն փափառներն ու ցանկութիւնները զորս արթնցած են ներսիդիդ երբ առանձին եղած ես: Քննէ՛ առանձնութեան պահերդ, անոնք քեզի կ'ըսեն թէ դուն ո՛վ ես:

Յուլիս 5

Երկրայինով երկնայինին տիրանանք

Աստուած ինքն է աղքատացնողն ու հարստացնողը (Ա.Թգ 2.7): Աստուծմէ իր առածը ինքնիր անձին համար պահողը՝ ուրիշին իրաւունքն է որ յափշտակած կ'ըլլայ: Ան որ իրեն տրուած նիւթական հարստութիւնը կ'օգտագործէ Աստուծոյ փառքին համար՝ արժանի պիտի դառնայ վայելելու երկինքի բազմապիսի գանձերը: Երկրաւոր հարստութեան բաշխումով՝ ժառանգած կ'ըլլանք երկնաւոր հարստութիւնը: Երկինքի գանձը՝ Քրիստոս, իր արքայութեան դուռը լայնօրէն պիտի բանայ մեր առջեւ, եթէ երբեք երկրի վրայ մեր ունեցած գանձերէն բաժին հանենք աղքատին: Երկինքի տէրը կը դառնանք՝ երբ երկիրը չէ մեր տէրը: Կը դառնանք զաւակ Աստուծոյ եւ ընկեր հրեշտակներու երբ կը կարեկցինք աղքատին:

Յուլիս 6

Անհաւատութեան մեղքը

«Ահաւասիկ Աստուծոյ Գառնուկը, որ աշխարհի մեղքը կը վերցնէ» (Յհ 1.29): Աշխարհի մեծագոյն մեղքը որ Յիսուս աշխարհ գալով ուզեց վերցնել՝ անհաւատութիւնն է: Մարդիկ կը դժուարանային հաւատալ Աստուծոյ խօսքին ու խոստումներուն, կը դժուարանային հաւատալ երկինքին ու երկնայինին: Այսօր ալ մարդոց մեծագոյն մեղքը կը շարունակէ մնալ անհաւատութիւնը: Յիսուս յստակօրէն խօսեցաւ դժոխքին ու արքայութեան մասին, իսկ մարդիկ կը շանան մեզ համոզել որ դժոխքն ու արքայութիւնը հոս՝ երկրի վրայ են: Խօսեցաւ իր երկրորդ գալուստին մասին, իսկ ուրիշներ կ'ուրանան որ ան վերստին պիտի գայ:

Եթէ Աստուած ու մարդը իրար հակասող բաներ կ'ըսեն, մենք որո՞ւն պէտք է հաւատանք:

Յուլիս 7

Կրօնի եւ փրկութիւն

Կրօնի եւ փրկութիւն նոյն բաները չեն: Կրօնաւորն ու հոգեւորը նոյն անձերը չեն: Կարելի է կրօնաւոր ըլլալ առանց հոգեւոր ըլլալու: Կարելի է կրօնի պաշտպան ու տարածիչ ըլլալ առանց փրկուած ըլլալու: Կրօնիները բազմաթիւ ու բազմատեսակ են, իսկ փրկութիւնը՝ մէկ է: Փրկութիւնը մէկ է, որովհետեւ Փրկիչը՝ Յիսուս Քրիստոս մէկ է: Որեւէ կրօնի փրկելու զօրութիւն չունի, ներառեալ քրիստոնէական կրօնիը: Մէկը չի կրնար ըսել թէ ինք փրկուած է կամ պիտի փրկուի, պարզապէս որովհետեւ քրիստոնեայ ընտանիքի մէջ ծնած է: Փրկողը քրիստոնէական կրօնիը չէ, այլ՝ քրիստոնէական կրօնին հիմնադիրը՝ Քրիստոս: Փրկութիւնը այս կամ այն կրօնին պատկանիլը չէ, այլ Քրիստոսով Աստուծոյ զաւակ դառնալն է:

Յուլիս 8

Դատդիր յանձնել Յիսուսի

Եթէ մեղքի բռնակալութեան ենթակայ ես եւ կ'ուզես ձերբազատիլ անոր բռնակալութենէն՝ դատդիր յանձնել Յիսուսի եւ ան ֆեզ պիտի ազատագրէ մեղքի ստրկութենէն: Եթէ մարդիկ կ'անիրաւեն ու կ'իրաւազրկեն ֆեզ՝ դատդիր յանձնել Յիսուսի, որովհետեւ ա՛ն է որ իրաւունք կ'ընէ իրաւազրկուածին: Եթէ սուտի ու բամբասանիքի զոհ գացած ես՝ դատդիր յանձնել Յիսուսի, որովհետեւ ան նշմարտութեան կողմնակից է եւ ա՛ն է որ յաղթանակել պիտի տայ նշմարտութեան: Եթէ մարդիկ ֆեզ կ'ոտնակոխեն որպէսզի իրենք բարձրանան՝ դատդիր յանձնել Բարձրեալ Յիսուսին եւ ան ֆեզ պիտի բարձրացնէ դէպի բարձունքները երկնային: Դատդիր յանձնել Յիսուսի՝ եւ դուն յաղթող պիտի ըլլաս յաւիտեան:

Յուլիս 9

Յանձնել Յիսուսի ամէն ինչ ու ամէն բան

Եթէ գէշ բնաւորութիւն մը տիրապետած է կեանիք մէջ՝ կեանիք յանձնել Աստուծոյ Հոգիին եւ ան ներսիդիդ պիտի հաստատէ աստուածպաշտութեան «բնաւորութիւնը»: Եթէ աշխարհի սէրը

գերեվարած է սիրտդ՝ սիրտդ տուր Յիսուսի եւ ան զայն երկինքի սիրով պիտի բորբոքէ: Եթէ ձեռքերդ ուրիշը վշտացնելու համար կը գործածես՝ զանոնք դիր Յիսուսի ձեռքերուն մէջ, եւ ան զանոնք պիտի վերածէ օրինող ու օգնող գործիքի: Եթէ աչքերդ երկինքէն զատ ուրիշ բաներ կը ցանկան ու կը փնտոնեն՝ խնդրէ Յիսուսէն անոնց սորվեցնել իրե՛ն նայիլ: Եթէ ոտքերդ ֆեզ կ'առաջնորդեն դէպի մեղքի նամբաները՝ եկո՞ւր անոր որ ըսաւ. «Ե՞ս եմ ճամփան»: Եկուր անոր այնպէս ինչպէս որ ես:

Յուլիս 10

Մեղքը սիրելը՝ դժոխք կը տանի

Մեղքը չէ որ ֆեզ պիտի դատապարտէ ու դժոխք նետէ, այլ մեղքի հանդէա ունեցած սէրդ: Նուազեցնելու համար մեղքի հանդէա մեր սէրը, պէտք է առատացնենք մեր սէրը հանդէա Յիսուսի: Դժոխք երթալու համար պէտք չունինք սուտ խօսելու, շնութիւն ընելու, հայհոյելու եւ այլ ու այլ զագիր մեղքեր գործելու, կը բաւէ որ մերժենք Յիսուսը՝ եւ արդէն դժոխք կը նետուինք: Եթէ Յիսուսը մերժելը դժոխք երթալ է, ապա զայն ընդունիլը՝ արքայութենէն ներս մուտք գործել է: Սիրելի՛ բարեկամ, ի՞նչ բան կամ որ ո՞ւն կը սիրես. մե՞ղքը, թէ՛ մեղքէն ֆեզ ազատող Յիսուսը: Փշեպաս՞կը, թէ՛ փրկութեան սաղաւարտը: Եթէ կը սիրես Յիսուսը, փաստէ այդ, ինքողինքդ իրեն յանձնելով ու վստահելով:

Յուլիս 11

Ի՞նչ է վերածնունդը

Վերածնունդը Սուրբ Հոգիով Աստուծոյ նմանիլն է: Վերածնունդը մեր երկրասէր սիրտերուն երկնասէր ըլլալն է: Ինչպէս երբ այր եւ կին իրարու հետ Ֆիզիքապէս յարաբերին, իրենց նմանութեամբ ու պատկերով մանուկ մը կը ծնին եւ անով կ'ուրախանան, այնպէս ալ երբ Աստուծոյ Հոգին յարաբերութեան մէջ մտէ մեր սիրտերուն հետ, մենք կը ծնինք Աստուծոյ պատկերով, եւ կը դառնանք Աստուծոյ ուրախութեան առարկան: Եւ ինչպէս լոյսը մեզ խաւարէն դուրս կը բերէ եւ մեզի ուրախութիւն ու խաղաղութիւն կը ներշնչէ, այնպէս ալ Աստուծոյ փրկարար Հոգին, մեզ դուրս կը բերէ մեղքի խաւարէն, եւ մեզի կը շնորհէ ազատութիւն եւ փրկութիւն:

Յուլիս 12

Սուրբ Հաղորդութիւնը՝ եկեղեցիին համար

Սուրբ Հաղորդութիւն կրնան ստանալ միայն անոնք՝ որոնք մնայուն հաղորդակցութեան մէջ են Աստուծոյ հետ՝ Սուրբ Հոգիին միջոցաւ: Աստուծոյ եկեղեցին հեռու մարդիկ պէտք չէ Սուրբ Հաղորդութիւն ստանան: Քրիստոսի մարմինն ու արիւնը եկեղեցին դուրս պէտք չէ բաշխել: Զատկական գառնուկին վերաբերեալ, Մովսէս կ'ըսէ. «Մէկ տան մէջ պիտի ուտուի ան: Տումէն դուրս պիտի չհանուի այդ միսր...» (Ել 12.46): Զատկական գառնուկը Քրիստոսի նախապատկերացումն էր: Ինչպէս Եբրայեցիները զատկական գառնուկը տունեն դուրս չէին հաներ, այլ տունին մէջ կ'ուտէին, այնպէս ալ Քրիստոսի մարմինն ու արիւնը եկեղեցին դուրս գտնուողներուն, այլ խօսքով՝ անհաւատներուն պէտք չէ տրուի:

Յուլիս 13

Խսկական հաղորդակցութիւնը

Առաջին եկեղեցիին համար հաղորդակցութիւնը բոլորովին տարբեր իմաստ ունէր: Հաղորդակցութիւնը պարզապէս քով-քովի գալը չէ: Ղուկաս կը վկայէ, թէ՝ «հաւատացեալները բոլորը միասին էին միշտ, եւ ինչ որ ունէին՝ իրենց միշեւ հասարակաց էր: Կալուածներն ու ինչերը կը ծախէին եւ եկամուտը կը բաշխէին բոլորին, նայած թէ ո՞վ ինչ բանի պէտք ունէր: Կանոնաւոր կերպով ամէն օր միասնաբար տաճար կ'երթային...» (Գրծ 2.44-46): Առաջին հաւատացեալները իրենց ժամանակին մեծ մասը տաճարին մէջ կ'անցնէին աղօթքով եւ փառաբանութիւններով: Անոնք իրենց ունեցածը կը ծախէին եւ եկամուտը կը բաշխէին կարիքի մէջ եղողներուն: Այսօրուան եկեղեցիին մէջ չկայ առաջին եկեղեցիին ոգին եւ հաւատքը:

Յուլիս 14

Միաբան ըլլալու անհրաժեշտութիւնը

«Եթէ աեզմէ երկու հոգի երկրի վրայ միաբանին ոեւէ խնդրանքի համար, ինչ որ ալ խնդրեն՝ երկնաւոր Հայրս պիտի կատարէ ատիկա: (Մտ 18.19): Ինչո՞ւ այսօր շատեր կը մէկտեղուին ու կ'աղօթեն որոշ խնդրանքի մը համար եւ սակայն զայն չեն ստանար: Որովհետեւ անոնց միշեւ միաբանութիւն չկայ: «Եթէ աեզմէ երկու հոգի երկրի վրայ միաբանին...»: Քրիստոս չի կատարեր մեր խնդրանքը եթէ երբեք անմիաբան ենք եկեղեցիին՝ հաւատացեալներու բազմութեան հետ: Քրիստոս շեշտը կը դնէ միաբան, այսինքն՝ մէկ խօսք, մէկ միտք եւ մէկ հաւատք ունենալու կարեւորութեան վրայ: Երբ հաւատացեալ եղբայրներ ու քոյրեր, գործակից ըլլալու փոխարեն՝ մրցակից կը դառնան, միաբան ըլլալու

փոխարէն՝ տեղի կու տան ըսի-ըսաւի, Աստուած չի լսեր իրենց ձայնը եւ ո՛չ ալ իրենք կը լսեն Աստուծոյ ձայնը:

Յուլիս 15

Աստուած մեզի հետ է

«Որովհետեւ ուր որ երկու կամ երեք հոգի հաւաքուին իմ անունովս, ես հոն եմ՝ անոնց միջեւ» (Մտ 18.20): Այո՛, Աստուած հետն է բոլոր անոնց՝ որոնք կը հաւաքուին իր անունով եւ իր անունին փառքին համար: Աստուած հետն է իր եկեղեցին՝ Քրիստոսի մարմինին: Աստուած բոլոր անոնց հետ է՝ որոնք խաղաղարար նպատակներու համար քով-քովի կու գան: Աստուած հետն էր այն երեք երիտասարդներուն որոնք կրակի հնոցին մէջ նետուեցան եւ որոնց «Վրայ կրակի հոտն անգամ չկար» (Դն 3.24-27): Ան հետն էր Պետրոս եւ Յովհաննէս առաքեալներուն երբ անոնք բանտ նետուեցան եւ բանտին դռները բանալով զիրենք ազատեց (Քրծ 5.18-19): Ան նաեւ մեզի հետ է (Մտ 28.20), մեզ ալ ազատ արձակելու համար:

Յուլիս 16

Սպասէ Յիսուսի հրամանին

«Քիչ մը աւելի խորը տար նաւակը եւ ձուկ որսալու համար ձեր ուռկանները նետեցէն» (Ղկ 5.4): Պետրոս առաքեալ ճարտար ձկնորս մըն էր: Ամբողջ գիշեր մը փորձած էր ձուկ որսալ եւ ոչինչ կրցած էր բոնել: Բայց երբ Յիսուս միջամտեց՝ առատօրէն բռնեց: Սիրելինե՛ր, այնքան ատեն երբ կարողութիւններուն կը վստահինք՝ ոչինչ կրնանք ընել Աստուծոյ փառքին համար: Երբ Յիսուս Պետրոսի ըսաւ. «Քիչ մը աւելի խորը տար նաւակը...», առաքեալը հնազանդեցաւ եւ առատ արդիւնք ձեռք ձգեց: Եթէ Յիսուս ըլլայ մեզ զրկողը՝ արդիւնքը անխուսափելի պիտի ըլլայ: «Քիչ մը աւելի խորը» մի նաւարկեր առանց հրաման ստանալու Յիսուսի կողմէն: Սպասէ՛ Յիսուսի հրամանին: Այդ ընելով՝ զայն իբրեւ Տէ՛ր պատուած կ'ըլլաս:

Յուլիս 17

Ուրիշին կամ ուրիշ տեղ երթալէ առաջ, նախ Յիսուսին գալ

Մեր հոգեւոր անումն ու փրկութիւնը կախեալ չէ այս ինչ կամ այն ինչ եկեղեցին երթալէն, այս ինչ կամ այն հոգեւորականին կամ

հոգեւորին քով երթալէն, այլ՝ Աստուծոյ Որդիին ձեռքերուն յանձնուելէն։ «Ի՞նչի՞ եկէք...» (Մտ 11.28)։ Ամէն բանէ առաջ պէտք է Յիսուսի գալ։ Գալ անոր՝ որ մեզի եկաւ։ Ունէ մարդու դիմելէ առաջ՝ Յիսուսի պէտք է դիմել։ Ունէ մարդու վստահելէ առաջ՝ Յիսուսի պէտք է վստահիլ։ Աշխարհի Ապաւենը ճգած ուրիշին ապաւինիլը՝ Աստուծոյ ուղղուած անարգանի է։ Վկայելէ առաջ Յիսուսի մասին՝ պէտք է գալ իրեն եւ խնդրել իրմէ որ մեզ լեցնէ Վկայութեան Հոգիով՝ Սուրբ Հոգիով։ Սորվինք Սամարացի կնոշմէն, Նիկոդեմոսէն եւ ուրիշներէն, որոնք նախ հանդիպեցան Յիսուսի եւ յետո՛յ միայն գացին անոր մասին վկայութիւն տալու։

Յուլիս 18

Բան մը չունի՞ս

Յիսուս իր յարութենէն ետք երեւցաւ իր աշակերտներէն եօթին որոնք ձկնորսութիւն կ'ընէին եւ ըսաւ «Ճշա՞՛, ուտելի՞՛ բան ունի՞՛» (Յհ 21.5)։ Աշակերտներուն պատասխանը «Ո՛չ» էր։ Յիսուս հրամայեց ուոկանը նաւակին աջ կողմը ճգել։ Ճգեցին եւ առատօրէն ձուկ բռնեցին։ Յիսուս իր այս վերաբերմունքով սորվեցուց իր հետեւորդներուն բնա՛ւ չըսել։ «Բան մը չունի՞՛»։ Ընթերցող բարեկամ, բան մը չունի՞ս ուրիշին տալիք։ Զունի՞ս Փրկիչին մասին վկայութիւն մը։ Զունի՞ս խօսք մը արտասանելու։ Զունի՞ս միխթարութիւն մը տալու։ Զունի՞ս գօտեպնդիչ ժպիտ մը։ Եթէ Աստուծոյ զաւակն ես՝ անպայման շատ բան ունիս։ Եթէ հաւատք ունիս, հաւատքդ քեզի ցոյց կու տայ թէ ի՛նչ ունիս։

Յուլիս 19

Ընդունիլ մեր անձերը

Ընդունելու համար Աստուծոյ փրկարար շնորհքը՝ պէտք է ընդունիլ մեր անձերը իրենց բոլոր թերութիւններով եւ տկարութիւններով։ Երբեմն կը դժուարանանք եւ չենք ուզեր հաւատալ որ այս ինչ կամ այն ինչ տկարութիւնը գերի բռնած է մեզ։ Բայց պէտք է ըլլալ մեր անձերը։ Պէտք է ընդունիլ մեր անձերը այնպէս ինչպէս որ են։ Եթք ընդունինք մենք զմեզ, ընդունինք մեր տկարութիւնները, ա՛յն ատեն է որ Աստուծոյ Հոգին կը սկսի գործել մեր մէջ։ Շատ դժուար է ընդունիլ մեր անձերը։ Այնքան դժուար, որքան դժուար է ստիպել ուրիշը որ ինքզինք ընդունի։ Ինքզինք ընդունող մարդը, Աստուծոյ Հոգին բերած խաղաղութիւնը ընդունած կ'ըլլայ, իսկ Աստուծոյ Հոգին ընդունողը՝ կարող կը դառնայ ուրիշներն ալ ընդունելու։

Յուլիս 20

Յիսուսի վկաները

Յիսուսի համար վկայեց Հայրն Աստուած երկինքն. «Ատիկա է իմ սիրելի Որդիս, որում ես համեցայ» (Մտ 3.17): Սուրբ Հոգին վկայեց իր աղաւնակերպ էջովով անոր վրայ (Մտ 3.16): Յովհաննես Մկրտիչ վկայեց Յիսուսի նախագոյութեան մասին. «Ինձէ առաջ գոյութիւն ունէր» (Յհ 1.15): Ան վկայեց թէ Յիսուս ի՞նքն էր «Աստուծոյ Գառնուկը, որ աշխարհի մեղքը կը վերցնէ» (Յհ 1.29): Բարթողոմէոս առաքեալ վկայեց որ Յիսուս Աստուծոյ Որդին է եւ Խարայէի թագաւորը (Յհ 1.49): Պետրոս վկայեց թէ Քրիստոս կենդանի Աստուծոյ Որդին է (Մտ 16.16): Դիւահար մարդիկ անգամ վկայեցին (Մտ 8.29): Խսկ դուն, սիրելի՝ ընթերցող, վկա՞ն ես Յիսուսի: Վկա՞ն ես իր սիրոյն եւ իր փառքին: Կը վախճա՞ն վկայելու Արարիչիդ մասին՝ արարածներուն դիմաց:

Յուլիս 21

Դուն Յիսուսի կարիքը ունիս

Հսուած է. «Կեանքը պատերազմ է»: Դուն չես կրնար պատերազմի դաշտ իջնել առանց հաւատքի Զօրագլուխիդ՝ Յիսուսի: Կեանքը խաւար է: Դուն կարիքը ունիս աշխարհի Լոյսին՝ Յիսուսի, որպէսզի անմոլար կերպով քալես: Կեանքը փոքրկալից է: Դուն կարիքը ունիս Յիսուսի ամենակալ ձեռքերուն, որպէսզի անոր մէջ ապահովութեամբ հանգչիս: Այս կեանքը ժամանակաւոր է: Դուն կարօտ ես Յիսուսին որ հայրն է յաւիտենականութեան, որպէսզի երբ մահուամբ աչքերդ փակես, քեզ ընդունի՝ քեզի համար իր պատրաստած երկնային յարկերուն տակ: Կեանքը տրտմալից երեւոյթներով զեղուն է: Դուն պէտք ունիս Յիսուսին, որպէսզի իր սրտի խաղաղութիւնը եւ ուրախութիւնը քեզի տայ:

Յուլիս 22

Նուիրել առանց ակնկալութեան

«Ի՞նչ օգուտ, եթէ բոլոր ինչքերս աղքատներուն տամ եւ նոյնիսկ մարմինս կրակի մատնեմ. եթէ սէր չունիմ՝ ոչինչով կ'օգտուիմ» (Ա.Կր 13.3): Մարդիկ իրենք զիրենք զնիեն թէ իրենց ունեցածը զնիեն՝ ոչինչով կ'օգտուին՝ եթէ Յիսուսի հանդէպ սէրէ մղուած չէ որ կ'ընեն այդ բոլորը: Ոմանք առատ նուիրատուութիւններ կ'ընեն այն ակնկալութեամբ եւ յոյսով՝ որ անոնց փոխարէն պիտի ստանան դատաստանի օրը եւ պիտի փառարանուին: Ան որ կը նուիրէ անոր փոխարէնը առնելու յոյսով՝ ան ինքինք է որ սիրած կ'ըլլայ եւ ո՛չ թէ գՔրիստոս: Մենք որոշ բանի մը

համար չէ որ կը հրաժարինք որոշ բաներէ, այլ Յիսուսի համար: Յիսուս նույն չէ որ կը փնտոէ, այլ՝ նուիրում:

Յուլիս 23

Ինչ որ կ'ընենք՝ Յիսուսի համար պէտք է ընենք

Յիսուս Պետրոսի ըսաւ. «Ով որ կը ճգէ տում, եղրայրներ, ժոյրեր, հայր, մայր...ինձի համար... յաւիտենական կեանքը պիտի ժառանգէ» (Մթ 10.29-31): Յիսուս չի խոստանար յաւիտենական կեանք պարզեւել առանց պատճառի իր ունեցուածքն ու հարազատներէն հրաժարողներուն: Այս բոլորն իրաժարելու պատճառ մը պէտք է ըլլայ եւ այդ պատճառը Քրիստոս ի'նք պէտք է ըլլայ: «Ինձի համար»: Այս բառերը կը պարզեն թէ ինչ որ պիտի ընենք՝ Յիսուսի համար պէտք է ընենք: Մէկը կրնայ որոշում առնել մեղքերէ հեռու կենալ, նպատակ ունենալով սուրբ ըլլալ եւ սուրբ նանչցուիլ: Ասիկա ո՛չ միայն սխալ է, այլ անձին փառարանութիւնն է եւ ո՛չ թէ Աստուծոյ: Մենք բան մը ըլլալու կամ բան մը ստանալու նպատակով պէտք չէ դիմենք Յիսուսին:

Յուլիս 24

Ինչպէս եռալ Աստուծոյ խօսքին փափաքով

«Երբ մարդու մը մէջ նոր կեանքը չէ սկսած, ան չի կրնար Աստուծոյ խօսքին փափաքով կամ ախորժակով եռալ: Սակայն երբ նո՞ր կեանքը ընդունի իր մէջ, կը սկսի Աստուծոյ խօսքը փնտոել այնպէս՝ ինչպէս Ֆիզիքապէս նորածին մանուկ մը իր մօրը կաթը կը փնտոէ, որպէսզի մեծնայ ու անի: Նոր կեանքն ու Աստուծոյ խօսքին հանդէպ ախորժակը միեւնոյն աղքիւրէն կու գան, այսինքն՝ Աստուծմէ: Ինչպէս որ մանուկ մը իր ծնունդէն ետք սնունդ կ'առնէ այն մարմինէն որ իրեն ծնունդ տուաւ, այնպէս ալ Սուրբ Հոգիէն ծնած անձ մը, սնունդ կը ստանայ Սուրբ Հոգիէն եւ Սուրբ Հոգիէն մերշնչուած Աստուծոյ կենդանարար խօսքէն» (F. B. Meyer):

Յուլիս 25

Չմօտենալ Յիսուսի «եթէ»վ

Դիւահար որդի մը ունեցող մարդը իր զաւակը Յիսուսի աշակերտներուն բերելէ ետք, երբ չկրցաւ անոր համար բժշկութիւն ստանալ, եկաւ Յիսուսի մօտ եւ ըսաւ. «Եթէ կրնաս բան մը ընել, Տէ՛ր, իդիա՛ եւ օգմէ՛ մեզի» (Մթ 9.22): Յիսուս ըսաւ. «Ամէն ինչ կարելի է անոր

համար՝ որ կը հաւատայ» (Մթ 9.23): Որքա՛ն դժուար է անել կացութեան մատնուիլ եւ շարունակել հաւա՛տք սնուցանել հանդէպ Աստուծոյ: Որքա՛ն յանախ դիւահար որդիին հօրը նման մենք եւս «Եթէ»ով, այսինքն՝ կասկածով կը մօտենանք Յիսուսին: «Եթէ կրնաս օրինել, եթէ կրնաս կատարել, եթէ կրնաս օգնել՝ օգնէ՛ Տէ՛ր», կ'ըսենք: «Եթէ»ով խօսիլ Յիսուսի հետ, ո՛չ միայն կը նշանակէ կասկածով մօտենալ անոր, այլեւ՝ կը նշանակէ կասկածիլ անոր կարողութեան ու զօրութեան վրայ:

Յուլիս 26

Պատիկ գործերը՝ մեծ սիրով ընել

Աստուծոյ նկատմամբ հաւատք ու սէր ունեցող մարդիկս, ընդհանրապէս կ'ակնկալենք որ Աստուած մեծամեծ ու հրաշալի գործեր պիտի կատարէ մեր միջոցաւ՝ մեր միջավայրին մէջ: Երբեմն ալ կը կարծենք որ Աստուած կը սպասէ մեզմէ որ մենք եւս մեծ գործեր կատարենք: Եւ սակայն, Աստուծոյ համար, մեծ գործեր ընել չի նշանակեր երեւելի գործեր ընել, այլ կը նշանակէ, պզտիկ ու աննշան մեր առօրեայ գործերը մեծ սիրով ու հաւատքով ընել: Աստուծոյ համար աւելի՝ մեծ հերոս մարդ է իր պաշտօնը բծախնդրութեամբ ու սիրով կատարող աւելածուն, քան նախագահական աթոռին վրայ բազմած անտարբեր ու անպատասխանատու նախագահը:

Յուլիս 27

Երկու խումբի հաւատացեալներ

Հաւատացեալները կարելի է երկու խումբի բաժնել.՝ անոնք՝ որոնք ընդունած են Յիսուսը իրենց կեանքերուն ու սիրտերուն մէջ, եւ անոնք՝ որոնք թէեւ յարաբերութեան մէջ են Յիսուսի հետ, եւ սակայն, չեն հրաւիրած զինք իրենց կեանքերուն ու սիրտերուն Տէրը դառնալու: Առաջին խումբի հաւատացեալներուն համար, Յիսուսի կարելի է հանդիպիլ ամէն տեղ եւ ամէն ժամանակ, իսկ երկրորդ խումբի հաւատացեալներուն համար, Յիսուսի կարելի է հանդիպիլ միայն որոշ տեղեր (ինչպէս եկեղեցի), եւ որոշ պահեր (ինչպէս նեղութեան պահուն): Սիրելի՝ բարեկամ, Յիսուս քեզի համար լոկ եկեղեցիի մէջ բնակո՞ղ Աստուած է, թէ նաեւ սրտիդ մէջ: Միայն նեղութեա՞ն ատեն միտքդ կու գայ Յիսուս, թէ՝ միշտ:

Յուլիս 28

Բերենք Յիսուսը մեր մօտ

(Շրնկ. նախորդ քիւին)

Լաւ է եկեղեցի երթալ, հոն՝ Յիսուսի հանդիպելու նպատակով, բայց Յիսուսի սպասածը մեզմէ այն է՝ որ զինք բերենք մեր մօտ, մեր բնակարաններուն մէջ, մեր սիրտերուն մէջ։ Նեղութեան ընթացքին Յիսուսի դիմելուն մէջ սխալ բան չկայ, ընդհակառակը, ատիկա Յիսուսի հանդէպ վստահութեան արտայայտութիւն է, բայց նեղութեան հանդիպելէ առաջ, Յիսուսը ընդունած ըլլալը՝ սիրոյ արտայայտութիւն է։ Յիսուս նեղութեան ու դժուարութեան Աստուած չէ, այլ ուրախութեան ու երջանկութեան Աստուած։ Ուստի, իր արդար իրաւունքն է սպասել մեզմէ որ զինք ընդունինք եւ զինք ունենանք մեր կողքին, մեր սրտին ու հոգիին մէջ, մեր ուրախութեան եւ յաջողութեան ժամանակ։

Յուլիս 29

Ապրիլ երկինքի համար

«Քանի որ յարութիւն առիք Քրիստոսի հետ, այսուհետեւ ձեր ուշադրութիւնը երկինք դարձուցէ...» (Կղ 3.1)։ Ուսէ մէկը որ Քրիստոսով յարութիւն առած է իր մեղքի կեանքէն, անհաւատութեան տիղմէն, աշխարհի փոսէն, պէտք է իր ուշադրութիւնը կեդրոնացնէ երկինքի վրայ։ Աստուծոյ լուսանանչ փառքը ըմբոշինելէ ետք պէտք չէ շարունակենք մեղքի խաւարին մէջ խարխափել։ Այլակերպութեան լեռը բարձրանալէ ետք, հեռո՛ւ պէտք է կենանք ճորերուն խորքը տարուող սխալ արարքներէն։ «Զեր ուշադրութիւնը երկինք դարձուցէ»։ Ո՞վ մարդիկ, ֆիչ մը երկինքի մասին մտածեցէք, աստուածայինը փափաքեցէք, երկնայինը ցանկացէք։ Երկրի վրայ ապրեցէք, բայց երկինքի համար։

Յուլիս 30

Հանդիպիլ Յիսուսի, ապա՝ մարդոց

Բոլորս գիտենք Մարիամին ու Մարթային պատմութիւնը։ Մինչ Մարթա գործերով զբաղած էր, Մարիամ «եկաւ եւ Տիրոջ ոտքերուն քով նստելով՝ սկսաւ անոր խօսքերը մտիկ ընել» (Ղկ 10.39)։ Տիրոջ մասին եւ Տիրոջ անունով խօսելէ առաջ, նախ պէտք է Մարիամի նման յօժարինք նստիլ Տիրոջ ոտքերուն քով՝ սորվելու համար անկէ կեանքին մասին, իր սիրոյն ու ծրագիրին մասին, երկինքին ու անոր փառքին մասին։ Եթէ Սամարացի կինը շրհորին քով չհանդիպէր Յիսուսի եւ չլսէր անոր խօսքերը՝ պիտի չկրնար վկայել անոր մասին իր քաղաքացիներուն։ Եթէ Նիկոդեմոս գիշերով չհանդիպէր Յիսուսի եւ չ'ունկնդրէր անոր կենդանի

խօսքը՝ պիտի չպահանջէր որ զայն չդատեն (Յհ 7.50): Տիրոց չհանդիպած՝ մի փորձեր ուրիշին հանդիպիլ:

Յուլիս 31

Սորվինք Նոյի Աղաւնիկն Դառնալ Տիրոց

Զրիեղեղի աւարտին Նոյ բացաւ իր տապանին պատուհանը եւ ագուաւ մը ու աղաւնի մը արձակեց: Նոյ ազատութիւն շնորհեց թէ՛ ագուաւին եւ թէ՛ աղաւնիին: Ագուաւը չվերադարձաւ տապան (Ծն 8.7), «բայց աղաւնին իր ոտքը դնելու տեղ չգտաւ ու տապանը դարձաւ» (Ծն 8.9): Միրելի՛ եղբայր եւ քոյր, կը կարծե՞ս որ եթէ հեռանաս Յիսուսէն, պիտի կարենաս ոտքդ դնելու տեղ գտնել այս աշխարհին մէջ: Կը խորհի՞ս որ սոյն աշխարհը կարող է հանգիստի համար տեղ տալ քեզի: Ագուաւը որ չուզեց վերադառնալ տապան, իրեն համար կ'ըսուի. «Ասդին անդին կը պտրտէր» (Ծն 8.7): Այո՛, Յիսուսէն հեռացող մարդը «ասդին անդին պիտի պտրտի» բայց երբեք տեղ պիտի չգտնէ ուր կարենայ ոտքը դնել:

Օգոստոս 1

Սորվինք Նոյի Աղաւնիկն դիմել Տիրոց

Երբ Նոյ երկրորդ անգամ ըլլալով աղաւնի մը արձակեց՝ «իրիկուաճ դէմ աղաւնին անոր եկաւ» (Ծն 8.11): Մեր կեանքի օրերը բոլորը չեւ որ լուսաւոր պիտի ըլլան: Մեր առօրեայ կեանքի ընթացքին մենք յանախ կրնանք «իրիկուներու», այսինքն՝ դժուարին պահերու հանդիպիլ: Աղաւնին ուրախ էր եւ հոս ու հոն կը քոչէր, բայց երբ մութը իշնելու սկսաւ, երբ իրիկունը վրայ հասաւ, ան վերադարձաւ տապան: Մեզմէ ո՞վ երբ փորձութիւններու հանդիպի չի դիմեր Աստուծոյ: Երբ յանկարծ իրիկուններ, այլ խօսքով՝ դժուարութիւններ հանդէս գան մեր նամբուն վրայ, մեզմէ ո՞վ չի դիմեր փրկութեան տապանը՝ Յիսուսի: Նեղութեան ատեն Տիրոց կանչէ եւ ան քեզ պիտի ազատէ (Աղ 50.15):

Օգոստոս 2

Սորվինք Նոյի Աղաւնիկն Զեննունայն չդառնալ

«Իրիկուաճ դէմ աղաւնին անոր եկաւ եւ ահա իր բերանը ձիթենիի նոր փրցուած տերեւ մը կար...» (Ծն 8.11): Զիթենին խաղաղութեան նշան է: Զե՞ս ուզեր աղաւնիին նման խաղաղութիւն ու հաշտութիւն խորհրդանշող ձիթենիի տերեւը ձեռքիդ՝ դառնալ Քրիստոսի: Եթէ Տիրոց հետ հաշտուելու փափաք ունիս, եկո՛ր իրեն. եկո՛ր խաղաղութեան

տերեւը ձեռքիդ մէջ, եկո'ւր հաւատքը սրտիդ մէջ, եկո'ւր յոյսը հոգիիդ մէջ: Աղաւնին եկաւ եւ տապանէն ներս առնուեցաւ: Եթէ աղաւնին ներս առնուեցաւ, կարելի^o բան է որ Տէրը մերժէ քեզ ներս առնել: Եկո'ւր Տիրոց կեանիդ բոլոր տերեւներով, այսինքն՝ բոլոր տկարութիւններովդ, բոլոր հարցերովդ, բոլոր մտահոգութիւններովդ եւ բոլոր սիրտովդ:

Օգոստոս 3

Աստուա՛ծ է որ կը գտնէ մարդիկը

Աստուած անգտանելի Աստուած չէ: Թէեւ Եսայի մարգարէն կ'ըսէ. «Տէ՛ր փնտոեցէ՛, քանի որ անիկա կը գտնուի» (Ես 55.6), բայց խորքին մէջ Աստուած ի'նքն է որ մեզ կը գտնէ: Երբ մարդը փափաքի գտնել զԱստուած՝ իսկոյն Աստուած զայն կը գտնէ: Աստղը ի'նքն էր որ գտաւ մոգերը եւ զիրենք առաջնորդեց Յիսուսի: Հրեշտակները իրենք էին որ գտան հովիւները եւ անոնց ցոյց տուին Յիսուսի նամբան: Աստուած ի'նքն էր որ փնտոեց ու գտաւ Ադամը պարտէզին մէջ: Յիսուս ի'նքն էր որ գնաց եւ գտաւ Բեթհեղդայի անդամալոյծը: Ի'նքն էր որ գտաւ Մատթէոսը: Ի'նքն էր որ յայտարարեց. «Մարդու Որդին եկաւ կորսուածը փնտոելու եւ փրկելու» (Ղկ 19.10): Սիրելի՛ս, ան գտա՞ծ է քեզ: Փրկա՞ծ է քեզ: Ի՞՞րն ես դուն:

Օգոստոս 4

Դարձուցա՞ծ ես Յիսուսը երաշխաւորդ

Կորսուած էի Տէ՛ր Յիսուս, եւ դուն երաշխաւոր եղար երկնաւոր Հօրդ եւ վստահեցուցիր թէ զիս պիտի գտնես: Մեղքի պարտքերուն տակ կ'քած էի, եւ դուն իմ պարտքերս վճարելու համար երաշխաւոր եղար: Մեղքերուս պարտքը չէր կրնար վճարուիլ եթէ դուն չվաճարուէիր երեսուն կտոր արծաթի: Վաճարուեցար զիս գնելու համար: Եւ գնեցիր երկինքի փառքին համար: Մարդիկ երաշխաւոր չեն ըլլար նոյնիսկ իրենց բարեկամներուն համար, բայց դո՞ւն, Տէ՛ր, յօժարակամ յանձն առիր քեզի թշնամութիւն ընողիս համար երաշխաւոր ըլլալ Աստուծոյ առջեւ: Զիս սիրեցիր: Անձդ անձիս փոխարէն ու անձիս տեղ զոհեցիր: Զիս ոտքի կանգնեցնելու համար, յանձն առիր խաչին բեռան տակ իյնալ: Ինկար եւ ես կանգնեցայ: Մեռար եւ ես կենդանացայ:

Օգոստոս 5

Ունեցածէդ բաժին հանէ նմանիդ

Աստուած իր ունեցածէն բաժին հանեց մարդուն: Աստուած իր անմահութենէն, իր սրբութենէն, իր յաւիտենականութենէն, իր կեանքէն, իր սրտէն ու սէրէն բաժին հանեց մարդուն: Աստուած փառքի Աստուած է. ան իր փառքին մասնակից դարձուց մարդը: Իսկ դուն ո՞վ մարդ, կը հետեւի՞ս Աստուծոյ օրինակին, եւ քու ունեցածէդ բաժին կը հանե՞ս քու նմանիդ: Քու փայելած երջանկութենէդ բաժին կը հանե՞ս մարդուն: Պօղոս առաքեալ կ'ըսէ. «Ոեւէ մէկը միայն ինքզիմք թող չմտածէ, այլ նաեւ՝ իր ընկերոց մասին» (Ա.Կր 10.24): Ինչպէս կը փափաքինք որ Աստուած հոգայ մեր պէտքերը, նոյնպէս ալ պէտք է փափաք ունենանք օգտակար դառնալ ուրիշին: Այդ ընելո՞վ է որ Աստուծոյ զաւակները կը դառնանք:

Օգոստոս 6

Աստուած իրեն տրուածը բազմապատկուած կը դարձնէ

Ունեցածդ դիր Աստուծոյ տրամադրութեան ներքեւ եւ պիտի տեսնես որ ատիկա պիտի աւելնայ: Որբեւայրի կինը իր ունեցած բուռ մը ալիւրը եւ քիչ մը իւղը դրաւ Եղիայի տրամադրութեան տակ եւ «կարասէն ալիւրը չհատաւ եւ իւղը չպակսեցաւ» (Գ.Թգ 17.12-16): Ինչ որ պահենք մեզի համար եւ մեզի մօտ, շուտով կը հատի եւ կը սպառի: Ընթերցող եղբայր եւ քոյր, ունի՞ս քիչ մը հաւատք. դի՛ր զայն Յիսուսի ձեռքին մէջ եւ ան զայն պիտի կրկնապատկէ: Ունի՞ս քիչ մը զօրութիւն. ըսէ՛ Աստուծոյ որ կ'ուզես զօրութիւնդ օգտագործել իր փառքին համար, եւ տե՛ս թէ ի՛նչ պիտի ընէ ան քու միջոցաւդ: Որբեւայրի կնոշ նման քիչդ տալ սորվիր, եւ պիտի փայելես Աստուծոյ առատաձենութիւնը ինչպէս ինք փայելեց:

Օգոստոս 7

Բարի գործը՝ փրկութեան գործն է

«Վատահ եմ՝ թէ Աստուած, որ այդ բարի գործը սկսաւ ձեր մէջ, զայն իր կատարումին պիտի հասցնէ մինչեւ Քրիստոս Յիսուսի օրը գայ» (Փլպ 1.6): Բարի գործը որուն մասին կը խօսի առաքեալը՝ փրկութեան գործն է: Փրկութեան գործը Աստուածն է որ սկսաւ եւ Աստուածն է որ զայն իր կատարումին պիտի հասցնէ: Զայն իր կատարումին հասցնելու համար Աստուած մարդուն օգնութեան պէտք չունի, այլ՝ գործակցութեան: Մարդը Աստուծոյ օգնական չէ, այլ՝ գործակից: Փրկութիւնը մարդուն աշխատանքին ու ջանքին հետեւանքը չէ, այլ վստահութեան եւ յանձնուելուն: Անվստահութիւնը կը կաշկանդէ զԱստուած եւ պատճառ կ'ըլլայ որ ան չկարենայ յառաջ տանիլ մեր փրկութեան գործը:

Օգոստոս 8

Աստուած գործ կու տայ, բայց գործին հետ զօրութիւն ալ կու տայ

Աստուած երբ առաքելութեան մը կանչէ մարդը կամ գործ մը յանձնէ անոր, միաժամանակ, այդ առաքելութիւնն ու գործը ի կատար ածելու կարողութիւն եւ կարելիութիւն ալ կ'ընծայէ: Աստուած գործին հետ միասին այդ գործը կատարելու զօրութիւն ալ կը շնորհէ, եւ ինչո՞ւ: Որովհետեւ, Աստուած ինքզինք պատասխանատու կը համարէ իր կողմէ մարդուն յանձնուած գործին վերաբերեալ եւ կ'ուզէ զայն անպայման յաջողութեամբ պսակել: Աստուած ինքն է որ քեզի յանձնած երկնատուր գործերը կը յաջողցնէ: Դուն սեփական նիգովդ չես կրնար Աստուծոյ գործը արդիւնաւորել: Միշտ յիշէ որ Աստուածն է որ քու միջոցաւդ կը կատարէ իր գործը եւ ո՛չ թէ դո՞ւն ես որ իր միջոցաւ կը կատարես գործդ:

Օգոստոս 9

Չհպարտանանք երբ Աստուած գործ մը վստահի մեզի

Աստուած երբ գործ մը կը վստահի մեզի, ատիկա մեզ պէտք չէ առաջնորդէ յանձնապաստանութեան եւ հպարտութեան, ընդհակառակը, պէտք է աւելի՝ խոնարհիլ անոր հզօր ձեռքին տակ եւ շնորհակալ ըլլալ իրեն որ արժանի գտաւ մեզ՝ իրեն գործակից դարձնելու: Աստուած մեր գործակցութեան պէտք չունի, բայց եթէ երբեք կը գործակցի մեր հետ, նախ մեզ պատուելու համար է որ կը գործակցի, եւ երկրորդ, իր սէրը արտայայտելու համար մեզի հանդէպ: Ինչպէս երբ բարձրաստիճան մարդ մը գործ մը յանձնէ մեզի, պատի՛ւ ըրած կ'ըլլայ մեզի, այնպէս ալ երբ Աստուած աշխատանք մը տայ մեզի՝ պատուած կ'ըլլայ մեզ: Բայց մենք զգո՞յշ պէտք է ըլլանք, մեր գործին ընդմէջէն Աստուծոյ ընծայուելիք պատիւն ու փառքը չսեփականացնելու:

Օգոստոս 10

Բազմազբաղուածութեան վտանգը

Որեւէ գործի մը մէջ միրճուելէ առաջ նախ ջանա՛ միրճուիլ Յիսուսի սիրալիր ներկայութեան մէջ: Աշխարհ բազմազբաղ ըլլալու հազարաւոր առիթներ կ'ընծայէ ամէն օր: Այդ բոլոր առիթներուն ընդառաջելը, մեզ կրնայ ամբողջական եւ յաւիտենական կործանումի առաջնորդել: Յիսուս օրը քսանչորս ժամ զբաղած ըլլալու առիթը ունէր: Բայց ան բնա՛

այդպիսի վիճակի մը ինքորինք չմատնեց: Ան յանախ գործի դաշտեն կը բաշուէր եւ աղօթքով կ 'առանձնանար իր եւ մեր Հօրը հետ: Աստուծոյ համար, իրեն հետ անցուած ջերմ մենիկ պահ մը հազար անգան աւելի կ'արժէ քան իր անունով մեծ գործեր ընելն ու անդուլ կերպով աշխատիլը: Գործերով շրջապատուելէ առաջ, նախ պէտք է Աստուծոյ Հոգիով շրջապատուիլ:

Օգոստոս 11

Ծառ վազվզողը չի հանդիպիր Յիսուսին

Տիրոջ համար վազելէ առաջ նախ պէտք է դէպի Տէրը վազել: Երբ դէպի Տէրը չենք վազած, վազքի նամբուն վրայ կրնանք յոգնիլ, իյնալ եւ մազապուրծ ազատիլ դժոխվէն (Ա.Կր 3.15): Մարթա ա'յնքան կը վազվզէր Յիսուսի համար, որ իր ուշադրութենէն վրիպեցաւ Յիսուսի քաղցր դէմքը եւ տաքուկ ներկայութիւնը: Յիսուս աւելի կ'ուրախանայ երբ Մարիամի նման իր ոտքին քով կը նստինք, քան երբ Մարթայի նման կը վազվզենք: Փարիսեցիներ ա'յնքան կը վազվզէին որ իրենց ուշադրութենէն վրիպեցաւ Յիսուսի աստուածային փառքը: Աղօթքով մնայուն յարաբերութեան մէջ չեղող մարդը, ուշ կամ կանուխ, պիտի յոգնի, յուսահատի եւ յանձնուի: Աստուծոյ հետ եղողներն են որ կը վազեն ու չեն թունար, կը քալեն եւ չեն յոգնիր (Ես 40.31):

Օգոստոս 12

Բան մը զոհելէ առաջ, անձդ զոհէ

Իրաւ քրիստոնեան բան մը զոհողը չէ, այլ իր անձը զոհողն է՝ Աստուծոյ եւ իր նմանին համար: «Դուք ձեզ Աստուծոյ ընծայէք որպէս կենդանի զոհ» (Հն 12.1): Առաքեալը զոհողութիւն ընելու կամ Աստուծոյ զոհ մատուցանելու մասին չի խօսիր, այլ «կենդանի զոհ» ըլլալու մասին: Զոհողութիւն մատուցանելը ուրիշ բան է, իբրեւ զոհ մատուցուիլը՝ ուրիշ բան: Երկուքն ալ կարեւոր են, բայց առաջնահերթը զոհ ըլլալն է: Պօղոս առաքեալ կը վկայէ որ Յիսուս «մեզ փրկելու համար ինքինքը Աստուծոյ ընծայեց որպէս անուշահուտ ընծայ եւ զոհ» (Եփ 5.2): Յիսուս մեզ փրկելու համար «բան» մը չընծայեց, այլ իր անձը ընծայեց: Մեր սրտեն Յիսուսին բան մը տալը՝ զոհողութիւն է, իսկ մեր սիրտը իրեն տալը՝ զոհ ըլլալ է:

Օգոստոս 13

Յիսուս կողքիդ է եւ քեզի կողմնակից

Յիսուս նամբորդակիցն է մարդկութեան, ուստի, ո՞վ մարդ, ինչո՞ւ համար կեանքի փշալից նամբաներէն քայլես առանձին։ Յիսուս քժիշկն է մարդկութեան, ուստի, ո՞վ մարդ, ինչո՞ւ կը շարունակես հիւծիլ վերթերուդ առթած ցաւին տակ։ Յիսուս բենակիրն է աշխարհին, ուստի, ո՞վ բարեկամ, ինչո՞ւ կը յամառիս կեանքի բեռը առանձին կրել։ Ինչո՞ւ անզօր մնաս երբ առիթը ունիս վայելելու Յիսուսի գօրակցութիւնը։ Ինչո՞ւ տկար մնաս երբ կարող ես Ամենակարող Աստուծոյ դառնալ եւ անոր գօրութեամբ լեցուիլ։ Ոտքի՝ կանգնիր Յիսուսի անունով գօրացած։ Դուն կրնաս ամրոցներ փուլ բերել եթէ երբեք իբրեւ ամրոց ընդունիս Յիսուսը։

Օգոստոս 14

Յիսուս կրնայ հրէշը հրեշտակի վերածել

Մի՛ ըսեր թէ դուն ա՛յնքան մեղք ունիս որ Աստուած անկարող է ներելու։ Ասիկա իր Որդիին՝ Յիսուսի արիւնին դէմ մեղք գործել կը նշանակէ։ Եթէ երբեք երկրաւոր քժիշկներ երբեմն կը յաջողին մահացու հիւանդութիւն ունեցող մարդիկ բուժել, որքա՛ն աւելի մեր երկնաւոր Քժիշկը՝ Յիսուս Քրիստոս, կարող է բուժում պարգևել մեղքով հիւանդացած հոգիներուն։ Աստուած կարող է հրէշային սիրտդ առնել եւ զանիկա իր շնորհենվ վերածել հրեշտակային սրտի։ Ան կարող է պղծութեան մէջ միրնուած հոգիդ առնել եւ սրբութեամբ պսակել։ Յիսուս պատրաստ է եւ կը փափաքի «կրկնակի կարմիրի պէս» եղող մեղքերդ ձիւնի պէս ներմկցնել, միայն թէ վստահէ՛ ու յանձնուե՛ իրեն։

Օգոստոս 15

Բարեխօսութիւն մի խնդրեր երբ չես ապաշխարած

Փրկութիւնն ու արդարութիւնը մենք ձեռք կը ձգենք Տէր Յիսուս Քրիստոսի մահուամբ եւ յարութեամբ եւ ո՛չ թէ բարեխօսութեամբ։ Երբեմն անապաշխար մարդիկ Յիսուսի բարեխօսութիւնն ու միջնորդութիւնը կը հայցեն իրենց անձերուն փրկութեան համար, ինչ որ սխալ է։ Յիսուս կ'ուզէ որ նախ իրեն գանք զղումով եւ ապաշխարութեամբ եւ խնդրանք ներկայացնենք մեր անձերուն փրկութեան համար։ Իր շնորհենվ փրկութիւնը ստանալէ ետք, ին'ս է որ պէտք է սկսինք դիմել իր բարեխօսութեան։ Ուստի, Յիսուսի բարեխօսութիւնը մեզ փրկելու համար չէ, այլ մեզի տրուած փրկութիւնը չկորսնցնելու համար է։

Օգոստոս 16

**Քրիստոն'ս է որ կը նորոգէ
եւ ո՛չ թէ հրեշտակները**

Հրեշտակներ կ'աշխատին մեր փրկութեան համար բայց չեն կրնար մեզ փրկել: Անոնք կ'օժանդակեն մեր նորոգութեան, բայց չեն կրնար մեզ նորոգել: Նորոգողն ու նորոգութեան առաջնորդողը Քրիստոս ի՛նքն է: Դեպի երկինք մեր նանապարհորդութեան ընթացքին մենք հրեշտակներուն առաջնորդութիւնը չէ որ կը վայելենք, այլ՝ Յիսուսի: Հրեշտակները կը զօրակցին, կը պաշտպանեն եւ կ'օգնեն մեզի, բայց Յիսուս ի՛նքն է որ կ'առաջնորդէ, կը բիւրեղացնէ, եւ կ'անեցնէ: Աստուած ա՛յնքան կը սիրէ մեզ եւ իրեն համար ա՛յնքան կարեւոր ու ա՛յնքան նուիրական է մեր փրկութիւնը, որ ինք անձամբ կ'ուզէ մեզ առաջնորդել դեպի երկինք մեր գնացքին մէջ:

Օգոստոս 17

Զապրինք փորձանքի հանդիպելու ակնկալութեամբ

Ճիշդ է որ Պօղոս առաքեալ կ'ըսէ թէ մենք «Անդութիւններուն մէջ ապրելու կոչուած ենք» (Ա.Թս 3.3), բայց այդ չի նշանակեր որ մենք ամէն օր եւ ամէն վայրկեան պէտք է ակնկալենք մեր գլխուն փորձանքի մը գալը: Աստուծոյ զաւակը փորձութիւններու հանդիպելու ակնկալութեամբ պէտք չէ ապրի, այլ՝ անոնց հանդիպելէ ետք, այդ բոլորէն յաղթականօրէն դուրս գալու ակնկալութեամբ: Փորձութիւններու հանդիպելու ակնկալութեամբ ու յոյսով ապրիլը, կրնայ խանգարել մեր խաղաղութիւնը եւ մեզ մտահոգութեան ցանցին մէջ պահել: Աստուած չ'ուզեր որ իր զաւակները իրենց օրը անցնեն մտահոգութեամբ: Մտահոգութիւնը Աստուծոյ նախախնամութեան հանդէպ անվստահութիւն է:

Օգոստոս 18

Աղքատին բաժինը բոզին մի' տար

Դժոխքէն ազատում չունին անոնք՝ որոնք աղքատին բաժինը բոզին կու տան: Բարսեղ Մաշկեւրցին կ'ըսէ. «Բարի՛ք գործէ եւ ո՛չ չարի՛ք: Կարօտեալի՛ն տուր եւ ո՛չ թէ բոզին, որպէսզի ունեցածիդ հետ հոգիդ եւ անոր հոգին չկորսնցնես, ժանի որ դուն ես կորստեան պատճառը թէ՛ բոզին, թէ՛ գուսանին եւ թէ՛ պարողին: Եթէ անոնց դրամ չտայիր եւ զանոնք չսիրէիր, անոնք կը դադրէին այն գործերը ըմելէ, իսկ երբ կը

տեսնեմ որ իրենց մօտ կը յանախես եւ սատանայական երգերով ու պարերով կը հեշտանաս, անոնց տուած դրամներդ իրենց համար կարքի վրայ անցուած կերակուրի կը նմանին, որով չար գործերու կը յօժարին քու տուածներուդ եւ քու սիրոյդ համար»:

Օգոստոս 19

«Աղ ունեցէ՞ դու՞ ձեր մէջ»

«Աղ ունեցէ՞ դու՞ ձեր մէջ եւ իրարու հետ խաղաղութեամբ ապրեցէ՞» (Մթ 9.50): Հոս աղը նախ խորհրդանիշ է Աստուծոյ շնորհին: Աստուծոյ շնորհին զուրկ մարդը չի կրնար խաղաղութեամբ ապրիլ մարդոց հետ: Երկրորդ, աղը խորհրդանիշ է անապականութեան: Ինչպէս աղը կերակուրը հեռու կը պահէ ապականութենէն, այնպէս ալ Յիսուսի շնորհը որ ներգործէ մեր սրտին մէջ, անկէ դուրս կը շպրտէ մեղֆին ապականութիւնը: Եթէ շնորհի աղը ունիս ներսիդիդ, թոյլ տուր որ ատիկա նառագայթէ մէջէդ: Երբ խօսիս, քաղցրութիւնդ թող համակէ դառնացածները: Երբ ժապտաս, անկեղծութիւնդ թող գրաւէ խոժոնները: Երբ գործես, արարքներդ թող Աստուծոյ փառքը պատմեն:

Օգոստոս 20

«Եթէ ձեռքդ քեզ կը գայթակղեցնէ՛ կտրէ՛ զայն»

«Եթէ ձեռքդ քեզ կը գայթակղեցնէ՛ կտրէ՛ զայն...» (Մթ 9.43): Մարդիկ իրենց մտքով մտածածը իրենց ձեռքով կ'ընեն: Աստուած մարդուս ձեռք տուած է որպէսզի օգնենիք հարուածուածին եւ ո՛չ թէ մենիք հարուածենիք: Մարդը սակայն չի կրնար իր ձեռքով հարուածուածին օգնութեան հասնիլ երբ չունի սիրող սիրտ, մանաւանդ երբ չէ զգացած Յիսուսի ձեռքին հպումը իր ձեռքին: «Կտրէ՛ զայն»: Այո՛, կտրէ՛ ինչ որ քեզ կը գայթակղեցնէ: Հարկաւ բառացիօրէն չենք հասկնալ կտրելու հրահանգը: Յիսուսի ըսել ուզածը այն է, որ ամէն զոհողութիւն պէտք է պատրաստ ըլլանիք կատարելու ի խնդիր երկինքի արքայութեան: Պէտք է հեռանալ որեւէ բանէ որ մեզ կը հեռացնէ երկինքն:

Օգոստոս 21

«Եթէ ոտքդ քեզ կը գայթակղեցնէ՛ կտրէ՛ զայն»

«Եթէ ոտքդ քեզ կը գայթակղեցնէ՛ կտրէ՛ զայն...» (Մթ 9.45): Մարդուն անդամներէն ոտքը այն բաժինն է որ զայն կ'առաջնորդէ հոն ուր մարդը կը մտադրէ ու կ'որոշէ երթալ: Կտրէ՛ ոտքդ եթէ անիկա քեզ որբեւայրիին

տունը տանելու փոխարէն պոռնիկին տունը կը տանի: Կտրէ՛ ոտքդ եթէ անիկա ֆեզ եկեղեցի տանելու փոխարէն գինետուները կ'առաջնորդէ: Այլ խօսքով, հրաժարէ՛ որեւէ բանէ որ կը ստիպէ ֆեզ հրաժարի փրկութենէն: Կտրէ՛ որեւէ բան որ պատճառ կ'ըլլայ որ կապդ կտրես երկինքին ու անոր Բնակիչին հետ: Սորվեցո՛ւր ոտքիդ նանապարհորդակից ըլլալ Քրիստոսի: Սորվեցո՛ւր անոր քալել Քրիստոսի ոտնահետքերով: Սորվեցո՛ւր անոր Աստուծոյ նամբան, սիրոյ նամբան, սրբութեան նամբան:

Օգոստոս 22

«Եթէ աչքդ ֆեզ կը գայթակղեցնէ՛ հանէ՛ զայն»

«Եթէ աչքդ ֆեզ կը գայթակղեցնէ՛ հանէ՛ զայն...» (Մթ 9.4): Սիրելի՛ եղբայր, սորվեցո՛ւր աչքերուդ նկատել երիտասարդուհիները իբրեւ ֆոյր եւ նայիլ անոնց կատարեալ մաքրութեամբ: Եւ դո՛ւն, սիրելի՛ ֆոյր, սորվեցո՛ւր աչքերուդ նկատել երիտասարդները իբրեւ եղբայր եւ ամբողջական մաքրութեամբ նայիլ անոնց: Երիտասարդուհիներ եւ երիտասարդներ, տաճա՛ր են Սուրբ Հոգիին եւ բնակարա՞ն են Աստուծոյ. վա՛յ անոր որ նուազագոյն պիղծ մտածումը կ'ունենայ անոնց հանդէա՛: Կրթեցէֆ ձեր աչքերը, որպէսզի անոնք երկինքին նայիլ սորվին, երկնակչ օրինութիւնները տեսնեն: Դաստիարակեցէֆ ձեր աչքերը, որպէսզի անոնք իրենց նմանին մէջ, Աստուծոյ փառքին ու սիրոյն համար ստեղծուած մարդուն ներկայութիւնը տեսնեն:

Օգոստոս 23

Ինչո՞ւ կը փնտոնես Յիսուսը

«Դուք զիս կը փնտուէֆ՝ ո՛չ թէ որովհետեւ հրաշքներ տեսափ, այլ որովհետեւ այդ հացէն կերափ եւ կշտացափ» (Յհ 6.26): Յիսուսի այս խօսքը ուղղուած է բոլոր անոնց՝ որոնք զինք կը փնտոնեն եւ իրեն կը դիմեն իրենց սեփական շահերուն համար միայն: Յիսուս միջոց մը չէ որով հասնինք մեր նպատակներուն: Սիրելի՛ բարեկամ, դուն ինչո՞ւ կը փնտոնես Յիսուսը: Սովորական հացի՞ համար: Տունի տէր դառնալո՞ւ համար: Գործ գտնելու կամ գործի մէջ առաւել յաջողութիւն գտնելո՞ւ համար: Ինչո՞ւ կը փնտոնես Յիսուսը: Ինչո՞ւ աղօթի կը կենաս: Փափա՞ք ունիս Պօղոսի նման զինք նանչնալու, թէ՛ աշխարհարոյր փափաքներդ կատարելու համար է որ կ'աղօթես: Ինչո՞ւ կը փնտոնես Յիսուսը: Աւելի նիշդը, կը փնտոնե՞ս Յիսուսը:

Օգոստոս 24

«Ես եմ, մի՛ վախճաֆ»

«Ես եմ, մի՛ վախճաֆ» (Յհ 6.20): Երբ փորձութիւն մը կը դիմագրաւենք ու վախը կը պատէ մեզ, այդ կը նշանակէ որ մենք կասկած ունինք Քրիստոսի սիրոյն եւ ամենակարողութեան վրայ: Կասկածը կամ կասկածամտութիւնը կը կաշկանդէ Աստուծոյ գործունեութիւնը մեր կեանքերուն մէջ: Իսկ վատահութիւնը՝ զԱստուած գործի կը մղէ: Աստուծոյ վատահիլը՝ Աստուծոյ պատի ընել է: Անվատահութիւնը Աստուծոյ հասցէին ուղղուած նախատինք մըն է: Դիւրին է Աստուծոյ վատահիլ երբ վտանգը հեռու է մեզմէ. բայց վտանգի ժամանակ է որ կը փաստուի եթէ երբեք կը վատահինք Աստուծոյ թէ ոչ: Ո՞վ հաւատացեալ, որքան ալ մեծ ըլլան քեզ շրջապատող դժուարութիւնները՝ անոնք չեն կրնար Աստուծոյ պահպանող կարողութենէն աւելի մեծ ըլլալ:

Օգոստոս 25

«Եթէ սէր չունիմ՝ ոչինչով կ'օգտուիմ»

«Եթէ սէր չունիմ՝ ոչինչով կ'օգտուիմ» (Ա.Կր 13.3): Ինչպէս փեթակը առանց մեղրի ոչինչ կ'արժէ, այնպէս ալ մեր կողմէ առանց սիրոյ կատարուած որեւէ գործ՝ արժէք չունի: Ինչպէս բոյրն է որ արժէք կու տայ վարդին, այնպէս ալ սէրն է որ կ'արժեւորէ գործը: Սէրը անոյշ բոյրն է գործի մը: Արարք մը որուն չ'ընկերանար սէրը, կը նմանի ամպի որոտումին որուն չ'ընկերանար անձրեւը: Մարդը կրնայ տալ իր թշնամիին առանց զայն սիրելու, բայց չի կրնար սիրել զայն՝ առանց տալու անոր: Սէրը կու տայ, կը բաշխէ, կը զոհէ, եւ ի հարկին, կը տրուի, կը բաշխուի, կը զոհուի, ինպէս էր պարագան Տէր Յիսուսի: Սէրէ պարպուած գործի մը մէջ մեր փառքն է որ կը հանգչի, իսկ սիրով կատարուած գործին մէջ՝ Աստուծոյ փառքն է որ կ'արտացոլայ:

Օգոստոս 26

Քրիստոնեային բուրմունքը՝ նեղութեան պահուն

Քրիստոնեայ մարդը Քրիստոսի բուրմունքն է. բուրմունք մը, որ հանդէս կու գայ մանաւանդ նեղութեան ընթացքին: Ինչպէս երբ հովը փչէ վարդերը իրենց բուրմունքը կը տարածեն, այնպէս ալ երբ փորձութեանց հովերը փչեն մեր կեանքերուն վրայ, մեր կեանքերը պէտք է Յիսուսի սիրոյն ու ներումին բուրմունքը տարածեն իրենց չորս կողմը: Հաւատքը մութ պահերուն կը փայլի այնպէս՝ ինչպէս աստղը երկինքի մութին մէջ: Քրիստոնեայ մարդը պէտք է նմանի արեւի այն նառագայթին որ կը նեղէ ամպերը եւ կը հասնի շերմութեան կարիքը ունեցող մարդուն: Ծա՛ն մըն է

իսկական քրիստոնեան. ծառ մը՝ որ թէեւ կը կիզուի արեւին տակ, բայց կիզուող մարդոց կը պարգևեէ շուրջ եւ հանգիստ:

Օգոստոս 27

ՄՅԱ' հաւատարիմ նեղութեան պահուն

Հանելի՛ է հետեւիլ Աստուծոյ երբ ան հանելի նամբաներէ մեզ կ'առաջնորդէ: Դիւրի՛ն է գոհանալ Աստուծմէ երբ մեզ սիրող մարդոցմով շրջապատուած ենք: Բնակա՛ն երեւոյթ է վստահիլ Աստուծոյ երբ ամէն ինչ հեզասահ կ'ընթանայ մեր կեանին մէջ: Բայց Աստուած ա՛լ աւելի փառաւորուած կ'ըլլայ երբ կապուած մնանք իրեն մթին պահերու ընթացքին, երբ վստահինք իրեն անել կացութեան դիմաց: Սատանան կարծեց որ Յոր կը հաւատայ Աստուծոյ եւ զայն կը պաշտէ, որովհետեւ Աստուած օրինած է անոր ունեցածը, բայց երբ աղէտները տեղացին Յորին գլխուն, Յոր կորսնցուց ամէն ինչ, բայց պահեց իր հաւատքը: Երբ դուն նեղութեան մէջ իյնաս՝ աղօքող բերանդ կը վերածուի^թ տրտնչացող բերանի, հաւատացող սիրտդ կը վերածուի^թ կասկածող սրտի:

Օգոստոս 28

Տեսնել, լսել եւ վկայել

Հրեայ ղեկավարները պահանջեցին Պետրոս եւ Յովհաննէս առաքեալներէն որ ալ չխօսին Յիսուսի մասին (Գրծ 4.17), իսկ անոնք առարկեցին ըսելով. «Մենք չենք կրնար մեր տեսածին ու յսածին մասին չխօսիլ» (Գրծ 4.20): Ուեւէ մէկը որ տեսած է Յիսուսը իր հաւատքի աչքերով եւ լսած անոր ձայնը՝ չի կրնար լուր մնալ եւ չվկայել: Եթէ կը հաւատանք որ Յիսուս մեր փրկութեան համար մեռաւ եւ յարութիւն առաւ, պէտք է այս աւետիսը բոլորին հասցնենք: Եթէ դարձած ենք յարութեան զաւակ, չենք կրնար մեղքի մէջ մեռածներուն նկատմամբ անտարբեր ըլլալ: Եթէ ընդունած ես Յիսուսի սէրը սրտիդ մէջ, պատմէ՛ իր հրաշագործ սիրոյն մասին, պատմէ՛ ամէն մարդու, պատմէ՛ ամէն ատեն:

Օգոստոս 29

Ճամբայ ելել կոյր հաւատքով

Աքրահամ «Ճամբայ ելաւ, առանց գիտնալու թէ ո՛ւր կ'երթայ» (Երբ 11.8): Ահաւասիկ իսկական հաւա՛տք ունեցող անձ մը: Մարդիկ երբ ծրագրեն նամբորդութիւն ընել, սկիզբէն կը նշդեն թէ ո՛ւր պիտի երթան եւ ո՛ր նամբաներէն: Տարբեր եղաւ Աքրահամին պարագան եւ տարբեր է

Աստուծոյ բոլոր զաւակներուն պարագան: Աքրահամ «Թամբայ Ելաւ, առանց գիտնալու թէ ո՛ւր կ'երթայ»: Ան չտրտնջաց այս երեւոյթին համար, եւ Աստուծմէ չխնդրեց որ յայտնէ իրեն թէ ո՛ւր կ'առաջնորդուէր: Աստուծոյ զաւակը չի գիտեր թէ ո՛ւր կ'առաջնորդուի, բայց գիտէ թէ ո՛վ է զինք առաջնորդողը: Հաւատացեալին ուշադրութեան առարկան իր ձամբորդակիցն է՝ Քրիստոս, եւ ո՛չ թէ այն ճամբաները որոնցմէ ան կ'առաջնորդուի:

Օգոստոս 30

Պատերազմ մի՛ հոչակեր Յիսուսի դէմ

Մէկը որուն կոչ կ'ուղղուի ապաշխարել եւ Յիսուսը ընդունիլ եւ ան կը մերժէ, իր ըրածը ուրիշ բան չէ եթէ ոչ պատերազմ հոչակել Յիսուսի դէմ: Պատմութեան ընթացքին ո՛չ ոք նման պատերազմ հոչակած եւ անկէ յաղթական դուրս եկած է: Ո՛վ մարդ, ինչո՞ւ անապաշխար կեցուածքովդ կը պայքարիս Փրկիչիդ դէմ, որ ֆեզի համար պայքարեցաւ փրկութեանդ թնշամիին՝ Սատանային դէմ եւ յաղթեց անոր: Յիսուսի համար պայքարելու փոխարէն ինչո՞ւ կը պայքարիս Յիսուսի դէմ: Ինչո՞ւ դէմ կը դնես անոր որ դէմ կը դնէ մեծ ոսխիդ՝ Սատանային: Մի՛ առարկեր թէ դէմ չես դներ Յիսուսին: Գիտցի՛ր որ եթէ երբեք կը մերժես անսալ Յիսուսի թակումներուն եւ բանալ սիրտդ՝ ըրածդ ուրիշ բան չէ եթէ ոչ դէմ դնել Յիսուսի փրկարար շնորհին ներգործութեան:

Օգոստոս 31

Հաւատացողը կը հնազանդի

Աքրահամին սրբութեան գաղտնիքը չի կայանար իր կենցաղակերպին մէջ, ո՛չ ալ իր զաւակը զոհելու պատրաստակամութեան մէջ, այլ՝ իր ցուցաբերած կոյր հաւատքին եւ բացարակ հնազանդութեան մէջ: Աստուծոյ հանդէպ հաւատք ունեցող մարդը՝ սո՛րբ մարդ է: Աքրահամ սրբացաւ որովհետեւ հաւատաց ու հնազանդեցաւ: Հաւատացողը կը հնազանդի, հնազանդողը կը փորձուի, իսկ փորձուողը՝ կը սրբուի ու կը սրբացուի: Սիրելի՛ հաւատակից եղայր եւ ֆոյր, գիտեմ թէ կը հաւատաս Աստուծոյ, բայց ինչպիսի՞ հաւատքով մը կը հաւատաս. ֆեզ հնազանդութեան մղո՞ղ հաւատքով մը: Այն հաւատքը որ չի հնազանդիր Տիրոց, կե՛ղծ հաւատք է:

Սեպտեմբեր 1

Ինչպէ՞ս կընանք ընդունիլ մեր նմանը

Որպէսզի դադրինք ուրիշները փրկութեան անարժան նկատելէ, պէտք է ընդունինք Յիսուսը իբրեւ Փրկիչ մեր սիրտերուն մէջ: Յիսուսը ընդունող մարդը դժուար թէ կարենայ իր նմանը ընդունիլ: Երբ սիրոյ իշխանը՝ Յիսուս, դարձնենք բնակիչ մեր սիրտերուն, ա'յն ատեն միայն պիտի կարենանք սիրել մեր հաւասարները: Յիսուսի քաղցրութիւնը նաշակողը, կ'ազատագրուի ուրիշին հանդէա իր ունեցած դառնութենէն: Պէտք է մտերմանալ Աստուծոյ որպէսզի կարենանք խորթ չնկատել մեր նմանը: ԶԱստուած սիրոդ մարդը չի կրնար ատել իր նմանը, որուն սիրոյն համար Աստուած իր արիւնը թափեց: ԶԱստուած մեծարող մարդը չի կրնար նախատել իր նմանը, որուն նախատինքը վերցնելու համար Աստուած հրաժարեցաւ իր փառքէն:

Սեպտեմբեր 2

Հաւատալ Աստուծոյ խոստումներուն

Ուրէ մէկը կատարուած մեծ խոստումի մը հաւատք ընծայելէ առաջ, նախ բնականօրէն կը նայի խոստացողին նկարագիրին եւ նկատի կ'առնէ անոր կարողութիւնը, եւ ըստ այնմ կը ճշդէ, եթէ երբեք պէտք է հաւատայ տրուած խոստումին թէ ոչ: Աստուած ամենակարող խոստացող մըն է: Դուն որեւէ պատճառ չունիս չհաւատալու իր խոստումներուն: Մարդիկ կրնան պայմաններու բերումով փոխել իրենց խօսքը եւ տէր չկանգնիլ իրենց խոստումներուն, բայց Աստուած այդպիսի բան չ'ըներ: Աստուած անել կացութեանց դիմաց չի հրաժարիր իր կատարած խոստումներէն: Անոր կարողութիւնը նուազութիւն չ'արձանագրեր եւ ո'չ ալ կամքը՝ թուլութիւն: Ան իր խօսածը կատարելու եւ խորհածը գործադրելու կարողութիւնը ունի (Ես 46.11):

Սեպտեմբեր 3

Ամենօրեայ յարաբերութիւն Աստուծոյ հետ

«Ամենօրեայ մեր հացը այսօր եւս մեզի տուր» (Մտ 6.11): Ինչո՞ւ Յիսուս սորվեցուց մեզի «Ամենօրեայ մեր հացը» խնդրել, եւ ո'չ թէ մէկ շաբթուայ կամ մէկ ամսուայ հացը: «Ամենօրեայ» բառը ցոյց կու տայ որ Յիսուս կ'ուզէ ամենօրեան յարաբերութեան մէջ ըլլանք Աստուծոյ հետ: Ամէն օր պէտք է աղօթել եւ ո'չ թէ ժամանակ առ ժամանակ: Մի՛շտ աղօթենք եւ ո'չ թէ միայն ատեն երբ նեղութեան մէջ իյնանք: Յարատե՛ն խնդրենք եւ ո'չ թէ միայն երբ կարիքի մէջ ըլլանք: Ինչպէս ամէն օր նիւթական հացի պէտք ունինք որպէսզի Ֆիզիքալէս մեծնանք, այնպէս

ալ ամէն օր աննիւթական հացին՝ Սուրբ Հոգիին եւ Աստուծոյ կենսատու խօսքին պէտք ունինք, որպէսզի հագեւորապէս անինք ու զօրանանք:

Սեպտեմբեր 4

Աղօթքով սկսինք, ուրախութեամբ վերջացնենք

Որքա՞ն մարդիկ կան որոնք իրենց օրը կը սկսին առանց աղօթքի եւ առանց Աստուծոյ, եւ կ'ակնկալեն մեծամեծ յաջողութիւններ ձեռք ձգել: Նման մարդիկ իրենց օրը կը սկսին մտահոգութեամբ եւ կ'աւարտեն տրտութեամբ: Սիրելի՛ս, առանց աղօթքի եւ առանց աստուածային առաջնորդութեան սկսուած օր մը, անօրինաբեր օր մը կ'ըլլայ: Եթէ մեր օրը սկսինք աղօթքով՝ զայն պիտի աւարտենք փառաբանութեամբ: Եթէ օրը սկսինք ծառայութեամբ՝ զայն իր լրումին պիտի հասցնենք սրտի գոհունակութեամբ: Եթէ օրը սկսինք յանձնուելով՝ պիտի վերջացնենք յաղթութեամբ: Եթէ օրը սկսինք քրտինքով՝ պիտի վերջացնենք արդիւնքով: Առանց Աստուծոյ օրինութեան սկսուած օր մը՝ առ յաւէտ կորսուած օր մըն է:

Սեպտեմբեր 5

Փախչինք մեղքեն Յովսէփի նման

Պետափրէս դահնապետին կինը իր աչքը տնկած էր Յովսէփին վրայ բայց Յովսէփ տեղի չէր տար: Օր մը երբ կինը բռնեց Յովսէփին հանդերձը եւ ստիպեց անոր որ հետը պառկի՝ «Յովսէփ իր հանդերձը անոր ձեռքը թռղուց ու փախաւ դուրս ելաւ» (Ծն 39.12): Այս կնոշ նման Սատանան ինք եւս ամէն օր կը բռնէ մեր հանդերձը եւ կ'ուզէ ստիպել որ տեղի տանք իր կամքին, բայց մենք Յովսէփի նման պէտք է հեռո՛ւ փախչինք անկէ: Օր մը Ս. Օգոստինոս փողոցին մէջ հանդիպեցաւ իր նախկին պոռնիկներէն մէկուն եւ սկսաւ հակառակ ուղղութեամբ վազել: Պոռնիկ կինը ետեւէն վազելով ըստ: «Օգոստինոս իմչո՞ւ կը փախչիս, ես մո՛յ այդ անձն եմ»: Սուրբը պատասխանեց: «Կը փախչիմ, որովհետեւ ես նոյն այդ անձը չեմ»:

Սեպտեմբեր 6

Մահուան պարտութիւնը

Կ'ըսուի թէ հարաւային Ափրիկէի մէջ տեղ մը կար որ կը կոչուէր «անյուսութեան կէտը»: Այս կէտը կը գտնուէր արագահոս գետի մը մէկ դարձուածքին վրայ: Մէկը չէր կրցած այդ բաժնէն նաւարկելով անցնիլ առանց ընկղմելու: Բայց երբ Վասիլ Տի Ղամա անուն անձ մը յաջողեցաւ

գետի այդ կետէն անցնիլ առանց վտանգի, այդ կետը դադրեցաւ «անյուսութեան կետը» կոչուելէն եւ կոչուեցաւ «Բարի յոյսի կետը»: Մարդկութեան կեանքին մէջ ալ կար «անյուսութեան կետ» մը, որմէ բոլոր մարդիկ կը սարսափէին: Այդ կետը մահն էր: Բայց երբ Քրիստոս անցաւ այդ «անյուսութեան կետէն»՝ մահէն, եւ յաղթականօրէն վերադարձաւ անկէ, հաւատացեալ մարդուն համար մահը դարձաւ դէպի յաւիտենական լոյսն ու յոյսը առաջնորդող նաւարկութիւն մը:

Սեպտեմբեր 7

Զկա՛յ կեանք առանց մահուան

«Քրիստոսի հետ խաչին վրայ մեռայ եւ այլեւս կենդանի եմ. ես չէ որ կ'ապրիմ, այլ՝ Քրիստոս է որ կ'ապրի իմ մէջս» (Թղ 2.20): Քրիստոս յաւիտենական կեանքի դուռը բացաւ մեր առջեւ իր մահուամբը խաչին վրայ: Առանց մեր Տիրոջ մահուան ու յարութեան, մենք պիտի չկրնայինք յարութիւն առնել դէպի նոր կեանքը եւ նոր կեանքին համար: Քրիստոսի յարութեան օրինակը մեր վրայ առնելու համար, բացարձակ պայման է անոր մահուան օրինակը նաև առնելու մեր վրայ: «Քրիստոսի հետ խաչին վրայ» չմեռնողը, Քրիստոսով ու Քրիստոսի համար յարութիւն չի կրնար առնել: Սիրելի՝ ընթերցող, դուն մեռա՞ծ ես աշխարհին համար: Մեղցուցա՞ծ ես խաչին վրայ մարմինդ իր բոլոր ցանկութիւններով: Եթէ մեղցուցած ես, ուրեմն, «Քրիստոս է որ կ'ապրի» մէջդ:

Սեպտեմբեր 8

Աստուածասէրին եւ աշխարհասէրին մահը

Վերածնեալ եւ նորոգեալ հաւատացեալին համար, մահը, վիշտէն ու տառապանքէն ազատելու առիթ մըն է, իսկ աշխարհը սիրող մարդուն համար, մահը նո՞ր եւ սաստիկ վիշտի առաջնորդող դուռ մըն է: Ինչպէս աշխարհասէր մարդը կը մեռնի, աստուածասէր մարդը ի՞նք եւս կը մեռնի: Բայց անոնց մահը նոյն ճեւով չ'ըլլար: Աստուածասէր մարդը երբ իր հոգին աւանդէ՝ կը դիմաւորուի հրեշտակներու կողմէ, իսկ երբ աշխարհասէր մարդը իր հոգին աւանդէ՝ կը դիմաւորուի չար ու պիղծ ոգիներու կողմէ: Երբ անապաշխար մէկը մեռնի՝ երկինքը սգատունի կը վերածուի, իսկ երբ հաւատացեալ մը վախճանի՝ երկինքը հարսնետան կը վերածուի, այնպիսի հարսնետան մը, ուր Փեսան՝ Քրիստոս, անձնապէս կը դիմաւորէ հոն եկող իր զաւակները:

Սեպտեմբեր 9

Աստուծոյ համար արժէք ունեցող մարդը

Աշխարհի համար արժէք ունեցող մարդը դրամով հարուստ մարդն է, իսկ Աստուծոյ հայեացնով հարուստ մարդը՝ Քրիստոսը ունեցողն է: Աշխարհի համար արժէք է իր աքոռին վրայ բազմած բոնակալ Պիղատոս մը, բայց Աստուծոյ համար արժէք է՝ Յիսուսի կողքին խաչին վրայ գամուած աւազակ մը: Աշխարհը արժէք կու տայ մեծահարուստներուն, իսկ Աստուած՝ աղքատ Ղազարոսներուն: Աւելի լաւ է աւելածու ըլլալ եւ արքայութեան զաւակ, քան թագաւոր ըլլալ եւ դժոխքի զաւակ: Իսկ դո՛ւն, հաւատացեա՛լ բարեկամ, ո՞վ կը նկատես արժէք ունեցող մարդ: Զգո՛յշ եղիր: Զըլլայ թէ անտեսես Աստուծոյ հաւնածները եւ սիրես աշխարհի սիրածները: Ան որուն Աստուած կը մեծարէ, դուն չանարգես: Աստուծոյ սիրածները եթէ նախատես՝ Աստուծոյ թշնամութիւն ըրած կ'ըլլաս:

Սեպտեմբեր 10

Խոնարհները տեսնող Բարձրեալը

«Թէակտու Տէրը բարձր է, բայց խոնարհը կը տեսմէ» (Աղ 138.6): Փա՛ռք ու փառարանութիւն մեր Աստուծոյն որուն ուշադրութիւնը կեդրոնացած չէ մեծագործ ու մեծանուն մարդոց վրայ, այլ՝ համեստ, հեզ ու խոնարհ մարդոց վրայ: «Տէրը բարձր է, բայց խոնարհը կը տեսմէ»: Հարուստ է բայց աղքատը կը նշմարէ: Սուրբ է բայց մեղաւորներուն մօտենալու չի բաշուիր: Հզօր է բայց չ'ոտնահարեր տկարը: Ամենակարող է բայց չի բննադատեր մեր տկարութիւնները: Մարդը այդպէս չէ: Մարդը որոշ բարձր դիրքի հասնելէ ետք, կը սկսի անտեսնել իր հաւասարը, լիւ կարիքի մէջ եղողը, մոռնալ տկարը: Տէրը երբե՛ք պիտի չմոռնայ մարդոց աշքերէն ու ծափահարութիւններէն հեռու կատարած մեր պզտիկ գործերը:

Սեպտեմբեր 11

Աստուծոյ գուրգուրալից աչքը

Աստուած իր աչքին բիբին պէս կը գուրգուրայ իր զաւակներուն վրայ: Ան իր աչքը մեզմէ չի հեռացներ երբեք: Անոր աչքին մէջ կայ սէր եւ գթութիւն: Անոր աչքերէն կը հոսին գուրգուրանք ու գորով: Աստուծոյ աչքերը մեզ գօտեպնդող եւ մխիթարող հայեացք ունին: Անոր աչքերը մեր կեանքին մէջ տկարութիւններ փնտող աչքեր չեն: Անոր աչքերը դատաւորի աչքեր չեն, այլ՝ բժիշկի: Ան մեր մեղքերը չի փնտոեր որպէսզի զանոնք մեր աչքերուն առջեւ շարէ, այլ որպէսզի զանոնք Յիսուսի մարմնին վրայ դնէ: Երանի՛ անոր որ չի փախչիր Աստուծոյ աչքերէն,

ընդհակառակը, կ'ապրի անոնց հսկողութեան ներքեւ: Աստուծոյ աչքին հսկողութիւնը վայելողը՝ հեռո՛ւ կը մնայ ամէն տեսակի կործանիչ աղէտներէ:

Սեպտեմբեր 12

Միայն անունո՞վ քրիստոնեայ ես

Ողբերգութի՛ւն է ապրող Փրկիչին անունը կրել բայց մեռած ըլլալ հոգիով: Ցաւալի՛ է Յիսուսի սուրբ անունը կրել բայց պղծուած ըլլալ մեղքով: Քրիստոնեայ անունը կրելնուս համար մենք պատասխանատու ենք Քրիստոսի առջեւ: Կը պատմուի որ Մեծն Ալեքսանդրի զինուորներէն մէկը վախով լեցուեցաւ երբ օր մը զինք կեցուցին իր թշնամիին առջեւ: Մեծն Ալեքսանդր իր վախկոտ զինուորին հարցուց. «Ի՞նչ է ամուսդ»: Ան պատասխանեց. «Ալեքսանդր»: Կայսրը զարմացաւ որ իր զինուորին անունն ալ Ալեքսանդր է եւ անոր ըսաւ. «Բարեկամ, կամ ամուսդ փոխէ եւ կամ վերաբերմունքդ»: Սիրելինե՛ր, քրիստոնեային չի վայելեր տկար ու վախկոտ ըլլալ: Կամ պէտք է դադրինք այդ անունը կրելէ եւ կամ պէտք է մեր կեանքով փաստենք որ քրիստոնեայ ենք:

Սեպտեմբեր 13

Յիսուսի հետ եղողին համար պարտութիւն չկայ

Յիսուսի հետ ըլլալը մեզ փորձանեներէ հեռու չի պահեր, այլ մեզ յաւերժապէս իյնալու վտանգէն է որ հեռու կը պահէ: Յիսուսի միանալով պատերազմները չեն դադրիր մեր կեանքերուն մէջ, այլ պարզապէս պատերազմներուն ընթացքին յաղթութիւնն է որ անխուսափելի կը դառնայ: Յոր սարսափելի հոգեւոր պատերազմներէ անցաւ, բայց ան կրցաւ այդ բոլորէն դուրս գալ յաղթութեամբ, որովհետեւ հաւատարիմն Աստուած իրեն հետ էր: Փորձանեներէն մեր յաղթական դուրս գալը արդիւնքն է Աստուծոյ հաւատարիմ ըլլալուն: Անոր հաւատարմութիւնը բացայայտ կը դառնայ ծանր փորձութեանց ժամանակ: Եթէ ծանրակշիռ փորձութիւն մը հանդէս կը բերէ մեր հաւատքին զօրութիւնը, ապա միւս կողմէն, պէտք է ընդունիլ որ փորձութիւնը հանդէս կը բերէ Աստուծոյ հաւատարմութիւնը:

Սեպտեմբեր 14

Խարուած փրկուածներ

Փրկութեան վերաբերեալ սխալ հասկացողութիւն մը կայ որմէ անհրաժեշտ է ձերբագատիլ: Բնա՛ւ չկարծենի որ գէշ բնաւորութիւն մը մէկդի ձգելով, կամ վատ սովորութենէ մը ազատագրուելով, կրնանի փրկութեան արժանի դառնալ: Փրկութիւնը մեր կատարած չար գործերուն վերջ դնելով չ'սկսիր, այլ Յիսուսը մեր մէշ ընդունելով: Եթէ մէկը ստախօսութեան եւ հայույթեանի գէշ սովորութիւն ունի եւ զանոնի դադրեցնէ, այդ չի նշանակեր որ ան փոխուեցաւ կամ նորոգուեցաւ, եւ հետեւաբար, Աստուած պարտաւոր է զայն փրկել: Մարդը չի կրնար ներքին փոփոխութիւն մը կամ նորոգութիւն մը ապրիլ առանց Յիսուսի փրկարար ու այլակերպիչ շնորհին:

Սեպտեմբեր 15

Նշան մի՛ խնդրեր որպէսզի հաւատասա

«Ի՞նչ հրաշք պիտի գործես, որպէսզի տեսնենի եւ ֆեզի հաւատանի. ի՞նչ պիտի ընես» (Յհ 6.30): Ծատ տարօրինակ է հրեաներուն այս հարցումը Յիսուսի ուղղուած: Տարօրինակ է անոր համար որ տակաւին օր մը առաջ Յիսուս հրաշխով մը կերակրած էր հինգ հազար հոգիներ, իսկ հիմա իրմէ կը խնդրեն հրաշք մը գործել, որպէսզի հաւատային իրեն: Յանախ մարդիկ նշաններ կը խնդրեն Աստուծմէ եւ կ'ուզեն որ ան բան մը ընէ, որպէսզի հաւատան իրեն, եւ կը մոռնան այն բոլոր բաները զորս Յիսուս ըրաւ իրենց համար շուրջ երկու հազար տարիներ առաջ: Սիրելի՝ հայորդի, դում ալ Յիսուսէն իր գոյութիւնը փաստող նշան խնդրողներէ՞ն ես: Կասկած մի՛ ունենար Յիսուսի հրաշագործութեան կարողութեան վրայ, բայց մի՛ խնդրեր հրաշք որպէսզի հաւատաս, այլ առանց տեսնելու հաւատալու պարգեւը խնդրէ:

Սեպտեմբեր 16

Տեղայլ չընենի հաւատքի կեանքին մէշ

Հաւատքի կեանքը յարատեւօրէն անող կեանք մը պէտք է ըլլայ: Եթէ հաւատացեալ մը այսօր է՛ այն ինչ որ տարի մը առաջ էր, կը նշանակէ թէ ան ամբողջ տարի մը տեղայլ ըրած է: Հաւատքը երկարի նման մնայուն գործածութեան պէտք է դրուի: Ինչպէս երկարը կը ժանգուի եթէ չգործածուի, այնպէս ալ հաւատքը ժանգ կը կապէ եւ անգործածելի կը դառնայ եթէ երբեք աղօթքի եւ Աստուածաշունչի ընթերցումի նամբով չբիրեղանայ եւ չզօրանայ: Դուն ամէն օր ժամանակ կ'անցնե՞ս Աստուծոյ հետ: Ամէն օր Աստուծոյ խօսքով կը սնանի՞ս: Էութեանդ մէշ Սուրբ Հոգիին կողմէ դրուած կենսատու շուրջ ամէն օր հաւատքի մականով կը

խառնե՞ս: Ինչպէս լինացած ջուրը կը նեխի, այնպէս ալ լինացած հաւատքը:
Զգո՞յշ եղիր հաւատքի լինացումն ու նեխութենէ:

Սեպտեմբեր 17

Տրտունջքը կը խափանէ Աստուծոյ օրինութիւնը

Տրտնջալը աշխարհի մարդուն յատուկ է, հետեւաբար, Աստուծոյ զաւակները թող զգոյշ ըլլան տրտնջացող ոգի ունենալէ: Տրտնջալը կը խափանէ Աստուծոյ մեծամեծ օրինութիւնները մեր կեանքին մէջ եւ կը կորսնցնէ մեր վարձատրութիւնը: Տրտնջացող բերանէն փառաբանութիւն չի բղինիր: Դժգոհող հոգիէն գոհութեան երգ չի ժայթքիր: Եբբայեցիները միշտ դժգոհ էին: Դժգոհ էին երբ Եգիպտոսի մէջ էին, եւ դժգոհ մնացին երբ ազատագրուեցան Եգիպտոսէն: Անապատին մէջ երբ նեղութեան հանդիպեցան, տրտնջացին եւ սկսան Եգիպտոսի փառաբանութիւնը կատարել, յիշելով անոր վարունգներն ու սեխերը, սոխերն ու սխտորները (Ղ. 11.5): Սիրելի՛ ընթերցող, կ'արժէ՞ սոխի ու սխտորի համար դժգոհիլ ամենակալ եւ բարի Աստուծոյ դէմ:

Սեպտեմբեր 18

Փրկութիւնը դժոխքէն ազատիլը չէ

Յիսուս աշխարհ չեկաւ մեզ մեղքի ստրկութենալն եւ դժոխքէն ազատագրելու համար միայն, այլ նաև մեզ Աստուծոյ զաւակ դարձնելու համար: «Մեզ յինարի իշխանութենէն ազատեց եւ բերաւ իր սիրելի Որդիին իշխանութեան տակ» (Կղ 1.13): Կան մարդիկ որոնք Յիսուսի կու գան որովհետեւ դժոխքէն կը վախճան եւ ո՛չ թէ որովհետեւ սէր ունին իրեն հանդէպ: Յիսուս կը հասկնայ հոգին այսպիսի մարդոց ու կը գրա անոնց վրայ: Բայց այսպիսի մարդիկ պէտք է խնդրեն Յիսուսէն որ իրենց սրտին մէջ իրեն հանդէպ սէր դնէ: Դժոխքէն փախչիլը բայց երկինքը չցանկալը որեւէ ձեւով չ'օգտեր մեզի: Փրկութիւնը դժոխքէն ազատիլը չէ, այլ Յիսուսի հետ յաւիտենապէս ըլլալն ու ապրիլն է:

Սեպտեմբեր 19

Պարգեւը ընդունելով Պարգեւիչը չուրանանք

Աստուծոյ տուած պարգեւները պատճառ թող չըլլան որ ուրանանք զինք: Երբեմն մարդիկ կը հարստանան, կալուածներու տէր կը դառնան, ապա կը մոռնան զԱստուած՝ տուիչը այդ բոլորին: Ինչ որ ունինք եւ ինչ

որ կը վայելենք, Աստուծոյ կողմէ մեզի տրուած է: Սխալ բան չէ վայելել Աստուծոյ կողմէ մեզի տրուածը, բայց սխալ է մեր կեանքին վայելքն ու երջանկութիւնը տեսնել տրուածին մէջ փոխանակ Տուողին մէջ: Տիրոջմով բանի մը տէր դառնալէ ետք չուրանանք Տէրը: Ասիկա միայն նիւթական պարգևելին չի վերաբերիր, այլ՝ աստուածային բոլոր պարգևեներուն: Օրինակ, բժշկելու պարգևելը ունեցողը թող չկարծէ որ ինքն է որ կը բժշկէ: Ուրիշները դարձի բերողը թող չխորհի որ ինքն է դարձի բերողը:

Սեպտեմբեր 20

Ի՞նչ պիտի ըլլայ աշխարհի վիճակը

Ի՞նչ պիտի ըլլայ աշխարհի վիճակը երբ աղքատութիւնն ու աղքատները կը շատնան իսկ աղքատութեան առաջքը առնելու միջոցառումները կը նուազին: Ի՞նչ պիտի ըլլայ մարդոց կացութիւնը երբ անարդարներուն եւ անարդարութեան ձայնը կը բարձրանայ հետզհետէ, իսկ Քրիստոսով արդարացած եւ արդարասէր մարդոց կը պարտադրուի լուս կենալ եւ չխանգարել առօրեայ կեանքին բնականոն ընթացքը: Ի՞նչ պիտի ըլլայ տկարին ու համեստ դասակարգին պատկանող մարդոց արժանապատութեան հարցը, երբ զօրաւոր ու ամբարտաւան մարդիկ իրենք է որ կ'իշխն աշխարհի մէջ: Հսկ' ինծի, ո'վ մարդ, ի՞նչ պիտի ըլլայ այս բոլորին վերջը: Հսկ' ինծի, Տէր, Ե՞րբ պիտի գայ ամէն բանի աւարտը:

Սեպտեմբեր 21

Աստուծոյ փառք բերող կեանք մը ապրինք

Աստուածաշունչին մէջ երբեք չենք կարդար որ մարդիկ Պօղոսի կեանքը դիտելով զԱստուած կը փառաւորէին այնքան ատեն երբ տակաւին ան դարձի չէր եկած: Բայց երբ Քրիստոս հանդիպեցաւ իրեն Դամասկոսի համբուն վրայ, ան դարձաւ տարածիչը Քրիստոսի սիրոյն ու շատագովը անոր հաւատքին. մարդիկ լսելով որ Սօղոսը եղած էր Պօղոս, հալածիչը դարձած է տարածիչ, իր պատճառով սկսան զԱստուած փառաւորել (Թղ 1.23-24): Հոսկէ սորվիր, ո'վ բարեկամ, որ մէկը պիտի չփառաւորէ զԱստուած ու պիտի չգոհանայ անկէ քու պատճառովդ, եթէ դուն նշմարտապէս դարձի եկած մէկը չես: Իսկ եթէ նշմարտապէս դարձի եկած մէկն ես՝ կեանքդ պէտք է նմանի Պօղոս առաքեալի կեանքին: Կեանք մը՝ որ Յիսուսի սէրը կ'արտաբուրէ, կեանք մը՝ որ Յիսուսի հաւատքը կը տարածէ, կեանք մը՝ որ մարդոց մեղքերուն համար արտասուել գիտէ:

Սեպտեմբեր 22

ՏԵՌ, մի՛ յիշեր ըրածս Քեզի, այլ յիշէ՛ ըրածդ ինձի համար

Գրառատ ՏԵՌ, իմ սերմանած չար սերմերուս փոխարէն, յիշէ՛ Գերսեմանիի հողին վրայ սերմանած քրտինքիդ արիւնախառն կաթիլները՝ եւ գրա՛ ինձի: Ողորմա՛ծ, մեղքի փուշերուն դէմ մղած պայքարիս մէջ յանախաղէպ գլորումներուս փոխարէն, մտաբերէ՛ գլուխիդ դրուած փշէպսակը՝ եւ ողորմէ՛ ինձի: Անկողմնակա՛լ, երբեմն աշխարհի կողմը բռնած ըլլալուս իրողութեան փոխարէն, մի՛տքդ բեր կողիդ վերքէն հոսող արիւնն ու ջուրը՝ եւ կողքի՛ս կեցիր: Օրհնեա՛լ, անէծքի արժանի կեանքիս փոխարէն, յիշէ՛ անէծքի այն փայտը որուն վրայ կախուցար, զայն ինձի համար օրհնութեան աղքիւրի վերածելով՝ եւ օրհնէ՛ ինձի: Շնորհալի՛, չարդարացուելիք անշնորհալի գործերուս փոխարէն, յիշէ՛ փրկարար շնորհքը՝ եւ շնորհէ՛ ինձի արդարութեան գործեր կատարեմ:

Սեպտեմբեր 23

Կեանքիդ դեկը Յիսուսի յանձնէ

Քրիստոնեայ մարդուն կեանքը մրրկալից նաւարկութիւն մըն է: Մի՛ ելլեր հովերու դիմաց առանց հովի Արարիչը հետդ առնելու: Սեփական շանքովդ չես կրնար առաջնորդել կեանքիդ նաւը դէպի խաղաղութիւն: Ոմանք միայն անունով քրիստոնեայ են, եւ ոմանք ալ՝ իրապէս: Անոնք որոնք միայն անունով քրիստոնեայ են՝ Քրիստոս կը գտնուի իրենց նաւակին յետսակողմը, քնացած վիճակի մէջ (Մթ 5.38): Իսկ անոնք որոնք իրապէս քրիստոնեայ են՝ իրենց կեանքի դեկը Քրիստոսի ձեռքին մէջն է: Սիրելի՛ բարեկամ, ո՞ւր է Քրիստոս կեանքիդ նաւակին մէջ. նաւակին յետսակո՞ղմը, թէ՛ նաւակին դեկին ետին: Դուն ալ աշակերտներուն նման միայն փոքրիկի՞ ատեն կը դիմես Յիսուսի որ կեանքիդ յետսակողմը, այսինքն՝ մէկ անկիւնը դրած ես: Յիսուսի տեղը կեանքիդ մէկ անկիւնը պէտք չէ ըլլայ, այլ կեանքիդ մէշտեղը՝ նիշդ դեկին ետին:

Սեպտեմբեր 24

Աստուծոյ իսկական քնակարանը

Երկինքը որուն մէջ Աստուած կը բնակի մարդուն սիրտն է: Ուստի, զԱստուած փնտող մարդը, թող զայն չփնտուէ իր սրտէն դուրս: Աստուծոյ ներկայութիւնը մեր սիրտերուն մէջ կը նմանի մոխիրին տակ թաղուած կայծերուն կամ բոցին: Կը բաւէ որ հաւատքի մականով պեղենն մեր սիրտը, եւ ահա Աստուծոյ սիրոյն կայծերը վերստին պիտի

բոցավառին եւ համակեն մեր ողջ էութիւնը: Արտերուն տակ թաղուած կան հոսող գետերու զուլալ ջուրերը: Երբ արտը փորուի ժիշ մը խորունկ, հոն գտնուող ջուրը դուրս կը ցայտէ եւ կ'ոռոգէ անջրդի արտերը: Սիրելի՛ս, գիտե՞ս որ սրտիդ խորունկ տեղերը թաղուած են ջուրի վճիտ աղքիւրներ: Պեղէ՛ սիրտդ հոն Յիսուսը գտնելու հաւատքով, եւ պիտի տեսնես որ «*Խու սիրտէ՛ն կենաստու ջուրի գետեր պիտի բղիսին*» (Յհ 7.38):

Սեպտեմբեր 25

Աստուած եւ մարդ իրարու մէջ կը գտնուին

Ոչ միայն Աստուած կը գտնուի մարդուն սրտին մէջ, այլեւ՝ մարդն ալ կը գտնուի Աստուծոյ սրտին մէջ: Գտնուիլը տարբեր է, ապրիլը՝ տարբեր: Երբ Աստուծոյ ներկայութեան գիւտը կատարենք մեր կեաներուն մէջ, ան կը դադրի լոկ «գտնուող» Աստուած մը ըլլալէ եւ կը դառնայ ապրող ու ապրեցնող Աստուած: Եթէ ընդունինք որ Աստուած կ'ապրի մարդուն մէջ եւ մարդը՝ Աստուծոյ մէջ, մեր վերաբերմունքը մարդուն նկատմամբ հիմնովին պիտի փոխուի: Պիտի սկսինք պատուել ու յարգել մարդը: Մարդը յարգողը զԱստուած է որ պատուած կ'ըլլայ: Աստուած մարդը ստեղծեց իր փառքին համար, հետեւաբար, մարդը սիրողը զԱստուած է որ փառաւորած կ'ըլլայ:

Սեպտեմբեր 26

«Զեզի նոր սիրտ պիտի տամ»

«*Զեզի նոր սիրտ պիտի տամ եւ ձեր ներսիդին նոր հոգի պիտի դնեմ*» (Եզ 36.26): ԶԱստուած սիրել ուզող մարդոց, Աստուած կը խոստանայ նո՞ր սիրտ, սիրո՞վ լեցուն սիրտ պարգևել, ինչպէս նաեւ նո՞ր հոգի, աստուածպաշտութեան կրակո՞վ վառած հոգի՛ պարգևել: Ինչպէս Ֆիզիֆապէս հիւանդ սիրտ ունեցող մարդը կարիքը ունի սրտի գործողութեան, այնպէս ալ անապաշխար մարդը, պէսք է ենթարկուի սրտի գործողութեան. գործողութիւն մը որ Սուրբ Հոգին կը կատարէ: Սուրբ Հոգին կը վերցնէ մեր ներսիդէն հին սիրտը, իսկ Յիսուս անոր փոխարէն նո՞ր սիրտ կը դնէ: Առանց այդ նոր սրտին չենք կրնար նո՞ր ու լիրալի՛ր յարաբերութեան մէջ ըլլալ Աստուծոյ հետ: Սիրելի՛ ընթերցող, թոյլ տուա՞ծ ես որ Սուրբ Հոգին կատարէ սրտիդ գոծողութիւնը:

Սեպտեմբեր 27

Սուրբ Հոգիին կատարած սրտի գործողութիւնը

(Ծրճկ. նախորդ քիւին)

Աստուծոյ եւ մարդոց կատարած գործողութեանց միջեւ տարբերութիւններ կան: Մարդոց կատարած սրտի գործողութիւնը երբեմն կը յաջողի եւ երբեմն կը ձախողի, բայց Աստուծոյ կատարած սրտի գործողութիւնը, միշտ ալ կը յաջողի: Ֆիզիֆական սրտի գործողութենէն ետք, մարդիկ կը կորսնցնեն իրենց կայտառութիւնն ու վառվունութիւնը, իսկ հոգեւոր սրտի գործողութենէն ետք, մարդիկ կը սկսին աւելի կենսուրախ եւ առոյգ ըլլալ: Դարձեալ, ֆիզիֆական սրտի գործողութենէն ետք, մարդիկ կը սկսին մնայուն կերպով ապրիլ վախով եւ զգուշութեամբ, իսկ հոգեւոր սրտի գործողութենէն ետք, անոնց ձերբազատած կ'ըլլան ամէն վախէ եւ ստրկութենէ:

Սեպտեմբեր 28

Առանց խոնարհեցման չկա'յ բարձրացում

Աստուծած կ'ուզէ իր զաւակները բարձրացնել եւ մեծարել, բայց այդ ընելու համար, վստահ ըլլանք որ ան մեզ պիտի անցնէ խոնարհութեան դասարաններէն: Որպէսզի Յիսուս մեզ առնէ իր ուսերուն վրայ ինչպէս առաւ կորսուած ոչխարը, պէտք է նախ Մարիամի նման սորվինք իր ոտքերուն քով նստիլ: Իր ոտքերուն քով չնստած, չփորձենք իր ուսերուն վրայ բարձրանալ: Ան որ կը մերժէ խոնարհեցուիլ, Աստուծած զայն չի բարձրացներ: Ան որ չ'ուզեր վիրաւորուիլ, բնա՛ւ կատարեալ հոգեւոր առողջութեան չի հասնիր: Յովսէփի եթէ փոսին մէջ չնետուէր, փարաւոնին գահը պիտի չբարձրանար: Դանիէլ եթէ առիւծներու գուբը չձգուէր, պիտի չարժանանար այնքան մեծարանքի:

Սեպտեմբեր 29

Սորվինք նայիլ Յիսուսին

Այնքան ատեն երբ մեր ուշադրութիւնը կեդրոնացուցած ենք մեր անձերուն վրայ, չենք կրնար հնազանդիլ Պօղոս առաքեալի խօսքին եւ նայիլ մեր հաւատքի հիմնադիրին՝ Յիսուսի (Եքր 12.2): Երբ կը փնտուենք աթոռներ որպէսզի իշխենք ուրիշներուն վրայ, Յիսուս երբեք չի կրնար բազմիլ մեր կեանքի աթոռին վրայ իշխանաբար: Իր ես-ը չուրացողը չի կրնար Յիսուսը ընդունիլ: Սիրելի՛ բարեկամ, ամէն մարդու մօտ մենք կը գտնենք «տեղ մը հասնելու» փափաքը: Ասոր մէջ սխալ բան չկայ: Բայց յիշենք հիմնական մէկ իրողութիւն, այն՝ որ մեր կեանքին նպատակը տեղ մը հասնիլը կամ բանի մը հասնիլը չէ, այլ Անձի մը հասնիլն է, այդ Անձին հետ նոյնանալն է, եւ այդ անձը Յիսուս Քրիստոս ի՞նքն է:

Սեպտեմբեր 30

Քրիստոնեայ մարդը՝ մարդոց միջեւ

Քրիստոնեայ մարդը իր հայեացքը դէաի երկինք ուղղողն է այո՛, բայց երկինքները թափառող կամ ամպերու վրայ ապրող մարդը չէ: Ան մաս կը կազմէ աշխարհին: Ան լոյսն է աշխարհին: Ան մարդկութեան հաւատքի նամբան ցոյց տուողն է: Ան իր նմանը երկինք առաջնորդող նամբան է: Ան երկինքի սիրոյ սերմերը երկրի վրայ ցանողն է: Ան Աստուծոյ գովարար շուրջն է արարածներուն կեանքին մէջ: Ան Յիսուսի օրինակին հետեւող մըն է: Ինչպէս Յիսուս Քրիստոս երկինք մնալով չէր կրնար օրինակ ըլլալ մարդոց, այնպէս ալ Քրիստոնեայ մարդը չի կրնար հաւատքի ու սիրոյ կենդանի օրինակ ըլլալ մարդոց, եթէ երբեք մարդոց կեանքին բաշուող եւ անոնցմէ հեռո՞ւ ապրիլ ուզող մէկը ըլլայ:

Հոկտեմբեր 1

Երկինքի դուռը բաց է առջեւդ

«Տունէն բաւական հեռու էր, երբ հայրը տեսաւ զինք ու գրաց» (Ղկ 15.20): Աստուած գիտէ թէ դուն որքան հեռու ես երկինքն: Ան տեղեակ է թէ ի՛նչ բաներ են որ քեզ երկինքն հեռացուցած են: Ան կը տեսնէ մեղքի այն տիղմը որուն մէջ միրճուած ես եւ որմէ մաքրուիլ կ'ուզես, բայց կը բաշուիս Աստուծոյ ներկայանալու: Ահա թէ ինչո՞ւ քեզ բաշալերելու համար քու մարմինիդ նման մարմին առաւ ու քեզի եկաւ: Փրկութիւնդ իրագործեց եւ մեկնեցաւ երկինք բայց մուտք չգործեց այդտեղ: Ինչպէս անառակ որդիին հայրը տունէն դուրս կը սպասէր իր որդիին դարձին, այնպէս ալ Աստուած, երկինքն դուրս քեզի՛ կը սպասէ: Ան երկինքը լիեց սիրոյդ համար, եւ այսօր, երկինքի դուռը բաց է պահած, դարձեալ քեզի համար:

Հոկտեմբեր 2

Աստուծոյ վազքը

«Վազելով դիմաւորեց զայթ» (Ղկ 15.20): Երբ հայրը տեսաւ որ որդիին դողդոցուն բայլերով կը մօտենար տունին, զայն գօտեպնդելու համար՝ վազեց դէպի իր կողմը: Աստուած պաղարիւն կերպով չի դիմաւորեր դարձի եկողները, այլ՝ վազելով, զերմութեամբ, փաթթուելով եւ համբուրելով: Աստուած մեր փրկութեան ու պաշտպանութեան համար վազող Աստուած է: Ո՛չ ո՞վ եւ ո՛չ մէկ բան կրնայ անոր վազքը կասեցնել:

Ան չի վագեր մեր վրայ այնպէս ինչպէս մարդ մը պիտի վագեր դաւանանի մը վրայ: Անոր վազքը գուրգուրալից հօր մը վազքն է: Ան կը վազէ դէպի մեր կողմը, հետը բերելով «լաւագոյն պատմութանը», «կօշիկ ու մատանի», մեծամեծ օրհնութիւններ ու միջիբարութիւններ:

Հոկտեմբեր 3

Աստուծոյ զաւակներէն կատարելութիւն չպահանջենի

Աստուծոյ նամբան ո՛չ միայն կատարեալ է, այլեւ կատարելութեան կ'առաջնորդէ, բայց այդ չի նշանակեր որ Աստուծոյ նամբէն բալողներէն իրաւունիք ունինիք կատարելութիւն պահանջելու: Եկեղեցւոյ գլուխը՝ Քրիստոս կատարեալ է, եկեղեցւոյ անդամները սակայն, անկատարներու ամբողջութիւն մըն են, հետեւաբար՝ եկեղեցի եկողներէն կատարելութիւն չպահանջենիք: Մէկը մատնանիշ ընելով այս ինչ կամ այն ինչ ապաշխարած անձին մէկ մեղքը թող զանիկա մատի փաթթոց չդարձնէ: Ամէն մարդ ինքնիր մատը ինքնիր մեղքերուն վրայ դնել թող սորվի: Աստուծոյ զաւակները բննադատողներուն կը յիշեցնեմ, որ Աստուած զիրենիք դատի պիտի կանչէ ինչպէս դատի կանչեց Սհարոնն ու Մարիամը, երբ անոնիք բննադատեցին իրենց եղբայրը՝ Մովսէսը: Աստուած իր բերանը պիտի չգոցէ երբ դուն բերանդ բանաս իր զաւկին դէմ:

Հոկտեմբեր 4

Առանց Քրիստոսի չկա'յ քրիստոնէական կեանի

Ո՞չ միայն դժուար է քրիստոնէական կեանիք ապրիլը, այլեւ՝ անկարելի: Անկարելի կ'ըլլայ եթէ երբեք Յիսուսի չենիք միացած ինչպէս նիւղ մը ծառին կը միանայ: Առանց Յիսուսի մենիք ոչինչ կրնանիք ընել (Յհ 15.5): Իսկ երբ Յիսուսի միացած ըլլանիք, ամէն ինչ կրնանիք տանիլ շնորհիւ իրեն, որովհետեւ ի՛նքն է որ մեզ կը զօրացնէ իր կամքը կատարելու համար (Փլա 4.13): Առանց Քրիստոսի օգնականութեան մենիք չենիք կրնար քրիստոնէական կեանիք ապրիլ: Առանց Քրիստոսի Հոգիին մենիք անկարող ենիք ապրելու աստուածպաշտութեան կեանիք, հոգեւոր կեանիք: Ահա թէ ինչո՞ւ Քրիստոս խոստացաւ Հօրը երթալէ ետք Սուրբ Հոգին դրկել մեզի (Յհ 14.16):

Հոկտեմբեր 5

Կատարել Աստուծոյ համար հանելին

Յանախ մարդիկ եւ Աստուած տարբեր եւ իրարու հակադրուող քաներ կը պահանջեն մեզմէ: Հրեայ ղեկավարներ պահանջեցին Պետրոս եւ Յովհաննէս առաքեալներէն չխօսիլ Յիսուսի մասին, իսկ անոնք ըսին. «Դո՛ւ դատեցէ՛ք, թէ Աստուծոյ աչքին ո՞րն է ուղիղը. ձեզի՞ հնազանդիլ, թէ՛ Աստուծոյ» (Գրծ 4.19): Մարդոց հանեցնել ուզողը չի կրնար ընել այն՝ ինչ որ Աստուծոյ համար հանելի է: Աստուծոյ կամքը կատարելով զայն հանեցնելը, հոգեւոր որեւէ գործէ աւելի՝ կարեւոր է: Ոչինչ պէտք է ընենք մարդիկը հանեցնելու նպատակով: Մեր կեանքին նպատակն ու միակ փափաքը զԱստուած հանեցնելը թող ըլլայ: Յիսուս իր ունկնդիրներուն յայտարարեց թէ ինք կը կատարէ այն՝ ինչ որ հանելի է իր Հօրը (Յհ 8.29):

Հոկտեմբեր 6

Աստուած այսօ՛ր ալ կը խօսի

Երբեմն մարդիկ կը յաւակնին ըսելու թէ Աստուած ա՛լ չի խօսիր, թէ ան լքած է աշխարհը եւ քաշուած երկինքի մէկ անկիւնը: Այսպէս մտածողներուն կը յիշեցնեմ որ «Յիսուս Քրիստոս նոյնն է միշտ – երէկ, այսօր, եւ յաւիտեան» (Եբթ 13.8): Ան կը խօսի՝ այսօր. «Այսօր երբ կը լսէ՛ Աստուծոյ ձայնը...» (Եբթ 3.7): Ան ո՛չ միայն կը խօսի այսօ՛ր, այլեւ կը խօսի հիմա՝. «Հիմա՝ է այդ յարմար ժամանակը. հիմա՝ է փրկութեան օրը» (Բ.Կր 6.2): Աստուած միշտ կը խօսի: Մարդուն կը մնայ ականչ տալ ու սիրտ քանալ անոր կենդանարար խօսքին դիմաց: Ան կը խօսի յատկապէս Աստուածաշունչին նամբով: Սիրելի՝ ընթերցող, Սամուելի նման Տիրոջ ըսէ. «Ո՞վ Տէր, խօսէ՛, քանզի քու ծառադ մտիկ կ'ընէ» (Ա.Թգ 3.9), եւ պիտի տեսնես թէ ան ո՛րքան յստակութեամբ պիտի խօսի:

Հոկտեմբեր 7

Միայն Յիսուս կրնայ փրկել

«Մա՛յր ազատէ՛ զիս մահէն: Մա՛յր չեմ ուզեր մեռնիլ»: Այսպէս աղաղակեց երիտասարդ մը իր մօրը, ինքնաշարժի ծանր արկածի մը հանդիպելէ ետք: Մայրը դառնօրէն լացաւ. լացաւ յատկապէս որովհետեւ ոչինչ կրնար ընել, իր զաւակը ազատելու համար մահէն: Աշխարհի մէջ մեզի ամէնէն մօտիկ եւ մեզ ամէնէն շատ սիրող անհատներն անգամ չեն կրնար մեզ ազատել երբ մահը գայ մեր դոները թակելու: Եթէ ասիկա իրական է մարմնաւոր մահուան պարագային, նոյնին եւ աւելի իրական է հոգեւոր մահուան պարագային: Յիսուսէն զատ ուրիշ մէկը չի կրնար մեզ փրկել (Գրծ 4.12): Մեզ չեն կրնար փրկել ո՛չ քարոզիչները եւ ո՛չ ալ

նգնաւորները, ո՞չ սուրբերը եւ ո՞չ ալ հրեշտակները, այլ միայն Յիսուս, որուն փա՛ռք յաւիտեանս ամէն:

Հոկտեմբեր 8

Մի՛այն սիրողը թող գործէ

Յիսուս երեք անգամներ Պետրոս առաքեալին հարցուց. «*Ախմո՞ւ, Յովաննի՛ Որդի, կը սիրե՞ս զիս*» (Յհ 21.16): «*Այո՛ Տէ՛ր*», պատասխանեց ան, – «*Դուն զիտես որ կը սիրեմ ժեզ*»: «*Արածէ՛ իմ ոչխարներս*» – ըստ Յիսուս անոր: Յիսուսը սիրողը կատարելիք գործ ու ծառայութիւն ունի մարդոց կեանքին մէջ: Արածելը, մեր նմանին հոգեւոր անման համար ժրաշանօրէն աշխատին է: «*Արածէ՛ իմ ոչխարներս*»: Ասիկա Յիսուսի կոչն է ամէն մէկ քրիստոնեայի: Յիսուս արածելու պաշտօնը Պետրոսի յանձնելէ առաջ, նախ հարց տուաւ անոր. «*Կը սիրե՞ս զիս*»: Սէրը կը մղէ աշխատելու ուրիշին համար: Երբ սէրէ մղուած չէ որ կը գործես՝ չգործես աւելի լաւ է: Եթէ Յիսուսը չես սիրեր, մի՛ գործեր Յիսուսի անունով: Գործէ միայն ա՛յն ատեն երբ Յիսուսի սէրը գործէ սրտիդ մէջ:

Հոկտեմբեր 9

Մեր փրկութիւնը սխալ տեղ չփնտոենք

Ինչպէս մէկը դաշնակ մը առնելով եւ իր տունը դնելով դաշնակահար չ'ըլլար, այնպէս ալ մէկը իր վիզեն խաչ կախելով՝ քրիստոնեայ չ'ըլլար: Զե՛նք կրնար փրկուիլ ո՛չ մեր վիզերէն խաչ կախելով եւ ո՛չ ալ խաչին վրայ կախուելով: Զե՛նք կրնար փրկուիլ ո՛չ եկեղեցի երթալով եւ ո՛չ ալ եկեղեցի հիմնելով: Զե՛նք կրնար փրկուիլ ո՛չ քարոզ տալով եւ ո՛չ ալ քարոզ լսելով: Զե՛նք կրնար փրկուիլ ո՛չ աղքատներուն օգնելով եւ ո՛չ ալ աղքատանալով: Զե՛նք կրնար փրկուիլ այս կամ այն յարանուանութեան պատկանելով: Զե՛նք կրնար փրկուիլ ո՛չ մեկնարան եւ ո՛չ ալ աստուածաբան ըլլալով: Զե՛նք կրնար փրկուիլ ո՛չ Աստուածաշունչ կարդալով եւ ո՛չ ալ տպելով: Զե՛նք կրնար փրկուիլ որոշ մեղքերէ կամ բոլոր մեղքերէն հրաժարելով: Կրնանք փրկուիլ մի՛այն Յիսուսը ընդունելով: Ընդունելով իբրև Տէր եւ Փրկիչ:

Հոկտեմբեր 10

Աղօթքը խնդրանք ու ըսելիք չէ միայն

Ընդհանրապէս մարդիկ կ'աղօթեն երբ բանի մը կարիքը ունին: Ոմանք կ'աղօթեն բժշկութեան, միխթարութեան, խաղաղութեան եւ

գործերու յաջողութեան համար. ուրիշներ կ'աղօթեն եւ կը խնդրեն Աստուծմէ զօրութիւն՝ իր կամքը կատարելու, ուրախութիւն՝ նեղութեանց մէջ, հաւատարմութիւն՝ ամէն պարագայի մէջ։ Հաւատացեալներ հազար ու մէկ ըսելիք ունին Յիսուսի աղօթքի պահուն։ Սիրելի՛ եղբայր եւ քոյր, պատահա՞ծ է որ աղօթքի կանգնիս եւ որեւէ տեսակի խնդրանից չունենաս։ Պատահա՞ծ է որ պարզապէս փափաք ունենաս լուր ու մունջ նստիլ Աստուծոյ դիմաց եւ Աստուծոյ հետ։ Երբեք ըսա՞ծ ես Աստուծոյ. «Տէ՛ր, այսօր խնդրելիք չունիմ, ըսելիք չունիմ։ Այսօր պարզապէս քովդ նստելու եկած եմ, մերկայութիւնդ ըմբռշիմել կ'ուզեմ»։

Հոկտեմբեր 11

Դժուարին պահերուն Տէրը զօրավիգ է մեզի

Երբ Յիսուս ի՛նք ըլլայ առաքելութեամբ մը մեզ տեղ մը դրկողը, չի նշանակեր որ դժուարութեանց պիտի չհանդիպինք։ Յիսուս ի՛նքն էր որ «ստիպեց որ աշակերտները ճաւակ ելլեն եւ իրմէ առաջ երթան լինին միւս կողմը» (Մտ 14.22)։ Ճակառակ ասոր, աշակերտները փոթորիկի բննուցան։ Երբ կը դրկուինք Տիրոջ կողմէ, բնական է որ ակնկալենք թէ ամէն ինչ յաջող եւ հեզասահ ընթանայ, բայց շուտով կը նշմարենք որ Տիրոջ կամքը ընելու համար՝ նոյնինքան դժուարութիւններու կը բաղխինք որքան պիտի բաղխէինք մեր սեփական կամքը ընելու համար։ Տարբերութիւնը սակայն մեծ է։ Եթէ Տիրոջ կամքը կատարելու համար դժուարութեան բաղխինք, կը վայելենք Տիրոջ զօրակցութիւնը, իսկ եթէ մեր կամքը կատարելու համար դժուարութեան բաղխինք, առանձին ենք։

Հոկտեմբեր 12

Աստուած չարիքը բարիքի կը վերածէ

Աշխարհ չարիքներով լեցուն է։ Անոնք մեր չորս դին կը վխտան։ Բայց շնորհակալութիւն ու փա՛ռք Աստուծոյ, որ կարող է մեր կեանքը լեցնող չարիքները առնել եւ զանոնք բարիքի վերածել։ Եթէ վստահինք Աստուծոյ, ան կրնայ առնել անիծարեր պատահարները մեր կեանքին եւ զանոնք վերածել օրինաբեր առիթներու։ Ան կրնայ մեզի հանդէպ խորհուած ու ծրագրուած չարիքները «աղէկի դարձնել» (Ծն 50.20)։ Յիշեցէք որ ան Յիսուսի մահէն կեա՛նք դուրս բերաւ, անոր փուշէն լուսեպսա՛կ կազմեց։ Ան մեծ նարտարութեամբ մահաբեր աղէտներէն կենսաբեր աղբիւրներ կը բղխեցնէ։ Ան արցունիքով լեցուն մեր բաժակները, ուրախութեամբ զեղուն ովկիանոսի կը փոխակերպէ։

Հոկտեմբեր 13

Յիսուս մեր արցունիքները պիտի սրբէ

«Անոնց աչքերէն ամէն արցունիք պիտի սրբէ...» (Յա 21.4): Ասիկա Աստուծոյ անպատում խոստումն է մեզի: Գիտե՛մ, սիրելի՝ հաւատակից, գիտե՛մ թէ որքա՞ն արցունիք քափած ես առանձնութեանդ պահերուն մէջ: Արցունիքիդ բոլոր կաթիները Աստուած հաւաքած է իր տիկին մէջ (Սղ 56.8): Ան երբեք պիտի չմոռնայ քու եւ այլոց մեղքին համար հեղած արցունիքներդ: Ան ուրախութեան պիտի փոխէ տրտմութիւնդ, երբ իր Որդին վերստին յայտնուի: Ան քեզի համար պատրաստած է երկինք մը ուր չկա՛յ ցաւ ու վիշտ, ուր չկա՛յ արցունիք ու սուգ, ուր չկա՛յ մահ եւ դժբախտութիւն: Յիսուս իր տաքուկ ձեռքերով պիտի սրբէ արցունիքներդ: Իր օրհնեալ ձեռքերով պիտի սրբէ քրտինքներդ:

Հոկտեմբեր 14

Արգելք մի՛ ըլլաք Յիսուսի անունով գործողներուն

Պէտք է գլուխ ծոել եւ ամէն յարգանիք ընծայել բոլոր անոնց՝ որոնց Յիսուսի սէրը կը բարողեն եւ որոնիք Յիսուսի համար կ'երգեն: Պէտք չէ անոնց արգելք հանդիսանալ, ընդհակառակը, պէտք է նեցուկ կանգնիլ անոնց: Երբ աշակերտները եկան եւ Յիսուսի ըսին թէ տեսան մէկը որ իր անունով չար ոգիներ դուրս կը հանէր եւ արգիլցին, Յիսուս անոնց ըսաւ. «Արգելք մի՛ ըլլաք իրեն...» (Մք 9.39): Այն', արգելք մի՛ ըլլաք ոեւէ մէկուն որ Յիսուսի փառքին համար կ'աշխատի: Աստուածային հրաման է ասիկա: Ո՛չ ոք իրաւունք ունի բարեգործութիւնը արգիլելու: Եթէ մարդիկ մեր խումբին մէջ եւ մեր ուզածին պէս չեն գործեր, այդ չի նշանակեր որ պէտք է արգելք ըլլանիք անոնց, «կը բաւէ որ Քրիստոս կը բարողուի» (Փլպ 1.18):

Հոկտեմբեր 15

Հարստութիւնդ չհպարտացնէ քեզ

Ան որ հարստութեան տէր դառնալէ ետք կը շարունակէ Աստուծոյ վստահիլ փոխանակ իր անձին՝ ան վեհանձն մարդ է, ան առաքինի մարդ է: Այն անձը որ չ'առաջնորդուիր հպարտութեան երբ դրամի տէր կը դառնայ՝ այն անձը պիտի վարձատրուի Աստուծոյ կողմէ իր հեզութեան եւ խոնարհութեան համար: Ան որ կը կորսնցնէ իր հարստութիւնը, բայց կը շարունակէ պահել իր հաւատքը, ապացուցած կ'ըլլայ թէ իր սիրտը Աստուծոյ կապուած է եւ ո՛չ թէ Աստուծոյ տուածին: Քրիստոնեայ

մարդուն համար իսկական հարստութիւնը Քրիստոս ի՛նքն է: Պօղոս առաքեալ կը վկայէ թէ «աներեւակայելի գանձ մըն է Քրիստոս» (Եփ 3.8): Դուն գտա՞ծ ես Քրիստոսը սրտիդ մէջ: Ան հն'ն է: Սրտիդ հողին տակ թաղուած անգին ոսկիի նման:

Հոկտեմբեր 16

Ազատ ծառայութեան վարձատրութիւնը

Երբ կը ծառայենք լոկ որովհետեւ մեր պարտականութիւնն է, պիտի գնահատուինք Աստուծոյ կողմէն, իսկ երբ կը ծառայենք առանց պարտաւոր ըլլալու՝ ո՛չ միայն պիտի գնահատուինք, այլեւ պիտի վարձատրուինք ու պատրուինք: Քրիստոնեան պէտք է ընէ այնպիսի՝ գործեր որոնք իրմէ չեն պահանջուիր, եւ որոնք սակայն, հրճուանք կը պատճառեն Աստուծոյ: Զգո՞յշ ըլլանք չխորհելու, թէ՝ ո՛րքան շատ աշխատինք, այնքան աւելի պիտի վարձատրուինք: Այդպէս մտածողներուն համար Յիսուս կ'ըսէ. «Կը կարծէին թէ աւելի պիտի ստանան...» (Մտ 20.10): Առանձնութեան պահ մը որուն ընթացքին մեր սրտի ամբողջ սէրը կը նուիրաբերենք Յիսուսին, հազա՞ր անգամ աւելի թանկագին է քան մեր ամբողջ կալուածներուն նուիրաբերումը:

Հոկտեմբեր 17

Բնութիւնը շարժեցաւ, իսկ ես՝ ոչ

Տէ՛ր, երբ հոգիդ աւանդեցիր՝ երկիրը շարժեցաւ, իսկ իմ սիրտս անշարժ մնաց: Ժայռերը պատռուեցան, իսկ իմ հոգիս մերժեց պատռուիլ եւ իրմէ դուրս շպրտել անհաւատութիւնը: Գերեզմանները բացուեցան, իսկ բերանս գոց մնաց եւ վախցաւ վկադ ըլլալու: Մեռելները յարութիւն առին, իսկ ես՝ կենդանիս, մեղքի մէջ մեռած մնացի: Արեւը խաւարեցաւ, իսկ ես չուզեցի մեղքի խաւարէն դուրս գալ: Բնութիւնը որ ոչինչ ունի իր մէջ քու բնութենէդ, խաչուիլդ տեսնելով՝ ֆեզի խաչակից ու չարչարակից եղաւ, իսկ ես, որ բնութենէդ գոնէ կաթիլ մը ունիմ մէջս, սիրտս չսարսեցաւ սրտիդ աղաղակը լսելով, եւ ո՛չ ալ հոգիս նմուեցաւ՝ տանջալից հոգիիդ աւանդումին ականատես ըլլալով:

Հոկտեմբեր 18

Աստուած մեզ փառաւորող աղօթքին չի պատասխաներ

Աստուած չ'ուզեր պատասխանել մեր աղօթքներուն եթէ երբեք անոնք փոխանակ զինք փառաւորելու, մե՛զ պիտի փառաւորեն: Ան չ'ուզեր մեր կեանքերուն մէջ կատարել այնպիսի՛ գործեր որ կրնան մեզ առաջնորդել հպարտութեան: Աստուած կը սկսի պատասխանել մեր աղօթքներուն միայն ա՛յն ատեն՝ երբ սորվինք զինք փառաւորել եւ ի՛ր, միայն ի՛ր փառքը փնտոել: Մտաբերենք պահ մը այն բոլոր աղօթքները որոնք մատուցած ենք Յիսուսի անունով, որոնք սակայն եթէ պատասխանուէին, Յիսուսի անունը չէր որ պիտի փառաւորուէր, այլ՝ մեր անունը: Ամէն աղօթքի պատասխան ստանալը կրնայ մեզ առաջնորդել հպարտութեան, իսկ հպարտութիւնը՝ կործանումի:

Հոկտեմբեր 19

Փառք փնտող մարդը չի կրնար զԱստուած փառաւորել

Աստուած չի փառաւորուիր կեանքին մէջ մէկու մը որ մարդոցմէ փառք ու փառաբանութիւն կը փնտոէ: Աստուծոյ անունով գործող անձ մը պէտք է զգոյշ ըլլայ Աստուծոյ փառքն ու պատիւը չիւրացնելու: Ամէնէն գէշը այն է՛ որ երբ կը ճեւացնենք թէ փառք չենք փնտոեր, բայց ներքնապէս ամբողջ սրտով կը ցանկանք ծափահարուիլ ու մեծարուիլ: Սա ծածուկ ամբարտաւանութի՛ւն է: Սա հոգիի գոռողութի՛ւն է: Սա Բարձրեալէն աւելի բարձրացուիլ ուզել է: Որքա՞ն մարդիկ կան որոնք Աստուծոյ տան մէջ Աստուծոյ տեղը գրաւել կ'ուզեն, Աստուծոյ տան մէջ Աստուծմէ աւելի փառաւորուիլ կը ցանկան: Այդպիսի մարդիկ ո՛չ միայն չեն կրնար պատճառ ըլլալ որ Աստուած փառաբանուի, այլ նոյնիսկ չեն անդրադանար Աստուծոյ մեծութեան:

Հոկտեմբեր 20

Յիսուս քեզի համար եկաւ

Աստուծոյ Որդին դարձաւ Մարդու Որդի, որպէսզի Աստուծոյ որդի դառնալու նամբան բանայ առջեւդ: Դարձա՞ծ ես: Աննիւթականը նիւթական մարմին ստացաւ, որպէսզի քեզ ազատագրէ նիւթի տիրապետութենէն: Ազատագրուա՞ծ ես: Աստուծոյ ամենասուրբ Որդին մեղքիդ ցեխով ցեխոտեցաւ որպէսզի քեզ մաքրէ ու սրբէ: Մաքրուած ու սրբուա՞ծ ես: Փրկութեանդ համար աշխարհ եկաւ. փրկուա՞ծ ես: Եթէ չես փրկուած, եթէ տակաւին սիրտդ չես բացած փրկութեան շնորհին առջեւ, ըսէ՛ ինձի, ի՞նչ պատասխան պիտի տաս Փրկիչին երբ կորսուած վիճակի մէջ իր առջեւ կանգնիս: Ինչպէ՞ս պիտի արդարացնես դուն քեզ կամ քու

անապաշխարութիւնդ: Ի՞նչ պատրուակ պիտի ներկայացնես զինք ընդունած չըլլալուդ համար:

Հոկտեմբեր 21

**Կարեւորագոյնը տուողը,
կարեւորն ալ կու տայ**

Եթէ Աստուած իր Որդին իբրեւ կեանքի Հաց բաշխեց մեզի, արդե՞օֆ պիտի զլանայ տալ մեզի նիւթական հաց, եթէ խնդրենք իրմէ: Եթէ Աստուած կենսատու Աղբիւրէն խմել արտօնեց մեզի եւ կշտացուց մեր հոգիները, արդե՞օֆ թոյլ պիտի տայ որ մեր լեզուները ցամֆին: Եթէ Աստուած լաւագոյն պատմութանը շնորհեց մեզի եւ ծածկեց մեր հոգեւոր մերկութիւնը, արդե՞օֆ պէտք է մտահոգ ըլլալ մեր հագուելիքին մասին: Եթէ Աստուած կամեցաւ ինձի հետ ապրիլ երկրի վրայ, արդե՞օֆ պիտի չկամենայ որ ես իրեն հետ ապրիմ երկինքի մէջ: Եթէ Անփոփոխ փոխուեցաւ ու մարդ դարձաւ, արդե՞օֆ անկարող է փոխել մշտափոփոխ անձն եւ զիս առաջնորդել վատէն՝ լաւին, եւ լաւէն՝ լաւագոյնին:

Հոկտեմբեր 22

Աստուծոյ հետ մի՛ վիճիր

Կրնա՞ս Ամենակարողին ըսել. «Տէ՛ր, դուն կարող չես գօրութիւն տալ ինձի՛ Զարին դէմ պայֆարելու համար»: Կրնա՞ս Ամենասուրբին ըսել. «Տէ՛ր, դուն չես կրնար զիս սրբել մեղքերէս, որովհետեւ մեղքերս անհումօրէն շատ են եւ անսահմանօրէն՝ սեւ»: Կրնա՞ս Բարձրեալին ըսել. «Տէ՛ր, դժուար է զիս բարձրացնել յուսահատութեան անդունդէն»: Կրնա՞ս աշխարիի Ապաւենին ըսել. «Տէ՛ր, երբ մարդիկ վրաս յարձակին, երբ անոնք զիս զրպարտեն, կը վարանիմ Ապաւենիդ ապաւինիլ»: Կրնա՞ս Ամենագէտին ըսել. «Տէ՛ր, դուն չես գիտեր թէ ի՞նչպիսի նեղութիւններէ կ'անցնիմ»: Կարելի՞ բան է Ամենագէտին ըսել՝ չես գիտեր, Սուլբին ու Սրբողին ըսել՝ չես կրնար սրբել, Ամենակարողին՝ անկարող ես: Մեղքդ Յիսուսի արիւնէն աւելի հզօր չի կրնար ըլլալ:

Հոկտեմբեր 23

Ի՞նչ է մահը

Քրիստոս իր մահո՞վ էր որ բացաւ անմահութեան դուռը: Քրիստոսի մահո՞վ էր որ մենք դարձանք անմահ Աստուծոյ անմահ զաւակները: Քրիստոսի մահով, մահը դադրեցաւ յուսալքութեան առիթ ըլլալէ եւ

դարձաւ կենդանարար Յոյսին բացուելու գեղեցկագոյն առիթ: Ինչպէս իւրաքանչիւր սենեակ իր սեմը ունի, այնպէս ալ երկինքը իր սեմը ունի, որ նոյնինքն մահն է: Այս կեանքը երազ մըն է: Երկրաւոր կեանքի աւարտին կայ մահը որ կ'օգնէ մեզի արթնալու երազէն: Մահը փոխադրամիջոց մըն է՝ աշխարհէն դէպի աշխարհի Փրկիչը: Մահը երկրի կեանքը երկինքի կեանքին կապող օղակն է: Մահը երկրի էջը դարձնել եւ երկինքի էջը բանալ մըն է: Սիրելի՛ ընթերցող, կը մաղթեմ որ քեզի համար ալ մահը նոյնը ըլլայ:

Հոկտեմբեր 24

Յանկալ Աստուծոյ ամէն բանի մէջ

Հասուն հաւատացեալ մարդը երբ իր նմանին աշքերուն նայի՝ հոն Աստուած է որ կը տեսնէ: Երբ նաշէ՝ սիրտը Յիսուսով կշտանալ կը ցանկայ: Երբ խմէ՝ հոգին կենաց Աղքիւրին բացուի կ'ուզէ: Երբ նստի՝ ինքոյինք Յիսուսի ոտքերուն քով նստած կը զգայ: Երբ կարդայ՝ Աստուծոյ խօսքն է որ կը լսէ: Երբ քալէ՝ Աստուծոյ է որ կը հետեւի: Երբ աշխատի՝ զԱստուած է որ կը կնտուէ: Երբ գործէ՝ Յիսուսի գործն է որ կը գործէ՝ Յիսուսի գործակցութեամբ: Երբ հանդիպի հոգեւորապէս ծարաւ մէկու մը, անոր մէջ զԱստուածն է որ կը տեսնէ ծարաւցած, եւ կ'օգնէ անոր գտնելու զԱստուած եւ գտնուելու Աստուծոյ կողմէ: Սուրբ Հոգիով հասունցած մարդը տանար մըն է ուր Արարիչ ու արարած իրարու կը հանդիպին:

Հոկտեմբեր 25

Մէկը չի կրնար դէմ դնել մեզի

Մէկը չի կրնար մեզ տնազուրկ ընել որովհետեւ մեր տունը երկինքն է: Մէկը չի կրնար մեզ անօթի պահել որովհետեւ Յիսուս մեր կերակուրն է: Մէկը չի կրնար մեզ սպանել որովհետեւ մենք Յիսուսով կենդանացած ենք յաւիտենապէս: Կրնան մեզ տրտմեցնել բայց չեն կրնար յուսահատեցնել որովհետեւ մեր յոյսը Աստուած է: Կրնան մեզի դէմ պայքարի բայց չեն կրնար յաղթել որովհետեւ ամենակարողն Աստուած մեր թիկնապահն է: Աշխարհ կրնայ մեզ վիրաւորել խորապէս եւ կը վիրաւորէ, բայց կը յիշեցնենք աշխարհին, որ մեր ստացած վերքերը մահացու վերքեր չեն, մնայուն ցաւ պատճառող վերքեր չեն, որովհետեւ մահացու վերքէն՝ մեղքի վերքէն, անհաշտութեան վերքէն, մենք ազատած ու բժշկուած ենք Յիսուսով:

Հոկտեմբեր 26

Զկա՞յ պարտութիւն Աստուծոյ զաւակին

Եթէ Աստուծոյ զաւակն ես եւ կը տառապիս, մի՛ զարմանար ատոր համար. յիշէ որ «Աստուած ո՛չ միայն Քրիստոսի հաւատալու շնորհքը տուաւ (Քեզի), այլ նաև անոր համար չարչարուելու շնորհք» (Փլա 1.29): Ինչպէս ֆեզի համար պատիւ պիտի նկատուէր վերք ստանալ երկրիդ թագաւորին համար, այնպէս ալ պատիւ սեպէ երբ թագաւորաց Թագաւորին՝ Յիսուսի համար վերք կը ստանաս: Աշխարհ կրնայ ֆեզի դէմ պատերազմիլ բայց չի կրնար յաղթել ֆեզ, եթէ Աստուծոյ զաւակն ես: Աստուած թոյլ պիտի չտայ որ իր անունին ապաւինածները պարտութիւն կրեն: Դուն ապաւինա՞ծ ես Աստուծոյ անունին: Զայն դարձուցա՞ծ ես զօրավարդ: Եթէ չես դարձուցած՝ մի՛ ակնկալեր յաղթող ըլլալ:

Հոկտեմբեր 27

Կ'անդրադառնա՞նք թէ ո՞վ է Աստուած

Երբ մտածենք Աստուծոյ բացարձակ սրբութեան մասին, ա՛յն ատեն միայն պիտի դադրինք մեր սեփական մաքրութեան փառաբանանքը կատարելէ: Երբ խորիինք Աստուծոյ բարձր ու բարձրեալ ըլլալուն մասին, ա՛յն ատեն միայն կարող պիտի ըլլանք աերբազատիլ մեծամտութենէ եւ մեծ գահեր որոնելէ: Երբ անդրադառնանք Աստուծոյ ամենագիտութեան, ա՛յն ատեն միայն մեր տգիտութիւնը պիտի պարզուի մեր աչքին առջեւ: Երբ մարդը յստակ գաղափար ունենայ Աստուծոյ արդարութեան վերաբերեալ, ա՛յն ատեն միայն զգո՞յշ պիտի ըլլայ մեղք գործելու անոր աչքերուն առջեւ: Երբ մարդը գիտնայ որ Աստուած Տէր է, ա՛յն ատեն միայն պիտի հնազանդի անոր եւ կատարէ անոր կամքը:

Հոկտեմբեր 28

Մարդը Աստուծոյ սիրոյն պտուղն է

Աստուած սէր է, իսկ մարդը՝ Աստուծոյ սիրոյն պտուղը: Եթէ սիրենք մարդիկը զԱստուած է որ սիրած կ'ըլլանք: Ինչպէս աստղերը կը կազմեն գեղեցկութիւնը երկինքին, այնպէս ալ մարդիկ՝ ուրախութիւնը Աստուծոյ: Մարդը տրտմեցնող մարդը՝ զԱստուած է որ տրտմեցուցած կ'ըլլայ: Մարդը չի կրնար սիրով միանալ իր նմանին, եթէ երբեք ատելութեամբ բաժնուած է Յիսուսէն: Մարդը անկարող է համերաշխ ըլլալ իր ընկերոց հետ, եթէ գժուած է երկինքի հետ: Ան որ շիտակ չէ Աստուծոյ հետ իր յարաբերութիւններուն մէջ, չի կրնար շիտակ ըլլալ իր

Ամանին հետ յարաբերական գետնի վրայ: Ան որ կը նախատէ Աստուծոյ ձեռքին գործը՝ մարդը, զԱսուած է որ նախատած կ'ըլլայ:

Հոկտեմբեր 29

Մեր կեանքին նպատակը փրկուիլը չէ, այլ...

Մեր կեանքին նպատակակէտը Յիսուսը ընդունիլը եւ փրկուիլը չէ, այլ փրկուելէ ետք, անոր հետ սիրալիր եւ մտերիմ յարաբերութիւն մշակելն է: Կրօնանք փրկուիլ առանց շատ մօտիկ ըլլալու Յիսուսի: Կրօնանք երկինք մտնել առանց կատարելապէս անոր հետ մէկ եղած ըլլալու: Երբ ընդունինք Յիսուսը իբրեւ մեր Փրկիչը՝ Սուրբ Հոգին կը հպի մեզի: Սակայն հպիլը տարբեր է, լեցնելը՝ տարբեր: Մենք պէտք չէ գոհանանք Սուրբ Հոգիին հպումովը մեզի, այլ պէտք է ջանանք լեցուիլ անով: Գրիչ մը ըսած է. «Երբ ընդունինք Քրիստոսը իբրեւ Փրկիչ, կը ստանանք Սուրբ Հոգիին պարգեւը, իսկ երբ ընդունինք Քրիստոսը իբրեւ Տէր՝ կը ստանանք Սուրբ Հոգիին լեցումութիւնը»: Առատօրէն Ս. Հոգիով լեցուիլն է որ կը ստեղծէ մտերիմ ու մօտիկ յարաբերութիւն մեր եւ Յիսուսի միջեւ:

Հոկտեմբեր 30

Ոչինչ եւ ո՛չ ո՛ք կ'ազդէ հաւատացեալին վրայ

Ճշմարիտ քրիստոնեան գովեստի խօսքերուն դիմաց չի' շիանար եւ չ'այլայլիր. քննադատական մօտեցումներուն դիմաց՝ չի' յուսալքուիր. հակառակութիւններու դիմաց՝ չ'ընկըրկիր. հալածիչներու դիմաց՝ չի' տկարանար. ծափահարիչներու առջեւ՝ ինքզինք շոյուած ու փայփայուած չի զգար. կարիքի դիմաց՝ իր վստահութիւնը չի' կորսնցներ. աղքատութեան դիմաց՝ չի' դժգոհիր եւ հարստութեան դիմաց՝ չի հպարտանար. առողջութեան ժամանակ՝ չի' մոռնար զԱսուած եւ հիւանդութեան ժամանակ՝ իր խաղաղութիւնը կը պահէ: Հաւատացեալ մարդուն սէրը Յիսուսի հանդէպ ո՛չ կը նսեմանայ փորձութեան ժամանակ եւ ո՛չ ալ կը զօրանայ խաղաղութեան ատեն:

Հոկտեմբեր 31

Յիսուս կը փնտոէ ծարաւ հոգիները

Յակորի Զրիորին քով Յիսուս կը հանդիպի Սամարացի կնոջ մը որ եկած էր ջուր քաշելու եւ կը խօսի անոր կենսատու ջուրին մասին: Յիսուս ինքն էր որ սկսաւ խօսակցութիւնը: Սկսաւ եւ փրկութեան բերաւ կինը: Եթէ Յիսուս չսկսի խօսելու մեր սրտին՝ մենք չենք կրնար գալ իրեն:

Յիսուս ի՞նքն է որ մեզ կը բերէ Աստուծոյ: Սամարացի կինը ո՛չ միայն ջուրի ծարաւ էր, այլև՝ նշմարտութեան: Ունեցած էր հինգ ամուսիններ որոնի սակայն չէին կրցած լեցնել իր սրտի դատարկութիւնը որ կը տանջէր զինք: Եւ ահա իրեն կը հանդիպի ամէն դատարկութիւն լեցնող Մեսիան, ամէն հոգի փրկող Ազատարարը: Սիրելի՝ բարեկամ, Յիսուս քեզի ալ կը հանդիպի ամէն օր: Եթէ հոգեւոր ծարաւ ունիս՝ անպայման պիտի լսես ու տեսնես զինք, քանի որ ինք հոգեպէս ծարաւ մարդիկն է որ կը փնտոէ, տալու համար անոնց «կենաց ջուրը», այսինքն՝ Սուրբ Հոգին:

Նոյեմբեր 1

Ճշդէ՛ կեանֆիդ նպատակը

Կեանֆին ընթացքին նպատակ ու տեսիլք ունեցող մարդն է որ կը պայքարի: Յատակ նպատակ ունեցող մարդը մի՛շտ արթուն եւ մի՛շ եռանդուն կ'ըլլայ: Հոգեւոր նպատակ ունեցող մարդուն սրտին մէջ կ'եռայ՝ Աստուծոյ Հոգին: Քու մէջդ ի՞նչը կ'եռայ, սիրելի՝ ընթերցող, Աստուծոյ Հոգին, թէ՛ աշխարհի հոգին: Ի՞նչ բան կեանֆիդ նպատակ դարձուցած ես: Յիսուսը սիրելը եւ աւելի ու աւելի իրեն մտերմանալը դարձուցա՞ծ ես կեանֆիդ նպատակը: Կեանֆիդ նպատակ դարձուր Յիսուսը նանչնալն ու նանչցնելը: Խնդրէ՛ Յիսուսէն որ զինք նանչնալու փափաք բոնկեցնէ ներսիդիդ: Աղաք՛ իրեն որ օգնէ քեզի որ կարենաս իրեն մտերմանալը դարձնել կեանֆիդ նպատակը: Աննպատակ կերպով մի՛ ապրիր երբ անդին ամբողջ երկինք մը կայ քեզի սպասող:

Նոյեմբեր 2

Կիրակի օրը՝ Տիրոջ մէջ հանգչելու օր է

«Բնաւ չդադրինք պաշտամունքի հաւաքոյթներուն մասնակցելէ...» (Եթ 10.25): Աստուածային հրահանգ է որ Աստուծոյ զաւակները միշտ եկեղեցի յանախեն: Ուրէ մէկը թող չպատճառաբանէ թէ ինք շատ զրադած է եւ հետեւաբար եկեղեցի չի կրնար երթալ Կիրակի օրերը: Յիսուսէն աւելի՞ զրադած ենք: Յիսուս մնայուն կերպով տանար կը յանախէր: Ան ուզեց օրինակ դառնալ մեզի: Մէկը թող չըսէ թէ ինք շաբաթը վեց օր կ'աշխատի եւ եղած չեղածը մէկ օր ունի հանգիստի, այդ ալ Կիրակի օրն է: Ո՞ւր կ'ուզես հանգիստ ընել կամ ո՞ւր կը գտնես հանգիստդ: Պատշգամ դրուած խորովածին դիմա՞ց, անկողինի՞ մէջ, կլկլակին առջե՞ւ: Ա՞յս է քեզի համար հանգիստը: Յիսուս չըսա՞ւ որ եթէ իրեն գաս քեզի հանգիստ պիտի շնորհէ (Մտ 11.28): Զե՞ս հաւատար իր տուած խոստումին:

Նոյեմբեր 3

Տիրոջ օրը Տիրոջ տան մէջ պէտք է ըլլալ (Ծրճկ. նախորդ թիւին)

«Կիրակի» բառը կը նշանակէ «Տիրոջ օր»: Տիրոջ օրը Աստուծոյ օրն է: Հաւատացեալ մարդը Աստուծոյ օրը, Աստուծոյ տան մէջ եւ Աստուծոյ ժողովուրդին հետ պէտք է ըլլայ: Եթէ հաւատացեալ ենք, չենք կրնար մեր հաւատքը արտայայտել՝ տուն մնալով, երբ անդին Աստուծոյ զաւակները համախմբուած են իրենց հաւատքի հիմնադիրին՝ Քրիստոսի շուրջ: Աստուծոյ իրաւ զաւակը չի կրնար Կիրակի օրը տուն մնալ եւ անկողինին մէջ հեշտանալ, երբ անդին իր Փրկիչը խորանին սուրբ սեղանին վրայ կը պատարագուի: Յիսուսը սիրողը Յիսուսի մօտ պէտք է ըլլայ երբ ան կը զոհուի եւ կը բաշխուի: Եկեղեցի երթալը ո՞չ պատահականութեան եւ ո՞չ ալ պարտականութեան արդիւնք պէտք է ըլլայ, այլ՝ սիրոյ ու հաւատքի:

Նոյեմբեր 4

Անդամը կարիքը ունի մարմինին (Ծրճկ. նախորդ թիւին)

Անհատի մը եկեղեցի չերթալը կրնայ արդարանալ եթէ երբեք բանաւոր պատճաններ կան: Օրինակ, եթէ մէկը հիւանդ է, կամ խորունի ծերութեան մէջ է, կամ այլ արդարացի պատճառ մը ունի, անոր չի կրնար պարտադրուիլ որ եկեղեցի յանախէ Կիրակի օրով: Այս պարագայիս, քահանան ի՛նք պէտք է մնայուն կերպով անոր այցելէ: Բայց առանց պատճառի եկեղեցի չերթալը կամ խորիիլ որ մենք կրնանք հոգեւորապէս անիլ առանց եկեղեցի երթալու՝ սխալ է: Անհատ հաւատացեալը Քրիստոսի մարմինին մէկ անդամն է, իսկ Քրիստոսի մարմինը՝ եկեղեցին ի՛նքն է: Անդամը կարիքը ունի մարմինին որպէսզի առաւել եւս անի ու հզօրանայ: Սիրելի՝ բարեկամ, իբրեւ անհատ անդամ, պէտք ունիս Աստուծոյ զաւակներուն բաջալերանքին եւ գօտեպնդումին:

Նոյեմբեր 5

Ենովք Աստուծոյ հետ քալեց

«Եմովք Աստուծոյ հետ քալեց եւ չէր գտնուեր» (Ծն 5.24): Ենովք Աստուծոյ հետ քալեց այնպիսի՝ ժամանակ մը երբ ո՞չ ո՞ք Աստուծոյ հետ կը քալէր: «Աստուծոյ հետ քալեց» կը նշանակէ Աստուծոյ կամեցած կեանքը ապրեցաւ, աստուածպաշտութեան կեանքը: Աստուծոյ հետ քալելը՝ Աստուծոյ կամքը կատարել է, Աստուծոյ հնագանդիլ է: Աստուծոյ հետ քալելը՝ Աստուծոյ համար հանելին եւ ուրախացուցիչը կատարել է:

Իսկ դուն սիրելի՝ եղբայր եւ քոյր, կրնա՞ս քալել Աստուծոյ հետ եւ դէպի Աստուած, երբ ամէն մարդ կը քալէ աշխարհին հետ եւ դէպի աշխարհ։ Կրնա՞ս կատարել Յիսուսի կամքը երբ գիտես որ աշխարհ այդպիսիները կ'անտեսէ եւ «յետամնաց ու յետադիմական», «կամքէ զուրկ մարդ», «տկար մարդ» եւ «ստրուկ մարդ» կը կոչէ։

Նոյեմբեր 6

«Ենովք... չէր գտնուեր...»
(Շրնկ. նախորդ թիւին)

«Ենովք Աստուծոյ հետ քալեց եւ չէր գտնուեր»: Այնքան անկեղծութիւն, այնքան սէր ու մտերմութիւն կար Ենովքին ու Աստուծոյ միջեւ, որ Աստուած որոշեց Ենովքը իր մօտ առնել Ֆիզիքապէս։ Աւանդութիւնը մեզի կը պատմէ թէ մահուան հրեշտակը ուխտ մը կնքեց Ենովքին հետ եւ Ենովք երեք բաներ խնդրեց հրեշտակէն։ 1) Խնդրեց որ վախճանի եւ ետ կեանքի բերուի որպէսզի կարենայ մարդոց ըսել թէ ի՞նչ է մահը։ 2) Խնդրեց որ տեսնէ չարասէրներուն բնակավայրը՝ դժոխքը, որպէսզի գիտնայ թէ ո՞րքան խստի կը չարչարուին անոնք։ 3) Խնդրեց որ տեսնէ դրախտը եւ արդար մարդոց վայելած երջանկութիւնը։ Երբ արտօնուեցաւ իրեն դրախտը տեսնել, ալ անգամ մըն ալ չվերադարձաւ երկիր։

Նոյեմբեր 7

**Ոչինչ կը պատահի Աստուծոյ մարդուն
առանց Աստուծոյ թոյլտուութեան**

«Իմ վրաս ո՛չ մէկ իշխանութիւն պիտի ունենայիր՝ եթէ քեզի վերէս՝ Աստուծմէ տրուած չըլլար» (Յհ 19.11)։ Յիսուս այս խօսքերը արտասանեց երբ կանգնած էր Պիղատոսի առջեւ։ Յիսուս իր այս բառերով կու գայ յեշեցնելու մեզի, որ հաւատացեալներուս կեանքին մէջ ոչինչ կը պատահի առանց Աստուծոյ թոյլտուութեան։ Եթէ Աստուած իշխանութեան գլուխ բերած չըլլար Պիղատոսը, ան պիտի չկրնար հարցաքննել Յիսուսը։ Եթէ Աստուած թոյլ չտայ որ աշխարհ մեզ փորձէ՝ աշխարհ չի կրնար մեզ փորձել։ Բոլոր մարդոց կեանքին մէջ բոլոր պատահածները չեն որ Աստուծոյ թոյլտուութեամբ կ'ըլլան, այլ մի՛այն Աստուծոյ զաւակներուն կեանքին մէջ պատահածներն են որ Աստուծոյ թոյլտուութեամբ կ'ըլլան։

Նոյեմբեր 8

Մենք աւելի՛ հզօր ենք քան աշխարհը

(Ծրճկ. նախորդ քիւին)

Քանի որ առանց Աստուծոյ թոյլտուութեան ոչինչ կը պատահի մեր կեանին մէջ, ուրեմն, հանգիստ ըլլանք եւ մեր խաղաղութիւնը չկորսնցնենք փորձութեանց դիմաց, այն քաջ վստահութեամբ, որ Աստուած թոյլ պիտի չտայ որ մեր կարողութենէն աւելի փորձուինք, այլ փորձութեան մէջ իսկ ցոյց պիտի տայ զայն յաղթահարելու միջոցը, որպէսզի կարենանք տոկալ (Ա.Կր 10.13): Թո՞ղ աշխարհ մօտենայ մեզի իր փորձութիւններով, բայց մենք քաջ գիտնանք որ Յիսուս Քրիստոս՝ յաղթողը փորձիչ Սատանային, մեր կողքին է, մեր մէջն է: Եւ այն Հոգին որ մեր մէջն է աւելի հզօր է քան աշխարհն ամբողջ, կ'ըսէ առաքեալը: Երբ աշխարհի Ստեղծիչը մեզի հետ է՝ ի՞նչ կրնայ ընել աշխարհը մեզի:

Նոյեմբեր 9

Ինչպէս մտնել երկինք

Լաւ է քրիստոնեայ ընտանիքի մէջ ծնած ըլլալը, բայց ո՛չ ո՛ք թող խորհի թէ երկինք պիտի մտնէ լոկ որովհետեւ Քրիստոնեայ ընտանիքի մէջ ծնած է: Կարեւոր է եկեղեցւոյ անդամ դառնալը, բայց ո՛չ ո՛ք թող կարծէ թէ եկեղեցւոյ անդամ դառնալով՝ անդամ դարձած կ'ըլլայ Քրիստոսի մարմինին: Անհրաժեշտ է հաղորդուիլ Տիրոց մարմինով եւ արհինով, բայց ո՛չ ո՛ք թող մտածէ որ Յիսուսի սրբարար մարմինն ու արհինը ստանալով՝ կրնայ սրբացուիլ: Պէտք է բարին գործել, բայց ո՛չ ո՛ք թող ենթադրէ որ բարեգործութեամբ կրնայ արդարանալ Աստուծոյ դիմաց: Կարեւոր է Սուրբ Գիրք կարդալը, բայց ո՛չ ո՛ք թող կարծէ որ ատիկա ապացոյց մըն է որ մենք կը սիրենք Յիսուսը: Յիսուսը սիրողը՝ կը յանձնուի անոր: Երբ մէկը յանձնուի Յիսուսին, թող ամէն մարդ լաւ իմանայ որ այդպիսին համար է երկինքը:

Նոյեմբեր 10

Իսկական աստուածաբանը

ԶԱՍՏՈՒԱԾ նանցող մարդը ո՛չ աստուածաբանն է եւ ո՛չ ալ աստուածաբանութիւն ուսանածը: Իսկական աստուածաբանը Աստուծոյ մասին գիտցողը չէ, այլ Աստուծոյ սիրտը գիտցողն է, Աստուծոյ կամքը գիտցողն ու կատարողն է: Կրնանք գիտնալ Աստուծոյ մասին առանց Աստուծոյ զաւակները ըլլալու: Կրնանք գիրքեր գրել Աստուծոյ մասին առանց որ մեր անունը գրուի կենաց գիրքին մէջ: Ինչպէս նիշդ մարդը այն մարդը չէ որ նիշդը գիտէ, այն մարդն է որ կ'ապրի նիշդը, այնպէս ալ, հաւատացեալ մարդը կամ աստուածաբան մարդը այն մարդը

չէ որ գիտէ թէ Աստուած կայ կամ Աստուած սէր է, այլ այն մարդն է՝ որ կ'ապրի Աստուծոյ սիրալիր ներկայութիւնը իր ամենօրեայ կեանքին ընթացքին:

Նոյեմբեր 11

Հաւատացեալը լուո թող չկենայ

«Աշխարհին վրայ յաղթաճակ տանողը մեր հաւատքն է» (Ա.Յհ 5.4): Ամէն մարդ բանի մը կամ անձի մը կը հաւատայ, բայց աշխարհին յաղթողները կ'ըլլանք միայն անոնք՝ որոնք կը հաւատան Յիսուսին ու կը փարին անոր. անոնք՝ որոնք կը հաւատան խաչո՞վ իրագործած անոր փրկութեան եւ կ'ընդունին այդ փրկութիւնը: Ան որ կը հաւատայ Յիսուսի անկեղծութեամ՝ թո՞ղ անկեղծութիւն արտացոլացնող արե՛ւ դառնայ: Ան որ կը հաւատայ Յիսուսի սիրոյն՝ թո՞ղ դառնայ պատմիչը այդ սիրոյն: Աստուծոյ հաւատացեալ զաւակը լո՞ւո թող չկենայ: Թող վկայէ՛ Յիսուսի մասին ամէն մարդու եւ ամէն առիթով: Զվախնա՞նք մեր փառաւոր Յիսուսը դաւանելու մեղքով խեղճացած մարդոց դիմաց:

Նոյեմբեր 12

Առիթ չտանք Սատանային

«Բնաւ առիթ մի՛ տաք Սատանային» (Եփ 4.27): Նախորդ համարը կը խօսի բարկութեան մասին: Երբ կը բարկանանք՝ առիթ տուած կ'ըլլանք Սատանային մտնելու մեր սրտերէն ներս: Խօսքը դառնութենէ ծնունդ առած բարկութեան մասին է եւ ո՛չ թէ նախանձախնդրութենէ ծնունդ առած բարկութեան մասին: Երբ կը զգանք թէ պիտի բարկանանք եւ մեր բարկութիւնը ատելութեան արդիւնք է, անմիջապէս աղօթքի կենանք: Առիթ չտանք Զարին: Սատանան կարող է չար մտածում մը տալ մեզի, բայց այդ չար մտածումը մեր մէջ ընդունիլը եւ անով մրոտիլը մեր ձեռքն է: Լաւ գիտնանք որ Սատանան ո՛չ կարողութիւնը եւ ո՛չ ալ իշխանութիւնը ունի ստիպելու մեզ մեղք գործելու: Ան պարզապէս կ'առաջարկէ, առաջարկին ընդառաջելը կամ զայն մերժելը մեր ձեռքն է:

Նոյեմբեր 13

Ճշմարիտ հովիւ մը՝ Պողոս առաքեալ

«Միշտ աղօթքներուս մէջ կը յիշեմ ձեզ...» (Եփ 1.16): Աշխարհի մէջ չէ ապրած եւ պիտի չապրի ունեւ եկեղեցական որ Պողոս առաքեալին չափ կամ անկէ աւելի հայրական սէր, գուրգուրանք եւ կապուածութիւն ունեցած

ըլլայ իր հօտին նկատմամբ: Առաքեալը մի՛շտ պայքարած է իր հօտին հաւատքի անման համար: Ան մի՛շտ աղօթած է անոնց սիրոյն առատացման համար: Երբ իր հօտը փորձութիւններէ անցնէր՝ առաքեալը կը տառապէր եւ աղօթով անոնց պատերազմակից կը դառնար: Երբ հօտը ամուր կը պահէր իր հաւատքը՝ առաքեալը անհունօրէն կ'ուրախանար եւ զիրենք կը գնահատէր: Թող եկեղեցականները Պողոս առաքեալէն սորվին հօտը արածել իրենք զիրենք արածելու փոխարէն (Եզ 34.8): Թող սորվին աղօթող ըլլալ հօտի հաւատքի ամրացման համար, փոխանակ կործանելու անոնց հաւատքը:

Նոյեմբեր 14

Հօտը թող յարգէ հովիւր (Ծրճկ. նախորդ թիւին)

Պողոս առաքեալ կապուած էր իր հօտին այո՛, բայց հօտը ի՛նք եւս կապուած էր իրեն: Ամէն անգամ երբ առաքեալը քաղաքէ մը պիտի մեկնէր՝ հաւատացեալները արցունիով զինք նամբու կը դնէին: Այսօր ո՛չ առաքեալին հաւատքը կայ եկեղեցականներուն մէջ եւ ո՛չ ալ անցեալի հօտին յարգանին ու սէրը՝ ներկայ հաւատացեալներուն մօտ: Երկութն ալ նոյնիան մեղադրելի ընթացքի մէջ են: Բացարձակ յարգանի ու պատիւ լաւերուն: Եթէ ներկայ հովիւնները առաքեալէն պէտք է սորվին սիրել հօտը եւ աշխատիլ անոնց հաւատքի անման համար, միւս կողմէն սակայն, թող ներկայ հօտը անցեալի հօտէն սորվի յարգել իր հովիւր եւ նեցուկ կանգնիլ անոր: Եթէ հովիւ մը աչքառու մեղքի մը մէջ իյնայ, ո՛վ ժողովուրդ, բամբասանին մի դիմէք, այլ՝ Քրիստոսի դիմեցէք:

Նոյեմբեր 15

Բամբասողը Սատանային զաւակն է

Ան որ կը զրպարտէ իր եղբայրը՝ իր մեծին աչքը մտնելու համար, այդ անձը չար ու Զարի զաւակ է: Ան որ կը բամբասէ իր նմանը՝ իր մեծաւորին հանութիւնը շահելու համար՝ թող գիտնայ որ ամբողջ երկինքը իրեն հետ ֆէն կը դարձնէ: Ան որ անողորմաբար սուտ կը խօսի իր հաւասարին մասին՝ այն անձը դժոխքին կրակին մէջ անողորմաբար պիտի նենների: Ան որ իր կարգակիցը գետին կը զարնէ որպեսզի ինք բարձրանայ՝ այն մարդը Սատանային մակարդակին իջած կ'ըլլայ: Ան որ չարիք կը խորհի իր եղբօր մասին՝ Սատանային եւ անոր պիղծ ոգիններուն ու դեւերուն բնակարան դարձած կ'ըլլայ: Այսպիսի մէկը մեր հայրերուն կողմէ կոչուած է «իժի ծնունդ», «ոխակալ ուղտ», «շուն» եւայլն:

Նոյեմբեր 16

Ոխակալ մարդը թունալից օճ մըն է

«Ոխակալ մարդը թունալից իժի նման մարդոց միջեւ կը շրջի: Ինչպէս օքը իր մէջ թոյն կը կրէ, այնպէս ալ ոխակալ մարդը իր մէջ նենգութիւն կը սնուցանէ: Անոր միտքը բնակարան է Սատանային: ԱՇ ականջ կու տայ Սատանային հրամաններուն եւ շուտով զանոնի կը կատարէ: Ոխակալը արտաժինով մարդու կը նմանի, իսկ նկարագիրով՝ չար գազանի: Թէեւ հրապարակաւ իրբեւ մարդ կը շրջի, բայց չար դեւին խորամանկութիւնները իր մտքին մէջն են: Եկեղեցի կը մտնէ քրիստոնեայի նման, բայց իր աղօթքները աւելի գարշելի են քան պիղծ զոհերը: Ոխակալ մարդուն աղօթքները Աստուծոյ չեն բարձրանար, որովհետեւ ամ չարութեամբ լեցուն սիրտ ունի եւ յարատեւ նենգութիւն կը խորհի» (Յովհան Մանդակունի):

Նոյեմբեր 17

Սուրբ Հոգիով լեցուն մարդը՝ յաղթող մարդ է

Սուրբ Հոգին է որ մեր պարտութիւնը կը վերածէ յաղթանակի, մեր տկարութիւնը՝ զօրութեան, մեր սուգը՝ միխթարութեան: Սուրբ Հոգին մեր հետ ու մեր մէջ ապրող յաւիտենական Աստուծոն է (Յհ 14.16): Ինչո՞ւ դիմակալենի կեանի փորձութիւնները առանձին երբ մեր երկնաւոր Հայրը Սուրբ Հոգին դրկած է որպէսզի մեր փոխարէն ի՞նք պայքարի: Երբ ներքնապէս լեցուն ենի Սուրբ Հոգիով՝ արտաժին փոթորիկները չեն կրնար տապալել մեզ: Ինչպէս ներքնապէս մաքուր եղող ծառը ամուր կը մնայ մրրիկներու դիմաց, այնպէս ալ ներքնապէս Յիսուսի արիւնով մաքրուած եւ Սուրբ Հոգիով բնակուած մարդը՝ անսասան կը մնայ կեանի աղէտներուն դիմաց:

Նոյեմբեր 18

Փառաւորէ՛ Տէրը եւ ան քեզ պիտի փառաւորէ

Ուրախացո՞ւր Տէրը զինք ընդունելով կեանի մէջ եւ ահա ան քեզի պիտի շնորհէ երկինքի անխառն ուրախութիւնը: Յայտարարէ՛ Յիսուսը իբրեւ թագաւորդ երկրի վրայ եւ ահա ան քեզ իբրեւ թագաւոր պիտի յայտարարէ երկինքի մէջ (Ա.Պտ 2.9): Փառաւորէ՛ զինք եւ դուն իրեն փառակից պիտի ըլլաս: Մեծարէ՛ զինք եւ պիտի մեծարուիս իր կողմէ: Երգէ՛ իրեն համար եւ ան քեզ պիտի դարձնէ երգակից սերովրէներու ու

ֆերովբէներու: Նստեցո՞ւր զինք սրտիդ գահին վրայ եւ ան ֆեզ պիտի նստեցնէ հրեղէն կառֆերու եւ սպիտակ ամպերու վրայ: Զե՞ս ուզեր ընդունիլ ֆեզ ա՛յսան պատուել ուզող Յիսուսը, որ ծնաւ ֆեզի համար, ֆեզ երկինքին մօտեցնելու եւ սիրտդ երկինքի հուրով լեցնելու:

Նոյեմբեր 19

Աստուծոյ մեծագոյն պարգեւը

Մեր երկնաւոր Հօր մեծագոյն պարգեւը իր Որդին է: Որդին որ պարգեւիչն է ամէն պարգեւներուն՝ կը կամենայ բոլոր պարգեւներէն առաջ ինքոյինք պարգեւել մեզի: Սուրբ Հոգին իր կարգին Աստուծոյ պարգեւն է մեզի. պարգեւ մը՝ որ դրկուեցաւ մեզի Որդիին կողմէ, նոյնինքն մեզ Որդիին առաջնորդելու: Պարգեւաբաշխ Որդիէն որեւէ պարգեւ ինդրելէ առաջ, զինք ինդրեցէք իբրեւ պարգեւ, որպէսզի պարգեւը Պարգեւաբաշխէն աւելի փառաւորած չըլլաֆ: Երկրաւոր պարգեւները կը տրուին արժանաւորներուն: Նոյնը չէ պարագան Յիսուս-պարգեւին: Աստուած իր Որդին իբրեւ պարգեւ շնորհելու համար մեզի, չի պահանջեր մեզմէ արժանաւորութիւն եւ վկայականներ, այլ՝ անկեղծ հաւատք եւ կատարեալ վստահութիւն:

Նոյեմբեր 20

Մութ պահերէն՝ աստուածային օրինութիւններ

Մի՛ ընդվզիր փորձութիւններու համար, այլ յիշէ որ անոնք առիթներ են հասնելու համար աստուածային օրինութիւններու: Ինչպէս մութ ու մոայլ ամպերուն ետին կը կանգնին օրինաբեր զուրերը, այնպէս ալ կեանքիդ մութ օրերուն ետին աստուածային օրինութիւններ կան կուտակուած: Ըստած է. «Պողատու ծառն է որ կը քարկոծուի»: Նայի՛ր ծառին երբ կը քարկոծուի. ան չ'անհծեր եւ ո՛չ ալ կը հայինյէ: Ան զինք քարկոծողին իր պտուղը կը թափէ: Եթէ մարդիկ աններողամտութեան քարերով մեզ կը քարկոծեն, մենք պատրաստ ըլլանք մեր ներողամտութեան պտուղները թափել անոնց վրայ, քաջ գիտնալով որ Աստուած այդ պտուղներուն փոխարէն հարիւրապատիկը եւ հազարապատիկը պիտի շնորհէ մեզի:

Նոյեմբեր 21

Յիսուս բոլորին համար է

Հոռմայեցի հարիւրապետին ծառային բժշկութեան դրուագը ծանօթ է բոլորիս (Մտ 8.1-13): Այս հարիւրապետը որ աղաչեց Յիսուսին որ իր ծառան բժշկէր՝ հեթանոս մըն էր, կ'ապրէր Կափանառումի մէջ եւ պատախանառուն էր Հոռմայեցի զինուորներու այն բանակին որ հաստատուած էր Կափանառումի մէջ: Այո՛, Հրեաներուն կողմէ ատուած թշնամի հեթանոս մըն էր, բայց Յիսուսի կողմէ սիրուած մէկը՝ իր ցուցաբերած հաւատքին համար: Յիսուս բժշկեց անոր ծառան եւ սորվեցուց անոր եւ բոլոր Հրեաներուն որ պէտք է սիրել թշնամիները: Յիսուս իր այս վերաբերմունքով սորվեցուցած եղաւ բոլորիս, որ ինք պատրաստ է ընդունելու ոնեւ մէկը որ հաւատքով կը մօտենայ իրեն եւ իր օգնութիւնը կը խնդրէ, առանց ցեղի, ազգի եւ կրօնքի խտրութեան:

Նոյեմբեր 22

Աղօթենք բոլորին համար (Երնկ. նախորդ քիւին)

Հոռմայեցի հարիւրապետը իր զաւակին կամ այլ մէկ հարազատին համար չէր որ բժշկութիւն կը խնդրէր Յիսուսին, այլ՝ իր ծառային համար: Եթք մենք բան մը կը խնդրենք Աստուծմէ մեզմէ աւելի տկարին համար, ինկածին ու աղքատին համար, Աստուած ուրախութեամբ կը պատախանէ: Այդ ծառան Հոռմայեցի հարիւրապետին ծառան ըլլալէ առաջ, Աստուծոյ ծառան էր: Եթէ հարիւրապետը հաւատքի տէր մարդ էր եւ եթէ ան կը սիրէր իր այս ծառան, յստակ է ուրեմն որ ծառան իր կարգին հաւատք ունէր հանդէա Աստուծոյ: Հոռմայեցի հարիւրապետէն սորվինք աղաչել եւ աղօթել խոնարհ դասակարգին պատկանող մարդոց համար: Յիսուս սիրով կը պատախանէ մեր աղօթքին, որովհետեւ ինք նիշդ այդպիսի մարդոց համար է որ աշխարհ եկաւ եւ պիտի գայ:

Նոյեմբեր 23

Մարիամ եւ Յուդա Իսկարիոտացի

Յիսուս Բեթանիա եկաւ եւ հիւրընկալուեցաւ իր սիրելի բարեկամին՝ Ղազարոսին կողմէ (Յհ 12.1-8): Ղազարոսին քոյրը՝ Մարիամ ընթրիքի ատեն «շիշ մը ազնիւ եւ սուղ նարդոսի իւղ առնելով՝ օծեց Յիսուսի ուրիշը եւ իր մազերով սրբեց զանոնք»: Իր ըրածը մեծ գնահատանքի արժանի էր: Բայց աշակերտներէն ոնեւ մէկը բերանը չբացաւ: Միակ անձը որ իր բերանը բացաւ մատնիչ Յուդան եղաւ: Ան առարկեց որ իւղը կրնար երեք հարիւր արծար դահեկանի ծախուիլ եւ աղքատներուն տրուիլ: Մարիամին համար իր ըրածը Յիսուսը պատուելու կերպ մըն էր, իսկ Յուդային համար կատարուածը պարզապէս մսխում էր: Մարիամին

ըրած բարիքը Յուդային հայեացքով չարիք մըն էր: Աղքատասիրութիւն անունին տակ, ան անձնասիրութեան իր ոգին էր թագուցած:

Նոյեմբեր 24

Մի' ըլլար Յուդա, այլ' Մարիամ (Շրնկ. նախորդ թիւին)

Սյոօր մեր կեանքին մէջ շատ է թիւը թէ՛ Մարիամներուն եւ թէ՛ Յուդաներուն: Որքա՛ն Մարիամներ կան որոնիք իրենց ունեցածին յաւագոյնը կու տան Աստուծոյ փառքին համար. անդին սակայն, կան Յուդաները որոնիք իրենց աչքերը լայնօրէն բացած կը դիտեն Մարիամներուն ըրածները Աստուծոյ եւ իր եկեղեցիին համար, եւ զանոնիք մսիում ու վատնում կը նկատեն: Մարիամ որուն մէկը ուշադրութիւն չէր դարձներ, եղաւ միակ անձը որ իր ամբողջ ուշադրութիւնը կեդրոնացուցած էր Յիսուսին վրայ: Սյոօր, չկա՞ն Մարիամներ որոնիք մարդոց աչքերէն հեռու, թանկագին ծառայութիւններ կը մատուցանեն Յիսուսի: Զգոյշ եղիր Աստուծոյ զաւակները քննադատող Յուդա մը ըլլալէ, որովհետեւ Յիսուս անոնց պաշտպանն է, ինչպէս պաշտպանն էր Մարիամին:

Նոյեմբեր 25

Մահ է բաժինը Յիսուսը հալածողներուն

Հերովդէս ուզեց սպաննել Յիսուսին, բայց հրեշտակին հրամանով, Յովսէփի առաւ մանուկ Յիսուսը եւ Եգիպտոս փախաւ: Աւետիսը շուտով վրայ հասաւ. «Ե՛ղ, ա՛ն մանուկն ու անոր մայրը եւ վերադարձիր հսրայէլի երկիրը, որովհետեւ մանուկը սպաննել ուզողները մեռան» (Մտ 2.20): Սյոօր ալ մարդիկ կան որոնիք կ'ուզեն Յիսուսը սպաննել մեր սրտին մէջ, մեր կեանքին մէջ, որոնիք չեն ուզեր Յիսուսի անունին մասին լսել մեր բերմէն: Այդպիսի մարդոց դեկավարը Սատանան ինքն է: Ինչ որ Տիրոջ հրեշտակը ըսաւ Հերովդէսին համար, նոյնը պիտի ըսէ բոլոր անոնց համար՝ որոնիք Յիսուսը մէշտեղէն վերցնել կ'ուզեն. «Մանուկը սպաննել ուզողները մեռան»: Մի' վախնար, սիրելի՛ հաւատացեալ, քեզ ու սրտիդ մէջ ծնած մանուկ Յիսուսը հալածողներուն վերջը մահն է:

Նոյեմբեր 26

Մի' պայֆարիր, այլ' յանձուիր

«Կեանքը պայքար է» ըստւած է: «Ամեն մարդ կոչուած է պայքարելու» հաստատուած է: Պօղոս առաքեալ ինք եւս կը վկայէ որ մենք պատերազմի մէջ ենք (Եփ 6.12): Բայց պէտք է գիտնանք թէ ինչո՞ւ եւ ի՞նչ բանի համար կը պայքարինք: Փրկութիւն ձեռք ձգելու համար պէտք չէ պայքարիլ եւ աշխատիլ, այլ պէտք է վստահիլ եւ յանձնուիլ: Պայքարը փրկութիւնը ընդունելէ ե'տք է որ կը սկսի: Պէտք է պայքարիլ մեզի տրուած փրկութիւնն ու յաղթանակը չկորսնցնելու համար: Փրկութիւնն ու յաղթութիւնը մարդուն կողմէ մղուած պայքարին արդիւնքը չէ, այլ խաչին վրայ Քրիստոսի թափած արիւնին արդիւնքն է: Մենք չենք կոչուած Զարը պարտութեան մատնելու: Քրիստոս արդէն պարտութեան մատնած է զայն: Մեր կոչումը զայն պարտուած պահելն է մեր կեանքին մէջ:

Նոյեմբեր 27

Ի՞նչ բանի մէջ կը կայանայ Սատուծոյ մեծութիւնը

Սատուծոյ մեծութիւնը չի կայանար իր ամենակարողութեան մէջ, այլ իր ամենահաս սիրոյն մէջ: Սատուծոյ սէրը կը հասնի վիրաւոր բոլոր սիրտերուն: Սատուծոյ մեծութիւնը չի կայանար իր ամենագիտութեան մէջ, այլ անոր մէջ՝ որ ան գիտէ մեր հոգիին վիշտը եւ կը կարեկցի մեզի: Մեծ մարդիկը անոնք են որոնք կարեկցի գիտեն, որոնք իրենց նմանը գետնէն բարձրացնել գիտեն: Յիսուս այդպիսի մեծութիւն մըն է: Ան բարի Սամարացիի անունին տակ, խոնարհեցաւ գետին եւ վեր բարձրացուց զայն մեղքի փոշիէն: Քահանան այդպիսի բան չըրաւ: Քահանան կարգ ունէր բայց սիրտ ու գութ չունէր: Ան նամբան շեղեց ու գնաց, ինք՝ որ կոչումը ունէր ուրիշները նամբու բերելու:

Նոյեմբեր 28

Մեղքի տիրապետութենէն ազատիլ

Մեղք գործողը չէ որ պիտի դատապարտուի, այլ մեղքին տիրապետութեան տակ մնացողը: Քրիստոսի յանձնուած մարդն ալ կրնայ մեղք գործել: Սոաֆինի ու սուրբ մարդը սակայն այն մարդը չէ որ մեղք չի գործեր, այլ այն մարդն է՝ որ կ'ատէ մեղքը ու կը զզուի անկէ: Մեղքը ատող մարդն է որ կրնայ պայքարիլ մեղքին դմէ: Երբ սկսինք մեղքը ատել, կը նշանակէ թէ շատ յառաջացած ենք մեր հոգեւոր կեանքին մէջ: Կրնանք մեր սեփական նիգով ազատիլ որոշ մեղքէ մը կամ որոշ մեղքերէ, բայց բնա՛ւ չենք կրնար ազատիլ բոլոր մեղքերէն: Որոշ մեղքէ մը ազատելով՝ մեղքի տիրապետութենէն ու ազդեցութենէն չէ որ ազատագրուած

Կ'ըլլանք: Մեղքի ստրկութենէն ազատագրուելու համար՝ Յիսուսի պէտք է գալ:

Նոյեմբեր 29

Դէպի խաղաղութիւն փոթորիկներու ընդմէջէն

Յիսուսի նպատակը մեզ խաղաղութեան նաւահանգիստ հասցնելն է այսո՛, բայց իր նպատակին մաս չի կազմեր մեզ հոն հասցնել խաղաղարար միջոցներով: Յիսուս անուրախացուցիչ հանգրուաններէն մեզ անցնելով է որ մեզ կ'առաջնորդէ դէպի երկինքի անպատմելի ուրախութիւնը: Երկինքի նամբան դիւրին չէ բայց տանելի է: Տանելի կը դառնայ երբ մեր մտքին մէջ ունենանք երկինքի անսահման երջանկութեան հեռանկարը: Ինչպէս գիշերային մութին կը յաջորդէ պայծառ առաւօտը, այնպէս ալ մեղքի խաւարով լեցուած այս աշխրահին պիտի յաջորդէ երկինքի փառքին նառագայթումը, եւ Գաննուկին լոյսը պիտի զեղու հոգին ու սիրտը ամէն հաւատացեալի որ սէր ունի հանդէպ Աստուծոյ:

Նոյեմբեր 30

Յաղթութիւնը պատերազմի չհանդիպիլը չէ

Աստուած կը խոստանայ յաղթութիւն, բայց այդ յաղթութիւնը չի պարգևեր մէկու մը որ իր առջեւ պայքարի դաշտ տեսնելու փոխարէն, կ'ուզէ տեսնել շուշաններով ծածկուած մարգագետիններ: Յաղթութիւնը հոգեւոր պատերազմի չհանդիպիլը չէ, այլ հանդիպելէ ետք, անկէ յաղթականօրէն դուրս գալն է: Երբ դադրինք Յիսուսի դէմ պատերազմելէ եւ զինք դարձնենք պատերազմակից մեզի, իրմով կը դառնանք յաղթող դժոխքին եւ անոր դոնապանին՝ Սատանային դէմ: Աշխարհասէրները զինուրներն են Սատանային, իսկ աստուածասէրները զինուրներն են Քրիստոսի: Իբրեւ Քրիստոսի զինուրները, մենք ունինք մշտարթուն եւ ոխակալ թշնամի մը՝ որ Սատանան ինքն է: Քանի մեր թշնամին ոխակալ մէկն է, ուրեմն, միշտ ակնկալենք պատերազմի հանդիպիլ:

Դեկտեմբեր 1

Ընդունինք մենք զմեզ

Աստուծոյ շնորհքին ներգործութիւնը կ'ապրինք եթէ պատրաստ ըլլանք ընդունելու մենք զմեզ: Երբեք չենք կրնար զգալ ընդունուած եթէ ընդունինք մենք զմեզ: Ընդունուիլը ուրիշ բան է, ընդունիլ մեր

ընդունուած ըլլալը՝ ուրիշ բան: Անհրաժեշտ է ընդունիլ որ Աստուած մեզ ընդունած է իր Որդիին միջոցաւ: Երբ ընդունինք մեր ընդունուած ըլլալը՝ այն ատեն միայն կրնանք ընդունիլ մենք զմեզ եւ ուրիշը: Սատանան յանախ մեզի կը յիշեցնէ մեր տկարութիւնները որպէսզի մեզ առաջնորդէ յուսալքութեան, եւ որպէսզի ենթադրեցնել տայ մեզի, թէ՛ Աստուած մեզի պէս տկարները չ'ընդունիր: Նման պարագայի, մենք ալ, Սատանային յիշեցնենք որ Յիսուս Քրիստոս մեր բոլոր տկարութիւններն ու մեղքերը իր վրայ առաւ եւ զանոնք խաչափայտին վրայ գամեց:

Դեկտեմբեր 2

Աղօթքը մեզմէ դուրս կը շպրտէ դժոխքի վախը

Երբեմն մարդիկ կ'աղօթեն պարզապէս որովհետեւ կը վախնան դժոխքէն եւ ո'չ թէ որովհետեւ զԱստուած կը սիրեն: Եթէ դուն այնպիսի աղօթող մըն ես, շարունակէ աղօթել այն վառ հաւատքով եւ սպասումով, որ Աստուած կարող է ներսիդիդ գոյութիւն ունեցող դժոխքի կամ Աստուծոյ վախը, փոխել սիրոյ եւ վստահութեան: Յարատեւ աղօթէ՛ եւ պիտի ձերբազատուիս դժոխքի վախէն ու փարիս Յիսուսի սիրոյն: Որքան ֆիչ աղօթենք այնքան շատ կը վախնանք եւ որքան շատ աղօթենք այնքան ֆիչ կը վախնանք: Աղօթքը մեզ կը լեցնէ արիութեան հոգիով: Աղօթքը կը փարատէ մեր սրտէն ամէն կասկած եւ զայն կը լեցնէ վստահութեան շունչով: Աղօթող մարդը Աստուծոյ թեւին տակ մտած կ'ըլլայ: Աստուծոյ թեւին տակ յաւիտենական ապահովութիւն կայ:

Դեկտեմբեր 3

Բոլորս չենք կոչուած հրաշք գործելու բայց բոլորս կոչուած ենք սուրբ ըլլալու

Աստուած իր սուրբերը պատուելու համար կրնայ հրաշք գործելու պարգեւ տալ անոնց: Հրաշք գործելը սակայն պայման չէ սուրբ ըլլալու համար: Յովհաննէս Մկրտիչ թէեւ հրաշք մը չգործեց բայց սուրբ էր: Բոլորս կոչուած ենք սուրբ ըլլալու, բայց բոլորս չենք կոչուած հրաշք գործելու: Հրաշագործութիւնը Սուրբ Հոգիին պարգեւներէն մէկն է (Ա.Կր 12.10) որ ամէն հաւատացեալի կրնայ չտրուիլ (Ա.Կր 12.29): Յիսուսի արիւնով մեր մեղքերէն սրբուիլն ու սրբացուիլը շատ աւելի՞ն կ'արժէ քան Յիսուսի անունով հրաշքներ գործելը: Աստուծմէ հրաշագործութեան պարգեւ խնդրելէ առաջ նախ սրբութեան կեանք մը ապրելու շնորհքը խնդրեք: Սրբութեան կեանք ապրիլ կարենալու համար պէտք է հրաւիրենք Յիսուսը իր կեանքը ապրելու մեր կեանքերուն մէց:

Դեկտեմբեր 4

Առանձինդ պիտի կանգնիս Յիսուսի առջեւ

Երբ որոշ մեղքի մը մասին խօսուի եւ ֆեզի պատուիրուի որ այդ մեղքը չգործես, մի' առարկեր թէ բոլորը նոյն մեղքը կը գործեն: Ճի՛շդ է որ «բոլոր» կրնան նոյն մեղքը գործել, բայց յիշէ՛ որ երբ դուն Քրիստոսի առջեւ կանգնիս՝ առանձինդ պիտի կանգնիս եւ ո՛չ թէ բոլորին հետ: Դուն ֆեզ միս մինակ պիտի զգաս թէ՛ դատաստանին օրը եւ թէ՛ դժոխքին մէջ: Մի՛ ըսեր թէ ամբողջ աշխարհը մեղք կը գործէ, այլ յիշէ՛ առաքեալին խօսքը. «Թէպէտ ամբողջ աշխարհը Զարին ենթակայ ըլլայ, մենք գիտենք թէ Աստուծմէ եմք» (Ա.Յհ 5.19): Նոյի, Ենովքի, Եղիայի, Դանիէլի եւ ուրիշ շատ մը սուրբերու ժամանակակից բոլոր մարդիկը անաստուած էին, բայց անոնք իրենք զիրենք մաքուր պահեցին անոնց մէջ: Անոնք կը նմանէին տիղմի մէջ նետուած փայլող ադամանդներու:

Դեկտեմբեր 5

Ուրիշին հետ դժոխքին մէջ ըլլալը միխթարական չէ

Ոմանք կը խորհին թէ դժոխքին մէջ ուրիշներուն հետ ըլլալը միխթարական երեւոյթ է: Ասիկա Սատանային կողմէ մեր մէջ դրուած մտածում է: Ըսէ՛ ինձի, սիրելի բարեկամ, միխթարուած պիտի զգայի՞ր եթէ սիրասուն զաւակներդ ֆեզի հետ միասին տեսնէիր դժոխքին մէջ: Պիտի ուզէի՞ր գործընկերիդ, դրացիդ, բարեկամիդ, հարազատներուդ կողմէ տեսնուիլ դժոխքին մէջ: Մանաւանդ, ենթադրէ պահ մը որ երկրի վրայ ունիս ոխերիմ թշնամի մը որ ֆեզ կ'ատէ իր ամբողջ սրտով, պիտի ուզէի՞ր որ ֆեզ դժոխքին մէջ տեսնէր: Թշնամիներուդ կողմէ դժոխքին մէջ տեսնուիլը ֆեզ աւելի պիտի չայրէ՞: Հարազատներուդ հետ դժոխքին մէջ ըլլալը ֆեզ աւելի պիտի չտանցէ՞: Եթէ երբեք դժո՛խք է սիրելիներուդ հետ չըլլալը, ո՛րքան աւելի դժո՛խք է Յիսուսի հետ չըլլալը: Արդարեւ, դժոխքը Յիսուսի հետ չըլլալն է:

Դեկտեմբեր 6

Աղօթքը հաւատացեալին մեծագո՛յն գործն է

Շատե՛ր կը խորհին որ աղօթող մարդիկ անգործ մարդիկ կ'ըլլան: Այդպէս մտածողներուն կը յիշեցնեմ, որ իսկական գործողները աղօթողները իրե՛նք են: Աղօթողները մարդկութեան բարեգործներն ու

բարերարներն են: Աղօթողները երկինքը գործի մղողներն են: Աղօթողները երկինքի հրեշտակները շարժումի մէջ դնողներն են: «Աղօթքը գործ է: Աղօթքը հաւատացեալին մեծագոյն գործն է, առաջնահերթ գործն է, ամենէն դժուարին գործն է: Աղօթքը ուզմիկի՝ գործ է: Պատերազմի ճակատին վրայ, առաջին գիծին վրայ կոռուղ, փամփուշտ ու նետ արձակող զինուրի՝ գործ է: Սատանային բերդապարիսպները դղրդացնող, խախտող ու խորտակող թնդանօթն է աղօթքը» (Ժագ Ս. Յակոբեան):

Դեկտեմբեր 7

Երկինքը գիրք մըն է որուն յառաջաբանը երկիրն է

Երկրաւոր կեանքը կը հանդիսանայ նախօրեակը երկնաւոր կեանքին: Երկինքի երջանկութեան նախանաշակը երկրի վրայ է որ կը ստանանք: Ինչպէս գիրք մը ունի իր յառաջաբանը, այնպէս ալ երկինքը ունի իր յառաջաբանը որ երկիրն է: Եւ ինչպէս գիրքի մը յառաջաբանը կը պարզ մեզի ամբողջ գիրքին մօտաւոր բովանդակութիւնը եւ կը գիտցնէ մեզի թէ ի՞նչ բաներ պիտի պարունակէ գիրքը, նոյնպէս ալ, երկրի վրայ ապրած մեր կեանքը, բացայայտ կը դարձնէ թէ մենք մահէն ետք ինչպիսի՝ բովանդակութիւն ունեցող երկինք մը կամ դժոխվ մը պիտի առնուինք: Մահը երկրի կեանքը երկինքի կեանքին օղակող կամուրջն է: Մահը մեզ Անտեսանելիին բաղցը տեսութեան կը տանի եթէ երբեք զինք տեսնելու փափաքը վառ եղած է մեր մէջ երկրի վրայ:

Դեկտեմբեր 8

Երկինք չերթանք պարապ ձեռքերով

Երկինք երթալէ առաջ պէտք է հոն դրկենք մեր հաւատքը՝ իբրև նախակարապետը մեր անձերուն: Երկինքի մէջ վարձատրութիւն ակնկալելէ առաջ՝ նախ պէտք է մեր բարի գործերը հոն դրկենք՝ իբրև ապացոյց մեր հաւատքի կենդանութեան: Երկինքի անպատմելի սէրը ըմբոշինել մտածելէ առաջ՝ նախ ջանանք մեր սիրոյ բուրմունքը բարձրացնել դէպի երկինք: Երկինքը պարապ ձեռքերով կը ստացուի բայց պարապ ձեռքերով չի մտցուիր: Այլ խօսնով, փրկութեան տիրանալու համար, մենք մեր բարի գործերը չեն որ պէտք է ներկայացնենք Յիսուսին, այլ՝ մեր հաւատքն ու փափաքը, մեր սէրն ու վստահութիւնը: Յիսուսի շնորհով փրկութեան տիրանալէ ետք է որ գործը կը սկսի: Մենք չենք գործեր փրկութիւն ստանալու համար, այլ կը գործենք մեր ստացած փրկութիւնը չկորսնցնելու համար:

Դեկտեմբեր 9

Ամէն ինչ ցոյց տուող հայելին

Երանի թէ Աստուած իւրաքանչիւր մարդու սրտին վրայ դրած ըլլար հայելի մը, որ կարենար ցոյց տալ մարդուն սրտին ներքին ծալքերը եւ հոգիին ամէնէն խորունկ տեղերը, եւ որքա՛ն պիտի զարմանայինք տեսնելով անշափ դառնութիւն, եսասիրութիւն ու նախանձ այդտեղ: Նման հայելի մը առայժմ չկայ: Բայց լաւ իմացիր սիրելի ընթերցող, որ այդ հայելին հանդէս պիտի գայ դատաստանի օրը, անհամար թիւով մարդոց ներկայութեան: Այդ հայելին Քրիստոսի դատաստանն է: Երբ մարդոց միջեւ երեւնանք՝ կրնանք ծածկել մեր նկարագիրը: Երբ մարդոց հետ խօսինք՝ կրնանք խեղաթիւրել նշմարտութիւնը: Բայց երբ կանգնինք ամենատես ու ամենագէտ Դատաւորին առջեւ, հոն ալ արդեօֆ պիտի համարձակի՞նք սուտով ծածկել նշմարտութիւնը, կամ պիտի յաջողի՞նք սիրոյ սաւանին տակ ծածկել ատելութեան մաղաք:

Դեկտեմբեր 10

Մեր աշխատանքները պիտի չմոռցուին

Ան որ կը գիտակցի թէ ինք Աստուծոյ ծառան է, եւ հետեւաբար, իր մատուցած ծառայութիւնները Աստուծոյ մատուցուած ծառայութիւններ են, այդպիսին բնաւ չի նեղուիր եթէ իր գործերը աննկատ ու աննշմար անցնին: Հաւատացեալ մարդը կրնայ իր տարած աշխատանքին արդիւնքը ինք անձամբ չտեսնել, բայց անոնց վարձատրութիւնը անպայման պիտի տեսնէ: Անոր անունը կրնայ գիրքերու մէջ չգրուիլ, բայց անկասկած պիտի գրուի Կենաց Գիրքին մէջ: Մարդիկ թող ծափահարեն ինկած կառոյցները վերականգնող մարդիկը, իսկ դուն օգնէ մեղքի մէջ ինկած մարդոց՝ դուրս գալու մեղքի փոսէն, եւ ամբողջ երկինքը ֆեզի համար պիտի ծափէ:

Դեկտեմբեր 11

Հոգեւոր պայքարը մեզ արթուն կը պահէ

Հաւատացեալ մարդուն կեանքը պայքարի կեանք է: Վերցուցէ՛ք բոլոր տեսակի պայքարներն ու փորձութիւնները հաւատացեալին կեանքէն, եւ պիտի տեսնէք թէ անոր հաւատքի ու աղօթքի կեանքը պիտի թուլնայ: Հոգեւոր պայքարներն են որ մեզ մշտարթուն եւ նակատի վրայ կը պահեն: Երբ ամէն կողմէ հանգիստ ենք, կրնանք թմրիլ եւ բնանալ: Բայց երբ

հոգեւոր պատերազմի մէջ ենք, մեզմէ ոեւէ մէկը քնանալու մասին չի մտածեր: Մեզմէ ո՞վ առիւծներով, օձերով եւ կարիճներով լեցուն անապատէ մը կ'անցնի առանց զգուշութեան եւ կատարեալ արթնութեան: Ներկայ աշխարհն ալ անապատ մը չէ: Աշխարհի անապատին առիւծը Սատանան է որ մէկը կը փնտոէ որպէսզի կլլէ (Ա.Պտ 5.8), իսկ անոր պիղծ դեւերը՝ կարիճներ ու օձեր են, որոնցմէ անհունօրէն պէտք է զգուշանալ, որովհետեւ անոնք իրենց մահացու թոյնը թաքցուցած են:

Դեկտեմբեր 12

Զգուշանանք սխալ դատողութիւններէ

Մեր սխալ դատողութիւններն ու ենթադրութիւններն են որ մարդիկը մեզմէ կը հեռացնեն եւ մեզ՝ մարդոցմէն: Կրնայ մէկը բարի իմաստով ու բարի նպատակով խօսք մը ըսել կամ գործ մը կատարել, մենք սակայն կրնանք զայն սխալ հասկնալ կամ անոր ըրածը սխալ թարգմանել: Որքա՛ն կարեւոր է սիրով եւ հաշտութեան ոգիով լեցուն սիրտ մը ունենալ: Նման սիրտ ունեցող մարդը սխալ մեկնութեան չ'ենթարկեր այն ինչ որ նիշդ ու բարի նպատակով կը կատարուի կամ կ'ըսուի: Դրական հոգիով ըսուած խօսք մը երբ բացասականօրէն կը հասկնանք, կը նշանակէ թէ դառնութեան հոտ մը կայ մեր ներսիդին որմէ պէտք է ձերբազատիլ: Երբ անձ մը կատարուած ամէն արարք եւ ըսուած ամէն խօսք ժխտականօրէն կը հասկնայ՝ կը նշանակէ թէ այն անձը երբեք ներքին խաղաղութիւն չի վայելեր:

Դեկտեմբեր 13

Իսկական քարոզիչը

Քարոզիչ մը պէտք է գիտնայ որ իր քարոզը չէ որ կը փոխէ մարդոց սիրտը, այլ՝ Սուրբ Հոգին: Սիրով չպատրաստուած քարոզ մը ո՞չ սիրով կ'ընկալուի եւ ո՞չ ալ սիրով կը լցնէ ումենդրողին սիրտը: Քարոզիչ մը որպէսզի կարենայ ուրիշը համոզել, ուսումի պէտք չունի, այլ՝ Սուրբ Հոգիին օծութեան: Քարոզիչ մը մոլորեալներու դարձուցիչ ըլլալու համար պէտք չունի նարտասան ըլլալու, այլ՝ վերածնեալ ըլլալու կարիքը ունի: Մարդիկը երկինքի արքայութեան զաւակ դարձնողը բարի աւետիսն է եւ ո՞չ թէ աւետաբերը: Ինչպէս աղտոտ պնակը մաքրողը սպունգը չէ, այլ սպունգին մէջ դրուած տաք ջուրն ու դեղն է, այնպէս ալ մարդոց հոգիներէն մեղքի աղտը վերցնողը քարոզիչը չէ, այլ Սուրբ Հոգիին կողմէ քարոզիչին մէջ դրուած Աստուծոյ կենսատու խօսքն է:

Դեկտեմբեր 14

Դժուար թէ նանչնանք մեր անձերը

Մարդ պէտք չէ համարակի ըսելու թէ ինքզինք լաւապէս կը նանչնայ: Մի՛այն Աստուած մեզ լաւ կը նանչնայ: Մի՛այն Արարիչը կը նանչնայ իր արարածին սրտին ներքին ծալքերը: Ո՞վ գիտէ թէ որքա՛ն նախանձ եւ հպարտութիւն կայ մեր սրտին մէջ եւ մենք տեղեակ չենք: Անոնք հանդէս կու գան երբ առիթը բացուի միայն: Չ'ըսենք թէ կը նանչնանք մեր անձերը, այլ խոնարհաբար խնդրենք Յիսուսէն, որ մեր անձերը նանչցնէ մեզի եւ ազատէ մեզ մեր տկարութիւններէն: Եթէ դժուար է նանչնալ մեր անձերը, որքա՛ն աւելի դժուար է նանչնալ մեր նմանները: Եւ ասիկա պատճառ կ'ըլլայ որ մենք յանախ յուսախար ըլլանք ուրիշներէն եւ յուսախար ընենք ուրիշները: Մէկէ մը կրնանք լսենք բան որ չէինք ակնկալեր իրմէ լսել եւ յուսախար կ'ըլլանք, եւ փոխադարձաբար:

Դեկտեմբեր 15

Աստուծմով պայքարինք Սատանային դէմ

Մենք կարիքը ունինք Բարիին որպէսզի կարենանք դէմ դնել Զարին: Սատանան աստուածասէրներուն դէմ է որ կը պատերազմի, հետեւաբար, անոր պատերազմը Աստուծոյ դէմ ուղղուած պատերազմ մըն է: Մեր կողքին ունենալու ենք աներեւելին Աստուած որ բնա՛ւ չի ննջեր եւ չի՛ մրափեր, այլապէս պիտի չկարենանք կանգուն մնալ Սատանային արձակած աներեւելի նետերուն դէմ: Աղօթքով զԱստուած մեզի պատերազմակից դարձնենք: Աղօթքով հրեշտակները մեր շուրջ դնենք իբրեւ ցանկապատ: Աղօթքով մեր դատը դնենք անպարտելի ու անհականուելի մեր Փաստաբանին ու Բարեխօսին ձեռքերուն մէջ: Աղօթելը Աստուծոյ վստահիլ է, իսկ Աստուծոյ վստահող մարդը՝ յուսախար պիտի չըլլայ:

Դեկտեմբեր 16

Յաղթուէ՛ Յիսուսէն որպէսզի յաղթես Զարին

Եթէ կ'ուզես յաղթել Սատանային, թոյլ տուր որ Յիսուս յաղթէ քեզի: Եթէ կ'ուզես արքայութիւնը ժառանգել, արտօնէ որ Յիսուս սիրուդ ժառանգէ: Յանձնուէ՛ Յիսուսին եւ ան քեզի պիտի յանձնէ իր Հոգին: Վստահէ՛ Յիսուսին եւ ան քեզի պիտի վստահի երկնատուր գործեր: Ծնրադրէ նշմարտութեան Հօրը առջեւ, որպէսզի ծնրադրեցնես առջեւդ ստութեան հայրը՝ Սատանան: Աստուծոյ ամենակալ ու հզօր ձեռքին տակ խոնարհելո՛վ միայն կարելի է վեր բարձրանալ աշխարհի ցեխէն ու մուրէն

վեր: Յիսուսի սկզբն բռնուելով միայն կրնանք չքոնուիլ Սատանային լարած ծուղակներուն մէջ: Առանց Յիսուսին տկա՞ր ես դուն: Առանց Յիսուսին աղքա՞տ ես դուն: Յիսուսով՝ դուն գօրաւոր ես եւ հարուստ:

Դեկտեմբեր 17

Մարդը առանց Յիսուսին ոչինչ է

Մարդուն տիրապետութիւնը այս կեանքին վրայ ամենօրեայ անում կ'արձանագրէ: Մարդը կ'ապշի մարդուն ձեռք ձգած գիտութեան վրայ: Մարդը կը զարմանայ մարդուն իրագործած նուանումներուն համար: Մարդը սակայն ո՛րքան ալ զարգանայ, ո՛րքան ալ բարձրանայ, ո՛րքան ալ գոճրէ ու իրագործէ, թող լաւ գիտնայ, որ բնա՛ւ յաղթող ու նուանող չի կրնար ըլլալ առանց Յիսուսին՝ կեանքի տուիչին ու արարիչին: Ի՞նչ կ'արժէ մեր ամբարած գիտութիւնը երբ կ'անգիտանանք ամենագէտ Աստուծոյ ներկայութիւնը: Ի՞նչ կ'արժէ մեր կատարած գիտական նուանումները երբ նուանուած ենք Զարին ու անոր չար նախանձին կողմէ: Մարդիկ ո՛րքան ալ փորձեն բարձրանալ առանց Բարձրեալին եւ տիրել առանց Տիրողին, ի վերջոյ, պիտի գլորին յաւիտենական անդունդին մէջ:

Դեկտեմբեր 18

«Բարե՛ւ Յիսուս, ես եմ, Ճիմ՛ը»:

Փոքրիկ տղայ մը Ճիմ անունով, ամէն օր երբ դպրոց պիտի երթար, նամբու ընթացքին եկեղեցի մը կը մտնէր եւ քանի մը երկվայրկեան ետք դուրս կ'ելլէր: Հարց տուին իրեն թէ եկեղեցի մտնելով ի՞նչ կ'ընէր: Ան ըսաւ. «Յիսուսին կը նայիմ եւ կ'ըսեմ. – "Բարե՛ւ Յիսուս, ես եմ, Ճիմ՛ը"»: Երբ օր մը Ճիմը ինքնաշարժի արկած ունեցաւ եւ մահացաւ, Յիսուս իսկոյն իրեն երեւցաւ եւ ըսաւ. «Բարե՛ւ Ճիմ, ես եմ, Յիսուսը»: Այսօր Յիսուսին բարեւ տուտղները ֆիչ են: Ժողովուրդը չ'ըսեր թէ «Բարե՛ւ Աստուծոյ է»: Ճիմը հաւատացած էր ժողովուրդի այս խօսքին: Ան ամէն օր բարեւի կը կենար Յիսուսին: Իսկ դուն, սիրելի՝ ընթերցող, ո՞րքան եղաւ որ Յիսուսի բարեւ չես տուած, այլ խօսքով՝ ո՞րքան եղաւ որ աղօթքի չես կանգնած իր առջեւ: Ճիմին բառերը ֆիչ են, բայց անոնց մէջ կայ չերմութիւն եւ անկեղծութիւն:

Դեկտեմբեր 19

Յարատեւ մեղք գործելը անզգայ կը դարձնէ մեզ

Մեղք գործելը, յատկապէս նոյն մեղքը վերստին եւ վերստին գործելը պատճառ կը դառնայ որ մեր խիղճը կորսնցնէ իր զգայնութիւնը։ Օրինակ, հայիոյելը, սուտ խօսիլը կամ շնալը սովորութիւն դարձուցած անձ մը եթէ շուտով չփորձէ ձերբագատի անկէ, անոնք կը միախառնուին եւ կը նոյնանան իր էութեան հետ, եւ ինք նուազագոյն փափաք չ'ունենար հրաժարելու անոնցմէ։ Երբ մեղքէն հրաժարելու փափաք չմնայ մարդուն մօտ, այդ արդէն կը նշանակէ որ մարդուն խիղճը ամբողջութեամբ անզգայ դարձած է։ Խիղճը կրնայ թմրիլ ու քնանալ, կրնայ լոեցուիլ ու կաշկանդուիլ, բայց երբեք չի մեռնիլ։ Մարդուն մահէն ետք, խիղճը կ'արթնեայ իր թմրիրէն եւ կը խզէ իր լոութիւնը։ Խիղճը բռնակալութեան չի հանդուրժեր։ Ժամանակ պիտի գայ երբ ան իր բռնակալ տիրոջ դէմ սաստիկ կերպով պիտի բողոքէ։

Դեկտեմբեր 20

Աստուած չի գթար անգութին

Գթասիրտ ըլլանք բոլորին նկատմամբ որպէսզի գթառատն Աստուած գթութիւն ցուցաբերէ գութի կարօտ մեր հոգիներուն հանդէպ։ Անողորմ մարդիկ թող Աստուծմէ ողորմութիւն չակնկալեն։ Իր նմանին հանդէպ թիրտ եղողը չի կրնար Աստուծոյ քաղցրութիւնը վայելել։ Ներում չկա՛յ աններողամիտ մարդուն համար։ Ոչ միայն պէտք է գթած ըլլալ ուրիշին նկատմամբ, այլև՝ մեր անձերուն նկատմամբ։ Ան որ անգութ կերպով ու տեսակաւոր մեղքերով կը խոցուտէ ինքնիր սիրտը, ան որ անապաշխար ու անզիղ կեանք մը կ'ապրի, այդպիսի մէկը երբ ծանր փորձանքի հանդիպի, այն՝, կրնայ Աստուծոյ դիմել աղօթքով, բայց մէկ բան լա՛ւ թող գիտնայ որ Աստուած պարտաւոր չէ օգնելու իրեն, բայց եթէ կ'օգնէ, կ'օգնէ ի պատասխան հրեշտակներուն եւ սուրբերուն բարեխօսութեան։

Դեկտեմբեր 21

Իրական ուրախութիւնը Աստուծոյ հետ ըլլալն է

Աշխարհը կրնայ ժամանակաւոր կերպով մեզ ուրախացնել, բայց պէտք է յիշել որ այդ ժամանակաւոր ուրախութենէն է որ ծնունդ կ'առնէ յաւիտենական դժբախտութիւնը։ Իրական եւ անանց ուրախութիւնը մեզ Ստեղծող Աստուծոյն հետ ըլլալն ու ապրիլն է։ Դաւիթ մարգարէն խորապէս կ'անդրադառնար այս իրողութեան երբ կ'ըսէր. «Երեսիդ առջեւ լեցուն ուրախութիւն կայ» (Աղ 16.11)։ «Երեսիդ առջեւ», կը նշանակէ ներկայութեանդ մէջ։ Ինչպէս մանուկ մը իր ուրախութիւնը կը գտնէ իր

ծնողին ներկայութեան մէջ, այնպէս ալ մենք, մեր ուրախութիւնը պէտք է տեսնենք Աստուծոյ ներկայութեան մէջ: Կը տեսնե՞նք: Աստուծոյ հետ ըլլալու, աղօթքով Աստուծոյ հետ ժամանակ անցնելու փափաք ունի՞նք: Եթէ ունինք, ո՞րքան զօրաւոր է այդ փափաքը, եւ մնայն՞ւն է:

Դեկտեմբեր 22

Յիսուսին հեռու եղողէն՝ լաւ բան մի' ակնկալեր

Երբեմն մենք զմեզ կը գտնենք այնպիսի՝ երեւյթներու դիմաց որոնք խորապէս կը ցացնեն մեր սիրտը: Կը զարմանանք մեզի հանդէպ մարդոց ունեցած կոշտ եւ անկարեկից վերաբերմունքին համար: Բայց սիրելի՝ եղբայր եւ քոյր, ինչո՞ւ կը զարմանանք. մ'եկը որ իր սրտին մէջ Յիսուսի սէրէն լաթիլ մը չունի, մ'եկը որ բնա՛ւ չէ վայելած ներուած ըլլալու ներքին ուրախութիւնը, ի՞նչպէս կարելի երեւակայել կամ ակնկալել այդպիսի մ'եկէ մը աստուածահանոյ վերաբերմունք: Ի՞նչ բարի ու լաւ բան կարելի է սպասել մ'եկէ մը որուն սպասելիքը աշխարհէն է ու աշխարհային: Ի՞նչ կարելի է ակնկալել մ'եկէ մը որ ակնկալելիք չունի Քրիստոսէ: Միթէ կարելի՞ է ճշմարիտ սէր սպասել անկէ որ ճշմարիտ սիրոյ Աղքիւրէն հեռացած է: Վախցի՛ր անկէ որ Աստուծոյ երկիւղը չունի իր սրտին մէջ: Սիրտդ մի' բանար մէկու մը որ իր սրտին մէջ չէ ընդունած Յիսուսը:

Դեկտեմբեր 23

Դուն թշնամիիդ տունին մէջն ես

Եթէ Քրիստոսի զաւակն ես, մի՛շտ յիշէ որ դուն կը բնակիս թշնամիիդ տան մէջ: Այս աշխարհը Սատանային տունն է: Աշխարհին մէջ սատանայութիւն ընող մարդոց թիւը շատ է: Սատանային տունը եղող այս աշխարհին մէջ ապրող Աստուծոյ մարդը մնայուն կերպով ենթակայ պիտի ըլլայ նեղութիւններու: Ո՞վ հաւատացեալ, մի՛ սպասեր աշխարհէն կարեկցութիւն եւ գութ: Կարեկցութիւն կրնաս գտնել միայն անոնց մօտ՝ որոնք բնակուած են Սուրբ Հոգիով եւ Քրիստոսով դարձած են զաւակները երկնաւոր Հօր: Կրնայ ըլլալ որ դուն թշնամի չես աշխարհին, բայց աշխարհ անպայման քեզի թշնամի է՝ եթէ երբեք Աստուծոյ զաւակն ես: Քանի աշխարհ թշնամի է քեզի, մի՛շտ զգոյշ եղիր եւ արթուն, որովհետեւ որեւէ ատեն կրնաս Սատանային եւ կամ սատանայութիւն ընող մարդոց թիրախը դառնալ:

Դեկտեմբեր 24

Զդատապարտենի տկարը

Մեզ նախատողին նկատմամբ համբերութիւն ցուցաբերելը տկարութիւն չէ: Տկարութիւնը ուրիշներու տկարութեանց չհամբերելն է: Տկարութիւնը մարդկային է, բայց տկարութեան չհամբերելը՝ դիւային: «Տկարութիւնը մարդկային է» խօսքը, մեզ պէտք չէ բաջալերէ մնալու տկարութեան մէջ: Քրիստոս չ'ուզեր որ մենք՝ իր զինուորները, տկար ըլլանի: Տկար զինուորին չի վստահուիր ո՛չ ինքնապաշտպանութիւն եւ ո՛չ ալ այլապաշտպանութիւն: Ինչպէս Քրիստոս չի դատապարտեր մեզ մեր տկարութեանց համար, այլ կ'օգնէ մեզի ձերբազատելու անոնցմէ, մենք եւս նոյն ձեւով պէտք է վերաբերինք մեր նմաններուն հետ: Տկարներուն ներկայութիւնը մեր կեանքերուն մէջ, մեզ պէտք է մղէ կարեկցութեան եւ աշխատանիքի եւ ո՛չ թէ զրպարտութեան եւ բննադատութեան:

Դեկտեմբեր 25

Մեղք գործել սիրելը՝ ըմբռստութիւն է Աստուծոյ դէմ

Ամէն մարդ մեղք կը գործէ բայց մեղք գործել սիրելը ըմբռստութիւն է Աստուծոյ տիրութեան դէմ: Մեղք գործելը Աստուծոյ օրէնքին խախտումն է: Կամաւորապէս եւ սիրայօժար կերպով մեղք գործելը Յիսուսի արեան դէմ գործուած սրբապղծութիւն է: Գիտակից մեղքը Սուրբ Հոգիին ներգործութեան ընդդիմանալ է: Մեղքը դժոխքին բանալին է: Մեղքը դժոխքի կրակին վրայ թափուած քարիւղ է: Ըստւած է. «Ամէն մարդ մեղք կը գործէ»: Նիտակ է այս խօսքը: Բայց ամէն մարդ չի սիրեր մեղքը: Պօղոս առաքեալ կ'ըսէ. «Ատած քամս է որ կ'ընեմ» (Հն 7.15): Թէ ի՞նչ կ'ընէր, կարեւոր չէ, բայց յստակ է թէ այն ինչ որ կ'ընէր՝ մեղք էր: Յիսուս պիտի չդատապարտէ մեզ մեղք գործած ըլլալնուս համար, բայց խստիւ պիտի դատապարտէ մեղքը սիրած ըլլալնուս համար: Հրաժարէ մեղքի սէրէն եւ փարի՛ր Յիսուսի սիրոյն:

Դեկտեմբեր 26

Սէր-ը կը ներէ, բայց չի վախնար:

Եթէ սէր-ը կը ներէ՝ այդ չի նշանակեր որ կը վախնայ: Եթէ սէր-ը կը լոէ անիրաւութեան եւ անարդարութեան՝ այդ չի նշանակեր որ անտարբեր է կամ պատասխան չունի: Եթէ սէր-ը զինք ապտակողին իր երեսը կը դարձնէ՝ այդ չի նշանակեր որ տկար է եւ ինքզինք պաշտպանելու անկարող: Եթէ սէր-ը կը համբերէ ամէն տեսակ տառապանիքի ու նեղութեան՝ կը համբերէ ո՛չ թէ որովհետեւ բան մը չի կրնար ընել, այլ կը

համբերէ, այն յոյսով՝ որ զինք նեղացնող ու անիրաւող եղբայրը դարձի պիտի գայ ու պիտի զղայ: Եթէ սէր-ը մնայուն կերպով կ'օգնէ ու բաշխէ՝ այդ չի նշանակեր որ զայն պէտք է շահագործել: Ան եթէ կ'օգնէ, կ'օգնէ որովհետեւ տալը իր բնութեան մաս դարձած է Աստուծոյ շնորհենք: Աերը կը բարձրացնէ ու միշտ բարձր կը մնայ:

Դեկտեմբեր 27

Համբերութիւնը վստահութիւն է Աստուծոյ հանդէա

Զարչարուիլ եւ համբերել՝ սա վստահութիւն է հանդէա Աստուծոյ: Հանդիպիլ դժուարութեանց եւ համբերել՝ սա հաւատֆի փառաբանութիւն է: Դժուարութեանց համբերող մարդը՝ զԱստուա՛ծ է որ մեծարած կ'ըլլայ: Երբ մարդ կը չարչարուի ու կը համբերէ՝ ապացուցած կ'ըլլայ որ իր հաւատֆն ու յոյսը հանդէա անտեսանելիին՝ կենդանի՛ է, իրակա՞ն է, նշմարի՛տ է: Մարդիկ սովորաբար չեն ուզեր համբերել: Անոնք իրենց տարած աշխատանքին արդիւնքը կ'ուզեն շուտով տեսնել: Իրենց կատարած աղօթքին պատասխանը կ'ուզեն իսկոյն ստանալ: Նոյնիսկ Աստուծոյ զաւակները՝ մեծագոյն հաւատացեալները, վարժ են հարցնելու. «Մինչեւ ե՞րբ պիտի սպասես, սուրբ եւ նշմարիտ Տէր...» (Յշ 6.10): Աստուած աղաղակող իր զաւակներուն «կարճ ժամանակ մը եւս» սպասել կը պատուիրէ (Յշ 6.11):

Դեկտեմբեր 28

Շնորհել կախարդական զօրութիւն չէ

Աստուծոյ շնորհել բաւարար է մեզ փրկելու բայց չի փրկեր առանց մեր գործակցութեան: Այո՛, շնորհել կրնայ փոխել մեր սիրտն ու հոգին, բայց չի փոխեր եթէ մենք չփափաքինք, չկամենանք եւ չխնդրենք փոխուիլ: Շնորհել հրաշալի զօրութիւն է բայց կախարդական զօրութիւն չէ: Եթէ շնորհել փոխէ մեր սիրտն ու հոգին հակառակ մեր կամքին, կը դառնայ կախարդական զօրութիւն եւ ո՛չ թէ աստուածային շնորհել: Երբեմն մարդիկ ապաշխարութեան համար կը ծնրադրեն Աստուծոյ առջեւ եւ կը պահանջեն սրտի յանկարծական այլակերպութիւն: Նման մօտեցում սխալ է: Սուրբ Հոգին սրտի յանկարծական այլակերպութիւն չի պարգևեր: Ան կրնայ յանկարծական նորոգութիւն շնորհել, բայց այլակերպութիւնը՝ ժամանակի ընթացքին է որ տեղի կ'ունենայ:

Դեկտեմբեր 29

Սրբութիւն՝ տառապանքի նամբով

Աստուած կրնայ թոյլ տալ որ փորձի ենթարկուինք, բայց ատիկա չ'ըներ առանց նպատակի եւ անգրօրէն։ Աստուած երբ թոյլ տայ որ հարուածի մը հանդիպինք, նպատակ մը կ'ունենայ, եւ այդ նպատակը մեզ տաշելով սրբեն ու սրբացնելն է, մաքրելով իրեն բնակարան դարձնելն է։ Երբ կը մերժենք փորձութիւններու հանդիպի եւ կ'ընդվզինք անոնց դէմ, մեզի համար Աստուծոյ ունեցած սրբութեան նպատակն է որ խախտած կ'ըլլանք։ Ինչպէս շիկացած երկարը ձեւի կու գայ մուրճի հարուածներուն տակ միայն, այնպէս ալ մարդ արարածը Քրիստոսի նմանութիւնը կը դառնայ, փորձութեանց մրնահարումներուն տակ շիկացուելէ ետք միայն։

Դեկտեմբեր 30

Պատրաստ բաներ կան բայց պատրաստակամութիւն չկայ

Շատերուն մօտ շատ պատրաստ բաներ կան, ինչպէս օրինակ՝ պարգևներ, ձիրքեր, կարողութիւններ, շնորհներ, բայց այս բոլորը ուրիշին օգուտին համար գործածելու պատրաստակամութիւն չկայ։ Շատերուն մօտ դրամը չի պակսիր, բայց զանիկա Աստուծոյ փառքին եւ մարդուն բարիքին համար օգտագործելու պատրաստակամութիւնը կը պակսի։ Ան որ կը կարծէ թէ պատրաստ բաներ չունի եւ թէ ամէն բանէ զուրկ է՝ չարաչար կը սխալի։ Ժպի^թ մըն ալ չունիս չորս կողմդ տարածելիք։ Անոյշ խօսք մըն ալ չունիս գոտեպնդող։ Աստուծոյ համար կարեւորը պատրաստակամ եւ յօժարակամ ըլլալդ է եւ ո՛չ թէ ունեցած «պատրաստ բաներդ»։ Եթէ պատրաստ ու յօժար ես դուն ֆեզ դնելու Աստուծոյ տրամադրութեան ներքեւ, ա՛յն ատեն միայն պիտի տեսնես թէ ինչե՛ր ունեիր որ ուշադրութենէդ վրիպած էին։

Դեկտեմբեր 31

Իրական երկրպագութիւնը

Երկրպագութիւնը Աստուծոյ դիմաց գետին փոռուիլը չէ միայն։ Երկրպագութիւնը առաւօտէն մինչեւ իրիկուն «սո՞ւրը սո՞ւրը» կանչելը չէ միայն։ Երկրպագութիւնը սրբութեան փափաք ունենալն ու այդ փափաքը ուրիշներուն մէջ եւս արթնցնելն է։ Երկրպագութիւնը մեր ունեցած երջանկութենէն ապերջանիկին բաժին հանելն է։ Երկրպագութիւնը մեր վայելած բարիքներէն զրկուածին տալն է։ Երկրպագութիւնը միայն գրպանէն տալը չէ, այլեւ՝ սրտէն։ Մոգերը տուին «ոսկի, կնդրուկ եւ

զմուռս» իսկ մենք ի՞նչ կու տանք: Յիսուս մեզմէ նիւթական ոսկի չ'ուզեր, այլ՝ աննիւթականը՝ մեր սիրտն ու հոգին: Իսկական երկրպագու մը ըլլալու համար, բացարձակ պայման է մեր սիրտը Յիսուսի յանձնելը: Աստուած ի՞նքն է որ իրեն յանձնուած սրտին իրական երկրպագութեան նամբան կը սորվեցնէ: